

წიგნი

III

რედაქციის პრეზიდიუმი  
ილია ჭავჭავაძე  
აკაკი წერეთელი  
ვაჟა-ფშაველა  
ბარბაქაძე

თბილისი, 1986

სარედაქციო კოლეგია:

- მ. ლებანიძე
- ე. მაღრაძე
- მ. მაჰაპარიანი
- შ. ნიშნიანიძე
- ბ. ფანჯიკიძე
- ი. ქიქოძე
- ჯ. ჩარკვიანი
- ს. ცაიშვილი
- ტ. მანუჩარი
- ო. შილაძე

შემდგენლები:



- ჯ. ღვინჯილია
- მ. წიკლაური

მხატვარი

- ჯ. შაველაშვილი

4702170100—018  
K—193—86  
M 601 (08) 86

# რაფიელ ერისთავი



## ასპინძის მკვი

(შეფის ირაკლის მეორის და ოსმალ-ლექთ-შორის 1770 წ.)

### I

ქვეყნად ვეძებდი სამოთხეს, სამხრეთისაკენ ედემსა,  
ევფრატის გაღმა გავხედე გადახრუკულსა ქედებსა,  
აქ ვერ ვხედავდი ევასებრ მშვენნიერებსა დედებსა,  
არც სად ხეხილსა, არც წყალში ამაყსა თეთრსა გედებსა!

შევკრთი, რომ ვნახე ქვეყანა უდაბური და მწირია,  
მოვბრუნდი, მხარი ვიცვალე, ჩრდილოსკენ ვქენი პირია.  
ვიარე, არ შევიმჩნიე მე ჩემი გასაჭირია...  
ან კი რა შეთქმის? — კაცის თავს ვაება დიად ზშირია!

აგერ მოვედი და შევხვდი სანატრელს ნეტარებასა!...  
ვიპოვე იგი სამოთხე, ვინ მოსთვლის ამის ქებასა,  
გადაკიმულა წალკოტად, შახედეთ ღეთისა ნებასა,  
ეს საქართველო ყოფილა — ჰხვედრია ღმრთისა დედასა!..

ორი ზღვის შუა მდებარებს ქართველთა მიწა-წყალია,  
ჰყვავის და ჰყვავის მუდმისად, ყინვისგან დაუმზრალია,  
შიგ ბანოვანნი კეკლუცნი, მტრის თვალმა ჯერ ვერ დალია,  
ვაუ-კაცთ ცალ ხელში ჯვარი აქეთ, მეორე ხელში — ხმალია!..

ვიშ, რა ხალხია, რა ტურფა, რა გულოვანი, მოყვასი,  
უზვი. მხნე, ქრისტეს მორწმუნე, მტკიცე რჯულისა, კისკასი;  
შურით, იქვით და ტოფილით იაა გადმოსცქეპის კავკასი,  
ნოეს კიდობნის მტვირთველიც და ურწმუნონი ათასი!

რა ქვეყანაა, რა ჰშვენის, დამატბობელი სულისა,  
ვაზი ვარდს გადახვევია, გამლალბელი გულისა,  
არ ეკრძალების კავკასის, ღრუბლებით დაბურთლისა,  
ებგურად<sup>1</sup> ჰხადის ამ მთასა ზოგჯერ მიზეზად წყლულისა!..

## II

აქა მეფობდა ირაკლი, გულადი, შეუპოვარი,  
ნამდვილი მეფე ყმათათვის, სიკეთის დამმასსოვარი,  
მის ხელში ყველა ხარობდა: მოხუცი, ძუძუ-მწოვარი,  
არვისთვის ჰშურდა ნაშოვნი, არც მამის დანატოვარი!..

იყო მხნე, დაულავი, ხმალზედ ეკიდა მას ხელი;  
ყველა აქებდა ირაკლის, მტერიც არ ჰყვანდა მძრახველი.  
იყო ქვრივ-ოხრის მფარველი, მამა ობოლთა და ქველი,  
მოძმე, მოყვასი ლაშქართა, — მით ისახელა სახელი!..

ვაი იმ დროსა, ირაკლის მტერი გარშემო ესია,  
ხმლით იგერებდა ბილწებსა, იმათთვის გაულესია,  
დღეს ერთს იფრენდა, ზვალე სხვას დაჰმართის უარესია,  
არ შეარჩენდა არავის, — ეს იყო მისი წესია!..

დააქროლებდა ირმასა პატარა კახი მალადა,  
ერევანს იქით ქურთებსა ხარჯს ახდევინებს ძალადა,  
ნათლისმცემელთან ლეკებსა თავს დაესხმება მკალადა,  
იორზედ მოამბესაცა აღარ გაუშვებს მშრალადა...

მოუბრუნდება ქურთებსა და ერებს გააცილებსა,  
სამგორში ხირიმს დაუშენს, არც ერთს არ დააცილებსა,

<sup>1</sup> ებგური — შორიდან მზევრავი დარაჯი, ანუ ყარაული.

სამაჩაბლოში, კეხისსა, ლეკებს ჩამტერევს კბილებსა,  
და ახმეტაში დაესხმის, სულ აუტირებს შვილებსა!..

რა გაიმარჯვის, მობრუნდის, ცოტა ხანს დაისვენებდის,  
ილალის, იმხიარულის, მოყმით მხარს დაიმშვენებდის,  
გასცემდის, უწყალობებდის, ცოტას არ დააჯერებდის,  
იწვევდის სტუმართ, დიდებულთ, კეთილად მოიხსენებდის.

თუ რომ მეფეს და ქვეყანას მტერი სჭარბობს — გაჭირდება,  
მტერი მძლავრობს, მედიდურობს, მოყვარე კი — გაძვირდება:  
ერთს მოიმხრობს, ითათბირებს, მეორე კი — გიმძიმდება,  
მაშინ გინდა ჭკვა და ფიქრი, — თორემ სევდა გიხშირდება!

იმ დროს მეფეს ოსმალეთი უხდებოდა მეგობრად;  
ლეკები კი — სწორედ რომ ვთქვათ — დადიოდნენ მეკობრად;  
დარჩა მარტო ქირიმ-ხანი, არ ჩააგდებს არაფრად,  
თუ მობრძანდა, პასუხს გასცემს და გამოვლენ ბარიბრადა...

მაშინ მეფე ირაკლისა საქმე ძლიერ დაეცარა,  
ხონთქარი და რუსთ-ხელმწიფა აშლილიყვნენ საომრად;  
ეკატერინას ენება, რომ ირაკლი მოეხმარა  
და იმისთვის ტოტლებენსა იერლიყი! მოსცა ჩქარა.

### III

ღენერალი ტოტლებენი ქრცხინვალს იდგა რუსის ჯარით,  
წინა წელში მოსულიყო, რუსეთიდან, არ მოპარვით,  
ოსმალეებთან შეტაკებას მოელოდა სულთ მწარით,  
აჰა, წიგნი მოუვიდა მეფასაგან მას სიჩქარით.

გადაიკითხა, წამოხტა და ირაკლის მიაშურა,  
ტფილისისაკენ გასწია, მისი ხილვა მოიწყურა,  
კარის კაცნი უწინ ნახა, არავინ არ მოიმდურა,  
მერე იახლა მეფესა, ამბორი დაიმსახურა.

---

<sup>1</sup> იერლიყი — ბრძანება მეფის ქვეშევრდომზე.

მოახსენა: „დიდებულო, მომიყიდა ბრძანებაო,  
ჩემის ძეფის, უძლეველის, ვისიც არ ძალ-მიძს ქებაო,  
მიგიწვიოთ მის მომხრეთა, დამრთეთ, მომეციოთ ნებაო,  
შავებათ ოსმალს, ძირს დავცეთ, ორს ველარ აგვიდგებაო...“

რა მოისმინა ირაკლიმ, შუბლზედ ვადისო ხელია,  
ჩაფიქრდა რაღაც აზრზედა, ვითა შორს დამნახველია,  
და უპასუხა ტოტლებენს: „საქმე სთქვი ჩემდა ძნელია,  
დღეს ურიგდები ოსმალს, — ღალატი რა სათქმელია?..“

მართალია პატივსა-ვცემ, დიდსა მეფას და ძლიერსა,  
ერთმორწმუნე მირჩევნია სხვა სჯულისა სულიერსა,  
მაგრამ მტრები, თქვენ რომ წახვალთ, დამიჩაგვრენ სულმთლად ერსა,  
დააქცევენ საქართველოს და დამსომენ ცარიელსა!..“

აქ ტოტლებენმა ირაკლის ჰკადრა: „რად გვაკლებ ნდობასა?  
ეკატერინა დიდია, მოგფენს თვისს მფარველობასა,  
მტერს მოგაცილებს, ფასს დასდებს შენს ხმალს და ერთგულობასა,  
წყალობას მრავალს მოგიძღვნის, გიზამს დედობას, დობასა!..“

ნუ დაენდობი ურწმუნოს, შენზე ღალატად მოსულსა,  
ან რა ხელს მოგცემს თათარი, თუ არ დაგიფთხოვს ტკბილ ძილსა?  
რისთვის დაინდობს შენს ერსა, იმის საყვარელს ცოლ-შვილსა?  
რა კავშირი აქვს ჯვართანა მაჰმადის სჯულით მოსილსა?..

შევერთდეთ, სიტყვა ირწმუნე ეკატერინა დიდისა,  
ნულარა გჯერა თათრისა, უსჯულოისა, ფლიდისა,  
გაბედე ღვთის გულისათვის, დრო აღარ არის რიდისა,  
ვეძგერნეთ ოსმალს, დავლეწოთ, მანამ ჭკვას მოიმკიდისა!..

ჩაფიქრდა მეფე ირაკლი: კარგია — ბრძანა — მჯერაო,  
ვენდობი უფრო იმასა, ვინც ოსმალს დამამტერაო,  
თუ დამესია უსჯულო, ყოფილა ბედის წერაო,  
ამას ზომ მაინც იტყვიან: „ირაკლიმ მოიგერაო!..“

შევერი ლაშქარსა, ვუბრძანებ, ხმალსა გაიკრან ხელია,  
გასწიონ აწყვერისაკენ, შენც ჯარით იქ მოგვლია,

იქა ვარ შენი მოძმეი, იქა ვარ სისხლის მღვრელია,  
არ გეგონოს კი, უცნობოდ დაერბოდე, როგორც ხელია!..

მშვიდობით!.. ახლა მიბრძანდი, შენც მოამზადე ჯარია...“  
ასე გათავდა თათბირი, როგორც ირაკლი ჩქარია!..  
აქ ტოტლებენმა მადლობით გავლო სასახლის კარია...  
შეიქნა ვაჟ-კაცთ მოწვევა, შეიძრა მთა და ბარია!..

#### IV

იფრინდაები! გაგზავნეს ქართლსა, კახეთს და მთაშია.  
ოსმალ-ლექებზედ იწვევენ არჩეულს ხალხს ლაშქარშია,  
ისინიც აგრე შემოკრბენ, თითქო მოვიდნენ მკაშია,  
მომიღერაიან ბიჭები, მხნეობა ისმის ხმაშია!..

რაზმი და რაზმი დააწყეს, მიუჩინეს უფროსები,  
ცხენოსანი და ქვეითი სუყველანი ვაჟ-კაცები,  
ქართლ-კახეთი, თუშ-ხევსური, არ მოჩანან აქ ოსები,  
მაგრამ ზეით თუ არიან, სადაც იცდიან რუსები.

შეხედეთ ამ ჯარს, მშვენიერს, იმათ მხარ-მკლავსა, ბეჭებსა,  
წითელ გულის-პირს, ყაწიმებს, შალვარში ჩამჯდარს ბიჭებსა,  
ხმალი, ხანჯალი, დამბაჩა, ლექებს არ გააკრიჭებსა,  
თოფი, სიათა, ხირიმი, ოსმალის გულზედ იჭექსა!..

ვინ ვის სჯობია ამათში, აზნაური, თუ გლეხია,  
თავადიშვილი, თუ გლეხი, ყველა მტრისათვის მეხია,  
ამათმა მტერმა ქართლიდან ამოიკვეთოს ფეხია...  
ამათზედ, ვგონობ, არავის ბევრი არ დაუკვებია!..

დაიწყო ჯარი, დაიძრა, გაშალეს დროშა, ალამი,  
ჰკრეს ბუქსა, დაფ-დაფი იკვრის, დიდი რამ, როგორც ხალამი<sup>2</sup>,  
ზურნა, ნალარა, კიჟინი, ვით ასწერს ამას კალამი?..  
მობძანდა მეფე ირაკლიც, ჯარს შემოსძახა სალამი!..

<sup>1</sup> იფრინდა — ჩქარი მოარული.

<sup>2</sup> ხალამი — ქილა.

იარა ჯარმა, ავიდნენ, რუსს ამოუდგნენ მხარშია,  
მეფე ტოტლებენს უღიმის, არ არჩევს თავის ძმაშია,  
გასწიეს ერთად, შევიდნენ ბორჯომის ხეობაშია,  
ირაკლი ჯარებს მიუძღვის, თან ახლავს ექიმბაშია!

გიორგი ბატონიშვილიც იქა ბძანდება ჯარითა,  
აქ ახლავთ ბარათაშვილი, დემურაშვილი დავითა,  
ხატულაშვილი სოლომონ, სოლომონ მეითარიი<sup>2</sup>,  
ამ ვაჟკაცების ყურებით მტერი გასკდება ჯავრითა!..

აგრე იარეს, მივიდნენ, აწყვერს მიადგნენ ციხესა,  
აქ მოდარაჯემ შეუტყო, ციხიდან სროლა იწყესა,  
ჯარი შეჩერდა, მოუსხდა ვინ კლდესა, ვინ ქვას, ვინ ხესა...  
დამშვიდებული ომი სჯობს აჩქარებულ სიფიცხესა.

## V.

სკექს და მოქუხს ზარბაზანი, თოფების ტკაცავ-ტკუცია,  
სამი დღის და ღამის ბრძოლას ციხე ძირს ვერ დაუცია,  
ტოტლებენი მოღრუბლულა, ხმა არვისთვის გაუცია,  
ზოგი იტყვის: „მტრის ენასა ირაკლი თუ გაუცია?..“

დილით მეფეს მოახსენეს უცნაური რამ ამბავი:  
„წუხელ გრაფი აყრილაო, აღარა აქვს ჩვენი თავი,  
ქვევით მიდის ქვიშხეთისკენ, ჯარი მიჰყავს დაუცავი,  
ვა-თუ რამე მარცხი შაჰხვდეს, ვა-თუ დავრჩეთ ჩვენ პირშავი?!..“

რა მოხსენდა ეს მეფესა, შემოიკრა თავში ხელი,  
ზე მოაჯდა თეთრსა მერანს, მოკლე გზა აქვს დასაქსელი,  
გადაიჭრა ბილიკებით დაქანტული, ოფლით სველი,  
წეუძახა: „ღენერალო! მომიცადე, თუ არ მელი!“

ჩაიჭრა და შეევედრა ტოტლებენსა მოწიწებით:  
„ეს რა მიყავ, დალოცვილო, აღარ ვიყავ შენის ქებით,

<sup>1</sup> ივანე ყარაევი.

<sup>2</sup> მეითარი — ხელმწიფის მსლბელი (камергер).



ავრემც ღმერთი გადღეგრძელებს, გამობრუნდი შენის ნებით, ოორემ მტერი დაგამარცხებს, ჩვენც შავრცხვებით, თქვენც წახდებით!

ტოტლებენი მოუბრუნდა, მოახსენა ირაკლისა:

— „მე ჯარებით წამოვედი, ბრძანება მაქვს დედოფლისა, თურმე ოსმალს გაურიგდა, მტერი არ ვართ ოსმალისა, — თქვენ ნუ სწუხართ ჩემთვის, მეფევ, იმედი მაქვს მე უფლისა...“

დაბრუნება ჩემგნით არ ჰხამს, ვერ გავსტეხავ ბრძანებასა. მომიტვევთ, დიდებულო, ვერ მივყვები თქვენს ნებასა, ჩემს ხელმწიფას ეწყინება, მისას ვირჩევ მე ხლებასა. თქვენც გაუძღვებით ოსმალთა, შეისხამთ დიდსა ქებასა.“

ამ სიტყვაზედ ირაკლისა თვალში ცრემლი მოერია, გრავს შესტკერის მრისხანეთა, როგორც ორბი მშვიერია!.. და უთხრა მას: „რა მცყავი?.. რათ დამიღუპე ერია?.. ოსმალთან ვცყავ განწყობით, ახლა კი ჩემი მტერია!..“

შენ არ მიქადდი სიკეთეს, — რუსეთის მფარველობასა?.. რა იქნა შენი თათბირი?.. შენ არ მიქადდი ძმობასა?.. მეც თქვენი კალთა ვირჩიე ურჯულო თათრის ყმობასა.. ახლა რაღა ვქნა, ბედკრულმა, ვეღარ მოვსულვარ ცნობასა!“

„მე რას გავაწყობ, მიბრძანე, ამ რვა ათასი კაცითა? მეტი არ მახლავს, შენც იცი, ვფიცავ მიწათა და ცითა, მე კაცი სადღა შემბრჩება, საქართველოს დაცვითა?... მტრის დევნამ, მოყვრის ღალატმა, გლახ გული ჩემი გაცვითა!..“

მერმე გულმშვიდათ წარმოსტქვა საქართველოს პატრონმა: „იწამე ღმერთი, გარწმუნებ, არ დაგიწუნოს ბატონმა!“ აქ ცალი მუხლი მოდრია მტრისაგანაც მოსაწონმა, ვედრება ბევრი ისმინა, ყოველი სიტყვის ამწონმა..

— „არ შემიძლიან, ხელმწიფევ, — სტქვა ტოტლებენმა, — არაო, ეს არ იფიქრო ჩემზედა, მუხთლობს ან დაიზარაო: თავს ნუ იმცირებ, აბრძანდი, ხვეწნა, ვედრება კმარაო, ჩემს მეფას უნდა ვიახლო, უნდა წავიდე ჩქარაო.“

ამის გამგონე ირაკლი, ზე წამოვარდა მარდათა,  
თეთრსა მოახტა ტაიქსა, მისთვის არ იყო ბარგათა,  
მიაქროლებდა მთა-გორზედ; ეკალი უჩნდა ვარდათა,  
რუსის ჯარისთვის დიდათ სწუხს, გულში ჩაეჭრა დარდათა!..

მობრძანდა თავის ურლოში, ჯარსა ამხნევებს გმირია,  
თვითონ პირისპირ იქ არის, საცა-კი გასაჭირია,  
იძახის: „კაი მაგასა! ზედ დაამტვრიე პირია!..  
თავი მოსჭერით ლეკებსა და ოსმალებსა ცხვირია!..“

შებინდა. ომი შეჩერდა. დრო იყო დასვენებისა,  
ირაკლიმ იხმო სარდლები, ღირსნი თამამად ქებისა,  
ბრძანა: „გაგზავნონ კაცები. ჰქმნან ბატონისა ნებისა,  
შეუტყონ რუსთა, მშვიდობა რომ მეფეს იამებინა...“

მერმე უბრძანა: „ასე სჯობს, თუ კი არა ვარ ფლიდია,  
სულ აიყაროს ჯარები, ეხლავ მცირე და დიდია,  
წინა კაცებმა ასპინძას მტკვარზე აჰყარონ ხილია,  
თორემ ოსმალნი, რომ ვხედავ, ჩვენგნით დღეს მოსარიდია.“

დაიძრა ჯარი ქართველთა, ასრულდა მეფის ბრძანება,  
ასრულდა მისი თათბირი, მისი სურვილი და ნება...  
გათენდა, ვილაც გამოჩნდა, ქარივით მოექანება.  
იძახის: „რუსნი გავიდნენ, არ მისცემიათ რამ ვნება!..“

სამშვიდობოში რუსების გასვლა იამა ირაკლის,  
აწ ხელგაშლითა ბრძანდება, აქ ბევრს აღარას ინაღვლის,  
თითო ჰყავს, ათსა სჯობია, მათით შეავსებს დანაკლისს,  
ოლონდ კი შაჰხვდეს მალე მტერს, ამას ნიადაგ ინატრის...

## VI

ათი-ათასი ოსმალო, ლეკებს რომ ქართლზედ ამტერებს,  
დასდევნებია მეფესა, მოჰსხმია ასპინძის სერებს,  
ქართველთ თარეში იმ დროსვე თურმე მათ სოფლებს ამტვერებს,  
შაჰხვდნენ ოსმალნი და ჰხოცვენ, ირაკლი ძლივსლა აჩერებს!..

ბატონს მოჰხსენდა, რომ მტერი კიდეც მოელის ჯარებსა,  
გარს შამოერთყმის, დაამწყვდევეს, შეუკრავს ტაშის კარებსა,  
ჯარს ამოუწყვეტს, გაჰყუჟავს, მიწას არ მიაბარებსა...  
აგერ მოაწვა კიდეცა, ჯარს დავლით გაახარებსა!..

მოაწვა ლეკი, ოსმალი, გაჰირდა, საქმე ძნელია,  
დასწიეს ქართელის ჯარებსა, ერთ-პირად მიჰყვეს ხელია,  
მეფე გიორგის იბარებს, შველა ჰხამს საქებელია,  
გაჰირდა საქმე, ქართველთა ღმერთილა არის მხსნელია!..

მოიხმო მეფემ ივანე, რომ ახლდა ექიმბაშია,  
უბძანა: „გასწი საჩქაროდ ბატონის-შვილის ჯარშია,  
სთხოვე გიორგის გვიშველოს, აქ ამომიდგეს მხარშია,  
აქ მიჰირს იმისი ჯარი, ქართველთა სისხლის ღერაშია!“.

ივანემ ცხენსა გაქუსლა, მიიჭრა გიორგისთანა,  
გადასცა მეფის ბრძანება, როგორც ჰხამს კარგი ყმისგანა,  
ევედრა: „ბატონიშვილო, მობრძანდი ირაკლისთანა,  
უჰირს მამათქვენს, არ ახლავს მშველელი თქვენი ხმლისთანა!“..

გიორგიმ ბრძანა: „ივანე, მოდი შენც ჩვენთან დარჩიო,  
მერწმუნე, ჩემსა მოყმეში, მე შენ არ გამოგარჩიო,  
ნუ მელრიჯები ამოდ, როგორც ფართლისა ჩარჩიო,  
თუ გაუჰირდა მამაჩემს, მაშინ სხვა უნდა ვარჩიო!“.

გიორგის მხლებმაც შესძახეს: „ივანე, დარჩი ჩვენსაო,  
დახე ჩვენს წყობილებასა, დახე ჩვენს სიმაგრესაო“...  
ივანე გიორგისა სთხოვს: „გაფიცებ მამა თქვენსაო —  
წავიდეთ, თორემ ქართველნი ლამის სულ ამოწყდესაო!“.

„არა, ივანე, აქ დარჩი, კვეიანნი ასე შვრებიან“...  
— „დარჩი აქ“, — სხვებმაც მოსძახეს, — „არა“! რას მეუბნებიან?...  
ირაკლის სახელსა ვფიცავ, ესენიც კარგს არ შვრებიან,  
წავალ და მეც იქ მოვკვდები, სადაც ქართველნი სწყდებიან!..“

ივანემ ცხენსა გაჰქუსლა, მიეჩქარება ერთგული,  
ესმის ხმა ზამბულაკისა<sup>1</sup> და უწუხს ექიმს გლახ-გული,

<sup>1</sup> ზამბულაკი — მეთის მეთი დიდი თოფი.

აგერ ლაშქარიც გამოჩნდა, მებრძოლი, მტერთან შერთული, ნუგეში არა მიაქვს-რა, ამაზედა სწუხს ბედ-კრული!..

ბატონი შემდგარა სერზედა, სარდლები უმშვენებს მხარსა, მტერი მძლავრობს და მოიწევს, ლამის შემოეგრტყას გარსა; აქ ირაკლი მოტრიალდა, გადაჰხედა მთა და ბარსა. მოუბრუნდა ქართველებსა, გადასძახა თავის ჯარსა:

„გამიგონეთ, გულის ძმებო! ოსმალი შემოგვესია, მტერს ზურგი არ დაანახოთ, ეს ხომ ჯაბანთა წესაა, დღეს გვაქვს სიკვდილის ლხინია, გვინახავს უარესია, ეციოთ გულ-და-გულ, მაგათვის ჩვენ ხმალი გაგვიღესია!..

რომ დავმარცხდეთ, რა იქნება? — ვერ მოუვალთ ჩვენსა ქალებს, პირშავეები, შერცხვენილნი, სად გავახელთ მაშინ თვალებს?.. ქართველის ქალი, მართლად მწყურალი, ისევ ჩვენზედ ივალალებს სჯობს ამოვწყდეთ, ვაწეწინოთ ჩვენზედ თმანი, იმ მაღალეებს!'

გავსწყდეთ, ძმებო, სჯულისათვის, მამულისთვის სისხლი ვსთხიოთ, შემწით ჩვენის სიმართლისთვის, — მაღლით ღმერთი მოვიწვიოთ, ვეცნეთ მტერსა, დავერივნეთ, დავიფრინოთ, ხმლითა ვსდიოთ, მეც თქვენში ვარ, თოფი მკარით, თუ სისუსტე შემამჩნიოთ!.

გამიგონეთ, გულის ძმებო! მოისმინეთ ჩემი აჯა, ეკვეთენით მაგ ჩვენსა მტრებს, გაამხნევეთ თქვენი მაჯა, მამულისთვის დახოცილთა, ღმერთმა ნეტარება ჰსაჯა, აბა, ძმებო, კაი მაგათ!.. ღმერთმა თქვენს მკლავს გაუმარჯვა!“..

— გავსწყდეთ! — შესძახეს ჯარშია, — ვეცნეთ ოსმალს დაღალულსა, დავერივნეთ, — იძახიან, — თუ გვხედავენ დაძალულსა? „დედა შეირთოს ცოლადა, ვინც უღალატოს მამულსა! ვინც არ იბრძოლოს ვაჟ-კაცად, — ლაჩარსა ჰგვანდეს მალულსა!..“

„დავერივნეთ! გავწყდეთ, გავწყდეთ!..“ და შეიძრა ისევ ჯარი... ვინ ლეკს ეცა, ვინ ოსმალოს, ვინ ვის დასცა თავში ზარი?

<sup>1</sup> მაღალი — სათუთი, დამწვარი.

ვინ მტრის ბრძოლით მაძლარია, ვინ არ არის სისხლით მტკბარი?..  
მეფე-კი ერთს შესცქერია, ამის ფიქრი იქით არის...

ის ყოფილა ლეკი ვინმე, ნაქები მთელს დაღისტანში,  
კოხტა ბელადს ეძახიან, არ ინძრევა ცხენზედ ტანში,  
ქართლის ჯარი შეაყენა, მრისხანეობს, ჰყავს ყოყმანში,  
და იძახის: „ირაკლი-ხან! გამობრძანდი!..“ დაჰკრა ტაში...

აქ ივანე ექიმბაში მოიქრა და ძლივსა ქშენა,  
პასუხს ამბობს გიორგისას, აღარ უქრის საწყალს ენა,  
მაგრამ მეფე ყურს არ უგდებს, დრო არა აქვს იმოდენა,  
თვალი დარჩა კოხტაზედა, იყურება იმისკენა.

შოაჯდა ცხენსა, გადიქრა, ვით ელვა მკვირცხლი და მალი,  
შვიდი ხევსური თან ახლდა, ეს იყო ირაკლის ძალი,  
მივარდა კოხტა ბელადსა, მეხივით დასცა თავს ხმალი,  
შუა გააბო, მაგრამა მკვდარი ცხენზედ ჯდა საწყალი!

დაჰკვივლა: „კაი ამათა! არ იქა წუნკალაებსა!  
ვინა ხართ ჩემი მოყმენი, მოეფინებით კლდეებსა,  
არ წაგივიდნენ ლაჩარნი, არ შეეფარნენ ტყეებსა!..“  
ეკვეთნენ გმირნი ქართველნი, მტერს უბნელებდნენ ღღეებსა!

აქ უყურეთ, ოსმალ-ლეკსა დაერია ქართლის ჯარი,  
წასწევენ და წამოსწევენ, პანტასავით ცვივა მკვდარი,  
ხმლები ელავს, კიჟინაა, აგერ მოდის სისხლის ღვარი,  
ზამბულაკიც მკვახეთ მოქუხს, ხმას იძლევა მთა და ბარი!..

დავით სარდალი მტერს ჰკაფავს, დიდგვარი ორბელიანი,  
ზარათაშვილი ზაალი ლომგულობს ეს პირწყლიანი,  
სახელოვანობს სოლომონ, ის თარხნიშვილი სვიანი,  
დემურაშვილი დავითა ტრიალებს ხმალ-სისხლიანი!..

„კოხიო ბობლიაშვილი, — აქებენ: — რაებს შერებაო?  
— გამგელებულა ეს თუში<sup>1</sup>, წინ ვერვინ დაუდგებაო;

<sup>1</sup> წოვის თემისა.

ნაკუდა ქუთქესშვილი რა კანჯარივით ხტებაო, —  
შვიდი დაკაფა ხმალ-და-ხმალ, რიგი ხანჯალზედ დგებაო!..<sup>1</sup>“

იფრინეს მტერი, მისდევენ, ჰხოცვენ, იჭერენ ოსმალსა,  
თოფის დუგლუგსა წაჰკრავენ, არც აკადრებენ მათ ხმალსა,  
მტერი, უხიდოდ დამხჩვალი, მიაქვს და მიაქვს მტკვრის წყალსა,  
საფლავსაც ნულარ მოელის, ან ვინ აღირსებს საწყალსა!..

გათავდა ომი ფიცხელი, კარგი და სახელოვანი,  
სახელი ყველამ იშოვა, ვინც იყო აქ გულოვანი,  
დავლა იშოვეს, ტყვეც ბევრი, არც ერთი მცირე წლოვანი,  
ქართველნი მხიარულობენ, ოსმალთა იწყეს გლოვანი!..

აგერ მობრძანდა გიორგიც და მიულოცა მამასა,  
გადაეხვია ირაკლი და ასე უთხრა ამასა:  
„მტერს იქ ელოდი, მაგრამა, იქით არ ჰქონდა გზა მასა,  
აქვე დავუხვდი მურდალსა, აქვე ვადვუხდი ჰამასა!..“

იმხიარულეს დიდებულთ, საქმე დააწყეს დილისა,  
ირაკლი ახლა სხვას ფიქრობს: „მე ღრო არა მიაქვს ძილისა,  
მტერი ბევრი მყავს, არ მინდა გავხდე იმათი კბილისა,  
ვა თუ რამ ჰქირი მოჰფინონ“, — წასვლა დაესკვნა ტფილისსა.

## VII

ცა მოწმენდილი, ლაყვარდი, ტფილისის დასცქერის მზიანი,  
მთაწმინდა, სოლოლაკის მთაც, გახურებული, კლდიანი,  
მეციხვანები ფრთხილობენ, რომ არვინ მოსცეს ზიანი,  
მტკვარი მღელვარებს, ვერ მორწყა ქალაქი ბაღებიანი.

მყუდროებაა ყოველგან, დარაჯნი მაინც ფრთხილობენ,  
განჯის კარს<sup>2</sup> თვალი ადევნონ, დღე-და-ღამ ამას ცდილობენ;  
დიღმის კარს<sup>3</sup> საფრთხე არა სდევს, თუმცა არც აქ გულგრილობენ;  
მრავალნი მოქალაქენი ბაღებში ზურნით ღზინობენ!..

<sup>1</sup> მესტიურულ ლექსში არიან მოხსენებულნი ეს თუშები: კახიო და ნაკუდა („კრებული“, 1873 წ. წიგნი, VII, გვ. 27).

<sup>2</sup> განჯის კარი — ერევნის მხრიდან ტფილისის კარები.

<sup>3</sup> დიღმის კარი — დასავლეთის მხრის კარი ტფილისისა.

დედოფალი დარეჯანი შინ ბრძანდება სასახლეში,  
სადილა უკან, სამღერალად, ძოწეულსა ითვლის ხელში,  
მტკვარსა რასმე გადასცქერის, ფიქრით ჰფრინავს სამოთხეში,  
ჰფიქრობს კიდე ირაკლიზე: „სად რას არი, მთა და კლდეში?“..

ამ დროს ქვრივი ბეგთა-ბეგის შემოვიდა, უცებ სტირსა,  
შეიძახა: „დედოფალო“, და იხოკავს ფრჩხილით პირსა...  
„თუ გაიგე, — ხმა გაისმა, — ბატონია გასაჭირსა,  
რას უზიხარ, ავიყარნეთ, დავიხიზნოთ ტყისა პირსა!..“

რა ისმინა დედოფალმა, უცებ ზეზე წამოვარდა,  
შეჰკივლა და შეიკივლა, იცრემლა და გულს იდარდა,  
გაჰკრა ხელი, წამს წულეები გაიძრო, კარს გამოვარდა,  
სიონისკენ მიაშურა, ხალხს მოჰფინა გლოვის ფარდა!..

ვაუ-კაცნი ქუდებ მოხდილნი, დედები ფეხშიშველები,  
შიდიან ღეთის-მშობლის წინა, მალა უჰყრიათ ხელები,  
ევედრებიან ღეთის-დედას, კირი აცილოს ძნელები,  
მღვდელნი პარაკლის იზდიან, ცრემლი ჩამოდის მწველები!..

ყველამ დაკეტა ღუქნები, აივსო მთლად ეკლესია,  
გამოასვენეს ქუჩაში ზატები, როგორც წესია,  
ხალხი ქვითინებს გულითა, დადადებს მათი მწყემსია!  
ამ დროს იკივლა ვიღაცამ: „ოსმალი შემოგვესია!..“

ერთი იძახის: „ვინ სტრუობს? — ეგ ქართველები არიან,  
ოსმალის ტანისამოსით მორთულან, მოუხარიანთ,  
ოსმალის მკვდრებიც წყალს მოაქვს, მათი მზიდავი მტკვარია. —  
ხალხს ვინ აშინებს? ვინ ბრიყობს? — აბა რა სახუმარია?!..“

ამ დროს, მართლა, იქ მობრძანდა თვით ირაკლი გმირთა-გმირი,  
თან ახლავან თავადები, მოუშვიათ დიდი კირი,  
ხატს ემთხვევიან სულ ყველანი, ხალხი იქ სდგა ანატირი,  
მერე მეფემ დედოფალსა გადუკოცნა გული, პირი!..

შეიქმნა ხალხში სიამე, ხალხი არის მხიარული!..  
გამარჯვების ხმა გაისმა, გაუმრთელდა ყველას წყლული,  
ყველას ტუჩზე ღიმი უქრის, არვინ მოჩანს დაჩაგრული,  
მადლობაა — ღვთის წინაშე, სიხარული ყველგან სრული!..

მეფე მობრძანდა სასახლეს, ჯერ არ ეკრა, ვგონებ. ბინდსა,  
პატრუცაგი<sup>1</sup> დაამზადა, ელჩებს ჰგზავნის ექვსს, თუ შეიღდა,  
ასპინძაზედ გამარჯვებას რუსეთში სწერს, აღარ რიღსა,  
იქ ნაშოვარს ტყვეებს ჰბედავს, რომ მიაართოს მეფას დიდსა.

მეორე დღეს სასახლეში გამარჯვების სადილია,  
დიდებულნი სოვდაგარნი იქ არიან, ხადილია<sup>2</sup>,  
ბევრი წყალობა გაიცა — ქართველთ მეფის წადილია,  
კიდევ ბევრს და ბევრს ჰპირდება, — ბატონისგან ქადილია.

შეიქნა ლხინი, მეჯლიში, ყანწის და ჯამის ტრიალი,  
ჭიქების ტყორცნა, ღლინი, გლობა, თასთა წკრიალი,  
შეზარხოშებულთ ვაჟ-კაცთა სიმღერა, კულის კრიალი!  
გარეთ ზურნა, ბუჯ-ნალარა, დაფ-დაფი, ხალხის გრიალი!..

მეფე ადგა, დაილოცა, სიტყვა არ ჰსურს გააგრძელოს,  
გამარჯვება ყველას უძღვნა, ყველასთვის სურს: — ისახელოს...  
აქ სარდალმა სავსე სტაჟნით დაიძახა: ადლეგრძელოს!..  
გაუმარჯოს ირაკლისა!.. გაუმარჯოს საქართველოს!..

ხალხმა ერთობ შემოსძახა: ადლეგრძელოს! ადლეგრძელოს!  
— გაუმარჯოს! გაუმარჯოს!  
— ღმერთმა ხელი მოუმართოს!

5 მაისს, 1880 წელსა.  
ქ. თბილისი.

<sup>1</sup> პატრუცაგი — მეფისაგან მეფესთან მინაწერი.

<sup>2</sup> ხადილი — მხიარულება.



# ილია ჭავჭავაძე

## პ ი რ ლ ი ლ II

(ცუძლენი ივ. პოლტარაკის და ილია წინამძღვრიშვილს)

„რა ვარდმან მისი ყვავილი გაახმოს, დაამკნაროსა,  
იგი წაეა და სხეა მოეა ტურფასა საბალნაროსა“.

რ უ ს თ ა ვ ე ლ ი

### I

აღმობრწყინდა მზე დიდებულადა  
და გაანათლა ქვეყანა ბნელი,  
კავკასის მთების წვერთა მაღალთა  
ზედ გადაჰფინა ოქროს ნათელი.  
აღმოჩნდა მთების ზემოთ მყინვარი,  
ცისა და ქვეყნის შუა დაკიდულ,  
იგივე ზეიადი, იგივე მძვინვარი,  
იგივე დიდებულ და დადუმებულ.  
ქვისკნეოთ ძალთაგან იგი მთა მედგრად  
ცის გასარღვევად ამოზიდულა,  
მაგრამ მის სრბოლა ცაში უეცრად  
თითქო განგებით შეყენებულა.  
მისი ყინულით ნაკვეთი თავი  
მოირთო მზისა ოქროს სხივებით,

ქვეყანას მშვიდარს მის ფრთეთა ზვავი  
დასცქერის რისხვით და მუქარებით,  
თითქო ელისო განკითხვის დღესა,  
რომ იგრიალოს, წამოიქუხოს,  
ხმელეთს დაეცეს, მერმეთ ქვესკნელსა,  
თვითც დაიღუპოს, ისიც დაღუპოს.

## II

მაგრამ ისეთი მშვიდი, ნარნარი  
იყო იმ დღისა ლამაზი დილა,  
რომ თვით მყინვარის რისხვა და ზარი  
იმ დილის მადლსა დაემორჩილა.  
ქვეყანაც იყო დაღუმებული,  
თითქო ღუმლით ყურს უგდებს ცასა, —  
და ცაც უღრუბლო და მხიარული  
გადმოაფენდა მადლს ქვეყანასა.  
ხოლო კი ჩემი უნდო გონება  
არ მოიხიბლა იმ დილითაცა...  
„ნუ გჯერსო, — მითხრა, — ეს მყუდროება,  
„სტყუისო ზეცა და ქვეყანაცა!  
„ამგვარი დილა ქვეყანას ბედკრულს  
„ბევრჯერ სხვა დროსაც გასთენებია,  
„მაგრამ არც ერთხელ მის გულსა ვნებულს  
„მადლი ცისა არ მიჰკარებია.  
„სულ ტყუილია, რასაც ეხლა ჰგრძნობ...  
„ქვეყნის დრტვინვაა დაუძინარი, —  
„ღრმად ჩააკვირდი მის ღუმელს და სცნობ, —  
„თვით მაგ ღუმელში რა წყევლაც არი!..“

## III

ბოლოს კი დილის სიტკბოებამა  
მეც განმიფანტა ეჭვთა ღრუბელი  
და ყოვლად მხსნელმა სასოებამა  
მომცა ნუგეში მაცხოვრებელი.

ვსტქვი თუ: სადაც ცა ეგრე მქვირვალებს,  
ღამე ესეთის დილით თენდება,  
სადც მზის ნათელი ეგრე ბრწყინვალებს,  
იქ ძალუძს კაცსაც ბედნიერება.  
ამა ნუგეშით აღძრული სული  
აღმეგსო ნელის სიხარულითა,  
ეჭვთაგან წინათ გვემული გული  
განცხოვლდა წმინდის სიყვარულითა;  
გარდმომეველინა ყოვლად შემძლები  
ქვეყნისა ამის სიკეთის რწმენა,  
აღმიფრთოვანა მან ოცნებები  
და განმიწმინდა ხედვა და სმენა.  
თვალთ ჩემთ განშორდა თითქო სიბნელე  
ხედვად უცნაურთ სახილველისა,  
მოეხსნა ყურთა თითქო სიბნელე  
სმენად ბუნების მეტყველებისა.  
მეწვიენენ იგი უცხო ზილვანი,  
სავესენი ღებენით, ნეტარებითა —  
რომელთაც წარაქვთ კაცთ გულისტქმანი  
საიდუმლოების მაცდურებითა.

#### IV

და მომეველინა მე კაცი დიდი,  
მყინვარზედ მდგომი მოხუცებული;  
ვითა ქვეყანა — ისც იყო მშვიდი,  
უძრავი, უხმო, დაფიქრებული.  
მარჯვენა ხელით ეჩრდილნა თვალნი,  
ყურადღებითა შორს გაჰყურებდა,  
მის გარეშემო შეენოდნენ მთანი  
და მათ ფეხთა ქვეშ თერგიც გაჰყუფდა.  
თერგი მრისხანე, თერგი მბდღვინვარე  
ქაფისა ზვირთთა მიაქანებდა.  
ვით შმაგი ლომი დაქრილი, ცხარე,  
პრბოდა, ჰბლაოდა, მიღრიალებდა,  
სტეკდა და ჰქუხდა... კლდენი და მთანი  
თვის მამუფოთარ შვილს გადმოჰყურებდნენ

და მის ბლავილთან მათი ყრუ ხმანი  
ხეობაშია მგზავრს აშინებდნენ.  
იქით შორს სჩანდნენ მინდორნი, ტყენი,  
და იმათ შორის — არაგვიც ჩვენნი...

## V

ჩვენო არაგვო! რა რიგ მიყვარხარ!  
ქართველის ცხოვრების მოწამედ შენ ხარ...  
შენს კიდევებზედ ჩემი მამული  
იყო ერთ დროსა გამშვენებული!  
ჩემის ქვეყნისა დიდება ძველი  
შენს წმინდა თვალ-წინ აყვავებულა:  
მიყვარხარ მისთვის, რომე ქართველი  
აქ — შენს კიდევზედ დაბადებულა.  
შენ ზვირთებ შორის ჩემის ქვეყნისა  
გრძელი მოთხრობა დამარხულია  
და წმინდა სისხლი ქართველებისა  
შენს კიდევებზედ გადასხმულია.  
იქ, სადაც შენსა ძლიერსა წყალსა  
შეუტრევ მღვრიეს და მღოვრსა მტკვარსა,  
იქ ერთხელ ქართველის სიცოცხლე ჰდუღდა,  
იქ მამულისთვის ქართველის ხმა ჰქუხდა.  
შენს ზვირთებს გაპყენენ საუკუნენი  
და საუკუნეთ — იგი ქართველნი!..  
გულ-ხელ დაკრეფით შენსა წმინდა წყალს  
რამდენჯერ ტანჯვით ვადევნებდი თვალს!..  
რას ვეძებდი მე? ჩემ ქვეყნის წარსულს,  
შენ-წინ დაღუპულს ჩემს ძველსა მამულს, —  
და შარტო სისხლი ჩემს თვალს დადალულს  
აძლევდა ხოლმე გულსაკვდავ პასუხს.

## VI

მაგრამ საკუთრად არცა არაგვმა,  
არც თერგმა, არც ტყემ და არცა მთამა

არ მიიზიდა მოხუცის თვალი,  
მთილამ ამაყად გადმომზიარალი, --  
სრულ საქართველო მოჩანდა შორსა...  
იგი მოხუცი მას დააქვერდა;  
ქვეყნის მარგალიტს მაგა ობოლსა  
სიყვარულითა იგი დამზერდა.  
საიდანა ხარ, რამ მოგაველინა,  
ჰოი, საკვირველო კაცო, მითხარი?  
რათ დაგიგდია შენ შენი ბინა  
და ამა მთაზედ რისთვის ხარ მღვარი?  
და, რა ვსთქვი ესა, მსწრაფლვე მომესმა  
იმა მოხუცის დიდებული ხმა:

## VII

„მარად და ყველგან, საქართველოვ, მე ვარ შენთანა!..  
მე ვარო შენი თანამდევო, უკვდავი სული.  
შენთა შეილთ სისხლით გული სრულად გარდამებანა,  
ამ გულში მე მაქვს შენი აწყმო, შენი წარსული.  
მეცა ვტანჯულვარ, ჯე ბედკრულო, შენის ტანჯვითა,  
შენისა ცრემლით თვალნი ჩემნი მიტირვბია,  
მეც წარტყვევნილვარ წარსულთ ღლეთა შენთა ნატვრითა,  
შენის აწყყოთი სული, გული დამწყულებია.  
წარვლილთა ღლეთა შენთა მახსოვს დიდებულება,  
ვიცი, რომ იყავ ერთხელ შენცა მორუმულ-ძლიერი,  
შენცა გვენია ქვეყნის მადლი — თავისუფლება,  
ეხლა აღვილა ყველა ესე, ვითარცა მტვერი...  
და ძესა შენსა ღლეს არც კი სწამს შენი აღღვენა,  
განწირულების შთასდგომია მას გულში წყლული,  
მას დაქპარგვია ტანჯვათ შორის შენდამი რწმენა  
და დაუგდინხარ ვით ტაძარი გაუქმებული.  
ვიდრე ძე შენი არ გაიკვლევს ზოგად ცხოვრებას  
და მცენების ნათლით ზე-აღზიდულ, ამადლებული  
ქვეით არ განსქვრიტავს საზოგადო ცხოვრების დენას,  
იმ დრომდე იგი უიმედო, შეწუხებული,

უქმისა დრტვინვით, გულის-წვითა მწარე ცრემლს დაღვრის,  
მაგრამ არ ირწმენს, წამებულო, შენს აღდგენასა,  
და იგი ცრემლი ურწმენობის, ეკვის და ტანჯვის,  
ჰლალადებს მხოლოდ ძისა შენის უძლურებასა.

## VIII

„აქ არვის — დიდსა, თუ პატარასა, —  
ქვეყნის ტკივილით არ სტივია გული,  
დაჰვიწყებია, რომ ქვეყნად ცასა  
ღვთად მოუცია მარტო მამული;  
დაჰვიწყებია, რომ დიდი არი  
ღვთისა წინაშე იგი ცხოვრება,  
რომელიც ქვეყნის წვითა დამწვარი  
ქვეყანასავე შეეწირება.  
წმინდაა იგი, ვისაც ეღირსა  
მამულისათვის თავის დადება!..  
ნეტა იმ ვაჟკაცს, ნეტა იმ გმირსა,  
ის თავის ხალხში აღარ მოჰკვდება.  
მას განაცოცხლებს სიმღერა ხალხთა,  
შორს საუკუნეთ ეტყვის მის სახელს,  
და არა ერთხელ ჰაბუკთა ყრმათა  
ხმლის ტარზედ ძლიერს აუთრთოლებს ხელს;  
იმ სიმღერას ჯა ისმენს მხცოვანი,  
სიბერის ფამსა კვლავ მოიფონებს,  
გმირის სიკვდილი სახელოვანი  
ახლად ცხოვრებას მას მოანდომებს;  
აკვანზედ დედა უმღერებს შვილსა  
ტკბილისა ხმითა იმ სიმღერასა,  
და თუ ინატრებს რასმეს მისთვისა, —  
ინატრებს გმირის მის დიდებასა;  
და უფრო ხშირად იმღერს ქალწული,  
გმირს მოიგონებს და გამხნევდება, —  
ყოველი იმღერს და სხვა მორჩმული  
გმირი იმ მღერით დაიბადება.

„მაგრამ, ქართველნო, სად არის გმირი, რომელსაც ვეძებ, რომლისთვისც ესტირი? იგი აღარ გყავთ... მის მოედანი ჯაგით აღვსილა, ვერანად ქმნილა, გმირის დამბადი დიდი საგანი თქვენში სპობილა და წაწყმედილა. გადასდგომიხართ თქვენ ქართველობას, დაგინგრევიათ დიდი მამული, — რაღა დაჰბადავს თქვენში დიდს გრძნობას? რითი აღტკინდეს ქველისთვის გული? თქვენ გარს მადლითა სავსეს ბუნებას შეუჯრებნია ყოველიფერი. რომ მისცეს თქვენში ზრდა დიდს ცხოვრებას, ჰყოს იგი ძლიერ და ბედნიერი. ვიშ, ეს ქვეყანა, ხმელეთის თვალი, დიდის სამოთხის კუთხე პატარა, ქედმოდრეკილა ნაღვლით საწყალი, რომ მისი ტრფობა თქვენში შემწყდარა; რომ დაგიგდიათ უმწედ, უნუგეშ, თქვენის სიღვით დაწყლულგებულა, თქვენგან გმობილი, — უცხოს კალთის ქვეშ, ვითა ობოლი, შეფარებულა.

## X

„ხოლო აქაც კი ვრდომილთ შორისა ღვთის ნაპერწყალი ზოგჯერა ჰკრთების, ქვეყნის წარხდომის გული ზოგისა შეებრძვის და არ ემორჩილებს; მაგრამა ლალეა, შური და მტრობა იმ ზოგთა შორისც ღრმად ჩანერგულა, ამა ჰირთავან მათი მხნეობა აღძვრისა უმალ გაცუდებულა. აგერ ორ-სამს ჯაცს რაღაც უგრძენით, ქვეყნისა სახსრად ერთად მოდიან,

ერთის საქმისთვის გაუღვიძნიათ  
და ერთმანეთს კი არ ენდობიან.  
ერთმანეთისა მათ სიკეთე ჰშურთ,  
თუმც ერთისათვის თითქო იღვწიან:  
თვით ამხობენ მას, რის აღდგენაც ჰსურთ,  
თვით ჰშველიან მას, რასაც ებრძვიან.

## X I

„აგერ უფალი და მისი მონა!  
თრთოლვით სასწორზედ ხარჯს უწონს ძნელსა  
და, რა დასწორდა სასწორზედ წონა,  
უფალი პინას ზედ ადგამს ფეხსა  
და მით მის ხარჯსა ერთსა — ორად ჰხდის...  
მონამ მწუხარედ გულს გაიღიმა,  
უმწეობითა თავის ხარჯსა ჰზრდის  
და საწყლის თვალთგან ცრემლმა იწვიმა.  
მაგრამ ქვა არის ბატონის გული,  
ვერ დაარბილებს მას შებრალება.  
ვერა გაჰკურნოს მან მონის წყლული,  
ვინც მონებას თვით ემორჩილება.  
მონა ბედშავი, მონა საწყალი  
სდგას, ევედრება მის თვალი შვებას,  
და გულში ჰფიქრობს: ვიშ, ჩემი ბრალი!  
რით შევიძლებ შვილთა ჩემთ გამოკვებას?  
ვიშ, ჩემი ოფლი, მათთვის დაღვრილი,  
ნაყოფი, იმა ოფლით გაზრდილი,  
დღე-და-ღამ ჩემი უწყვეტი შრომა,  
დარში, ავდარში ცის ქვეშე დგომა,  
ვაი, ვაგლახი, ჭირნახულობა,  
თმენა, ცდა, სიმხნე და უძილობა  
მართო ბატონის თვალსა ახარებს  
და თქვენ, ცოლ-შვილო, კი არას გარგებს.  
ვაიმე, ბედკრულს რაღა დამრჩება,  
რომ გავახარო ცოლ-შვილის თვალი?..  
ვინა შრომობდა და ვინა ჰქლება,  
ღმერთო, სად არის აქ სამართალი?!..



## XII

„შენში კაცისას გრძნობას არ ხედვენ,  
დედას ქუთუდგან შვილსა აპგლეჯენ,  
ვინ იცის, სიღამ სად გაჰყიდიან...  
უწმინდურისა ხელითა სთხრიან  
დედისა გულში უკეთესს გრძნობას,  
ცოდვად უთვლიან შვილისა ტრფობას.  
თუ ღმერთმა მისცა შენსა ასულსა  
სილამაზე და მშვენიერება, —  
მონავ ჩაგრულო, ვითამ შენს გულსა  
სასიხარულოდ ეგე ექნება?!  
ქალს წაგართმევენ, ქალს გაჰყიდიან,  
ნამუსს მოუკვლენ შეუბრალებლად,  
და წრფელსა გულში ღვარძლს ჩაასხმიან,  
გახდიან ყვაეილს ფეხ-ქვეშ სათრეველად.  
უმანკო პირზე შენს ტურფას ქალსა  
გარყვნა დაასვამს სახარო დაღსა...  
მას, რაც გიყვარდა, ნასავ დაცემულს.  
ნამუსწართმეულს და შეგინებულს!..  
პირს უკუ-იქცევ და შეძრწუნდები,  
ცრემლს მოინდომებ და არ გექნება,  
წყველით, ვაებით მას განშორდები  
და ქალი შენი შენ შეგსარდება.  
და მაშინ იტყვი: ნეტავი გველად,  
გველის წიწილად მე მომცემოდი,  
რომ ქვეყნის ქელვად, ქვეყნის სათრეველად  
შენ, შვილო ჩემო, არ გამხდომოდი.

## XIII

„შრომისა შვილო, მძიმე უღელი  
ქვეყნის ცოდვისა შენ გაწევს კისრად,  
თუმცა ტვირთმძიმეთ შემწყნარებელი  
შენის დახსნისთვის ჯვარს ეცვა ქვეყნად,  
თუმცა ქვეყანას მისი მოძღვრება  
ღღეს მარტო სიტყვით უქმით პრწმენია,

მაგრამ ცხადად ჰხმობს მის წმინდა მცნება —  
რომ მყოლობადი მარტო შენია.  
შრომა, აწ ქვეყნად ტყვედა პყრობილი,  
მძარცველობის ქვეშ ჩაგრულ-ენებულა,  
ხოლო რღვეულა მისი ბორკილი  
და დასამსხვრეველად გამზადებულა.  
შრომისა ახსნა — ეგ არის ტვირთი  
ძლევეამოსილის ამ საუკუნის,  
კაცთა ლელვისა დიადი ზვირთი  
მაგ ახსნისათვის მედგრადა იბრძვის.  
ველარ განუძლებს ქვეყანა ძველი  
განაზლებისა გრიგალის ქრილას,  
ველარ განუძლებს ქვეყნის მძარცველი  
ჭეშმარიტებით აღძრულსა ბრძოლას, —  
და დაიმსხვრევა იგი ბორკილი  
შემფერხებელი კაცთა ცხოვრების,  
და ახალს ნერგზედ ახლად შობილი  
ესე ქვეყანა კვლავ აყვავდების.

#### XIV

„შრომის სუფევა მოვა მაშინა  
ჭეშმარიტების მის ძლიერებით  
და განმტკიცდება სოფელსა შინა  
კაცთმოყვარების სახიერებით.  
ყველასთვის იქმნეს იგი სუფევა  
თანასწორადა ნიჭთა შფენელი;  
მის მაღლით წარწყმდეს ძარცვა და რბევა  
და ერთგან სძოვდეს ცხვარი და მგელი.  
მაშინ უქმ სიტყვად არ იქნებიან  
ძმობა, ერთობა, თავისუფლება,  
ეკლის გვირგვინით აღარ ივლიან  
კაცთმოყვარება და სათნოება.  
აღლო აიღო ქვეყანამ ძველმა.  
რომ დღე-და-დღე მის წყობა ირღვევა,  
და ამ ზვიადმა საუკუნემა

უნდა შეას იგი შრომის სუფევა.  
მაშინ, მაშვრალო, შენც განკაცდები,  
წართმეულთ ნიჭთა კვლავ მოიპოვებ,  
სხვას ძირს არ დასწევ, თვით აღმაღლდები,  
არც ვის ემონვი და არც იმონებ.  
მაშინ ეგე ხმა შენის სიმღერის,  
დაბლად ღუღუნნი დაღონებული,  
მღერა, ვით კენესა, საწყალის მეხრის,  
შორი ხმა მწყემსის დაობლებული, —  
მხიარულ ხმებად გარდაგეცვლების  
და შენს გუთანზედ გულით ღმობილი  
იტყვი სიმღერას თავისუფლების.  
ეგ სიმღერაა ვით ლოცვა ტკბალი!..  
მინდორნი, ტყენი, ნახნავნი, ველნი  
შენის ლხენითა განიხარებენ,  
შენგან შემკულნი იგი ყოველნი  
შენს ტკბილს სიმღერას ბანს გამოსცემენ.

## XV

„აგერ დიდკაცი დარბაისელი  
კმაყოფილების განცხრომაშია  
მაშინ, როს მისი მოძმე საწყალი  
სასოწარკვეთილ მონებაშია.  
მოძმეთა ხსნისთვის თავის-დაღება  
წმინდა ხვედრია მხოლოდა გმირთა  
და მას ვით შესძლებს თავმოყვარება,  
რომელიც იმა დიდკაცთა სჭირთა?  
ის რად ინდომებს ქვეყნისა ბედსა,  
როს მასა შველის მის ბედკრულება?  
რად შეებრძვის ის სიბოროტესა.  
როს მეოხებით მისით თვით ჰრჩება?  
აგერ ვაჭარიც ცბიერის ღიმიით  
მოძმეთ ატყუებს, რა ჰყიდის ნივთსა,  
და ძმა მის მოკვდეს თუნდა შიმშილით,  
უნაღვლოდ განელის ცხოვრების ხიდსა.

აგერა მღვდელნიც — ერთა მამანი —  
რომელთ ქრისტესგან ვალად სდებიათ  
ამა ერისა სულის აღზრდანი,  
რა-რიგ გულ-ხელი დაუკრებიათ!  
სად არის სიტყვა დიდის სწავლისა,  
სიყვარულის და სამართალისა,  
რომ მათ ბაგეთგან არ მომდინარებს  
და ერს დაცემულს არ აღამაღლებს?  
სად არის იგი მლაღადებელი  
ქვეყნის ხსნისათვის ქეშმარიტება?  
სად არის იგი ბიწის მღვენელი  
ჯვარცმულის ღმერთის მაღალი მცნება?

## XVI

„აგერ ტფილისიც... ყრმასაც და ბერსაც  
ქალსა — მახინჯსაც და მშვენიერსაც,  
დიდსა, პატარას, თავადსა, გლეხსა,  
მე უხილავი ყურსა ვუგდებდი,  
მაგრამ კი, ვფიცავ ქართვლის სახელსა,  
მათს აზრში აზრსა მე ვერ ვპოვებდი.  
ერთგზით შეჰხედავ და იქ ცხოვრება  
მართალ ცხოვრებად მოგეჩვენება;  
პლზინობენ კიდევ, კიდევ ჰხარობენ,  
ჰფიქრობენ, ჰგრძნობენ და ჰმოქმედობენ,  
ჰხედავ ფაცა-ფუცს და ყველგან უღივილს.  
უბედურ ცრემლთან ბედნიერს ღიმილს, —  
მაგრამ მათ ცრემლსა, ღიმილს თუ გრძნობას,  
კმუნვას, სიხარულს თუ მოქმედობას,  
ფრჩხილის ოდენიც არა აქვს აზრი  
და ყველა იგი თვალთმაქცი არი.  
ფუქია იგი მისი ცხოვრება,  
უფერულია და ცალიერი,  
არც სიცოცხლეა, არც გემოვნება,  
არცა საგანი გულწარმტაცველი!  
იქ დღე ჰრბის დღესა, ვით ჰრბოდა გუშინ,

ერთნაირად და უფერულადა.  
რისთვისც მაშანი იღვწოდნენ უწინ —  
დღეს შვილთ არ უღირთ არც ერთ ფლურადა.  
გრძნობას — ოქროსა ფასად ჰყიდიან,  
მთვარის ღიმილზე — პატიოსნებას  
და დაჟანგებულ ბორკილზე სცელიან  
თავის მამულის თავისუფლებას.

## XVII

„აგერა მცხეთაც — სავანე გმირთა,  
დიდი აკლდამა დიდის ცხოვრების,  
სად პირველ ქართველის მორჭმულთა შვილთა  
ღრმად ჩარგეს ძირი თავისუფლების:  
სადაც ჰყვაოდა ზე ცხოვრებისა  
ქართველის გულიდამ აღმოცენილი,  
და წყარო იგი წყაროდ შევებისა  
სჩქეფდა იმ გულით გარდმოდენილი:  
სად ის ზე ნაძვის მის სუნნელისა  
ჰყვაოდა ქართველის წყლულთა კურნებად,  
და მის ქვეშ წყარო უკვდავებისა  
სცემდა იაზმას ერის ცხოვნებად;  
სად იმ ხის წმინდის ფოთოლი, ხილი  
საკვდავადც დაჰრილს ეკურნებოდა,  
სად იმა წყაროს წყლით გაბანილი  
ქართველის ტკივილი დაყუჩებოდა.  
აწ აღარა სჩქეფს წყარო ცხოველი,  
ზე ცხოვრებისაც იგი დამჰკნარა  
და იგი დედა-ქალაქი ვრცელი  
აწ სამიკიტნო დაბად გამხდარა.  
ნგრეულან მისნი დიდნი პალატნი,  
დიდი ცხოვრება მის დაცემულა,  
დღეს იმ ცხოვრების წმინდა ალაგნი  
პირუტყვთ ქელვითა შეგინებულა.

## XVIII

„ქართვის სამკვიდროვ, ქვეყნის თვალად დაბადებულო, რამდენს ვაებას შენსა თავზედ გარდაუვლია!.. ჯვარცმულის ღვთისთვის თვით ჯვარცმულო და წამებულო, ეკლიანს გზაზედ შენებრ სხვასა რომელს უვლია? სხვა რომელია, რომ ათასთ წელთ ბრძოლა მედგარი გამოეელოს და სრულიად მტერად არ აღგვილიყოს? შენ ხარ, მარტო შენი!... მაგალითი სხვა არსად არი, რომ სხვა ქვეყანას, სხვასა ერსა იგ შექმლებიყოს. შენთა შვილთ გული შენთა მტერთა შეაკლეს ზედა, ორი-ათასის წლის ბრძოლაში მათ სისხლი ჰღვარეს, მაგრამ ამაყი თვისი თავი ქვეყანაზედა არავის წინა სამუდამოდ არ მოიხარეს. ორი რამ იყო, რისთვისაც ძე შენი იღვწოდა, — ბედმა უწყალომ სხვა საქმისთვის არ მოაცალა, — მამულისა და რაჯულისათვის იგი იბრძოდა, ორივე დაიცვა, მაგრამ ყველა მათ ანაცვალა.

## XIX

„თვალ-წინა მიდგა ის კირთების ბედშავნი ღღენი, როს შენ დაგიპყრო მაკედონის გმირის ლაშქარმა, და შეგირყია დიდ ცხოვრების სამკვიდრო ბჭენი, შენმა მოძულემ და მოლაღემ უცხო მთავარმა. სძულდა ქვეყანა, რომელიცა მას ეპყრა ხელთა, სძულდა თვით ერიც, მის სიკეთე, ნიჭიერება... ვერა, ვერ ჰმართონ ვერსად ერი იმა მმართველთა, ვისც არ აქეთ ერის სიყვარული და შეწყნარება. ერის მჩაგვრელი, ქვეყნის მთხრელი იგი მმართველი მთელს საქართველოსთვის ფერხთა ქვეშ მჩვარებრ ჰქელვიდა, ერის იმედის, სასოების, ნიჭის მმუსვრელი თვით ერის ენას — მაგ ერის განძს — იგი სღევნიდა. სძაგდა ყოველი, რაშიც იყო ერის ღირსება, რაშიაც ერი თვისთა ნიჭთა იყო მსახველი, რაშიაც იყო მის ღიდება, პატიოსნება,

რისთვისაც დაშვრა მამა-პაპის გული და ხელი.  
მას ჰმორჩილებდა ერი შენი მძულვარებითა,  
დევენულების და კირთების ქვეშ ქედსა იხრიდა,  
და მონებრივის თვალთმიმქცევის კრძალულებითა  
ზღვევისა წადილს გულდაკეტით დღე-და-ღამ ჰზრდიდა.

## X X

„მოვიდა ის დღეც შურის-გებისა,  
მტარვალს აღუდგა ქართველის ქველობა...  
მართალი არის ხმალი ზღვევისა,  
როს ხელს ჰკიდებს მას მამულის ტრფობა.  
მახსოვს ფარნაეაზ ჰაეროვანი,  
გულმტკივნეული შვილი ქვეყნისა...  
მან იღვა თავსა სახელოვანი  
ის დიდი საქმე შურის-გებისა.  
ერის და ქვეყნის შეუტაცხოფას  
ვეღარ გაუძლო ჭაბუკმა გმირმა,  
ვეღარ გაუძლო მტარვალთ ურცხვობას  
იმა მამულის ამაყმა შვილმა.  
გადგა და დასცა თავზარი მტერსა,  
დაამხო პირქვე ყმობა, მონება,  
და უცხოთ ხელთქვეშ დაჩაგრულს ერსა,  
ვით მზე, მოჰფინა თავისუფლება. —  
და შენ, ჰე ქართლო, მტრისგან რღვეული  
კვლავ შეგაერთა ერთის ცხოვრებით,  
ქართველის სახელი დამცირებული  
კვლავ შეჰმოსა მან პატიოსნებით.

## X X I

„მას აქეთია, ქართლო, შენს შვილსა  
არ ჩაუგია ქარქაშში ხმალი...  
შენზედ მოიქცა ძველის ქვეყნისა  
გაუმადლარი და ხარბი თვალი.  
მას აქეთია ოთხ-კუთხივ მტერნი

შენს თავსა შენვე გეცილებოდნენ,  
მაგრამ ვაუკაცნი შვილები შენნი  
გულდაგულ მტერსა წინ უდგებოდნენ.  
იყო დრო, როს შენს ძახილზედ, ხმაზედ  
მამულის დროშა გაიშლებოდა  
და ჭაბუკთ რაზმი შენს მოწვევაზედ  
მტრის დასახვედრად მოგროვდებოდა.  
იყო დრო, როცა შენის გულისთვის  
თითონ სიკვდილსაც ღზინად ჰხადოდნენ  
და თავდადებას მამულისათვის  
ერთმანეთს ომში ეცილებოდნენ.  
ეხლა რაღაა!.. გაჰქრენ ის დღენი,  
გაჰქრა იგიცა ძალ-გულოვნება,  
და საკვირველნი მამათ საქმენი  
ეხლანდელ შენს შვილს არც აგონდება.

## X X I I — X X I I I

## X X I V

„წამხდარა ყველა, ის ღონე და ის ძლიერება,  
მტერად გარდაქმნილა ახოვანი იგი ცხოვრება,  
აწ იგი თითქო თვის დენაში შეყენებულა...  
ხოლო ოდესღაც მოდენილა თვის ფართო გზაზედ,  
ბევრჯერ უსაგნოდ, ბევრჯერ აზრით აღელვებულა...  
ქართვლის ტკივილი ყოველთვის კი სჩნევია მას ზედ.  
დენილა იგი ტანჯვათ შორის და სიამეთა,  
ხან დაცემულა და მიმქრალა, ხან აღდგომილა,  
ხან შური, მტრობა, ერთურთ ლალვა სთხრიდა კიდეთა,  
რომელთ შორისაც ის ცხოვრება მძლავრი შობილა.  
მაშინ გათხრილნი ის კიდენი მთლად დარღვეულან,  
ძლიერნი ზვირთნი იმ ცხოვრების აღქაფებულნი  
სხვა-და-სხვა ტოტად გადმოსულან, გადაგდებულან,  
დაუნთქავთ შრომა წინაპართა სისხლითა რწყულნი.  
როდისღა ვნახავ მშვენიერსა ამ ქვეყანასა  
თვისთა დიდების ნაშთსა ზედა კვლავცა აღმდგარსა,



დროსთან დანთქმულსა სხვა-და-სხვათა კავშირთა ბრძოლას,  
ერთის ცხოვრების, ერთის სულის ძლიერსა ქროლას?  
როს ესე ტოტნი ერთ ცხოვრების, ერთ-არსებისა,  
ეხლა გაყრილნი, ერთ მდინარედ შეერთდებიან?  
როს იგი ტომნი ცად მიღწეულ მძლავრ კავკასისა  
ერთისა აზრით, ერთის ფიქრით განდიდდებიან?  
თავისუფლების მშეენიერის სხივთ მხურვალეზა  
როდის დაადნობს დაჟანგებულს დიდ ხნის ბორკილსა  
და ქართველობა სიქადულად როდის ექნება  
ქვეყნის წინაშე ყოველ ქართველის ერთგულსა შვილსა?“

## X X V.

ამ დროს ქუხილმა დაიგრიალა,  
გრგვინვა დაიწყო მისმა ხმამ მთებში,  
ცაზედ ელვამა გაიპკრიალა  
და გაანათა მდინარე ხევში.  
ცას გადაედვენ შავნი ღრუბელნი,  
ნისლში შთაცვივდნენ მთანი და ველნი;  
ქარმა დაპლმუვა ხევ-ხუვსა, მთებსა,  
ბუქი სვეტსავით აატრიალა,  
რისხვითა ჰგლეჯდა კლდესა და ღრესა,  
ზევამაც მალლიდამ დაიგრიალა, —  
და მყის ბუნების მშვიდი ღუმილი  
ბნელ ჯოჯოხეთად გადიქცეოდა.  
წყალი და ცეცხლი, მეხი, ქუხილი  
ერთმანეთშია აირეოდა.  
მაშინ შევხედე მყინვარსა მძლავრსა...  
დიდხანს ვეძებდი იქ მოხუცს კაცსა,  
მაგრამ შავისა ღრუბლისა სისქეს  
ვერ გაატანა თვალმა უძლურმა...  
„ნუ თუ გათავდა ამით ხილვა ეს!“ —  
შემომტირა მე მწუხარე გულმა.  
მცირე ხანს შემდეგ გადიწმინდა ცა,  
გამოილიმა ნათლად მთამაცა,  
და მზისა სხივით გაბრწყინებულნი

კვლავ დავინახე მოხუცებული.  
ცისკენ აღეპყრნა თრთოლითა ხელნი  
და მოედრიკნა მუხლნი ძლიერნი...  
თურმე მოხუცი ის ჰლოცულობდა  
და ღმერთსა ესრეთ ევედრებოდა:

## X X V I

„ღედავ ღვთისაო! ეს ქვეყანა შენი ხვედრია...  
შენს მეოხებას ნუ მოაკლებ ამ ტანჯულს ხალხსა;  
საღმრთოდ მიიღე სისხლი, რომელ ამ ხალხს უღვრია,  
ჩაგრულთ სასოო, ნუ არიდებ მოწყალე თვალსა!  
რაცა ტანჯულა ეს ქვეყანა, ტანჯვად ეყოფა,  
მოეცი ძალი დავრდომილსა კვლავ აღდგომისა,  
სახელოვანი განუახლე წარსულთ დღეთ ყოფა,  
მამა-პაპური სული, გული მოჰმადლე შეილსა.

ძლიერო ღმერთო! შენთვის ბრძოდნენ ქართველისა ძენი.  
დასაბამითვე არ იციან — რა არს მშვიდობა,  
იკმარე საღმრთოდ მათ პატიენი და სისხლის ძღვენი,  
თუ რამ შეგცოდეს, — შეისყიდეს ტანჯვით შენდობა.

მოჰმადლე ქართველს ქართველის ნდობა და სიყვარული.  
და აღუდგინე მშვენიერი ესე მამული!..  
ჰოი, სახიერო! ცისარტყელა განაველე ცასა,  
რათა წარღვნისა მოლოდინი წარხოცო ხალხსა!...“

## X X V I I

მსწრაფლ გადმოეშო ცისა ლაქვარდსა  
შვიდფეროვანი სარტყელი ცისა  
და გაღეფინა ჩემს ქვეყანასა  
მახარობელად ტკბილ იმედისა.  
ამენთო გრძნობა მადლითა ცეცხლებრ,  
ერთს ფიქრს მიეცა გულისთქმა ყველა,  
და მაშინ ვიგრძენ, რომ მშვენი მისებრ  
ჯერ არ მენახა შე ცისარტყელა.

26 იანვარი, 1859 წ.

[პეტერბურგი]

(ბოლო რედაქცია 1872 წ.)

## ქართულს დღა

(სენა მომავალი ცხოვრებიდან)

„გაგვიძელ, ბერო მინდია,  
მუხლი მაიბი მგლისაო,  
გაიყოლიე უმცროსნი,  
ვისაც თავი აქვს ცდისაო“.

ხ ა ლ ხ უ რ ი ს ი მ ლ ე რ ა

ვუძღვნი პეტრე ნაკაშიძეს

აჰა, იმ დროთგან ერთი სახე ამოღებულა,  
რომელნიც ერთად გვინატრია უცხოეთში ჩვენ,  
რომელთ იმედი, ღვათიურ სხივით გაბრწყინებული,  
დღესაც გულში გვაქვს მტკიცე რჯულად, ძმაო, მე და შენ.

მყობადს ავხადე ერთი კუთხე დიდის ფარდისა  
და ეს ვიხილე, — მომიტევე მე სითამამე...  
ეს არს ნაყოფი აწმყოსაგან შობილ დარდისა, —  
ამით მამართლე, მიიღე და ნუ გამკიცხავ მე.

(სენად არის ოთახი, რომლის ფანჯრებიც ქუჩას გადაპყურებენ.  
ერთ მხრივ ტახტზედ ლოგინში წევს სნეული, ძალიან  
მისუსტებული და მოხუცებული დედა).

დ ე ღ ა

თუმცა სიცოცხლე სნეულთათვის წვალეზა არი,  
მაგრამ, ჰე ღმერთო, გმადლობ, ამ დღეს რომ შემასწარი,  
და აქამომდე არ მოჰკვეთე ჩემი ცხოვრება.  
ჩემი მამული, საქართველო, დღეს მიცოცხლდება!

ხალხი აზვირთდა, ხალხი აღსდგა, ხალხი მოქმედობს,  
კასპიის ზღვიდამ შავ ზღვამდინა ერთს ფიქრსა ჰფიქრობს, —  
და ეგ ფიქრია მთელ კავკასიის თავისუფლება!..  
დიდია ხალხი, როს ეს გრძნობა წინ წარუძღვება!  
ერთი შვილი მყავს, საყვარელი და სანატრელი,  
იგია მარტო თავის დედის ნუგეშმცემელი,  
იგია ჩემი სიცოცხლელი და სიხარული,  
იმითი მიდგა უძღურს ტანში უძღურის სული,  
ჩემის სიბერის მისაყრდომად ისლა მშთენია, —  
მაგრამ, მამულო, წაიყვანე, დღეს ის შენია...

(შეწუხებული ჩაფიქრება და მცირე ხანს შემდეგ იტყვის)

ის დღეა დღეს, რომ მამულს ვუძღვნა ძის სიყვარული  
ან ძეს შეეწირო საყვარელი დიდი მამული..  
ამ ორის გრძნობის ბრძოლა გულმა ვით გადიხადოს?  
ძის სიყვარული, თუ მამულის, — რომელი დასთმოს?..  
ჟჰა, ამ დღისთვის გაგიზარდე, მამულო, შვილი,  
სიცოცხლე მივეც, რომ შეიძლოს შენთვის სიკვდილი...  
დედის-ერთა მყავს, მაგრამ შენთვის მე მას ვშორდები.  
ვინ იცის, შვილო, რომელს ველზედ მტრისგან მოჰკვდები?  
დამტირებელი დედა ახლოს არ გეყოლება,  
მის ცხარე ცრემლი სისხლიან მკერდს არ გეჰკურება,  
დედისა ხელით ვერ შეიხვევ განგმირულს გულსა  
და ეგრეთ შენს თავს მტლად დაუღებ შენსა მამულსა!..  
შენს სიკვდილშია ჩემი ვაიც და ნეტარებაც,  
მისთვის რომ მე ვარ დედა შენიც და ქართველის დედაც:  
ვით დედა შენი იმ სიკვდილით შენით ვივაებ,  
ვით ქართველის დედა ვინეტარებ და ვისახელებ.

(ჩაფიქრება და მცირე ხანს შემდეგ)

თავისუფლებავე, შენ ხარ კაცთა ნავთსაყუდარი,  
შენ ხარ ჩაგრულის, წვალებულის წმინდა საფარი,  
შენ ხარ მშვიდობა და სიმაართლე ამა ქვეყნისა,  
შენ ხარ აღმზრდელი ღვთაებამდე კაცთ ბუნებისა.  
მტარვალთა თქმითა ოდითვე ხარ შენ აკრძალული,  
ხე ცნობადისა, ედემს რგული, შენი ხე იყო,  
მაგრამ სამოთხეც, ყოველისფრით აღსავსე, სრული,

პირველ კაცთათვის უშენოდა არაა იყო.  
რა განიცადეს იმათ შენთა მადლთა უხვება,  
მსწრაფლ აღგიარეს, ჰოი ღმერთავ, თაყვანებითა,  
მსწრაფლ მოგიპოვეს: ფასად მისცეს თვის უკვდავება  
და სამოთხეც სთმეს სრულის მისის ნეტარებითა.  
ეგრეთ ნაშოვნი რად წაგვერთვი მესავეთა შენთა?  
რალად ჰღვრის დღესაც შენტვის სისხლსა ადამიანი?  
რად შეიღებე კაცის სისხლით საშიშრად ჩვენდა  
და რისთვის დახვალ ამა ქვეყნად პირისსხლიანი?  
თვით ხარ მშვიდობა, უხვად მადლთა ქვეყნად მომფენი,  
მაგრამ სისხლით კი იკვლევს გზასა მძებნელი შენი!  
რად არ შენდება უსისხლოდა მისი ტაძარი,  
მისი, რომელიც თვით მშვიდობის ღვთაება არი?..

## შ ვ ი ლ ი

(შემოდის გახარებული)

მოვიდა დიდ ხნის სანატრელი, დედავ, ამბავი:  
ჩვენი ქვეყანა, საქართველო, გაღვიძებულია,  
მთელი კავკასი, მტერზედ რისხვით აღმომქშინავი,  
ერთისა აზრით, ერთის გრძნობით აღელვებულა.  
მომილოცნია!.. გაგვიტენდა ძლივს ბნელი ღამე!..  
მაგრამ შენ სწუხხარ, თითქო ამ თქმით მე ვერ გაამე.

## ღ ე ღ ა

მე ვწუხარ მარტო მასზედ, რომე ჩემს სიბერესა  
სანუგეშებლად მხოლოდ ერთი მოეცა შვილი,  
მე ვწუხარ მასზედ, რომ ჩემს მამულს ამ ნეტარს დღესა  
მხოლოდლა ერთი შეაკვდება ჩემგან შობილი.  
ვაი; რომ ჩემის სიციცხლისა მზე მაშინ ჩადის,  
როცა ამოდის ჩემის ქვეყნის მზეი დიადი!  
ვაი, რომ ბინდი დღეთა ჩემთა სიკვდილს მიქადის,  
როს ჩემის ხალხის დიდებისა სჩანს განთიადი!  
ამაზედ ვწუხარ... მაგრამ ამას რაღა ეშველოს?  
ღმერთს მარტო ერთს ვსთხოვ, მკვდარი დედა ძემ ასახელოს.

## შ ე ი ლ ი

როგორ? მეც მგზავნი საომრად, დედის-ერთასა,  
რომ თავი დავსდო მამულისა ჩვენის სახსნელად?

### დ ე ღ ა

სულზედა დიდი ცოდვა უნდა ეღვას დედასა,  
რომ შვილი ამ ღროს არ გაგზავნოს ძმათა საშველად...  
ღმერთმა გვაშოროს, შვილო ჩემო, იმა სირცხვილსა,  
რომ შენ შინ იჯდე, ოდეს სხვანი იხოცებიან,  
ვინც მამულისთვის არ იმეტებს თავისა შვილსა,  
მას შვილი თვისი, ჩემო კარგო, არ ჰყვარებიან...  
ვაუკაცად იყავ, — ჩემი თხოვნა არის მხოლოდ ეს.

## შ ე ი ლ ი

არას ღროს არა მყვარებიხარ ესე, როგორც დღეს,  
შენ, დედა-ჩემო!.. რასაც მნუჟავ, აღგისრულდება...  
შენგან შობილი შვილი განა მხდალად მოკვდება?!

(ისმის გარედან ჭარების ხმაურობა, შვილი ფანჯარას მივარდება)

### დ ე ღ ა

(თავის-თავად)

არ იცი, შვილო, როგორ მიღირს მე ეს სიტყვები,  
და ვერც შეიტყობ მაგას ჩემგან, ისე მოვკვდები...  
იმ ღრომდე სულსა დანაშთენსა ღონეს მოვუკრებ,  
ვიდრე საომრად, შვილო ჩემო, შენ გაგისტუმრებ,  
რომე სიკვდილმა ჩემმა უცებ არ დაგაბრკოლოს, —  
და მერე კი ვგრძნობ: ბედი ჩემი მომიღებს ბოლოს.

(ისმის ჭარების სიმღერა ორ-პირად)

„ქართველო, ხელი ხმალს იკარ,  
გათენდა დღე დიდებისა,  
თოფ-იარაღი აისხი,  
ღრო მოდის გამარჯვებისა.

მამულის დახსნის დღე არის,  
ქვეყანა გენუჯავს შველასა,  
თავისუფლების შოვნაი  
სჯობს საშოვნელსა ყველასა.

მამულის დამხსნელს ვაჟკაცის  
ხმალი და გული სდომია,  
ვაჟკაცის გამომჩენელიც  
მტერთან გულდაგულ ომია.

თავისუფლების მშოვნელი  
ამ ქვეყნად მარტო თოფია,  
შინ ულლით გაქნილს მშვიდობას  
ომში სისხლის ღვრა სჯობია!

მაშ მამულს თავი შევსწიროთ  
საშველად, გამოსახსნელად,  
თუ მისთვის დავიხოცებით,  
ჩვენ ის გვეყოფა სახელად.

ქართველო, ხელი ხმალს იკარ,  
გათენდა დღე დიდებისა,  
თოფ-იარაღი აისხი,  
დრო მოდის გამარჯვებისა.“

(ქუჩილამ ისმის დედაკაცების და სოფლის პატარა  
ბიჭების ძახილი: „ჯარს გაუმარჯოს, ჯარს გაუმარჯოს“.  
ისმის ციყინა და ხმაურობა)

დ ე დ ა

(აღღვებული)

მიმიყვა, შვილო, დამანახვე ქვეყნისა მხსნელნი,  
რომ მით დავიტკბო დღენი ჩემნი უკანასკნელნი.

(ჩამოიყვანს ლოგინიდან, დედას შეუჯდება მხრებში და  
შიიყვანს თანჯარასთან)

შ ე ჯ ი ლ ი

შეხე, დედილო, ამ განწირულ ყმაწვილკაცობას,  
ისე მიდიან სასიკვდილოდ, როგორც დღეობას.

(დედა, რა დაინახავს ჯარს, ცრემლს ვერ იმაგრებს და სტირის)

შეხედე, ხალხი რა რიგ ლოცვით ჯარსა აცილებს,  
დიდი, პატარა მხიარულობს, შენ, რა გატირებს?

დ ე და

ღმერთმა კურთხევა დიდ საქმეში წინ წაგიმძღვართ!  
ჩვენ კი, დედებმა, ღვთის წინ უნდა ცრემლები ვღვაროთ,  
რომ ჩვენ შეგვესწროს მამულისთვის თავდადებულნი  
კიდეც გიხილოთ შინ მოსულნი, გამარჯვებულნი.  
მიმიყვა, შვილო, ლოგინთანვე, მუხლი მეჭრება.

(შვილს დედა უკანვე მიჰყავს)

ვაიმე, შვილო, რამდენს დედა აუტირდება,  
რომ ველარ ნახავს თავის შვილსა უკანვე მოსულს!..

შ ვ ი ლ ი

რა ვუყოთ, თუ კი სხვა გზით შეველა არა აქვს მამულს!..

(ამ დროს ერთი ცხენოსანი მოადგება ფანჯარას და  
გარედამ იძახის)

ც ხ ე' ნ ო ს ა ნ ი

კიაზო, წამო!.. რალას იცდი, გვიგვიანდება,  
დრო საშურია... ჩვენს ძმებს ჩვენით მშველი აკლდება.

შ ვ ი ლ ი

აჰა, მოვდივარ! აბა, დედი, მოიეც გული!  
ჩემგან — მეომარს, შენგან — შვილსა ითხოვს მამული.

(დედა გადაეხვევა შვილს და გულზედ მიიკრავს)

მშვიდობით, დედი! შენ ჩემზედა ნუ დაღონდები,  
ცოცხალი მოვალ, თუ არა და, ისე მოვკვდები,  
რომ ჩემს სიცოცხლეს ამჯობინო ჩემი სიკვდილი...  
ნუ სტირი, დედი! გზადა ვდგევიარ, დამლოცე შვილი.



ვაი შენს დედას!.. მოვიდა დრო განშორებისა  
და გული მიმდის.. უძლურია გული დედისა...  
მაგრამ ნუ სწუხხარ... გადამიელის... შეილო, მშორდები?!  
ვაი თუ მოვკვდე და ვისგანლა დავიტირები?..

(სტირის და უფრო მაგრად გულზედ მიძკრავს შვილს. მერე  
უეცრად ხელს ანებებს და ზარდაცემულსავეით თვალში თვალს  
უყრის და მცირეს ხანს ამ ყოფით არის)

დედა

დედა არ გიყვარს, დედა შენი მოხუცებული?

შვილი

(გაოცებით)

მერე, რო მიყვარს?

დედა

(ძლივს ბედავს თქმასა)

მასთან დარჩი!

შვილი

მერე მამული?

დედა

(თითქო ეხლა გაახსენდაო)

მართლა, მამული!.. იგი უფრო საყვარელია,  
მამ წადი, შეილო!.. ღმერთი იყოს შენი მხსნელია,  
მაგრამ, ვიშ! მე რომ უშენოდა მარტო მოვკვდები,  
ვილა დამმარხავს?... წადი... წადი... ნუ გვიანდები.

შვილი

ეჰა, მამულო! შენის ტრფობის ძალსა დეაიურსა  
რა დაუდგება? კლდის სიმაგრეს აძლევ უძლურსა...

ოდეს შენდამი სიყვარული დაიძვრის გულში,  
დედაც კი შვილის სიყვარულს კლავს შენს სიყვარულში;  
რა სხივოსანი შენი შუქი აღმობრწყინდება  
კაცისა გულში, ყველა გრძნობა მასშია ჰქრება,  
ვითა მზის შუქში უმცირესი მნათობი ცისა,  
ვითა ზღვაშია დაცემული წვეთი წვიმისა.  
მშვიდობით, დედი! მეძნელება შენი დათმობა,  
მაგრამ უფრორე ძნელი არის მამულის გმობა.

(შვილი გადის)

დედა

(ღონემიხდილი გადაიქცევა ლოგინზედ და სულთმობრძავი ამბობს)

ვაიმე, შვილო!.. შენს წასვლასთან მიქრება ალი  
ჩემის სიცოცხლის... უშენოდა ძნელია ყოფნა...  
დიდ ზანს ებრძოდა შვილის ტრფობას მამულის ვალი.  
ვალმა აჯობა, მაგრამ ძვირად დამიჯდა ჯობნა.  
სულიც ამომდის... არ ყოფილა ძნელი სიკვდილი;  
როცა შენ შენი აღასრულე... მამული... შვილი!..

(კვდება)

14 ივლისი, 1860 წ.

პავლოვსკი.

(ბოლო რედაქცია 18 მარტი, 1871 წ.)

რეპლინივე სერათი  
ანუ  
ეპიო ოლი უაჩაღს სსოვრეზილაე

პოემა

„მიეც გლახაკთა საკურკლე, ათავისუფლე მონები,  
მილწვიან, მომიგონებენ, დამლოცვენ, მოვეგონები“.

შოთა რუსთაველი

სამშობლოს ცასა ბნელად გაშლილი  
მწუხრის ზეწარი გადაეფარა, —  
და მთვარის შუქზედ მთებისა ჩრდილი  
ალაზნის ველზედ წამოიხარა.  
ლამის გუშაგი, მუდამ მკმუნავი,  
მთვარე მეფურად მძლავრად ვიდოდა,  
მთებისა ყინვით ნაკვეთი თავი  
იმის სხივებთან მუსაიფობდა.  
შორნი მნათობნი მოკამკამენი  
იმ მწუხარს ღამეს მხიარულობდნენ,  
მღუმარს ქვეყანას, ვით საყვარელნი,  
სხივებს ესროდნენ, ზედ დაჰხაროდნენ.  
და იმ მნათობთა სხივის ალერსით  
ველს მშვენიერსა ჩასძინებოდა,  
მხოლოდ ნიავე მთისა — მოლხენით  
ტყეში ფოთლებთან ლაზღანდარობდა.  
და ალაზანი შეუპოვარი  
ჰჩიოდა, თითქო კაცს ემღუროდა,  
მის ბუტბუტს მარტო მთაი მღუმარი  
დაფიქრებული ყურს მიუპყრობდა.  
ყველას ეძინა, დღით ჰფეთქავს რაცა,

თითქო დაღლილა მიწაც და ცაცა!..  
მხოლოდ კი ერთგან ურემი მძიმე  
მიჭრიალებდა, გზას აღვიძებდა,  
და ნაღელიანად მასზედ მეურმე  
მწუხარს სიმღერას დაძლულუნებდა.  
ღულუნი იგი ჩამრჩენია გულს,  
მწუხარე არის, ვით გლოვის ზარი,  
მაგრამ თუ ნაღელს მოჰბერს დაჩაგრულს,  
უკუ-ჰყრის კიდევ ვით ღრუბელს ქარი.

მიდის ურემი და უეცრად  
ვიღაცამ ტყიღამ ასკუპა ცხენი,  
მივარდა იგი ურემს მედგრად,  
მკმუნვარე სახის ამაყად მჩენი.

— ვერ მიმასწავლებ კუდი-გორის გზას? —  
ჰკითხა თამამად მან მეურმესა.

— რატომ ვერ, ძმაო! აგერ აიმ მთას  
მარჯვნივ აუხვევ და გახვალ ხევსა,  
ერთი საურმე გზა დაგიხვდება;  
იმ გზას დაადეგ, წადი, — და როცა  
ცხვირწამოწვდილი მთა შეგეყრება,  
ის მთა იქნება კუდი-გორაცა.  
იქ რა გინდა შენ? — ჰკითხა მან ბოლოს,  
როს გაათავა გზისა სწავლება: —  
იქ საფრთხე რამე არ დაგემართოს,  
ბლაჰიაშვილი იქ იმყოფება.  
მე, როგორც ვხედავ, შენც კი გაქვს მკლავი,  
ბევრს შენს ტოლს ბიჭს არ დაუვარდები,  
მაგრამ მაინც თუ გებრალვის თავი —  
ბლაჰიაშვილს ნუ დაენახვები,  
ნურც დაანახვებ შენს ქურანს ცხენსა,  
თორემ ის ბიჭი განანებს ბევრსა!  
მალთა, როგორც ხირიმის ტყვია,  
და ტყვიასავით დაუნდობელი;  
თუ სისხლი ჰმართებს, ისა სჯობია,  
შეარჩინო და აიღო ხელი.

— შენ ფიქრი ნუ გაქვს!.. მეც იმას ვეძებ,  
მეც მისებრ, ძამო, მიღრინავს გული;

როგორც ის ცხოვრობს, ისე ვიცხოვრებ,  
ამ დღიდგან თავზედ ხელაღებული! —

და, რა სთქვა ესა, მოხდენით ცხენი  
მოსხლიტა უცებ ლაზათიანმა;  
გაფრინდა ცხენიც ვით შავარდენი,  
და მის ფეხის ხმას ხმა მოსცა მთამა.

თითქო შენატრდა იმას მეურმე.  
„ახ, ნეტავი შენ!“ — წაიღუდუნა  
და, გაიქნია რა თავი მერე  
შურით, ხარს შოლტი გაუტყლაშუნა,  
და მერე ისევ უფრო მწუხარედ  
თვისი სიმღერა დაიღუდუნა.

კუდი გორასთან ერთი ტყე არი, —  
უწინ ყაჩაღის იყო საფარი, —  
საშიში, ბნელი, გულდახურული,  
შეუვალი და წამობურული.  
იქა ცხოვრობდა ბლაჭიაშვილი  
კაკო, ყაჩაღად გამოვარდნილი.

მთვარე ჩასული იყო დიდ ხნისა,  
როცა იმ ტყეში, ერთ ხის ძირასა,  
ფრთხილად ეძინა ბლაჭიაშვილსა,  
ბედისგან მწარედ განაწირალსა.  
მის შორი-ახლო ლამაზი ცხენი  
კაზმ-მოუხდელი სძოვდა ბალახსა,  
და მას ფოთოლნიც მოშრიალენი  
ხშირად უფრთხობდნენ მოსვენებასა.  
უეცრად შეჰკრთა, აცქვიტა ყურნი,  
თავი აიღო და გაიხედა;  
მერე ტრიალით იწყო ფრუტუნნი  
და ერთს ალაგსა ზედ დააცქერდა;  
დიდ ხანს უცქერდა და, რა მოესმა  
თავისის მოძმის ცხენის ფეხის ხმა,  
ვერ მოითმინა, დაიხვიხვინა  
და პატრონს ძილი დააფრთხობინა.  
წამოხტა კაკო ლომივით ზეზე,  
თოფი მოზიდა და შეაყენა  
და, რა იხილა მხედარი ველზე,

შეჰკივლა: „მითხარ, ვინა ხარ შენა?  
რისთვის მოსულხარ — მოყვრად, თუ მტრადა?“

მ ხ ე დ ა რ ი

— მოყვრად, გულფიცხო, იყავ მშვიდადა.

კ ა კ ო

— თუ მოყვარე ხარ, მაშ გამარჯობა!  
კეთილი იყოს ჩვენი გაცნობა.

მ ხ ე დ ა რ ი

— ამინ!.. შენ არ ხარ ბლაჰიაშვილი?

კ ა კ ო

— დიალ! გახლავარ!.. რა გნებავს შენა?

მ ხ ე დ ა რ ი

— შენთან სიცოცხლე, შენთან სიკვდილი,  
შენთან ყოფნა და შენთან დარჩენა.

კ ა კ ო

— მომწონს ეგ სიტყვა... შენც მომეწონე  
და ამისთვისაც გენდობი შენა.

მ ხ ე დ ა რ ი

— გულს გული იცნობს და ღონეს — ღონე,  
მენდე, გაგიყო ჭირი და ლხენა.

კ ა კ ო

— ხოშ-გელდი, ძმაო!.. მე ვარ მდიდარი,  
ამ ტყეში მარტო მე მაქვს მეფობა;

გაშლითა არის ჩემი სახლ-კარი,  
და ვერას მაკლებს აქამდინ მტრობა.  
ყოველ ხის ძირას ჩემი სახლია,  
სად მიღამდება, იქ მითენდება;  
თუმცა ბევრი რამ მე აქ მაკლია,  
მაგრამ აქ ჭირიც მიაღვილდება...  
უსახლკარობა, შიში, შიმშილი,  
მარტოკა გდება მხეცივით ტყეში,  
კურდღელსავითა ფხიზელი ძილი  
და იარაღი დღე-და-ღამ ხელში, —  
მართალია, ძმავ, კაცს მოსწყინდება  
ბუნწი ცხოვრება ეს დასაღონი,  
მაგრამ იქ ყველა გვიადვილდება,  
სადაც ჩვენვე ვართ ჩვენი ბატონი!..  
მე თანა მყვანან რკინისა ძმები:  
ჩემი სიათა, დამბაჩა, ხმალი,  
არც მიმტყუნებენ, არც ვემტყუნები,  
მინამ მაქვს მკლავი თავისუფალი.  
ეს ცხენიც, ძამო, ჩემთან შეზრდილა,  
მოუღრეკია როგორც რომ ყინი;  
ჩემთან საფრთხეში ბევრჯერ ყოფილა,  
გამოუვლია ჭირი და ლხინი.  
ამათ მივანდე ჩემი ცხოვრება!  
არ აიყრიან გულსა ჩემზედა,  
და კაკოც ისე არ გაძუნწდება,  
რომ არ დააკედეს ერთგულებს ზედა.  
ჩემი სიმდიდრე აი ეს არი!..  
ჩემს სამეფოში არ არის გმობა,  
თუმც, ორგულთან ვარ დაუნდობარი,  
მაგრამ ერთგულთან მეც ვიცი ძმობა.  
ჩამოხედ, ბინას გაჩვენებ, წამო!  
ლარიბულადა მე დაგიხვდები,  
და ნუ დამძრახავ ყაჩაღსა, ძამო,  
თუ მასპინძლად ვერ მოგეწონები.

მხედარი მყისვე გადმოხტა მარდად  
და წამოჰყარა აღვირი ცხენსა;  
ჩამოუჭიმა ყურები მაგრად

და თვალზედ მზრუნველს უსვამდა ხელსა.  
 მოჰხსნა ნაბადი, ჩაქრული უკან,  
 ხურჭინიცი სავსე გადმოიღო მან,  
 მერე გადაჰკრა ხელი გავაზედ  
 და მყის გაიგდო ცხენი ბალახზედ.  
 შემდეგ მოვიდა იგი სტუმარი,  
 კაკოს პირდაპირ დადგა მდუმარი.  
 მათ ერთმანეთი თვალით გაზომეს,  
 და მოეწონნენ ორნივე ერთმანეთს.  
 მივიდნენ წყნარად და ხის ძირს დასხდნენ,  
 მდუმარედ იყვნენ ორნივე დიდ ხანად,  
 ერთმანეთს თითქო კიდევ სინჯავდნენ,  
 ბოლოს კი კაკომ უთხრა თამამად:  
 — ვიცი მე, ძამო, არ გამიწყრები  
 და არ დამძრახავ მეტ კითხვისთვისა:  
 მითხარ, საიღამ გემცნაურები?  
 ჩემთან მოსვლა რამ გაგაბედვინა?

### მ ხ ე დ ა რ ი

— შენი გაცნობა არ არის ძნელი,  
 ამაზედ რალა ვილაპარაკო,  
 შორს გავარდნილა შენი სახელი,  
 ბავშვმაც კი იცის ვინ არის „კაკო“!  
 შენზედ მოუბნობს კაცი და ქალი,  
 ვისაც ენა აქვს, შენ ყველა გაქებს;  
 შენი ამბავი, ეხლა მართალი,  
 ზღაპრად მიუვა ჩვენს შვილიშვილებს.  
 შენზედ ამბობენ, რომ ხარ მამაცი,  
 გამოჰქცევიხარ უსამართლობას,  
 ამბობენ, თურმე გიყვარს გლეხკაცი,  
 ბარაქალა მაგ გულკეთილობას!..  
 რომ ბედში მყოფი შენ ძმად მიგაჩნდეს —  
 ეგ ფერაფერი სიყვარულია,  
 სიტყვა ის არის, კაცს ის უყვარდეს, —  
 ვინც ბედისაგან დაჩაგრულია!  
 მარტო არსენას, თუ გახსოვს შენა,



გლებჯაცი როგორც ძმა ჰყვარებია,  
გლებჯაცის ბედი, ჭირი და ლხენა,  
შვილსავით კალთით უტარებია!  
აბა, კაციცა ისა ყოფილა  
და ქულიც იმას, ძმავ, ჰხურებია!  
ნეტავ იმ დედას, ვისგანც გაზარდილა  
და ვისაც ძუძუ უწოვებია!..  
მისებრი შვილი, ბევრიც ინატროს,  
ეხლანდელ დედამ ველარ გაზარდოს...  
ჯერ არ მენახე მაგრამ გიცნობდი,  
შენი ცხოვრება მენატრებოდა;  
შენთან წამოსვლას ბევრჯერ ვფიქრობდი,  
მაგრამ სახლ-კარი მენანებოდა,  
ბოლოს კი, ძამო, გამიწყრა ღმერთი,  
დამიტრიალდა უკუღმა ბედი!..  
ყური მომიგდე, გეტყვი ყველაფერს,  
რაც გადამკიდა მწუხარებამა,  
და როგორც, ერთ დროს ბედის მადლიერს,  
გზა დამიხლართა ბედისწერამა!

მაშინ თორმეტის წლისა ვიყავი,  
როცა ბატონმა სახლს მომაშორა.  
წამსვე ძროხაში მე მიკრეს თავი,  
ჩემს სახლ-კარიდან გამაგდეს შორა.  
ჯერ კი დავღონდი, დაჩაგრდა გული,  
ყოფნა უმშობლოდ მეძნელებოდა...  
სხვები ჰლხინობდნენ, და მე კი ლული  
ცრემლისა თვალზედ არა მშრებოდა.  
პატარა ჩემი ამხანაგები  
ჩემ გულჩვილობას იქ დასცინოდნენ,  
დავიწყებოდათ თავის დარღები,  
როცა ისინიც ჩემებრ სტიროდნენ!..  
მეც კი მრცხვენოდა ჩემის ცრემლისა,  
ჩემს ამხანაგებს გავეჭკევოდი,  
მივუჯდებოდი ერთ ბუჩქის ძირსა  
და იქ მარტოკა დიდხანს ვტიროდი.  
მაგრამ ღრუბელმა გადაიარა,  
თან გადიტანა ჩემი ნაღველი;

პატარა გულმა გამოიღარა,  
და შეუბრუნა ნაღველსა: ხელი.  
ჩემს ყოფას მალე შევეჩვიე მე,  
კიდევ ვლხინობდი, კიდევ ვმღეროდი:  
ჩემს სახლ-ქარზედა არც დღე, არც ღამე  
აღარ ვფიქრობდი, არ ვლონდებოდი.

ძამო! რა ტკბილად, რა უდარდელად  
ჩემი დღეები იქ მიდიოდნენ!  
არარა მქონდა იქ საფიქრელად,  
ჩემი მოძმენი არ მაძალებდნენ.  
ძროხას ვუვლიდით ჩვენ, ერთგულადა,  
გავიზიარეთ ყველამა საქმე,  
და რიგ-რიგითა ყველა ძმურადა  
ვყარაულობდით ძროხასა ღამე.  
რაკი მთას იქით მზე დაწვებოდა  
და გაეკვროდა ფარსკვლავი ცასა,  
გაშლილი ძროხა მოგროვდებოდა  
და დავიწყებდით ყველანი თვლასა.  
და დავაბამდით რაკი ძროხასა,  
ტყის პირს ერთს დიდ ცეცხლს გავაჩაღებდით.  
და მოვიტანდით ჩვენ ჩვენს საგზალსა,  
ცეცხლსა გარშემო მოვუსხდებოდით.  
ჩვენი ხუმრობა, მღერა, სიცილი  
ხეზედა მძინარ ფრინველს აფრთხობდა;  
მოგვერეოდა თუ მერე ძილი,  
ერთი ჩვენგანი ზღაპარს იტყოდა.

რაკი ტრედის-ფრად ცა ინათებდა  
და შორს ცისკარი კამკამს იწყობდა,  
მეძროხე ვინმე დაგვიძახებდა  
და დილის ტკბილსა ძილს დაგვიფრთხობდა.  
ავიშლებოდით, და ჩვენის ხმითა  
მკვდარი მთა, ბარი გაცოცხლდებოდა,  
და თავის ძროხას ყველა ზღაზვნითა  
ასაშვებლად მიესეოდა.  
ზოგი აქ მიდის თექა-მოსხმული  
და მიიფშენეტავეს ზარმაცად თვალსა,  
სხვა იქ მიიმღერს დაღონებული

და ერეკება თავის ძროხასა;  
და ერთს წუთს უკან ძროხა ბლავილით  
გაიშლებოდა ფართო მინდორზედ,  
და ჩვენ კი ხტომით, მღერით, ძახილით  
მოვგროვდებოდით მთის ცივ წყაროზედ:  
პირს დავიბანდით, ძილს დავიფრთხოვდით,  
მთის წყაროს წყლითა გავგრილდებოდით,  
ვხტოდით, ვიძახდით, ვლაზღანდარობდით  
და ზეზეურად დავნაყრდებოდით;  
მერე ვმართავდით თამაშობასა.  
ხან ქვეს ვისროდით, ხან ბურთსა მალლა,  
და შუადღისა გოლევისა ჟამსა  
ჩამოვრეკავდით ძროხასა დაბლა;  
ალაზანშია ვყრიდით ძროხასა,  
თან ჩავყვებოდით უკანაც ჩვენა...  
ბევრიც სხვა ახსოვს ჩემ ბიჭობასა,  
მაგრამ სად არის ეხლა ის ლხენა?!..  
სალამოს ჟამზედ ისევ იმ-რიგად  
ცეცხლსა ანთებულს მოეუხსნდებოდით  
და ისევ ზღაპარს გლეხურს მორიგად  
თითოსა მაინც ყველა ვიტყვოდით.

ის ზღაპრები მე გულს მიღონებდნენ;  
და აქამდინა დამრჩენენ ხსოვნაში,  
ძველებურს დროსა შემაყვარებდნენ  
იმ ჩემ მხიარულ ყმაწვილობაში.  
ეჰ, მარტო ერთი იმ ზღაპრებისა  
ღვიძლ ღედასავით მე შემეთვისა!  
ის მე ბევრს რასმე გულს ჩამძახებდა,  
ხან მომალხენდა, ხან მალონებდა,  
არსენა ჩვენი, ის მხნე არსენა,  
ჩვენამდინ, დამო, ზღაპრად მოსული,  
ის იყო ჩემი ჭავრი და ლხენა,  
ის იყო ჩემი გული და სული.

ეგრეთ გონება ზალისიანი  
არსენას ამბით მე მეზრდებოდა:  
მიყვარდა მე ის კეთილდღიანი  
და არსენობა მენატრებოდა.

ეგრეთ მინდორზედ, ძმავ, ვყვავდი  
ჩემს ბიჭობაში შეუპოვარო,  
ჩემს სახლ-ქარზედა არა ვდარდობდა,  
შინაურობის არ მქოდა ჯავრი!  
მე ჯერეთ ვიყავ პაწაწკინტელა  
და მადლიერი ჩემ კეთილ დღისა  
და მე მეგონა, რომ ჩემებრ ყველა  
მადლიერია თავის ბედისა.

მე მამა მყვანდა მხნე კაცი, მარჯვე,  
დაუღლელი და ბეჯითი, გამრჯე;  
თუმცა ხელმარტო ის ცოდვილობდა,  
ჩვენ კაცებშია ბევრი არ სჯობდა.  
იმ დალოცვილსა ვერვინ ასწრობდა  
ვერც ხვნას, ვერც თესვას და ვერცა მქასა  
ღმერთიცა მართლა უხვად სწყალობდა  
და წყალობითა უხვებდა სახლსა.  
ეგრე იქნება მუდამ, მეგონა,  
მადლიერად და უნადვლოდ მამა,  
მაგრამ კი ბოლოს ის დაადონა,  
მწარედ უმტყუენა ბედისწერამა...  
შენც, ძამო, ვიცი, გაგიგონია,  
ყმის ბედი რა-რიგ სწრაფად იცვლება!  
თუ ყმასა გუშინ ბედი ჰქონია,  
არ იჯერებს, რომ დღესაც ექნება.  
ჩვენი წადილი, ჩვენი იმედი  
ყოველთვის, ძამო, არის საფრთხეში,  
გლეხკაცის და ყმის ლიტონი ბედი  
ვერა, ვერ გასძლებს ბატონის ხელში...

ღრო გადიოდა და თან მიჰქონდა  
მამი-ჩემისა უბედურობა,  
მამა თანდათან მიბერდებოდა,  
ბოლოს წაერთო საწყალს მხნეობა!..  
თუმცა კი შერჩა წადილი ძველი,  
შრომის სურვილი იმ უბედურსა,  
მაგრამ არც ღონე და აღარც წელი  
აღარ მოსდევდა ღროგარდასრულსა.  
საბრალო მამა ჰხედავდა ცხადად,

რომ რამდენადაც ღონე აკლდება,  
ოჯახი უკან მიდის იმდენად  
და სახლ-კარიცა სულ ელუპება.  
იმ სიბერესთან იმ უბედურსა  
ერთი სხვა ჭირიც ზედ გამოება  
და შეეყარა საწყალს, უძლურსა  
გამუდმებული ციებ-ცხელება.  
ეგრეა, ძამო, გლეხკაცის ბედი,  
ის უკუღმართი, უღმართო წამწყმედი,  
თუ ერთხელ ღერძი გაუბრუნდდება,  
სულ უკუღმართად დატრიალდება!

მაშინ შევიქენ მე ოცის წლისა...

კვებნით არ ვიტყვი, ბევრს ჩემ ტოლს ვჯობდი;  
კარგად შემეძლო მოვლა სახლისა,  
თუ გულსმოდგინედ მივეშველოდი.  
მაგრამ მე კიდევ ბატონსა ვყვანდი,  
შინ არ მითხოვდა, არ მეშეებოდა,  
მე იქ სხვისთვისა ჩემს თავს ელუპავდი,  
შინ კი ოჯახი მელუპებოდა.

ერთხელ გამხდარი, გაყვითლებული,  
ილაჩნაწყვეტი სნეულებითა,  
საწყალი მამა მოხუცებული  
იახლა ბატონს თხოვნით, ხვეწნითა.

მხეცი რამ იყო ბატონი ჩვენი,  
ერთი აჯამი, გულქვა, რეგვენი,  
იმას კაცებრი გული არ ჰქონდა,  
რომ მამა-ჩემი შეჰბრალებოდა.  
რა გავაგრძელო, თავადის-შვილი  
კარგი რა არის, ავი რა იყოს?!  
და მამა-ჩემი გულდაწყვეტილი  
იახლა ამ-გვარს უხამსსა ბატონს.  
— შენი ჭირი მე, — უთხრა, — ბატონო,  
სახლს ვერ გაუფველ მე მარტოხელი...  
დამითმე შვილი... არ დამაღონო,  
არ დამიღუპო ოჯახი ძველი.

## ბ ა ტ ო ნ ი

— რაო, რას ბოდავ?

მ ა მ ა

— შენს სადღეგრძელოდ  
ოლონდ ზაქარა შინ დაითხოვე,  
რომ უკან წასულს ოჯახს ვუშველოთ,  
და მერე თუნდა ჩიტის რძე გვთხოვე.  
კულუხს, კოდის-პურს, გადასახადსა  
ერთი-ორადა მოგართმევთ შენა;  
თუ დავაყენებთ ფეხზედ ოჯახსა,  
არ გავეჭვევით სამსახურს ჩვენა.

## ბ ა ტ ო ნ ი

— ეგ რომ არ იყოს, გაეჭვევოდი  
შენ ჩემს სამსახურს, ჩემს ბრძანებასა?..  
ქოფაკო!.. ნუთუ მაგას ჰფიქრობდი,  
რომ მიბედავდი ემაგის თქმასა?

მ ა მ ა

— არა მქონია მაგის ფიქრი მე,  
შენი რისხვაცა არ გამიწყრება...  
მაგრამ მიბძანე, შენი ჭირიმი,  
რით გემსახურო, რაც არ მექნება?  
ღმერთი ხომ ჰხედავს, მე დავსნეულდი,  
ლონე, ილაჯი გამიწყდა სრულებ...  
მარტო ვერას ვიქმ, მთლად დავუძლურდი,  
თორემ ჩემს შვილზედ არ შეგაწუხებ.  
მინამ შემეძლო — სახლს ვინახავდი,  
არც ლონე მშურდა და არცა ძალა,  
დღე-და-ღამ ოფლსა მე ვიწურავდი,  
მაგრამ ეხლა დრო გამომეცვალა;  
აწ არაქათი გამიწყდა სრულად,

უდროდ დაებერდი, ჯანი წამერთო.  
ცელარა ვუვლი ოჯახს ერთგულად,  
თუმცა კი მინდა, ხომ ჰხედავ, ღმერთო!..  
ოჯახი ეხლა მელუბება მე,  
კაი ოჯახი, კაი სახლ-კარი!..  
ნუ! ნუ დალუპავ, შენი კენესამე,  
მინამ პატრონი ცოცხალი არი.  
სიყრმით ჩამიკლავს მამულში თავი,  
მანდ დამიღლია ძარღვი და მკლავი.  
გამომიზრდია ჩემი ოფლითა,  
ვაი-ვაგლახით, წვით და დაჯვითა.  
მძიმე უღელი მე მიწევია  
ჩემის სახლ-კარის და ოჯახისთვის,  
ამდენი ჯაფა გამიწევია  
ნუთუ, ბატონო, ამ შავის დღისთვის,  
რომ უდროო-დროდ აღრე და მალე  
მევე დავმარხო ჩემი გაზრდილი?  
ნუ იქ მაგასა, შენ გენაცუალე,  
ნუ მიზამ მაგას, დამითმე შვილი!

### ბ ა ტ ო ნ ი

— მერე მე ძროხა ვის ჩავაბარო?  
სადღა ვიშოვნი კარგ მეძროხესა?  
ვერა, ვერ მოგცე შენი ზაქარო,  
თუნდ სულ დაგენტქას ოჯახი დღესა!  
ვერ უყურებთ ამ ქოფაკს, ჩერჩეტას!  
მირჩევს, ჩემიო გერჩივნოს შენსას...  
არა, „ერთი მაქვს — სჯობს ათასს მქონდეს“...

### მ ა მ ა

— მე ჩემი მომეც, შენ შენი გქონდეს  
და შენს სახელსა მტლად დავედები;

### ბ ა ტ ო ნ ი

— გამეცა, ვირო, ნუ მელრიჭები!

## მ ა მ ა

— რომ გაგეცალო, ვისლა მივმართო,  
ვინ მომაშველებს ზელს დაღუპვილსა!  
მარტომ ოჯახი როგორ მოვმართო,  
თუ არ დამითმობ, ბატონო, შვილსა?  
რა ვუყო, რა ვქნა, რა მეშველება,  
მიბრძანე, შენი კვნესამე, შენი!

## ბ ა ტ ო ნ ი

— თუნდ სულიც გაგძვრეს, არ მენაღვლება,  
თავში ქვა იეც და ისა ჰქენი.

## მ ა მ ა

— შე დალოცვილო, ქვა ვიცე თავში. —  
რა პასუხია, როგორ იქნება!..  
ჩვენც ვურევივართ კაცებში, ხალხში,  
ჰამა-სმა გვინდა, გვინდა ცხოვრება...

## ბ ა ტ ო ნ ი

— სუ!..შე ქოფაკო!... გაიკმინდე ხმა!..  
ხმა!.. კრინტი მეთქი!.. ძაღლო, თორემა  
მე არ მივხედავ მაგ შენს სიბერეს  
და უკან ჩაგჩრი ჯოხით მაგ სიტყვებს...

## მ ა მ ა

— როგორ თუ ჩამჩრი!.. კაცს შიმშილით მცლავ,  
ცოცხალსა მმარხავ, ოჯახს მიღუპავ,  
ბებერ-კაცს ლუკმა-პური უწყდება,  
შვილსა შიმშილით მამა უკვდება,  
შვილს შეუძლიან მამის დარჩენა, —  
და ამის ნებას არ აძლევ შენა!..  
მე ჩემს ღვიძლ შვილსა აღარ მანებებ,  
რომ შემინახოს სიბერის დროსა,  
მართალს სიტყვასაც არ მათქმევინებ,  
ფუ, შენს სამართალს, შენს სამსჯავროსა!..



ეს იყო, ძამო!.. ამ სიტყვებმა ჰქმნეს  
შვილის და მამის უღმრთოდ წახდენა...  
შენ მეტყვი, რომ არ უნდა ეთქვა ეს,  
მაგრამ რა ექმნა, აბა სთქვი შენა?  
ეხვეწებოდა განა ცოტასა  
იმ სულწაწყმედილს საწყალი მამა!..  
მაგრამ როგორც ცივ რკინას და ქვასა,  
ვერ დაუღბო, ვერ, გული ხეფწნამა.  
ისც კაცი იყო... ვერ მოუთმინა  
იმედგაწყვეტილ, მოცლულმა გულმა,  
და, რაც შიგ ჰქონდა, სულ ათქმევინა,  
უსამართლობამ წრიდამ გასულმა.

ჩიბუხის ტარით მამა-ჩემს მტრულად  
ეცა ურჯულო ბატონი ჩენი...  
უნდა კი გითხრა, რომ მამა სრულად  
არ გალახულა თავისი ღღენი.  
საწყალი იყო თავის-მომწონე,  
სირცხვილმა გული გადმოუბრუნა...  
თუმც აღარ ჰქონდა მკლავებში ღონე,  
მანც კი ხელი შემოუბრუნა.  
როგორ თუ ხელი მომიბრუნაო,  
„ბიჭო, როზგები! ბიჭო, როზგები!“  
და მამა-ჩემსა მოხუცსა, ძმაო,  
წამოეჭიდნენ მისივ მომეები!..  
როზგით მიცემეს მამა სნეული,  
მამა მოხუცი, პატივს ჩვეული...  
იმისი კენესა და მწუხარება  
გულს მიკლავს ხოლმე, რომ მაგონდება...  
არც უღონობამ, არც სივამხდრებმა,  
არც სიბერებმა, არც თეთრმა წვერმა,  
არც კაცის და არც ღვთის სანართალმა  
არ მიპატივეს ბებერი მამა!..  
მაშინ იქ ვიდექ მე საცოდავი... —  
გულამომჯდარმა წაიდუღუნა,  
მერე მღუმარემ მწუხარე თავი  
ამოიკენესა და ძირს ჩაღუნა.

წამოხტა კაკო განრისხებული,  
 მას აერია სული და გული  
 და შეუტია მწყრალოდ ზაქროსა:  
 — შენ იქ იდექი, ამბობ, იმ დროსა  
 და იქამდინა მიუშვი მტერი,  
 რომ აცემინე მამა ბებერი?!  
 მითხარ, დედალო, რას აკეთებდი,  
 რას გეუბნოდა გული იმ დროსა?  
 იქ რომ მდგარვიყავ, ჩაგაძალღებდი  
 ჯერ შენ და მერე იმ შენს ბატონსა...  
 რას უყურებდი? ნუთუ სეირსა, —  
 როგორ სწუწვნიდნენ მამა-შენს სისხლსა!..  
 ფუ, შენს ნამუსსა, მამა-შვილობას,  
 ფუ, შენს სახელსა, შენს ვაჟკაცობას!..  
 მამას გიკლავდნენ, არ იღებდი ხმას...  
 შენ იქ იდექი, გულით იძუნწე!  
 რა ოზრობასა აქნევდი მაგ ხმალს,  
 რომ ნაჰერ-ნაჰერ ხმლით არ აყუწე  
 სულწაწყმედილი შენი ბატონი!  
 ემაგ შერცხვენილ ხმლისა პატრონი  
 ჩემთან მოსვლასა როგორ ჰბედავდი?  
 ნუ მარცხვენ ყაჩაღს, გამეცა, წადი...  
 შენ, ძმაგ, ყაჩაღად არ ვარგებულხარ,  
 შენ დედაკაცად დაბადებულხარ,  
 ფუ, მაგ კაცობას!

## მ ხ ე დ ა რ ი

— კაკო, ნუ სწყრები!

კარგად არ იცნობ ჯერ ხომ ზაქროსა?  
 ჩემს ტოლს ბიჭს არც მე დავუვარდები,  
 არც გავექცევი ხმალში კაკოსა.  
 ეგრე ადვილად ნუ არცხვენ ჩემს ხმალს  
 და იმის პატრონს ნუ ეძახი მხდალს.  
 ეგრე ნუ მძრახავ... მომიგდე ყური:  
 მაშინ იქ ვიდექ მე უბედური..  
 მინამ ბატონი ხელითა სცემდა —

როგორცა ძალი ხორცსა ვიგლეჯდი...  
„მოჰკალ“ რაღაცა ხმა მძალეზდა,  
მაგრამ როგორღაც თავს ვიმაგრებდი.  
მომეკლა, ვიცი მამას მოჰკლავდნენ,  
მკვდარსა და ცოცხალს კბილით შესჭამდნენ,  
ამის მიზეზი მე ვიქნებოდი,—  
და არ მომეკლა, უღმრთოდ სტანჯავდნენ,  
ეგრე ორ ცეცხლში ვიმყოფებოდი.  
მაშინ კი, როცა წამომიქციეს  
და მოხუცებულს როზგი დამიკრეს, —  
თვალთ დამიბნელდა, ამენთო გული,  
მივევარდი თოფსა გამწარებული,  
მხრიდან გადვიგდე მაშინვე თეჟა,  
და, რო ჰყვიროდა: „დაჰკარ, დაჰკარი!“  
მაშინ ჩემ თოფმაც გამოიჭეჟა  
და შეუწვრილა გულის-ფიცარი —  
იმ ჩემს ბატონსა, ჩემს დამლუბველსა,  
თავის-თავის და სხვის წამწყმედელსა.

### კ ა კ ო

— შენი გამჩენის ჰირიმე, შენი!  
ბიჭი ყოფილხარ, ხმლისა დამშენი...  
შენ დაგიკვებხნოს შენმა მშობელმა —  
რომ იმის ძუძუ შენ შეგრგებია,  
აი დალოცოს ის ქრისტე-ღმერთმა —  
ვისაც შენებრი დაჰბადებია!  
ძამო, გამჩენის შენის ჰირიმე,  
რაც წელან გითხარ, ყველა დამითმე,  
ლამის დამადნოს ჩემმა სირცხვილმა  
და კაკომ შენ-წინ თავი დაიღოს.

### მ ხ ე დ ა რ ი

— განა საქები არის, რომ შვილმა  
თავისი მამის სისხლი აიღოს?  
ამას იქმოდა ყოველი კაცი,  
თუნდა მხდალი და თუნდა ვაჟკაცი.

ვით მეტი იყო წელან ძაგება,  
ისე მეტია ეხლა ეგ ქება.  
მაგრამ, ეჰ, კაკო!.. მე მაგ სიკვდილმა  
გულის ჭრილობა არ გამიმრთელა;  
მამის გულისთვის გაწირულ შვილმა  
მამას ცერაფრით ველარ უშველა.  
მაშინ თავი არ მაგონდებოდა  
და დაჭერისაც არ მეშინოდა...  
მივეარდი მამას... უსულოდ ეგდო!  
მუხლი მომეჭრა, ცეცხლი მომედო!  
ის საწყალი სულ დალურჯებული  
ეგდო უძრავად გაშეშებული!..  
ვაიმე, მამა. მე მომკლომიყო  
როზგ-ქვეშა უღმრთოდ, უზიარებლად!..  
მაგრამ, ეჰ, ძმაო, რაც იყო, — იყო,  
ჯოჯოხეთია მოსაგონებლად.

და, რა სთქვა ესა, ზაქრო მწუხარედ  
პირქვე დაეცა დაღუმებული;  
დიდ ხანსა ეგდო ეგრე მდუმარედ  
გულში ვაების ცეცხლმოღებული.  
ამ საწყალს შვილზედ კაკოც შეწუხდა,  
ორივ წაიღო ერთმა ნადველმა...  
ამ ორს გულში რა ბალღამიც დუღდა,  
წარმოიდგინოს თითონ მკითხველმა.

11 დეკემბერი, 1860 წ.  
პეტერბურგი.

## გეგუე ღიუიხრი თავღაღუელი

(ვეუძლენი თ. პეტრე ნაკაშიძეს)

უქმე დღე იყო, ტვირთმძიმეი და დამაშვრალი  
საყდრის წინ ჯგუფად ხალხი იდგა და ჰყაყანებდა;  
იქავე ახლოს, ცაცხვის ხის ქვეშ ერთი საწყალი  
ბრმა მეფანტურე იჯდა ცალკედ და მდუმარებდა.

„ეჰ, რას ჰყაყანებთ“, — დაიძახა ყმაწვილმა ბიჭმა. —  
შინაც ძლივს ვუძლებთ დღე-მუდამის ქირს, ვაგლახობას!  
აქ მაინც ცოტა ფრთა გაშალოს გულის წადილმა...  
ბრმა მეფანტურევე, გვითხარ რამე, მამა-შვილობას!

გვითხარი რამე, ბერი-კაცო, ნასმენ-ნახული.  
ეგებ გულს უანგი მოაშორო კარგის ამბითა...  
კარგს მოქმელს ტყვედ რჩების ნატკივარი გული ჩაგრული,  
გული გაზრდილი ვაებითა, წვით და დაგვითა“.

ბრმა მეფანტურე გაიმართა მაშინვე წელში,  
სახე ღრუბლვილი გაუნათლდა რაღაც მადლითა;  
მისწვდა, აიღო თვის უბრალო ფანტური ხელში,  
დაჰკრა ფანტურსა და დამღერა ნელისა ხმითა:

### I

„მოდით, შეილნო, აქ მოგროვდით,  
გეტყვით გულის გასათბობსა,  
ვინ ვიყავით, რა ვიყავით  
ჩვენ, ქართველნი, წინა დროსა.

იმ დროს, როცა ქართველის ბედი  
ჩვენ ქართველთვე გვეპყრა ხელში,  
როცა მამულის-შვილობა  
სასახელოდ იყო ჩვენში“.

შეილნო, თქვენნი წინაპარნი  
 ეგრე გულქვად ჩოდი იყვენენ...  
 ძმა ძმასა და მამა შეილსა  
 მამულს ხოლმე შესწირვიდნენ.  
 შეილის ყოლა გლესხს თუ თავადს  
 მარტო მისთვის გვიხაროდა,  
 რომ მამულსა მეომარი  
 მით ერთი ემატებოდა.  
 ტკბილსა ძუძუს დედა შეილსა  
 იმ იმედით აწოვებდა,  
 რომ სიცოცხლით ან სიკვდილით  
 ის მამულს ასახელებდა.  
 უწინ ქართველს უხაროდა  
 მამულისთვის მტერთან ომი,  
 ან მოჰკლავდა, ან თავის-თავს  
 შეაკლავდა როგორც ლომი.  
 მამულისთვის ვის ახსოვდა  
 განსაცდელი განსაცდელში!  
 ტრფობა გვექონდა გულში აბჯრად  
 და სატევრად — ხმალი ხელში.  
 ეგრეთ, შეილნო, აქ ცხოვრებდა  
 უწინდელი ქართველის შვილი,  
 მის მუდამი ნატვრა იყო  
 ან სახელი, ან სიკვდილი.  
 მათს მომდევარს ყოველს თქვენგანს  
 ჰყვანდა დიდი წინაპარი...  
 რჯულის დაცვა, მიწა-წყლისა  
 მის მოწამედ თქვენ წინ არი...

## II

„ეხლა რა ვართ? საწველ ფურად  
 თავი ჩვენი გადვიქციეთ.  
 ის სახელი, ის დიდება,  
 ის ოჯახი დავაქციეთ...  
 რაც ვყოფილვართ, ის აღარ ვართ,  
 რაც ვართ, ის ნულარ ვიქნებით...

ღმერთი გვიხსნის, თუ შვილთ მაინც  
გზად და ხიდად გავედებით.

წინა კაცი უკანასი  
ხილიაო, ნათქოშია,  
დღის ვაგლახს ამით დასძლევს,  
ვინცა ხვალისა მდომია.

ტყუილია სულთქმა, უში,  
კაცი უნდა კაცად იყვეს,  
სანთელსავით თვით დაიწვას  
და სხვას კი გზას უნათვიდეს.

ამით იყო საქართველო  
უძლეველი და ძლიერი,  
ამით ედგა მტერს გულდაგულ  
ეს პატარა ქართველის ერი.

### III

„ყური მიგდეთ, გეტყვით ამბავს  
უტყუარსა და მართალსა:  
ერთი მეფე თურმე ჰყვანდათ  
უწინ ჩვენ მამა-პაპასა.

დიმიტრი ერჭვა სახელად,  
მხარ-ბექ-პრტყელი, ტანმაღალი,  
ჯირითში თუ შვილდ-ისარში  
არავინ ჰყვანდა ბადალი.

კაცი იყო, მეფე-კაცი,  
თვალად, ტანად მშვენიერი,  
გარეთ რისხვით მტრისა მსრველი,  
შინ მოწყალე, ღვთისნიერი.

ღამით თურმე ჩაიცვამდა  
უბრალო ჯაბა-ჯუბასა,  
წავა და ინახულებდა  
საწყალის ჩაღბის უბანსა.

მოივლიდა ქვრივს და ოხერს,  
დავრდომილსა და ობოლსა,  
თავის ხელით ურიგებდა  
მოწყალეობას და საზრდოსა.

ვის რაც გულში დარდი ჰქონდა —  
წავა — იმას შესჩივლებდა,  
გლახის, ობლის, ჩაგრულისას  
სარჩლსა არ ითაკილებდა.

ყველგან იმის სამეფოში  
თხა და მგელი ერთად სძოვდა.  
ერი, ბერი, ობოლ-ქვრივი  
სულ იმის დღეს ჰლოცულობდა.

#### IV

„მის დროს იყო ყეინობა,  
მეფე ყეინს ჰმორჩილებდა,  
მაგრამ თავის ქვეყნის საქმეს  
თვის ნებაზედ განაგებდა.

ერთხელ ყეინს აეშალა  
თათარივე კაცი ერთი,  
იმძლავრა და გადიყენა  
ნახევარი სათათრეთი.

მეფე ჩვენი ყეინს თურმე  
არ გალუდგა სხვასავითა...  
ვაჟი-კაცის წესი არის —  
კაცს შეჰრჩება ძმასავითა.

შეიბნენ და შეიჭიდნენ  
ყეინი და განდგომილი;  
ძმას ძმის ძვალი ატეხინეს,  
მამის სისხლსა ღვრიდა შვილი.

ღამარცხდა ბოლოს ყეინო  
გამდგარმა აკი აჯობა,  
ის მოკლა და თვით დაიპყრო  
სათათრეთის ბატონობა.

ის ხომ მოკლა, მის ცოლ-შვილიც  
ცხენსა კუდით ათრევენა,  
საცა კი მის მომხრე იყო,  
თავები დააყრევენა.



„ჯერი მიდგა ჩვენს მეფეზეც...  
— „რატომ მე არ მომიდგაო,  
იმას ცოცხალს არ გავუშვებ.  
თუ პირში სული მიდგაო“.

გაუგზავნა მოციქული:

— „გამოცხადდი ჩემ-წინ შენო,  
თუ არ მოხვალ, შენს ქვეყანას  
ნაცარ-ტუტას ავადენო.“

დაგვიღონდა მეფე ქველი,  
იმ ურჯულოს მიხვდა წადილს,  
ისიც იცის: — იმ ღვთის-რისხვას  
ჯართ სიმრავლე შესწევს ქადილს.

რა ჰქმნას? თითონც მამაცია,  
მამაციც ჰყავს ჯარი, ერი,  
მაგრამ ერთს რომ ასი გცემდეს,  
კლდეც რომ იყო, გაგტეხს მტერი.

დიდს ჩავარდა საგონებელს,  
შეუღდა ბჭობას, რჩევასა...

— „წავალ — მომკლავს, და არ წავალ —  
ამიოხრებს ქვეყანასა“.

ბოლოს ბრძანა: — „თავს მოეუყრი  
მღვდელმთავართ და დიდებულთა,  
ოცჯერ ზომვა, ერთხელ ქრაო —  
წესია მეფეთ ქებულთა.

ენახოთ ერთი, რას მეტყვიან. —  
წასვლას თუ წაუსვლელობას?  
ორში ერთს რას აძრჩევენ, —  
მეფის, თუ ქვეყნის დამხობას?“

## VI

„ბძანა და მსწრაფლ შეიყარნენ  
დიდებულნი, მღვდელმთავარნი,  
ვეზირნი და ნაზირები,  
ბჭე-მდივნები, სპასალარნი.

წაღვა მეფე ქრების წინა  
თამამად და დიდებულად;  
ყველამ, დიდმა და პატარამ  
თაყვანი სცეს ბატონს ყმურად.

ასე ჰშვენის მეფე იმ დღეს  
ტანად, თვალად, იერიოჲ,  
მნახველთ თვალი ვერ გაიძღეს  
იმის ჰვრეტით ყურებითა.

უბძანა თუ: — „დიდებულნო,  
საქმე მძიმე მაქვს თქვენთანა...  
ის დღეა დღეს, — ან მე ციყო,  
ან ჩვენი ტურფა ქვეყანა.

შეიტყობდით, მომივიდა  
ყეინისა მოციქული,  
აქ მოდიო, მე მიბარებს  
ჩემზედ გაბოროტებული.

თუ არ მოხვალ, მე მოვალო,  
ავიოხრებ ქვეყანასა,  
საცა კი ფეხს დავადგამო,  
ავადენ ნაცარ-ტუტასა.

თუ წავედი, თქვენც ხომ იცით,  
მე სიკვდილი არ ამცდება...  
თქვენ რას მირჩევთ, მართალი სთქვით,  
მართლის თქმაა ერთგულება“.

## VII

„დიდებულნი წინ წამოდგენენ  
ამ ამბით შეწუხებულნი.  
მივიდნენ და თაყვანი სცეს,  
აემღვრიათ მწარედ გულნი.

— „მეფევ! ნეტა რა გვიბძანე,  
რა ასმინე ყურსა ჩვენსა?!  
თუ შენ მოგკვლენ, შენს სანაცვლოდ  
რაღა დარჩეს ერსა შენსა?!  
თუ შენ აღარ გვეყოლები,

რად გვინდა სახლი, ქონება...

ჩვენ შენისთანა დიმიტრი

სხვა არვინ დაგვებადება.

მოვიდეს, რომ იმუქრება

ის ურჯულო სისხლის-მსმელი,

მოვიდეს და წინ დახედების

შენი ერთგული ქართველი.

მტრის მუქარას ერი შენო,

გვითხარ, როდის გაპქცევია

გვითხარ, როდის ქვეყნის მტრის წინ

ქართლს უკან დაუწევია!

ბძანე და იმ მუქარასა

ჩვენს მოსისხლეს შევანანებთ,

ან შევემუსრავეთ მამა-პაპებრ,

ან მეფისთვის თავსა დაედებთ.

სირცხვილია ერისათვის,

თავის მეფე მისცეს მტერსა...

მეფევე, სირცხვილს ნუ შეაქმევ

ერსა შენსა შემნატჯრელსა.

ნუ, ნუ გვაქმევ ემაგ სირცხვილს,

წამყოლს შვილის-შვილამდიე...

აქ მოვიდეს, მის დახვედრა

ამ ჩვენს ქელზედ დააკდიე“.

## VIII

„ეხლა წადგა სპასალარი...

— „მეფევე, რაც სთქვეს, მართალია,

შენ წახვიდე, შენ იქ მოგვლან, —

ჩვენ წელზედ გვერტყას ხმალია?!

თუნდ რომ დავრჩეთ, ვინ რას გვეტყვის

რით ჩავრეცხოთ ეს სირცხვილი?

არა, მეფევე!.. ძველებს უთქვამთ, —

სახელიო, ან სიკვდილი.

ნუ შეგვიშლი მამათ ანდერძს,

სირცხვილისგან დაგვიხსენი!..

მეფეს ვფიცავ, — მამა-პაპებრ  
დღესაც გასჭრის ხმალი ჩვენი.“  
ბატონმა თავი ჩაჰკიდა  
გვირგვინოსანი, ცხებული,  
დიდ ხანს იყო დაღონებით  
ეგრე თავჩაკიდებულნი...

## IX

„ბოლოს ბძანა: — ეს ქვეყანა  
ღვთისაგან მაქვს მონაბარი...  
მე დავრჩე და იგი წახდეს,  
მითხარით, რა მადლი არი!  
ათი ერთზე რომ მოვიდეს,  
მუქარას მტერს შევანანებ:  
რა ვქნა, — ასი ერთზე მოვა,  
ამას ვწუხარ და ვვალალებ.  
ჩვენი კაცი ერთი — ასსაც.  
ვიცი არ შეუშინდება,  
მაგრამ ბოლოს სიმრავლე გეძლევს.  
ხალხი ურგოდ გამიწყდება.  
მერე უკაცურს ქვეყანას  
დასწვავს, დაჰბუგავს, დაანგრევს,  
საყდრებსა და მონასტრებსა  
დააქცევს, მიანგრ-მოანგრევს.  
ხატებს, მამათ სალოცავსა  
წამურტლავს და შეგვიგინებს,  
ამოიღებს მკვდრებს საფლავით,  
ძაღლსა და ღორს ათრევიანებს.  
ქალწულთ-ქალზედ ძალით მივა,  
წაჰბილწავს, ნამუსს დაუმხობს;  
ორსულ დედაკაცებს კიდევ  
მუცლებსა ხანჯლით დაუმხობს.  
დედას თავის ძუძუთა-შვილს  
კბილითა დააგლეჯინებს,  
უსუსურს ბავშვებს ძნად ჩაშლის.  
და ზედ კალოს აღეწვინებს.

## X

„ამდენი სული უბრალო  
ტანჯვითა ამოწყდებიან,  
საწყალის ხალხის ცოდვითა  
ქვანიც კი ატირდებიან.

ქვეყნის ამოდენი ცოდვა  
ჩემს თავზედ დატრიალდება,  
წაწყმდება აქაც და იქაც  
დიმიტრი მეფის ხსენება!

ეს სულ მისთვის? მარტო მისთვის.  
რომ მე შიშსა გავექეცი,  
ჩემი თავი გაღვირჩინე  
და ერი კი წყალს მივეცი.

მე მეფე ვარ და მეფობის  
რიგიც ვიცი რაში არი...  
ფუ, იმ მწყემსსა, თავს უშველოს,  
მგელს დაუგდოს თავის ცხვარი...

სირცხვილს ამბობთ! — რა სირცხვილი?  
მე ვეძლევი ნებით მტერსა,  
ჩემს სიცოცხლეს, ჩემსა სისხლსა  
თითონ ვწირავ მე ჩემს ერსა.

თუ სიკვდილი სახელად გაქვთ  
მაგდენს ჩემთვის — ერთისათვის,  
მაშ რად მიშლით თავდადებას  
მე ერთს — მთელი ერისათვის!..

არა! წაეალ, არ დაედგები,  
დე ასრულდეს ნება ღვთისა,  
ხორცი მოკვდეს, სული ცხონდეს  
მეფის თქვენის დიმიტრისა.

## XI

„შენ რას ბძანებ, მღვდელმთავარო?  
სიტყვა შენი გვიღირს ძვირად:  
მართებს თუ არ ერისათვის  
მეფეს თავი გასაწირად?“

ატირდა და მოახსენა:  
 „ჰე, მეფეო, მე თქმა მიჭირს.  
 მართალს ვიტყვი, თუმცა შენთვის  
 სული მიწუნს, გული მიტირს.  
 მეფევ, უნდა თავი დასდო  
 ერისა და ქვეყნისათვის,  
 ღმერთს შესცოდავს, ვინც გამკიცხავს  
 მე ამ მწარე რჩევისათვის.  
 მეფევ, რაკი ზედმან დაგდო  
 შენ ეგ იძიმე საზღაური,  
 სხვას უკეთესს ვერას გორჩევს  
 სიყვარული ბატონ-ყმური...  
 ესტირ და გორჩევ თავგანწირვას,  
 რაკი რომ ეს დღე გვეწია, —  
 მოყვასთათვის თავდადება  
 ქრისტე-ღმერთის ანდერძია.  
 ესტირ და გორჩევ ღვთის სახელით  
 ხორცი დასთმო სულისათვის,  
 უკვდავება არ დაჰკარგო  
 წუთი-სოფლის გულისათვის!..“

## XII

„მეფეს ძლიერ მოეწონა  
 მღვდელმთავრისა სიტყვა ბრძნული,  
 წარდგა ისევ კრებულის წინ  
 უფრო გათამამებული:  
 — „ღიდებულნო, ხომ ისმინეთ,  
 რაც სთქვა წმინდა მღვდელმთავარმა!..  
 მოყვასთათვის თავდადება  
 გვიბძანაო მაცხოვარმა.  
 ნუ გადმიყვანთ ღვთისა სიტყვას,  
 ერს შიფე ვერ ვუღალატებ!..  
 წავალ და, თუ ღმერთს სწადიან,  
 ერისათვის თავსა დავსდებ:  
 მე წავალ და ეს ქვეყანა  
 თქვენ უნდა გებარებოდეს,

ღარიბს ისე მოუაროთ,  
რომ მდიდარს არ შენატროდეს.

გლებს თუ თავადს, დიდს თუ მცირეს  
მადლი თანასწორ მოჭფინოთ,  
ობოლი, ქვრივი, უძლური  
ძლიერს არ დააჩაგვრინოთ.

თუ დავბრუნდი, თქვენს სამსახურს  
გადავიხდით ორად ერთსა,  
თუ არა და — სული ჩემი  
შეავედრეთ მაღალ ღმერთსა.“

ატირდა და აატირა  
ყველა კაცი იქა მდგომი:  
გულის სიღბო სიტურფეა,  
თუ კაცია სხვაფრივ ლომი.  
მართალს ვაუკაცს ის ამშვენებს,  
როცა გულითაც ლბილია;  
რკინის კაცის თვალში ცრემლი  
დიდსულოვნობის შეილია.

### XIII

„ბძანა და მსწრაფლ დაიშალა  
დიდებულთა იგი კრება..  
უხმო მხლებელთ და უბრძანა  
წასასვლელად მომზადება.

სთქვა და ურდოს კიდევ წავა  
მეფე იგი უშიშარი,  
თქმულა: გმირის კაცისათვის  
თქმა და ქმნაო ერთი არი.

გაათავეს სამზადისი  
და მოვიდა დღეც წასვლისა;  
ვით ჭინკველა ჰფუსფუსებდნენ  
შინა-ყმანი სასახლისა.

ხმა გაეარდა ქალაქშიაც:  
მეფე ჩვენთვის სდებს თავსაო,

უშლიდნენ, არ დაიშალა, —  
ვერ ვულალატებ ხალხსაო.

შეიძრა მთელი ქალაქი:  
ხალხი ეცა ერთმანეთსა,  
მოზღვავედა და იგრილა  
და მიაწყდა სასახლესა.

მივიდნენ, ნახეს, მზად არი  
რაზმი მეფის ამალისა,  
სულ სავსეა ცხენოსნებით  
მოედანი სასახლისა.

წინათ ბარგით გაეგზავნათ  
ჯორი, ცხენი დატვირთული,  
აქ ვინც იყო, სალთად იყო,  
ტურფად კაზმულ-დარახტული.

#### XIV

„თავადნი და აზნაურნი  
სულ ოქროს და ვერცხლში ისხდნენ,  
ვერ იტყოდი, ვინ ვის სჯობდა. —  
ყველა ასე კარგნი იყვნენ.

წყობით იდგნენ და ისმოდა  
აბჯრისა და რახტის უღერა.  
საამოა გაწყობილის  
ვაუკაცების რაზმის მზერა!

კაცი თვალს ივრ ამორებდა  
მხედარსა და იმის ცხენსა,  
თვით წუნი წუნს ვერ დასდებდა  
მათს სიკეთეს, სიტურფესა.

მარქაფად ცხენს ბევრს სხვასაცა  
რაზმ-გარეთა ატარებდნენ,  
მათი მხედნი დიდებულნი  
მეფეს სასახლეში ახლდნენ.

იმ ცხენების მორთულობა  
კაცს უშურველს შურს მოჰკვრიდა,  
მძიმე რახტით დატვირთულნი  
თითო — თითო სოფლად ჰღირდა.



მაგრამ მათში ერთი იყო  
თეთრი ცხენი არაბული,  
უკეთესს ვერ ინატრებდა  
კაცის უძლომელი გული.

მეფისა იყო ის ცხენი,  
თამამი,— თითქო ვეფხვია,  
იმის უზანგში მეფის მეტს  
ვერვის შეედგა ფეხია.

ამაყი იყო ლომსავეით  
და ნაზი როგორც შევლია,  
სხვა მას ვერ იმორჩილებდა,—  
თუ არ ბატონის ხელია.

ცეცხლს აფრქვევდა თვალთაგანა,  
ჰქუხდა, სჰქედა, მრისხანებდა,  
თითქო ლოდინს ჰთაკილობსო,  
ჰშფოთავდა და ტოტსა სცემდა.

## XV

„გამობრძანდა ბოლოს მეფეც,  
თან გამოჰყენენ დიდებულნი,  
ხმალ-კაპარჭით გაწყობილნი,  
სამგზავროდ გამზადებულნი.

მეფეს ახლდა მხარმარჯენივა  
გულმწუხარე მღვდელმთავარი  
და მხარმარცხნივ შუბლშეკრული  
ჯავრით სავსე სპასალარი.

მღვდელმთავარი სწუხს და ჰვეებს  
მეფის თავგადადებასა,  
სპასალარი კი ჰთაკილობს  
უომრად დამარცხებასა.

ხალხიც დაჰზვდა თავის მეფეს  
ვიშითა და წუხილითა,  
მეფეს გული ამოუჭდა  
მათთვის გულის-ტკივილითა.

უბძანა თუ: — „რასა სწუხხართ?  
იქმნას, რაც კი საქმნელია!..  
ურისათვის თავდადება  
მეფისათვის სახელია.

რაც მომივა, მომივიდეს,  
მე იმისთვის არ ვინაღვლო...  
თქვენ ჭირს დაგხსნიო.. დეე ვიქმნე  
მე ქვეყნის ჭირის სანაცვლო.“

ზმა ჩაუწყდა, ველარ-რა სთქვა,  
მოეგუბა თვალში ცრემლი...  
თქმულა: ქვასაცა მაგარსა  
გასტეხს ტყვიის რბილი ჟრღემლი.

მოუმატა ხალხმაც სულთქმა  
ზმა გაისმა ქვეთინისა,  
გულსა ჰკლავდა გლოვა, ვიში  
ობლისა და ქვრივ-ოხრისა.

## XVI

„უცებ მეფემ თვალი მოჰკრა,  
ხალხი გაირღვა შუაზნელ,  
ორს მარჯვე ბიჰს ბერი-კაცი  
მოჰყავთ მის წინ მოედანზედ:

მოჰყავთ ცახცახით, სანხალით  
ჩაჩანაკი და ბებერი,  
მკერდზედ სცემდა თოვლივითა  
მონუცებულს თეთრი წვერი.

მოვიდნენ და გააჩერეს  
ის მონუცი მეფის წინა,  
ბიჭები კვლავ მხრებში უსხდნენ,  
თუმც ყავარჯენს დაებჯინა.

ის ამ ქვეყნის აღარ იყო,  
ფეხი ედგა სამარეში,  
მაგრამ შაინც კი უცემდა  
აღრინდელი გული მკერდში.

## XVII

„მოახსენა: — „ჰე მეფეო,  
ნუ შემრისხავ ერთგულ ყმასა!  
მე ხომ მხედავ, გარდასრულვარ,  
სამარილამ გაძლევ ხმასა.

მეფევე, კისრად აგილია  
ტვირთი ჩვენის შავის ბედის,  
ბედისწერას მისცემიხარ  
უბედურის ჩვენის ქვეყნის.

ვიციოთ, რომ არ შეშინდება  
გული მეფის დიმიტრისა,  
როცა ნდომობს თავგანწირვას  
დიდი საქმე ქვეყნის ხსნისა.

მაგრამ ჩვენ რა გვეშველება,  
ჩვენ, მეფეო, შენთ დამკარგველთ!  
მამობასა ვილა უზამს

შენგან დაობლებულ ქართველთ?

ერს ოფლის მღვრელს და ტვირთმძიმეს  
ჰირსა ლხინად ვილა გვიქცევს?  
წუთისოფლის მძიმე უღელს  
შენებრ, მეფევე, ვინ გაგვიწევს?

ამას ვსტირით, რომ მიღიხარ  
და აობლებ შენსა ერსა,  
ჩვენს ბედსა და მშვიდობასა  
ველარ მოუმართავ ხელსა.

ჩემებრ უძლურს, გაჰირვებულს  
მწედ ველარ მიეშველები,  
ღარიბს, ობოლს, ქვრივს და ოხერს  
პატრონად არ ეყოლები!

## XVIII

ნუ სწუხხართო!.. განა, მეფევე,  
ჩვენ ხელთ არის ეხლა გული?  
რკინაც იყოს — მაინც დასდნეს  
ამებრ ცეცხლში ჩაგდებული.

გულს რად გვიკლავ? რად მიდიხარ?  
ნუთუ, მეფევე, ხსნა არ არი!..

ქუდზედ კაცი დაუძახე,  
მოაგროვე სპა და ჯარი.

ცოტა ვართ, მაგრამ კარგნი ვართ,  
ვინც კია, ყველა ღვეია...  
ბევრჯერ უნახავს ქართველის მტერს,  
რომ ცოტაც ბევრის მძლევია.

აჰა, მეფევე, ორი ბიჭი,  
მხრებში რომ ამომჯდომია,  
ორივ ჩემი შვილი არი,  
ერთი მეორის მჯობია;  
მიირთვი და ინაცვალე,  
ჩემს ქვეყანას მტლად დაუდე!  
ომში, მეფევე, გაჩვენებენ,  
რა ლომებს ჰზრდის ქართველის ბუდე.

შეჰკრიბე დიდი, პატარა,  
გაუძედ წინამძღოლადა,  
მტერს წინ დახვდი... ვინც უკუ-დგეს,  
ღედა შეერთოს ცოლადა!

ჩვენს საქართველოს, ჰე, მეფევე,  
ბევრი რამ გადაჰხედა,  
მაგრამ უომრად მტრისა წინ  
არ წაუხრია ქედია.

ნურც დღეს ვიზამთ ამ საქმესა,  
უომრად ნუ დავმარცხდებით,  
თუ ვერა ვძლევეთ, დავიხოცნეთ  
სახელითა და დიდებით!..“

## XIX

„უბრძანა თუ: — „ბერო-კაცო,  
მესმის შენი ერთგულება...  
შაბაშ ქართველს!.. გული თურმე  
სამარემდე გულად ჰრჩება.“

მაგრამ გეტყვი: ჯარს არ შევკრებ,  
არ ვინდომებ სისხლის ღვრასა,  
მარტო ჩემი გულისათვის  
არ შევქალავ მტერს ათასსა.

ჩვენის ქვეყნის შავი ბედი  
როგორც ტაროსი იცვლება,  
დრო მოვა და თქვენი თავი  
უფრო მეტად დასპირდება.

მე ერთი ვარ, თქვენ მრავალი,  
გვიჯობს ერთით ბევრის რჩენა:  
თუ თქვენ მე არ გემეტებით,  
მე რად გაგიმეტოთ თქვენა?..

განა თითონ ქრისტე-ღმერთსა  
გადარჩენა არ ძალ ედვა,  
არ ინება და ქვეყნისთვის  
ღმერთი იყო და ჯვარს ეცვა.

## XX

„მაშ რად არის მეფე მეფედ,  
თუ არ ქვეყნის ჰირთა მძლეა?  
თუნდაც მოჰკვდეს ქვეყნისათვის,  
ეს სიკვდილი სიცოცხლეა.

არ არის მკვლარი, ცინც მოჰკვდეს  
და ხალხს შესწიროს ღღენია,  
მკვდრად იგი თქმულა, ვისაც აქ  
სახელი არ დარჩენია.

არ დავიშლი, ვსთქვი და კიდევ  
თავი უნდა გავიწირო,  
ისე მოვეკვდე, რომ ჩემ გამო  
დედა შეილზედ არ ვატირო.

წაველ-მეთქი!.. თუ ღმერთს უნდა,  
მოხდეს იგი, რაც მიმელის...  
მაგრამ ჯავრი თან მიმყვება  
საყვარელის ჩემის ქვეყნის.

ეჰ, რაც ჰსურდა, არ დასცალდა  
ჩემს წყურვილსა სულისასა!..

აწ იქმნას ის, რაც სწადიან  
განგებასა უფლისასა.

თქვენ ზომ მაინც აგცილდებით  
ხოცვა, ჟღერა, სრვა და რბევა...  
მე კი... მეყოს, თუ გამყვება  
თქვენი ლოცვა და კურთხევა.“

## X X I

„თითქო ზეცით ზარი იყო,  
თითქო ღმერთი მოევლინა, —  
ხალხი პირქვე მყის დაემხო  
საკვირველის მეფის წინა...“

თურმე დიდებას მადლისას  
კაცი მსწრაფლ დაუმონია,  
ვით დიდს ბოროტს, ისეც დიდს მადლს  
თავისი ზარი ჰქონია.

## X X I I

„მეფეს ერი შეეცოდა,  
სთქვა: — მეც ვსწუხვარ, რომ გწორდებით,  
ღმერთს ვსთხოვ, იყვნეთ ჩემს შემდეგა  
მშვიდობით და გამარჯვებით.“

ნურას გიკვიროთ, რომ ქვეყნისთვის  
მეფე თქვენი თავს არ ჰზოგავს!

ამასა იქმს ყველა, ვინც კი  
კჳუით სჭრის და გულით ჰზომავს.

მე მივდივარ!.. მეფე თქვენი  
დიდს და მცირეს გეთხოვებით,  
რაც დაგაკლეთ, ნუ შემრისხავთ  
რაც შეგცოდეთ, შემინდევით.“

ბძანა და ცხენიც მოართვეს,  
ზედ მოახტა ვეფხვსავითა;  
ცხენზედ იგი დალოცვილი  
გამობრწყინდა მზესავითა.

მტერსაც კი რომ დაენახა,  
თვალი გაუშტერდებოდა;  
მისებრი ცხენზედ მოხდენა  
ბევრს ვაჟკაცს ენატრებოდა.

გამოეთხოვა ყველასა,  
ვინც კი შინ სახლში პრჩებოდა,  
სხვა კი ამხედრდა დიდკაცი  
ყველა, ვინც უნდა ჰხლებოდა.

ამხედრდა თვით მღვდელმთავარიც,  
შინ დარჩენა არ ინება,  
შეევედრა თან წაყენას  
და მეფემაც დართო ნება.

წაბძანდა და თან იახლა  
ის ამაღა და მხედრობა,  
უკან მისტირს ერი, ბერი,  
გლებობა თუ დიდკაცობა.

### XXIII

„მინამ მეფე მიმავალი  
ურდომდინა მივიდოდა  
იმისი მისვლის იმედი  
ყეინსა გადასწყვეტოდა.

ებძანა თავის' სარდლისთვის:

— შეჰკრიბე ჯარი, ლაშქარი,  
წადი, დიმიტრი მომგვარე  
ან ცოცხალი, ანუ მკვდარი;

თუ არა, იმის ქვეყანას  
შეესიე და მოსრეო.  
სულ ძირს დაეც, რაც წინ შეგხვდეს,  
ქალაქი თუ სიმაგრეო.“

წინ შეხვდა მეფეს ეს ჯარი,  
მრავალი და უთვალავი,  
მაშინვე მიხვდა: აქაო  
ამბავია რალაც ავი.

უხმო მხლებელთ და უბძანა:  
 — „ფიცსა გთხოვთ და უნდა მომცეთ:  
 თუ უკადრისი მაკადრონ,  
 თქვენ არავენ ხმა არ გასცეთ.  
 თავს დაიხოცთ, ვერას უზამთ,  
 ჯარია მოზღვევებული;  
 თქვენს სიკვდილსაც არ იკმარებს,  
 თქვენგნით გაბოროტებული, —  
 წავა და ხალხს ამოგვიყლეთს,  
 აგვიოხრებს ქვეყანასა...  
 ნუთუ მთელს ხალხს ანაცვალებთ  
 ვაჟკაცთა თაკილობასა?!  
 ღმერთს აცადეთ... დეე იქმნას,  
 რაც ჩემს თავზე განგებულა!  
 საცა არ სჯობს, გაცლა სჯობსო,  
 ბრძენთაგანა ასე თქმულა.  
 კვლავ ფიცსა გთხოვთ: სისხლს ნუ დაღვრით,  
 ნულარ დამიმძიმებთ სულსა!..  
 განკითხვის დღეს მეფეს ჰკითხვენ  
 ყმის სისხლს, უქმად დანთხეულსა.“

#### XXIV

„რას იქმოდნენ? მისცეს ფიცი  
 გამწყრალთა, გაბრაზებულთა.  
 სირცხვილის ჭამა ირჩიეს  
 ქვეყნისთვის დავალებულთა.  
 ბევრმა იკრა გულში ხელი,  
 სთქვა გულწრფელად: „ვაი დედას!  
 დრო მოგვივა და ამ თათრებს  
 არ შევარჩენთ ჩვენს შერცხვენას!“  
 ბატონმა ბძანა: — „ვინა ხართ?  
 წადით, ჰკითხეთ — რა სწადიან?  
 თუ მე უნდივარ, აქა ვარ,  
 ჰქმნან ის, რასაც მიქადიან...“  
 მალე დაბრუნდა უკანვე



მეფის კაცი მოციქული,  
მოახსენა: — „სარდალს ვუთხარ,  
მეფევ, შენი ბძანებული;  
მითხრა: — „მეფე შენი გვინდა,  
თუ მოგვეცა თავის ნებით,  
არას ვერჩით თქვენს ქვეყანას,  
აქედამვე დავბრუნდებით.“  
იამა, ბძანა: — „მადლი ღმერთს,  
რომ ქვეყანა გადმირჩება  
და ცოდვილი ჩემი სისხლი  
ამაოდ არ დაიღვრება.“  
თვით წაბძანდა სარდლისაყენ,  
მის წინ შეაყენა ცხენი,  
უბძანა თუ: — „მე ვარ მეფე,  
რაც გენებოს, იგი ჰქმენი“.  
მისცივივდნენ უკადრისადა,  
ვით ძეს ღვთისას ურიანი,  
შეჰკრეს, შეჰბაწრეს ტყვესავით  
მეფე, ხელმწიფე სვიანი.

## X X V

„მიჰგვარეს ყეინს ურჯულოს,  
სისხლმსმელს ადამიანიხას...  
სალერღელი აეშალა,  
ვით კრავის წინ მხეცსა ტყისას.  
გაწყრა: — „როგორ გაბედო,  
არ გაღუდეგ ჩემს მოსისხლეს?  
სთქვი პასუხი და იცოდე,  
შენი განკითხვის ღღეა ღღეს.  
იცოდე, რომ წინვე მითქვამს:  
თავი უნდა მოგეკვეთოს!  
ამის შეცვლა თითონ ღმერთმაც  
ჩემმაც მე ვერ შემომბედოს.  
მინამ მოგკლავ, მსურს აქ ჩემ-წინ  
შეინანო ბრალი შენი,

აქ ჩემ ფეხთ-წინ აღიარო  
შენვე შენი სიმუხთლენი..“

მეფემ უთხრა: — „შენისთანა  
ჩემი რა გამკითხველია!  
ნუ მოგაქვს თავი იმით, რომ  
ძალა აღმართის მხენელია.

შენ-წინ მოთქმა რას მიქვიან?  
რას მიქვიან შენანება?  
ჩემი გამკითხველი არი  
ნამუსი და ჩემი ნება.

ჰქენ რაც გინდა!.. მე არ გკითხავ, —  
რად გწადს მომკვეთო თავიო...  
სევს ვინ ჰკითხავს, სისხლს რადა ჰსვამ,  
სეავო, რადა ხარ სეავიო?..“

გაწყრა ყეინი ამაყი,  
ეს როგორ გამიბედაო!  
უბძანა: — „ჰგვემეთ და სცემეთ,  
ბნელეთს ჩააგდეთ ეგაო.“

წაიყვანეს მეფე ჩვენი  
და საბნელეთში ჩააგდეს;  
შემოარტყეს გარს მცველები,  
კარს კლიტეები დაადეს.

## X X V I

„სასჯელი დაუგვიანა  
იმ ღვთის-მგომბელმა თათარმა,  
მინამ მოაკვლევინებდა,  
სცემა, ჰგვემა და აწამა;  
აწამა, ფით სევამ ტრედი,  
მეფე იგი საკვირველი  
და ვერ გაძღა მის წვალებით  
ის უღვთო და სისხლის-მსმელი.

ერთხელ მეფე, ნაწამები  
ძლიერად და უღმობელად,

ბნელში ეგდო ძალმიხდილი,  
უპატრონოდ, უზრუნველად.  
როცა ღონეზედ მოვიდა,  
ადგა, მუხლი მოიყარა,  
პირქვე დაემხო ლოცვითა  
და ცრემლები გადმოჰყარა.

მოსთქვამდა თუ: — „ღმერთო, ღმერთო!  
გთხოვ, მიწყალო, შემიბრალო,  
რაც გადამხდა, განკითხვის დღეს  
მადლად მე არ ჩამითვალო.

მე არა გთხოვ, — მანდ წამება  
აქ წამებით შემიმცირო,  
მე გთხოვ, — სისხლი აქ დაღვრილი  
ჩემი სხვისთვის შეიწირო.

ღმერთო, ღმერთო!.. თვალ-წინ მიდგა  
დიდ ტანჯული მე ძე შენი..  
ვით ძით ყველა, ისეც ჩემით  
ერი ჩემი დაიხსენი.“

## X XVII

„უეცრად კარი გაიღო,  
რკინით, კლიტით დაჭედილი;  
ორი ვილაც შემოვიდა  
ფეხაკრეფით როგორც ჩრდილი.

მოვიდნენ და თაყვანი სცეს  
შეფესა გაოცებულსა...  
მერე იცნა, მისნი იყვნენ,  
და ჩაიკრა ორივე გულსა.

მოახსენეს: — „შევსყიდეთ  
და გაუტეხეთ ქრთამით კარი...  
ყველა მზაა!.. თავს უშველე,  
აწ შენი ჩხნა შენ ხელთ არი.

ნულარ იცდი... თუ არ ეზღავ,  
მერე გვიანდა იქნება:  
ხვალ თავს გჰკრიან, — ასეაო  
ყვინისა თურმე ნება“.

უბძანა თუ: — „აღრეც მითქვამს,  
არ გაღვირჩენ სხვისით თავსა,  
ჩემ-მაგიერ არ დავლუბავ  
ჩემს ქვეყანას და ჩემს ხალხსა.  
ჩემს გაქცევას ხომ ზედ მოჰყვა  
ხალხის სრვა და ქვეყნის რბევა!  
არა, არ ვიქი.. ტყუილია  
თათბირი და ყველა რჩევა!“  
ბევრს ევედრნენ და არ გაპყვა  
მეფე თავის ერთგულ ყმათა...  
ნეტა რა გულმა გაუძლო  
მათ ხეცუნას და მულარათა!

## XXVIII

„გათენდა დღე ზართ-ამხდელი,  
ვაი იმა დღის დამსწრესა!  
ტყვე მეფე გამოაყვანეს  
მოედანსა თავ-საკვეთსა-  
ხალხი, თამაშად მოსული,  
ვით ჭინჭველა ირეოდა,  
თვით ვეზირიც ყეინისა  
იქ იყო და რიგს აწყობდა.  
ვეზირს გვერდთ ედგა ჭალათი  
ერთი რაღაც საზარელი,  
ილლიამდინ დაემკლავა  
ძარღვიანი ტლანქი ხელი.  
ამ ორ შუა ჩააყენეს  
ფერმიხდილი წვალეებითა...  
დადგა მეფე.. ღმერთს შეხედა  
ნადვლით სავსე თვალეებითა.  
მერე თვალი იმავე ნადვლით  
მოედანს შემოატარა...  
ის ყოფა და ის ჭალათი  
სანახავად შეეზარა..

შეპკრთა როგორც ხორციელი,  
უმისოდაც ქანც-წყვეტილი,  
დასუსტდა და წაბარბაცდა,  
როგორც ერთი დაბნედილი.

მაგრამ ისევ თავს უშეელა,  
არ დაუთმო ხორცსა სული...  
ამ დროს ტირილიც მოესმა,  
ქვითინი გამწარებული..

გაოცდა და მიიხედა,  
ჰნახა თვისნი დიდებულნი!..  
სულ მთლად იქ მოგროვილიყვნენ,  
ვინც კი იყვნენ თან ხლებულნი.

მღვდელმთავარიც მათთან იყო,  
თავთ იცემდნენ, პირს ისოკდნენ,  
მათის ცოდვით და ვაებით  
ქვებიც კი ატირდებოდნენ.

თავისიანთ დანახვაზედ  
მოაგონდა ყველაზერი,  
სახლი, კარი, თვისი, ტომი,  
ქვეყანა და თავის ერი..

ეჰა, გატყდა რკინის გული,  
მეფე მაგითი იძლია!

ამას კი ველარ გაუძლო,  
აქ კი ხორცმა სულსა სძლია!..

მობრუნდა და ორსავ თვალზედ  
კენესით ხელი მიიფარა..

ვეზირს უთხრა: -- „დამიხსენი!..  
რაც გადამხდა, ისიც კმარა!..“

სთქვა და თქმული თვით შეჰზარდა...  
სახელი არ წაიხდინა..

— „ჰა, ჯალათო!“ — დაიძაბა  
და კისერი გაიწვდინა.

მანც აიღო ხელთ ნაჯახი,  
ერთს წამს კისერს დაუსწორა,  
დასცა და ერთის დაკვრითა  
თავი ტანსა მოაშორა...“

# მანდილი

ლევინდა

(ვეფხვი ოღლა კავკავაძისას)

## I

სადაც დიდებულს მთასა მყინვარსა  
ორბნი, არწიენი ვერ შეჰხებიან,  
სად წვიმა-თოვლნი, ყინულად ქმნილნი,  
მზისგან აროდეს არა დნებიან,  
სად უდაბურსა მას მყუდროებას  
კაცთ ურიაშული ვერ შესწვდენია,  
სად მეუფება ჰეჰა-ქუხილსა,  
ყინულს და ქართა მხოლოდ ჰშთენია. —  
უწინდელს დროში ღვთისა მოსავეთა  
გამოუქებავეთ მუნ მონასტერი  
და იმ ყინულში შეთხრილს ღვთის ტაძარს  
ბეთლემს უწოდებს დღესაცა ერი.  
ფრიალოსაებრ ჩამოთლილი აქვს  
იმ წმინდანთ სადგურს ყინულის ზღუდე,  
და ზედ კარია გამოკვეთილი, —  
ვით კლდის ნაპრალზედ არწივის ბუდე.  
ზღუდის ძირამდე რკინის რამ ჯაჭვი  
ზედა ჰკიდია თურმე იმ კარსა, —  
და თუ არ ჯაჭვით, სხვაფრივ ვერა გზით  
ვერ ძალუძს ასვლა ვერარა კაცსა.

## II

აქა ყოფილა უწინ კრებული  
ღვთისთვის ქვეყნიდამ განდგილ ძმათა  
და მყინვარს ამას უდაბნოს თურმე  
ისმონდა ქება წმიდა-წმიდათა.  
აქა გაშდგარან, განშორებიან  
ამ წუთისოფლის სამაცდუროსა,  
აქ ჰღირსებიან მართალთა თანა  
საეანესა მას საუკუნოსა.  
გასულან ამა ქვეყნით შამანი  
და ტაძარი ღვთის გაუქმებულა...  
იმათის ღვაწლით იმ ტაძრის მადლი  
მთიულთა შორის ყველგან განთქმულა.  
და ის ადგილი, ის არე-მარე  
ესოდენ წმინდად სწამს დღესაც ვრსა,  
რომ ნასროლს ნადირს, მუნ შეფარებულს,  
მონადირეც კი ვერ ახლებს ზელსა.  
თუ არ ღვთის ღირსი, სხვა ვერვინ თურმე  
ამ წმინდა ადგილთ ვერ შეეხება,  
და თუ შეჰბედავს, მსწრაფლ რისხვა ღვთისა  
ჰქეა-ჰუხილით მოევლინება.

## III

ოდესღაც ტაძარს იმ გაუქმებულს  
მეუდაბნოე შეჰკედლებია;  
საიჭიოსთვის ეს სააქაო  
დაუთმია და განშორებია.  
განშორებია ვით ცოდვის სადგურს,  
ვით სამეუფოს ბოროტისასა,  
სადაც მართალი გზას ვერ აუქცევს  
განსაცდელსა მას ეშმაკისასა;  
სად ცოდვა კაცსა სდევნის (ღღე-ღა-ღამ,  
ვითა მპარავი და მტაცებელი;  
ზად, რასაც ჰზადის მართალი მართლად,

მას უმართლობად ჰქმნის ცოდვის ხელი;  
სად რყვნა, წაწყმედა და ღალატია,  
სადაც ძმა ჰხარბოზს სისხლსა ძმისასა,  
სად ცილი, ზაკვა ძულებადა ჰხდის  
წმინდა სიყვარულს მოყვასისასა.  
განშორებია ამ წუთისოფელს,  
სად ყოვლი ნიჭი მაცდურებაა,  
სად თვით სიტურფე და სათნოება  
ეშმაკის მახე და ცდუნებაა.

#### IV

განდეგილა და ამ ყინულებში  
სულ მარტოდ-მარტო დაყუდებულა  
და გვაში მისი ცოდვილთ ფიქრთაგან  
იმ დღიდგან აღარ შეძრწუნებულა.  
განუდევნია გულიდამ ყველა  
მსოფლიო ზრახვა, ფიქრი, წადილი,  
რათა წარუდგეს უფლისა მსჯავრსა  
სულით განწმენდილ და განბანილი.  
დღე-და-ღამ ლოცვით, გოდებით, გვემით  
ხორცი სულისთვის უწამებია,  
და ვით ჰურჭელი იგი წყმედილი —  
ცრემლით ურეცხავს, უსოვლებია.  
დღე-და-ღამ სულთქმა და ღალადება  
მოჰფენია კლდეს ყინულისასა,  
და არ შემწყდარა მუნ ლოცვის ცრემლი,  
ვითა ღელესა მას გლოვისასა.  
განყენებული წუთისოფლისგან  
აქ სული მისი აღყვავებულა,  
და ხორციელი გულისთქმა ყველა  
დამარხულა და განსვენებულა.



## V.

არ იყო ხნიერ, მაგრამ ვით წმინდანს  
სულის სიმაღლე ზედ დასჩენოდა,  
ზედ ეტყობოდა, რომ სული მისი  
სულ სხვა მსოფლიოს შეჰხიზნებოდა.  
სახე ვამხდარი, კუშტი და მწყრალი  
სიწმინდის მადლით დაჰშვენებოდა,  
და მაღალს შუბლსა, ნაოჭად შეკრულს,  
შარავანდედი გადაჰტენოდა.  
მისთა მცხრალ თვალთა ღრმა მეტყველება  
ესოდენ იყო წყნარი და ტკბილი,  
თითქო მათ-შიგან ჩასახებულა  
თვით სათნოება, კდეშით მოსილი;  
თითქო ნელისა სიხარულითა  
სამოთხის ღია კარს შეჰხარიათ  
და სულთან ერთად უფლისა მიმართ  
სასოებითა მიისწრაფიან.  
ლოცვით და მარხვით ხორც-უძღურ-ქმნილი  
ჰგვანდა წმინდანსა იგი წამებულს,  
მრავალგზით ტანჯულს და ტანჯვათ ზედა  
ძლევეთ-მოსილსა და განდიდებულს.

## VI

წამება მისი ღმერთს შეუწირავს,  
ვედრება მისი ღმერთს უსმენია,  
და სასწაული ნიშნად მადლისა  
მდალადებელზედ მოუვლენია.  
ბნელსა სენაკსა, სად იგი მდგარა,  
ჰქონია მზის მხრივ ერთი სარკმელი,  
და მუნით თურმე გადმოდენილა  
შუქი მზისა და მთვარის ნათელი.  
ოდეს უდაბნოს გასწვრივ მთის წვერზედ  
მზე სხივგაფენით ამოვიდოდა,  
იმ სარკმლით სხივი მისი სენაკში  
სვეტად ბრწყინვალედ ჩაეშვებოდა.

როს ჰლოცულობდა, იმ სხივსა თურმე  
თვის ლოცვანს მწირი ზედ დააყრდენდა,  
და ზორცთუსხმელი მზის სხივი იგი  
უფლის ბრძანებით ზედ შეირჩენდა.  
ეგრე ვიდოდნენ დღენი და წელნი,  
ეგრე უბიწოდ იგი სცხოვრობდა...  
და თვის სიწმინდეს ყოველდღე თურმე  
ამ სასწაულით შეიმოწმებდა.

## VII

ერთხელ, საღამოს, ლოცვით დაღლილი,  
გადმოძღვარიყო ზღუდის კარებსა  
და დაფიქრებით გადმოჰყურებდა  
მწვანით დაფენილს მთისა კალთებსა.  
მზე გადახრილი ჯერ კიდევ სრულად  
მთისა გადაღმა არ დასულიყო  
და მთის წვერზედ, ვით ცეცხლის ბორბალი,  
ირგვლივ სხივგაშლით ანთებულიყო.  
ცისა ლაყვარდი, ვით ნაკვერჩხალი,  
წითლად და ყვითლად მზისგან ჰლუვოდა,  
და განმსჭვალული მისით ღრუბელი  
შორს ათასფერად სხივებში ჰთრთოდა.  
ამა უბიწო დიადის ხილვით  
წარტყვევნილ იქმნა განყენებული  
და ვით ცხოველს ზატს ღვთის დიდებისას  
შესცქერდა მზესა განცვიფრებული.  
უეცრად ასტყდა რამ ნიაფ-ქარი,  
დაჰბერა კლდეთა, ნაპრალთ და მღვიმეთ,  
და მყინვარიდამ ვითა ვეშაპი  
შავი ღრუბელი დაიძრა მძიმეთ.

## VIII

დაიძრა მძლავრი, უზარმაზარი,  
ცაზედ განერთხო და გაიშალა,  
და იქ, თითქო მტერს შეეჭახაო,  
ჭექა-ქუხილით დაიგრიალა.  
შეირცა მთელი ცა და ქვეყანა  
იმა ქექით და იმა ქუხილით,  
ცა აირია, დაბნელდა უცებ  
და წამოვიდა სეტყვა შხუილით.  
ქუხვა და ჭექვა, ელვა და სეტყვა,  
არევ-დარევით ღრუბლების სრბოლა,  
ქართა, აწ გრიგლად რადმე ქცეულთა,  
ზარით და ზათქით კლდეებში ქროლა, —  
ესე ყოველნი, ერთად რეულნი,  
ჰგვანდნენ ცით ვლენილს რისხვას ღვთისასა,  
თითქო ღმერთი სჯის ქვეყანას ცოდვილს  
ღღეს მას საშინელს განკითხვისასა.  
ამ ღროს ის მწირი სენაკში იყო,  
ცრემლით ალტობდა ღვთის-მშობლის ხატსა  
და ხელაპყრობით ევედრებოდა  
წაწყმედისაგან ქვეყნისა ხსნასა.

## IX

უცებ მოესმა რაღაც კაცის ხმა...  
ეოცა ეს ხმა უჩვევი მწირისა.  
ყური ათხოვა — და თითქო ვიღაც  
ჰკივის, იძახის ზღუდისა ძირსა.  
ეცა მსწრაფლ კარებს და გადიხედა...  
ვიღაც კარის ჯაჭვს ზედ მოსდგომოდა,  
და ვით ყრმა ვინმე, ღალადების ხმით,  
შესაფარებელს ბინას ითხოვდა.  
თუ ძეა კაცის, რამ მოიყვანა  
ამ ღროს, ამ ღამეს ქვეყნისა რღვნისას?  
მხეციც, ნადირიც თვის ბუდეში ჰძრწის

მორიდებული ამ რისხვას ღვთისას!  
ჰკითხა, — „ვინა ხარ? კაცი, თუ მავნე,  
აქ მოგზავნილი ეშმაკისაგან?“  
— „კაცი ვარ, კაცი!.. მომეცი ბინა,  
მიხსენ, ღვთის მადლსა, სიკვდილისაგან.  
ვერ ჰხედავ, ლამის ცა ჩამოიქცეს  
და ზედ დაეცეს დედამიწასა?  
რა დროს კითხვას? შემობრალე მე  
და ნუ დამიჭერ ჰერსა, ბინასა“.

## X

— „მართალი სთქვი შენ... თუ ხარ ძე კაცის,  
ცოდვას გარეთ დაგტოვო ამ დროს;  
თუ მაცდური ხარ, სჩანს ღმერთს სწადიან  
მწირი ცოდვილი დღეს გამომცადოს.  
ამოვედ, ვინც ხარ!.. იყავნ ნება ღვთის!..  
ხელი ჩაავლე ემაგ რკინის ჯაჭვს,  
ნუ შეშინდები... კიბუა იგი  
და ზედ რგოლები საფეხურად აქვს.“  
და იმ ბნელაში იგი წვალებით  
ავიდა მალლა იმა ჯაჭვითა.  
მუნ დახვდა მწირი... რაა? ვინ არის?  
ვერ გაარჩია სიწყვედიადითა.  
— „გამომყევ, ვინც ხარ! ბინას მოგცემ შენ,  
გავიზიარებ ჩემსა სენაკსა..  
სახლი ღვთისაა... შენც შეგივრდომებს,  
შენებრ მახვეწარს მრავალსაც სხვასა“.  
წაუძღვა წინ და შევიდნენ სენაკს...  
იქ უფრო, ვიდრე გარეთ, ბნელოდა,  
მხოლოდ კი ერთგან ღველფად ქცეული  
ცეცხლი ჩამქრალი ფერფლ-ქვეშე ჰჩნდოდა.

## X I

რა დედა-ლეთისამ სენაკს შეუშვა  
და არ შერისხა იგი მოსული,  
გულში სთქვა მწირმა: ძეა კაცისა  
და არა მავნე, ბოროტი სული.  
სტუმარი იგი დანაცრულს ცეცხლსა  
ფიცხლავ მიეარდა დამზრალი, სველი,  
ღველფი გაქეჟა, ჩაჯდა ცეცხლა-პირს  
და გაიწოდა სათბუნად ხელი.

— „უჰ, უჰ, რა ცივა!.. — სთქვა მან სტუმარმან: —  
ლამის გავშეშდე სიცვიისაგან!..“  
მწირს ხმა ეოცა... ქალის ხმას ჰგვანდა...  
შეერთა, შეშინდა ამა ჩმისაგან.  
ნუთუ აწ ბედმა ქალის სახითა  
განსაცდელი რამ მას მოუვლინა?  
და ვითა ელვამ, ამისმა ფიქრმა  
გულში ზარცემით მწირს გაუბრინა.  
მაგრამ იქნება ბედმა ეგე ჰქმნა  
მისდა საცდელად თვით უფლის ნებით!..  
და კისრად იყო, ვით ნება ღეთისა,  
სასოებით და გულდამშვიდებით.

## X II

— „შეშა არა გაქვს? — ჰკითხა სტუმარმა: —  
მოიტა, ცეცხლი ავანთო ერთი,  
ხეალ თუნდა ერთ ზურგს მე ამოგიტან,  
ოღონდ დღეს გავთბე, შენ შენი ღმერთი.“  
მეუდაბნოემ იქაე კუთხილამ  
მოზიდა შეშა, ცეცხლი აანთო.  
რა გაძლიერდა, ცეცხლისა შუქმა  
ბნელი სენაკი სინათლით მორთო.  
ხოლო რა შუქი იმა ცეცხლისა  
სტუმარს იქ მჯდომელს ზედ მოეფინა,  
გასაოცარი რალაც შვენება

განდგეილს თვალწინ წარმოედგინა:  
ყმაწვილი ქალი, სავსე სიცოცხლით,  
სავსე შვენების ჯადოთი, გრძნებით,  
ნაზად, ამაყად ცეცხლის პირს იჯდა,  
ვით მინდვრის შველი ყელმოღერებით.  
ემხითა მფრქვევსა მის შავსა თვალებს  
თვით ცეცხლი სითბოს ეცილებოდა,  
მის ელფერთაგან თვით ცეცხლის შუქი,  
ვითა ძლეული, უკუ-ჰკრთებოდა.

### XIII

თვით მადლს ტრფობისას რომ მოესურვოს  
ხორცსხმულად ვლენა ოდესმე ქვეყნად,  
უკეთესს სახეს ვერ ინატრებდა  
თავის სიცხოვლის გამომსახველად.  
მაშინაც ვინ სთქვას, — ვინ ვის აშვენებს,  
მადლი ამ სახეს, თუ სახე მადლსა!..  
თვით შური, მტრობა ვერ უპოვიდა  
ქალს მშვენიერსა ვერაფერს ნაკლსა.  
მის თვალთა ელვით, დაწვთა შუქფენით,  
გულ-მკერდის რხევით ვინ არ ათრთოლდეს!..  
დახე მის ტუჩთა!.. თითქო თვით ტრფობას  
თვის ნაზი კოცნა ზედ დარჩენოდეს.  
ვის არ მოიმზრობს, მოინადირებს  
ყოვლად ძლიერი მშვენიერება!..  
თქმულა — მხეციც კი გააფთრებული  
მის წინ დატკბება და დაწყნარდება.  
და დაუწყნარდა ძალს შვენებისას  
იგი მწირიცა მწყარალი, გულმშრალი,  
და უცოდველის გულის-ტკივილით  
ქალს შეაჩერა ტყვექმნილი თვალი.

## XIV

ბოლოს ჰკითხა მან: — „ვინა ხარ, შვილო?  
ამ უღაბნოში რამ მოგიყვანა?

მერე ამ დროსა. როს ავდრისაგან  
ლამის წაირღვნას მთელი ქვეყანა?“

— „მწყემსი ქალი ვარ... აქ მთის კალთებზედ  
ცხვარს ვაძოვებდი მამი-ჩემისას,  
ბალახმა ცხვარი ამოიტყუა  
და მეც ამოვყევ ფარასა ცხვრისას.  
ლამაზი იყო ამ დღის საღამო,  
რა-რიგ ჰშვენოდა მზე დამავალი!  
შევხედე თუ არ იმ მზეს, იმ ცასა,  
გაეშტერდი, ველარ მოვსხლიტე თვალი.  
ღვთის სახესავით გარს შუქმოსხმული  
მთის წვერზედ დიდი მზე ბრწყინვალედა  
და საკვირველი ის სანახავი  
თვალთანა ერთად გულსა მტაცებდა.  
სულ დამავიწყდა მამის ნათქვამი: —  
ნუ, ენდობიო, შვილო, ამ მყინვარს,  
ნახავ, მზე აღვას, უცებ გაწყურება  
და წამოხეთქავს ციღამ ნიაღვარს.

## XV

„მაგრამ რას იზამ? მოდი, გულის უთხარ, —  
კარგ სანახავზე ნუ ხარ-თქო 'ხარბი!..  
მე იქ გავერთი... მყინვარმა თურმე  
უცებ შეიკრა მრისხანედ წარბი.  
ცა მოიღრუბლა, წამს ჩამობნელდა,  
მთიღამა ცივი ავარდა ქარი,  
მოვინდომე ცხვრის გამობრუნება,  
გვიანდა იყო, ვერ მოვასწარი.  
უცებ შემემთხვა იქავ ავდარი,  
სეტყვა ტყვიასებ წამოუშინა,  
ცხვარი გამიფრთხო, ფერ მივეშველე,

ბნელაში ფეხიც ვერ წავდგი წინა.  
მართლა უნდობი ყოფილა ეს მთა!  
უცებ სცოდნია ჩამობნელება,  
უცებ სამოთხეს ჯოჯოხეთად ჰქმნის,  
უცებ გიტკობს და უცებ აფთრდება.  
ვიმ... რად გავტეხე მამის ნათქვამი!..  
ახია ჩემზე, რაც დამემართა!  
მამის ურჩსაო, გამიგონია,  
გზა თურმე არსად არ წარემართა.

## XVI

„დავლუბე ცხვარი მე მამის ურჩმა,  
მე გავცემ პასუხს, ჩემი ბრალია!..  
მაგრამ შენვე სთქვი: ვანა წაუხვალ,  
რაც ფათერაკად მოსაჯულია?  
თითონ ცხვარს მამინ როდი ვჩიოდი,  
მე მამა-ჩემი მებრალებოდა,  
მამის-ერთა ვარ, მამას ვუყვარვარ,  
ვწუხდი, რომ ჩემთვის შეწუხდებოდა.  
ცხვარი დავლუბე, — ეგ ერთად-ერთი  
მამის სარჩო და საბადებელი,  
მაგრამ წარბსაც კი არ შეიხრიდა,  
ოღონდ ვენახე მე უვნებელი.  
ვიდექ სეტყვის ქვეშ ბნელაში სერზედ...  
ცა ქვეყნის დანთქმას თითქო ჰლამოდა,  
ჰქექდა და ჰქუხდა... და ჩემთა ფეხ-ქვეშ  
თითონ მთის ძირიც იძროდა, ძრწოდა.  
რა მექმნა ბეჩავს!.. საბრალო თავი  
სად შემეფარა, გადამერჩინა?  
ვსთქვი, — აქავ დავერჩე და ბედს მივენდო,  
თუ გავბედო და წავიდე შინა?“



## XVII

„დავრჩენილიყავ, მერე ვინ იცის,  
გავლწვედი-ლა ამ ღამეს ბედშავს?..  
წავსულიყავ და ამ ბნელაშია  
კლდე-ღრეში საღმე ჩავიჩხდი თავს...  
მაინც გავბედე შინისკენ წასვლა,  
ვსთქვი, რაც მომივა, ღე მომივიდეს!  
თურმე ნუ იტყვი, გზა ამრევია  
და მოვსდგომივარ მონასტრის ზღუდეს.  
ჯაქვს ზედ წავაწყდი... და მაშინ მივხვდი,  
რომ აქ მყინვარის მონასტერია,  
ისიც ვიცოდი მამი-ჩემისგან,  
რომ მონასტერში ვილაც ბერია.  
გახარებული გეძახდი დიდ ხანს,  
შენც კი კარგა ხანს მე ხმა არ გამე...  
ვსთქვი, — ვაიმე თუ ვერ გავაგონო  
და აქ მომიხდეს ვათიო ღამე!..  
მაგრამ მიბრალა ჩემმა გამჩენმა  
და შენამღე ხმა ამოვაწვდინე...  
სხვა ხომ შენც იცი... ღმერთმა გარჩინოს,  
როგორც შენ მე ღლეს გადამარჩინე“.

## XVIII

— „მე ნუ მიმადლი, შვილო, შენს დახსნას,  
ღმერთია ყველას მშველელი, მხსნელი...  
ღვთით არ-განწირულს ყველგან წინ უძღვის  
მისი მარჯვენა შემწყნარებელი.“  
— „შენ კი ეშმაკი, მგონი, გეგონე.“  
— „ნუ მიწყენ, შვილო, და ნურცა გიკვირს!..  
შენვე სთქვი, სხვა ვინ მოხედავს ქვეყნით  
ერთს დავიწყებულს და განდევილს მწირს!“  
— „განა ქვეყნადა შენ არავინ გყავს,  
ან ძმა, ანუ და, ან ნათესავი?“  
— „მყევანდნენ... და ყველას გამოვეთხოვე,

აქ მოველ და ღმერთს შევწირე თავი“.

— „მას აქეთ ბევრი წელიწადია?“

— „არ ვიცი“. — „როგორ?“ — „არ ვთვლი წელთა-სვლას მოვშორდი შვილო, წუთის-სოფელსა და რაღას ვაქნევ იმის უამთა-ცვლას!“

— „მოშორდი და აქ სულ მარტოკა ხარ?“

— „ეგეთი არის, სჩანს, ნება ღვთისა“...

— „როგორ თუ ღვთისა? ღმერთს რაში უნდა ამ ყინულებში ყოფნა კაცისა?“

## XIX

„ღმერთო, ნუ მიწყენ, ნურც შენ გამკიცხავ მე უმეცარსა მეტის თქმისთვისა...

როცა აქ ცხვარი მიძოვებია

და შემიხედავს მყინვარისთვისა,

მომგონებია მამის ნააქვეამი,

იქ, ყინულებში კაცი სცხოვრობსო.

სულისთვის ზორცი გაუწირნია.

უწუთისოფლოდ მარტოდა სძლებსო, —

გამკვირებია მე ეს ამბავი!..

მითქვამს: იქ ყოფნა რას არგებს სულსა?

განა სწყინს ღმერთს, რომ კაცი შეჭხარის

ქვეყანას, ღვთითვე დაბადებულსა?

ვფიქრობდი: ნეტავ მაშ რისთვის მორთო

ესე ლამაზად წუთის-სოფელი?

განა მისთვის, რომ ადამიანმა

შეაჩვენოს და აიღოს ხელი?

ყველაფერს უნდა გამოვეთხოვო,

ჩემს ტოლს და სწორსა, ლხინს და სიხარულს?!

ღმერთო, ნუ მიწყენ... ვერ ვიზამ მაგას!

ადრე და მალე ვერ მოვიკლავ გულს!..

„ან შენ როგორ სძლებ უწუთისოფლოდ!  
 მერე იცი კი რა-რიგ ტკბილია!  
 აქ სიკვდილია, იქ კი სიცოცხლე,  
 აქ ჭირია და იქ კი ლხინია.  
 ნუთუ თვისტომი, ტოლი და სწორი  
 ყველა გულიდამ ამოგიღია?  
 ნუთუ ნალველი, დარდი და ჭავრი  
 თან არავისი წამოგიღია,  
 არ გაგონდება არც მამა, დედა,  
 ან ძმა, ანუ და, ან სახლი, კარი?  
 ნუთუ მის-დღეში არა გყოლია  
 მოკეთე, გულის შემატკივარი?!  
 როგორ მოშორდი?..“—„რა გითხრა, შვილო?  
 ყველაზე უფრო სული ტკბილია,  
 იგი ტყვე არის წუთის-სოფლისა  
 და ეგ ყოველი მის ბორკილია“.  
 — „მაშ ვინც ქვეყნად ვართ, ყველა წავეწყდებით,  
 ველარ დავიხსნით ვერაფრით სულსა?“  
 — „ხსნა ყველგან არის... ხოლო გზა ხსნისა  
 ესეთი მერგო მე... უბედურსა...“

## X X I

„უბედურსაო“?!.. და მწირსა უცებ  
 გულს ელდა ეცა და სიტყვის თქმავედ...  
 ესეთი სიტყვა ხომ ჩივილია,  
 და ვით მოადგა იგი ენაზედ?  
 „უბედურსაო“?! ეგ ხომ სიტყვაა  
 გულის-ტკენის და სამღურავისა!  
 ეგ ხომ სულთქმეა, აღმოკენესა  
 ბედნიერების დამკარგავისა!..  
 მან რა დაჰკარგა?.. ნუთუ არ ჰყოფნის,  
 რომ მან დასძლია საწუთროება,  
 განდგა მისგან და აქ მოიპოვა

სულის მშვიდობა და მყუდროება?  
ნუთუ დაკარგვად აწ მიიჩნია  
დამარხვა ზორცის, გულთქმის, ვნებისა,  
და არა ჰკმარის, რომ სულს დაუდგა  
წმინდა საყდარი უკვდავებისა?  
რა დაემართა? რა მოუვიდა?  
ნუთუ უჩივის აწ იგი ბედსა?  
ნუთუ აწ ჰნანობს ქვეყნის დათმობას  
და მუნათს რასმეს სდებს შემოქმედსა?

## X X I I

არ შეჰკადრებს ღმერთს იგი სამღურავს!  
არ გასწირავს სულს შევედრებულსა!  
ვით არ იკმარებს ღვთისა კურთხევას,  
მასზედ გულუხვად მომადლებულსა!..  
არა და არა!.. მაშ რამან სძლია  
და ეს სიტყვა რამ ამოაკვნესა?  
მიმოიხედა თვის გარს საბრალომ,  
თითქო მტერს ეძებს შემაცდენელსა.  
არავინ იყო... ხოლო ცეცხლა-პირს  
ქალს დაღალულსა მისძინებოდა,  
და ცეცხლის შუქი მის ტურფა სახეს,  
ვით საყვარელსა, ზედ დაჰხაროდა.  
საოცარ იყო მიძინებულნი  
იგი სიტურფე, იგი მშვენება!..  
თითქო მის შექმნას ერთად ცდილანო  
თვით სიყვარული და ნეტარება.  
თითქო თვით მადლსა შვენებისასა  
თვისი საუნჯე აქ დაჰბნევიან  
და ეშხსა, ვითა იადონს ვარდზედ,  
სული მის ღაწვზედ დაუღევია.

### XXIII

და რა იხილა კვლავ იგი მწირმა,  
დაუცხრა სული აქოთებულ  
და რაღაც ძალით ქალზე კვლავ დარჩა  
თვალი ტყვექმნილი, გამტერებული.  
რად შეემსკველა თვალი იმ სახეს?  
ის სახე ატკობს, თუ ეოცება?  
მორიდება ჰსურს და ნეტა თვალი  
რად ეურჩება და არ ჰნებდება?!  
დიდ-ხანს დასცქერდა... ნეტა რა სხივი  
გულს ჩაეფინა ნელი და თბილი!..  
ჰქრწის, მაგრამ იგი ძრწოლა რად არის  
ესოდენ ამო, ესოდენ ტკბილი!  
აქამდისაც ზომ გული უძგერდა...  
ეხლა სულ სხვაა მის გულის ძგერა!..  
ეხლა მის გული თითქო ებანს სცემს  
და ისმის ჩუმე ებნის სიმთ ჟღერა.  
როგორ იწამოს და რა ღაარქვას  
ამ ჯერ არ ცნობილს სიტკბოებასა?  
თუ ცოდვა არის, ეგრე რაღა ჰგავს  
სულისთვის აღთქმულ უკვდავებასა?

### XXIV

ფეხი წინ წადგა... არ იცის კი რად?  
ქალს კვლავ ეძინა ნეტარის ძილით,  
ძილში ჩაყოლილს ფიქრს, თუ ოცნებას  
ბაგე გაეპო ლადის ღიმილით.  
იმა ღიმილის გრძნეული ჯადო  
ზედ დასაკდომად კოცნას იწვევდა  
და იმა წვევის მაცდურებასა  
ზე-არსთა ძალიც ვერ გაუძლებდა...  
და ვერც გაუძლო საწყალმა მწირმაც...  
და დაიხარა თავი თუ არა,  
უცებ გაშეშდა... ეჰა, წაწყმედავ,

ეს რა სურვილი გულს გაიტარა!..  
ნუთუ იძლია? არა და არა!..  
მის სასოება არ დაუძლურდეს  
და რაცა სწყურდა აქამდე მის სულს,  
იგივე უნდა ბოლომდე სწყურდეს!..  
არა და არა!.. არ აიყრის მადლს,  
და სულს, ღვთისაგან უკვე მიჩნეულს,  
არ ანაცვალებს და არ დაუთმობს  
ხორცს, ესდენ ღვაწლით და ტანჯვით ძლეულს!

## X X V

მაგრამ ეს რაა?.. „წაწყმდი თუ არა“!  
ეს ვინ ჩასძახის ნიშნ-გებით ყურში!  
„დაგძლიე თუ არ!..“ ეს ვინ გაჰკიცის  
გახარებული იმის მკედარ გულში!  
ეს რა ჰხარხარებს! ეს რა დასცინის!  
ეს რა ხმა ისმის მის გარს ლხენისა!  
მართლა ეგრეა, თუ ყველა ესე  
მხოლოდ ცდომაა ყურთა სმენისა!..  
და შიშით, ზარით გარს მოიხედა...  
კვლავ არეინ იყო... ქალს კვლავ ეძინა...  
იდგა და უცებ ძრწოლით, კანკალით  
პირქვე დაემხო ღვთის-მშობლის წინა.  
მით რა ეშეელა?.. იგივე ქენჯნა,  
იგივე ძრწოლა, შიში და ზარი!  
რად არ დადგება, რად არა სცხრება  
იგი ნიშნ-გების წყეულთ ხარხარი!  
სული გულს იწვევს ღვთისა ვედრებად,  
გული სხვას ამბობს, არა ჰნებდება..  
ნუთუ ღვთის-მშობლის საფარველ-ქვეშეც  
წყეული ხორცი არ დაწყენარდება!..

X X V I

ზე აიხედა... დედა-ღვთის ხატსა  
 მავედრებელი შეჰმართა თვალი...  
 და ვაი, წმინდა ღვთის-მშობლის ნაცვლად,  
 თვალ-წინ დაუდგა იგივე ქალი!  
 ეს რა ეწვია? ამას რას ხედავს?  
 ცხადია იგი, თუ აჩრდილია?  
 ნუთუ მის ცოდვით თვით წმინდა ხატი  
 ამ ცოდვილ სახედ გარდაქმნილია?  
 ნუთუ აწ ღმერთი ღირსად არ ჰხადის,  
 რომ დედა-ღვთისა კვლავ ინახულოს  
 და მის შეწევნ-თ მისვე წინაშე  
 ხორცზედ კვლავ ძლევა ისასწაულოს?..  
 პირჯვარი უნდა -- ხელი არ ერჩის,  
 ლოცვის თქმა უნდა — ენა ებმება,  
 ხატის ხილვა სწყურს და იგივე... იგივე..  
 ქალი წყეული თვალთ ელანდება!  
 „აბა სძლიეო!..“ და კვლავ ვიღაცამ  
 გაიხარხარა იმის სენაკში...  
 აწ იმა ხარხარს ველარ გაუძლო  
 და როგორც გოქი გავარდა კარში.

X X V I I

რიყრაჟი იყო და თენდებოდა,  
 გადაყრილიყო ციღამ ღრუბელი,  
 და დაწყნარებულს წუთის-სოფელსა  
 დილის ნიავი დაჰქროდა ნელი.  
 ეს ვინ ჰრბის, დაძრწის? ეს ვინ ჰტანტალებს  
 იმ კლდეებშია თმააბურძგნული?  
 ნუთუ მწირია?.. იგია, იგი,  
 ვითა სიკვდილი გაფითრებული.  
 აჰა მოვარდა, ზღუდის პირს დადგა  
 და მწყურვალეებით უცქერს მთის წვერსა,  
 თითქო იქიღამ გამოელისო

თვის უკანასკნელ ნუგეშს და ბედსა.  
მზის ამოსვლასა ელოდებოდა...  
რად არ ამოდის? რად გვიანდება?  
ღღემდე თვით ყამი არარა იყო,  
და ეხლა წუთიც რად უძნელდება?..  
ამოვიდა მზეც... მსწრაფლ უკუ-იქცა,  
შევარდა სენაკს გახარებული,  
და კვლავ მზის სხივი იმავე სვეტად  
ჰნახა სარკმლიდან გადმოშვებული.


## X XVIII

გულზედ მოეშო... კვლავ სასოებით  
დედა-ღვთისასა მიაპყრა თვალი,  
კვლავ ჰნახა იგივე ცხოველი ზატი  
მადლით, ნუგეშით გადმოშობილი.  
არ შერისხულა, სჩანს, ჯერეთ ღვთისგან!..  
და ღმერთს მადლობა ცრემლით შესწირა...  
მივარდა ლოცვანს, დააყრდო სხივზედ  
და, ეჰა, სხივმა არ დაიჭირა!..  
დაესხა რეტი, თვალთ დაუბნელდა,  
გაშრა, გაშეშდა ზარდაცემული,  
ერთი საშინლად შეჰბლავლა ღმერთსა  
და იქავ სხივ-ქვეშ უტევა სული.

და იქ, სად წმინდანთ უდიდებიათ  
ღმერთი მსჯავრის და ჭეშმარიტების,  
იქ, სად უწირავთ უფლისა მიმართ  
მსხვერპლი ქებისა და ღალადების, —  
აწ შორის ნანგრევთ და ნატამალთა  
მარტო ქარიღა დადის და ქშუის,  
და გამომფრთხალი ჭექა-ქუზილით  
მუნ შეხვეწილი ნადირი ღმუის...



# აკაკი წერეთელი



## თორნიკე პრისტავი

### ისტორიული პოემა

ვინ დასთვალოს ზღვაში ქვიშა  
და ან ცაზე ვარსკვლავები?  
ვინ შეამკოს ღირსეულად  
ქართველ გმირთა მხარ-მკლავები?  
ვინ მოგვითხრას მათი საქმე  
უთვალავი, საგმირონი,  
და ან მათზე გადმოსული  
მადლი ღვთისა და მირონი?  
ნაშთი ძველის დიდებისა  
არ გამქრალა ჭერაც ყველა...  
დღესაც მისი შარავანდით  
ნიშანს გვაძლევს ცისარტყელა!..  
შვიდ სამთავროს მოგვაგონებს  
მოელვარე ის შვიდფერი,  
და გვამღერებს: „არ მომკვდარა,  
გაიღვიძებს ისევ ერი!“  
ამ იმედით ფრთა შესხმული  
ჩვენი გული სიამით სძგერს,  
და ოცნებაც ლაუვარდ ფერად

წარმოგვიდგენს ქართლისა ერს.  
წარსულ-ნერგზედ ახალ-ნამყნის  
ველოდებით შეხორცებას!  
მით ვიქარვებთ აწმყო ნადველს  
და ვეძლევით აღტაცებას.

## კარი პირველი

### I

მეფე დავითს, კურაპალატს,  
ჰქონდა ერთხელ წვეულება:  
მშვიდობის დროს ჩვენს მეფეებს  
ჰქონიათ ეს ჩვეულება.  
საქართველოს ყოველ კუთხით  
მოეყარა თავი ერსა;  
ილხენდნენ და გაჰკიოდენ  
ერთხმად „მრავალყამიერსა“.  
და მართლდაც რომ ჰშვენოდათ  
მაშინ იმათ ეს მოლხენა,  
რადგან იმ დროს გადმოსული  
იყო ქართლზე მაღლი ზენა:  
გარე მტერი დათრგუნვილი  
შულღს მათ ველარ უბედავდა  
და შინაგან მშვიდობასაც,  
ვინ იყო, რომ ვერ ჰხედავდა?..  
ამით გული უხაროდათ  
ბატონს და ყმას, ყველას ერთად,  
კაცსა კაცად აფასებდენ,  
ადიდებდნენ ღმერთსა ღმერთად;  
საქმის დროზე მუშაობდენ,  
უქმე-დღეზე მოილხენდენ,  
მეფე ხალხს და ხალხი მეფეს  
სიაშესა გულს მოჰყვენდენ.  
მთვრალობა და „სადღეგრძელო“

სათვითო არ იცოდენ;  
 ჩვენი ლხინი რომ ენახათ,  
 სირცხვილითაც დაიწვოდენ.  
 პირველ სმანე ახსენებდენ  
 საქართველოს და უფალსა,  
 დღეგრძელობით თაყვანს სცემდენ  
 მეფესა და დედოფალსა;  
 ბოლოს გმირებს იგონებდენ,  
 მამულისთვის ომებში მკვდარს;  
 და მღვდელმთავრის კურთხევითა  
 სევამდენ იმათ შესანდობარს...  
 სულ ამითი თავდებოდა  
 მაშინდელი სადღეგრძელო,  
 თუმცა მათში მეტი იყო  
 საქები და სასახელო.  
 ამგვარივე იყო იმ დღეს  
 ზომიერი ქაშა და სმა...  
 მოილხინეს, გაშარდენ  
 და ერთმანეთს სტყორცნეს მათ ზმა.  
 ორაზროვან სიტყვებისა  
 გაიმართა გამოცანა...  
 ყველას მეფის ხუმარა სჯობს,  
 არვინ არის იმისთანა.  
 მაგრამ ბოლოს ორბელიძე  
 მოსწრებულად, გაღეჭსულად,  
 ცალფეხ ზმების საპასუხოდ  
 ეუბნება ორღესულად:  
 „მადლით წვიმა შოდოდა,  
 „ნაბადმა ვერ დამფარაო,  
 „ღამასველა მან, თავიდან  
 „ფეხებამდე მ ა ს ხ ა რ ა ო!“  
 ხუმარამ სთქვა: „გიჯობნია,  
 თითს მოვკაკევე მორჩილადო,  
 მაგრამ ერთს-კი მოგახსენებ  
 მოწიწებით და ფრთხილადო:  
 „ხუმართაც ვარგებულხარ,  
 „ვაეკაცობით პირველიო,

„მაგრამ ვერ იქმ თორნიკობას,  
 „თუმც მის ადგილს ს უ ლ ე ლ ი ო!“  
 აქ თორნიკეს ზსენებაზე  
 მეფე შეკრთა და ეს ბრძანა:  
 „სტქვი, ხუმარავ, თუ რას ჰნიშნავს  
 ეგე შენი გამოცანა?  
 რა არის, რომ დღეს ჩემ გვერდით  
 დიდ თორნიკეს ვერ ვხედავო?  
 მომიკვდა, თუ დასნეულდა?  
 სტქვი! ტყუილს ნუ მიბედავო!“  
 მოახსენა: „არ მომკვდარა,  
 არც სენი რამ აწუხებსო,  
 მაგრამ ქვეყნის სამსახურზე  
 დღეიდან-კი ხელს იღებსო.  
 თვით ვერ ბედავს მოხსენებას,  
 მოციქულობს ვერცა სხვაო,  
 რადგანც უნდათ აიცილონ  
 თქვენი წყრომა და რისხვაო.  
 აწ გავბედე მოხსენება  
 ზმებითა და გადაკვრითო  
 და ნუ მრისხავ კადნიერსა,  
 გევედრები ცრემლის ღვრითო!..“  
 მეფემ ბრძანა: „არ გიწყრები,  
 გმადლობ, ვფიცავ ჩემსა მზესო.  
 მაგრამ ვნახავ ერისთავსა,  
 გამოვჰკითხავ მას მიზეზსო!“  
 სახლთუხუცესს დაუძახა:  
 „ზვალ თორნიკე მომგვარეთო,  
 მომიწახეთ, სადაც იყოს,  
 შინ დაგიხვდესთ, თუ გარეთო!“  
 ეს ბრძანა და ზე წამოდგა,  
 ნადიმითა მით გათავდა  
 და ზვალისაჲვის დაიბარა  
 საღარბაზოდ, ვინც იქ ჰყავდა.

გამართულია დარბაზი,  
 ერიც სამსჯავროდ შეყრილი...  
 წინ სდგას თორნიკე პირნათლად,  
 წარბიც არა აქვს შეხრილი.  
 თაეი ჩაიგდო სამსჯავროდ,  
 მიჰყვა საერო ნებასა,  
 ჯერ ელის მისგან ბრალდებას  
 და მერე განჩინებასა.  
 აბრძანდა მეფე ბრალმდებლად,  
 ამას კანონი ითხოვდა,  
 და თაყვანი სცა კრებულსაც,  
 სანამდი სიტყვას იტყოდა-  
 თვალამღვრეულად შეხედა  
 თორნიკეს მრავალწლიანსა;  
 სიტყვები ყელში ეჩრება,  
 უმისოთ სიტყვაწყლიანსა.  
 ბრძანებს და მისსა სიტყვასა  
 ყურს უგდებს მთელი კრებული;  
 კრძალვით მოისმენს თორნიკეც,  
 სხვაგვარად ჩაფიქრებული.  
 ამბობს: „მბრუნავე ქვეყანა,  
 ვიციოთ, რომ ცვალებადია:  
 ვისაც მიინდობს, გასწირავს,  
 მისთვის მახე და ბადეა.  
 მოყვარეს გადამტერებს,  
 მტერსა გაუხდის მოყვრადა,  
 დღევანდელს ღზენა-სიცილსა  
 ხვალ გადაუქცევს ოხვრადა.  
 კაცობრიობის დიდება  
 მას მიაჩნია ჩალადა  
 და შეუქმნივართ ჩვენ მხოლოდ  
 ამ სოფლის მაჩანჩალადა!..  
 შემცდარი არის, ვინც ჰფიქრობს  
 მედიდურ უეჭველობით!  
 ან ერთი რა ვართ ამ სოფლად

უსუსურ ჰიანჰელობით?  
თუმცა ესე სჰრის გონება,  
რომელიც უტყუარია,  
მაგრამ ადამის სისხლმა კი  
ჩვენი ცხოვრება არია.  
გული, მეურჩე თავისა,  
ცხოვრების წინამძღვარია  
და ამის გამო ჩვენს საქმეს  
და სიტყვას შუა ზღვარია!  
ხშირად მონურად ფასრულებთ  
დღეს, რაც რიგი და წესიჲ,  
და იმას ვიშკით ქანონად,  
რაც ძველ დროს დაუთესია!..  
მეცა ადამის შვილი ვარ,  
თქვენსავეთ შვილი ქართლისა,  
თავდადებული ქვეყნისთვის,  
მაძიებელი მართლისა.  
მაგრამ მეფე ვარ დღეს თქვენი:  
ხელთა მაქვს მეთაურობა!  
საქმის დროს საქმე შემშვენიის  
და ხუმრობის დროს — ხუმრობა.  
გუშინ რომ გული მიღხენდა,  
თქვენც ლხინად მყავდით წვეული;  
და დღეს კი გიწვევთ სამსჯავროდ,  
გულზედა სისხლმოთხეული-  
ერთ კაცის ნდობა ძნელია,  
გინდა ვადიქცეს გონებად,  
და შეუმცდარი ამ ქვეყნად  
მეფეცა ნუ გეგონებათ!  
ჩვენის წინაპრის გონებას  
ადრევე ვადუწყვეტია,  
რომ სამსჯავროში ისა სჯობს,  
მსაჯული რაც რომ მეტია!  
და, აჰა, მეცა შეგყარეთ  
სამსჯავროდ, როგორც წესია...  
თქვენ საჯეთ და მე ავირჩევ,  
რომელიც უკეთესია:

თორნიკე მხედართმთავარი,  
თითქოს ხახვს გვაჭრის ყურზედა,  
მოულოდნელად ხელს იღებს  
საერო სამსახურზედა.  
გვიწუნებს გმირი სარდლობას,  
აპირებს მოსვენებასა;  
არც დასდევს მეფის სურვილსა,  
არც ითხოვს ხალხის ნებასა...  
დიდ მამულიშვილს ურჩობა  
ქვეყნის არ შეეფერება!  
ვერ მივხვდი... მეტად მაკვირვებს  
ამგვარი კადნიერება!  
სწორედ აქვს რამე მიზეზი,  
შესაწყნარ-პატივისაღები,  
თქვენგან არდასაფარავი,  
საეროდ გასაცხადები.  
და უნდა გვითხრას სახალხოდ,  
მისთვის მყავს მოწოდებული,  
რომ არვინ დარჩეს ჩვენგანი  
ხალხისგან ბრალდადებული-  
თორემ, ხომ იცით, ქვეყანა  
უბრალოდ დამძრახველია:  
განაგონებით გადასწყვეტს,  
რისიცა არმნახველია!..“

ეს თქვა და ტახტზე დაბრძანდა  
მეფურად მეფე სვიანი,  
გვერდით მოუსხდნენ მსაჯულად  
მოხუც ჭაღარათმიანნი.  
მერე სხვებიცა ჩამოჰყვენ,  
დასხდენ რიგ-რიგად ყველანი...  
მდივანს მზათა აქვს ჭაღალდი,  
საწერ-კალამი, მელანი.  
აქ ჩამოვარდა სინჟმე,  
პასუხს ელიან სარდლისას,  
წრფელ სინიდიხის მეჭონის  
და მასთან სიტყვა მართლისას.

ახოვანი, მშვენიერი,  
 თეთრწვერა და თეთრთმიანი,  
 წინ წამოდგა სასაუბროდ  
 მოწიწებით ტკბილხმიანი.  
 თაყვანი სცა პირველ მეფეს,  
 მერე კრებულს ორი მხრითა.  
 გულზე ჭვარად ხელებს იქდობს,  
 თავდახრილი, ცრემლის ღვრითა.  
 წვერ-ულვაშზე მარგალიტებრ  
 ცრემლი ცრემლზე ეკიდება,  
 მწარის ოხვრით ვერ იქარვებს,  
 გულს რომ ცეცხლი ეკიდება...  
 უკვირს, რომ ამ სამსჯავროში  
 უმიზეზოდ ის ჩავარდა  
 და რომ მასზე გულს იყრიან  
 ისინი, ვინც მას უყვარდა.  
 გულნატკენად რომ უყურებს  
 სხვებს, თვითონაც გული სწყდება,  
 მაგრამ თავის პირადობა  
 აღარ ახსოვს, ავიწყდება.  
 და საერო ნება-სურვილს  
 მორჩილებით აძლევს პასუხს  
 და თანდათან მისი სიტყვა  
 შეუპოვრად სჭექავს და ჰქუხს:  
 „ეფიცავ იმ პირველ მიზეზსა,  
 ყოველ მიზეზის მიზეზსო,  
 ვიფიცავ საქართველოსა  
 და მერე, მეფევ, თქვენს მზესო,  
 რომ მართალი ვარ იმაში.  
 რაზედაც ბრალს მდებთ თქვენაო!  
 დაბლა ეს გული მიმოწმებს  
 და მაღლა — ღმერთი ზენაო!  
 მართალი არის, ღლეიდან  
 რომ ვსტოვებ სამსახურსაო,  
 თუმც გული ჩემი ერთგულა.



ძველებურადვე ხურსაო.  
თქვენ რომ გშორდებით, მით ვკარგავ  
ხორციელ ნეტარებასო...  
ვერ ხედავთ გულდაწყვეტილის  
მოხუც-ს მღვლარებასო?  
მაგრამ მივყვები საგანსა  
აწ უფრო უდიდესაო:  
ის მარღვევინებს გაბედვით  
ჩვენს ჩვეულებრავ წესსაო.  
დრომ მოითხოვა აწ ჩემგან  
სხვაგვარი სამსახურიო  
და, რომ უარვპყო, დავრჩები  
ძველზედაც უმადურიო...  
ეჰ, მეფეე! ბრალს რათ მადებდი  
შენს ერთგულს, ფეხთა მტვერსაო,  
რომ სამსჯავროში მაგდებდი  
ვით ორგულს... ქვეყნის მტერსაო?  
იძულებით ვარ აწ მთქმელი  
ყოვლისფრის უნაკლულოდო,  
რაც გულმა გადამიწყვიტა  
მხოლოდ მე საიდუმლოდო!  
თქვენი ნებაა! მონა ვარ  
მე თქვენის სურვილისაო!  
სიტყვაა მხოლოდ წამალი  
გულისთქმის, ურვილისაო!"  
მოხუცმა ამ სიტყვების დროს  
ცრემლები ჰღვარა მრავალი  
და უნებურად დაიწყო  
თვისი თავგადასავეალი:

#### IV

„მწარე წარსულის მოგონებით  
თქვენ წინ მთქმელი ვარ ამისა,  
რომ მომსწრე ვარ საქართველოს  
შავი დღის და ვარამისა...“

ბევრს თქვენგანს ის არც-კი ახსოვს,  
იქნებოდით მაშინ ბაღლი,  
მაგრამ მე-კი დღესაც გულზე  
მაშინდელი მაზის დადი!  
ცამან რისხვით მოგვიქუხა,  
საქართველოს ადგა ბუნდი,  
მონაერულად გვესევოდა  
ყოველის მხრით მტრისა გუნდი.  
მოგვაწვევენ და მოგვაზვირთდენ  
ერთიანად ჩასანთქმელად...  
რაც რომ მაშინ ჰირი ვნახეთ,  
ძნელი არის აწ სათქმელად.  
ეს პატარა საქართველო  
ჯარასავით დატრიალდა  
გადიწერა რა პირჯვარი,  
გაფოლადდა და გასალდა...  
მოხუცი, თუ ახალგაზრდა;  
ერისკაცი, თუ სამღვდლო,  
ყველა ერთმხრივ მიიწევდა,  
ერთი ჰქონდათ ყველას ლელო!  
საღლა იყო განსხვავება?  
რის ბატონი? ან ვისი ყმა?!  
ყველა ერთად შეკავშირდა,  
ერთი ჰქონდათ მათ გულისთქმა:  
რომ გულწრფელად მოეხადათ  
ქართლის შვილებს მათი ვალი  
და სიკვდილით გამოეხსნათ  
ჩვენი ქვეყნის მომავალი!  
მამა-პაპის განთქმულ ფარ-ხმალს  
უმატებდა შვილი: ფასსა  
იმითი, რომ ლომკაცურად  
შეებმოდა ერთი ასსა.  
„ჰკა მაგის ხმა“ ყოველის მხრივ  
მოისმოდა მტრის საზარი  
და იმ გრგვინვას ბანს აძლევდა  
საორკეცოდ მთა და ბარი.  
სისხლით მორწყეს ტყე და ველი,

შეილება წითლად მდებლო.  
აღდგომის კვერცხს დაემსგავსა  
ქირნახული საქართველო!  
განახევრდა ქართველობა...  
მაგრამ მტერს კი სძლიეს მათ ღვთით  
და თამამად დაიძახეს:  
„საქართველო აღსდგა მკვდრებით!“  
და მართლაც რომ გამოიხსნეს  
განწირული, სულთამბრძოლი  
და გადმოსცეს 'შვილიშვილთა,  
მარგალიტი ვით ობოლი!..  
მხედართმთავარ-უხუცესად  
იყო მაშინ იოანე,  
შემდეგში რომ ბერად შედგა,  
ღღეს ულუმბოს აქვს საეანე.  
სანამ მტერი გარს გვეხვია,  
მძინეარებდა, ვითა ლომი,  
გოლიათის შებმას ჰგავდა  
მისი ბრძოლა, მისი ომი.  
მტრისა ისრით გახვრეტილი  
ხმალს უღეწდა, ფარს უხევედა;  
ხშირად მამა-პაპის სისხლზე  
თავისასაც ზე ანთხევედა...  
ჯოჯოხეთის რისხვა იყო  
მისი რისხვა, მისი ვნება:  
სანამღი კი მტერს ჰხედავდა,  
არ იცოდა მოსვენება.  
მაგრამ, როცა საქართველო  
ნახა გმირმა დამშვიდებით,  
სხვა მაღალ მთას მიაშურა  
გალობით და ღვთის დიდებით.  
მან ფარ-ხმალი აუყარა,  
მოურიდლად თვისის ნებით  
და თავსაც ვერ იმართლებდა  
ის ჩემსავით მხცოვანებით.  
მხოლოდ უთხრა დარაზმულ ჭარს  
„უქმია აწ ფარხმალიო!

აწ სხვა მმართვებს სამსახური  
და მიმიწევს სხვა ვალიო!“  
დაგვლოცა და მისი ხმალი  
გადამკიდა, მისგან რჩეულს;  
თაყვანი ვეც მორჩილებით,  
როგორც მაძას, მეც კურთხეულს.  
მითხრა: „თორნიკ! ჰა, შენ გქონდეს  
სარდლობა და ჩემი ხმალი;  
ვინძლო ღირსად აასრულო  
მომავალში შენი ვალი!..“  
ამ სიტყვებმა მომიმატეს  
მე სიმხნე და ერთგულება,  
გულმა იგრინო ფოლადობა  
და სულმაცა აშაღლება!  
თუმცა ამგვარ დიდებისა  
უღირსად თავს ვიგულებდი,  
მაგრამ მაინც უნებურად  
დღემდე ჩემს ვალს ვასრულებდი.  
აეათ იყო ის, თუ კარგათ,  
თქვენს ხელთ არის დაფასება:  
მე არ მფერობს ჩემის თავის  
არც გინება და არც ქება!  
ვიტყვი მხოლოდ: ხმა ისმოდა  
თქვენგან ჩემის პირველობის  
და მე მხოლოდ ვთავაკაცობდი,  
შემწირველი დიდ მადლობის.  
მეფისა და სამშობლოს წინ,  
მართალია, მიძღვის ღვაწლი,  
მაგრამ, მეფევ, სხვას დაცუთმობ  
აწ სამსახურს... სხვას დავაცლი!  
იმიტომ რომ აღარა ვარ,  
რაც ვიყავი ადრე... ძველად:  
ჩემ სისუსტეს გული გრძნობს და  
გონება სწყვეტს უეჭველად!  
მართალია, ეს ჭადარა  
სიყვარულს და სურვილს ვერ ჰკლავს,  
მაგრამ ღონის წაზმარება

აღარ ძალუძს მუხლსა და მკლავს!  
ადრინდულად მუხლს არ მერჩის,  
აღარ მიჰრის არცა თვალი...  
და ვით შევისძლო, მაშ, სარდლობა,  
როცა ასტყდეს ბრძოლის ალი?  
ვისაც ჰხედავ აქ, სუყველა  
არის ჩემგან გამოზრდილი,  
ათასჯერ და ათასგვარად  
ბრძოლის ველზე გამოცდილი.  
რაც მე ვიცი რაზმთა წყობა  
და სამხედრო წესი სრული,  
მაგათაც აქვსთ ჩემგანავე  
ახსნილი და განსწავლული.  
ჩემზედ მეტრც შეიძლიათ,  
უკეთ გაჰკვიტოს მათი ხმალი,  
და ჩემსავეთ სიბერიითა  
არ უმტყუნებთ ომში თვალი.  
ბევრია, რომ ჩემზე უფრო  
დღეს შეშვენის მას სარდლობა,  
და რათ დახედეს ღობე-ყორედ  
იმათ ჩემი პირველობა?..  
რომ ამხადო პირველობა,  
მეფევე, შენ ეს არ შეგშვენის!  
უმაღურად ჩაითვლები...  
გქონდეს რიდი ჭვეყნის ენის!  
და, რომ ჩემის წარსულითა  
დღესაც კიდევ ვისარგებლო,  
მოლაღატე შევიქმნები...  
მეტულება მე სამშობლო!..  
აი, მეფევე, თუ რად ვბედავ  
თქვენს წინაშე მე ურჩობას,  
და სულ სხვა გზით მიმავალი  
გილოცავ თქვენ გამარჯობას!..  
იოანეს მივაშურებ...  
შევუდგები მეც მის კვალსა  
და თქვენისვე ნებადართვით,  
სხვას გადავცემ ამ ჩემ ხმალსა!“

ესა სთქვა და მისი ხმალი  
ორბელიძეს გაუშვირა  
და ამგვარმა მისმა სიტყვამ  
გულში ბევრი აატირა...

## V.

ხმალზე უფრო ძლიერად სკრის  
პატარა და ზბილი ენა,  
გაჰკვეთს ხეანჯსა უგნურების...  
მისი ტყვეა ხშირად სმენა.  
ხან გონება გამოცდილი  
მას მოიქნევს მრავალგვარად,  
ხან, მფარავი ჰვაშიადის,  
გული აგებს გრძნობის ფარად.  
დროზე უნდა მოხმარება,  
მხმარებელიც გონიერი,  
რომ ჰხან ნაღვლით გაილეოს,  
ხან ძირტკბილით ენის წვერი...  
თორნიკემაც ნაღველ-თაფლად  
გრძნობა გულში ჩაიყენა  
და სიმართლის ზელით მასში  
ამოუწო მისი ენა.  
მით მოხიბლა, როგორც მეფე,  
ისე ყველა მსაჯულიცა  
და იმათის თანხმობითა  
სურვილი მან გაიმტკიცა...  
ჩამოზრძანდა მეფე ტახტით,  
ველარაფრის ვერამთქმელი,  
მივიდა და მოხუცებულს  
გადახვია ძმურად ხელი.  
უთხრა: „თორნიკ! როგორც მეფემ,  
მოვისმინე საუბარი.  
თანახმა ვარ, და აწ გეტყვი...  
როგორც ძმა და მეგობარი.  
რომ ჯერ კიდევ ქვეყნისათვის

საჭირო ხარ... დიდი მარგი, —  
და უდროვოდ აგილია  
საიმქვეყნო საგზალ-ბარგი.  
უცხო მხარეს გადაქარგვა;  
ვფიცავ, შენი მიმძიმდება!  
ნუთუ ჩვენი ქვეყნის ტაძრებს  
არ აქვს იგივე ძალ-დიდება?“  
მოახსენა: „ვიცი, მაგრამ,  
ქართლშივე რომ მიგულებენ  
ჩემი გაზრდილ-ერთგულები,  
რომ არ მნახონ, ვერ გასძლებენ,  
მეცა გული არ გამიძლებს,  
ვერც მე დაეთმობ იმათ ნახვას,  
და ცოდვილ სულს ბევრს დავაკლებ:  
გადავყვები სოფლის ზრახვას...  
იქ-კი არვინ შეყოლება  
შემაცდენი, უცხო მხარეს.  
დღე ყოველ და ყოველ წამსა  
ცრემლებს დავდვრი მე მდულარეს.  
და ვითხოვ, რომ ღმერთმა, მეფევ,  
გადიდოს და გადღეგრძელოს  
და წყალობა არ მოაკლოს  
ჩვენს პატარა საქართველოს!..“

## VI

ათონის მაღალ მთაზედა,  
მთაწმინდად სახელდებულსა,  
სადაცა უდაბნოებსა  
და ტაძრებს წმინდად გებულსა  
რიცხვი არა აქვსთ, იქ ლავრა,  
დაუდებელი ფასისა,  
ყველაზე პირველი არის  
დიდისა „ათანასისა“.  
გინდ დარი იყოს საამო,  
გინდა აედარი საზარი,

სამოთხის სადგურს გვაგონებს  
მალლობზე მდგომი ტაძარი.  
ხან, ღრუბლით შემობურვილი,  
გარშემო ირტყამს ელვასა  
და გადაჰყურებს შორის ზღვის  
ტალღების გროვა-ლეღვასა;  
ხან ისარივით სხივები  
დილის მზის ეტყორცნებიან.  
თითქოს იმ საღმრთო ნათელსა  
ნათლითა ეხორცებიან.  
ხან ღამით მთვარე გავსილი,  
თითქოს მიმსვლელი იქ ბინად,  
თავზედ ედგმება წმინდასა  
წმინდა დიდებულ გვირგვინად.  
და ვარსკვლავებიც იმავე დროს  
დაჰფეთქენ, დასკოქკოქონ  
და ამ გალობით ძალთაძალს  
აღმალლებულად ამკობენ.  
წინ უძევს ბალი ზ, სილის,  
ხელოვნად შენაკანზისა.  
და იქვე წყარო ჩუხჩუხებს  
წმინდისა აიაზმისა.  
მთა მწვანე ზეთისხილისა  
და ყვავილები ველისა,  
საკურთხად აღმომფშვენელნი  
ბუნებით საკმეველისა,  
ჰაერსა შეაზავებენ  
სამკურნალოდ და მარგადა  
და სასულდგმულოდ ცხოველთა  
მიანიჭებენ ხარკადა!..  
მეუდაბნოდ მიდიან  
საქრისტიანოს ყოველ მხრით  
და იქ იჩენენ საეანეს  
სასოებით და ცრემლის ღვრით  
წიადგახსნილი უდაბნო  
უჩენს, ვინც მივა, ბინასა  
და მორწმუნეთა იზიდავს,



ვით ანდამატი რკინასა.  
აქვე მოსულა ულუმბოთ  
იოანეცა ქართველი  
და მორჩილობის დროსავე  
გასთქმია დიდი სახელი.  
დღეს მოძღვარია ნეტარი  
ბერისა მრავალასისა  
და მეგობარი იმავ დროს  
წინამძღვრის ათანასისა-  
დიდი ხანია, სამშობლო  
მან დაუტევა ნებითა,  
მაგრამ გული-კი ისევე  
უღელავს ხოლმე ვნებითა,  
როდესაც მოაგონდება  
მისი სამშობლო მამული  
და, გატაცებულს ოცნებით,  
არევიტ უცემს მას გული!..  
და მაშინ სცდილობს მიეცეს  
მარტოობასა შორს სადმე,  
ბუნების ჭერეტიჲ გაერთოს  
და გულს მიჰფინოს სიამე.

## VII

ერთხელ დილას იოანე  
შემდგარიყო მაღალ სერზედ  
და ცრემლები ნეტარების  
ეცემოდა სპეტაკ წვერზედ.  
ზღვა და ხმელი იმის თვალთ წინ  
იშლებოდა ედემურად  
და სამოთხის სიამესა  
გაემსჭვალა უნებურად...  
დიდხანს, გრძნობამორეული,  
ველარაფრის იყო მთქმელი,  
მხოლოდ ნიშნად ნეტარების  
მას აეპყრა მაღლა ხელი.

თითქოს მაშინ მას უნდოდა  
ცა და ქვეყნის შემყარება,  
რომ ამითი წუთიერი  
გაგრძობოდა ნეტარება!..  
ამ დროს მის წინ, ვით ჩვენება,  
გამოცხადდა მგზავრი-მწირი,  
დაემხო და თაყვანი სცა,  
მოარიდა განზრახ პირი.  
შეკრთა უცბად იოანე  
და უთხრა მას ბერძნულ ენით:  
„ვინ ხარ, შეილო? ან რასა მთხოვ?  
მიპასუხე გამოჩენით!“  
— „შენსა ლოცვა-კურთხევასა  
მამაშვილურ-მეგობრულად!“  
უპასუხა იოანეს  
მაშინ მწირმა ტკბილ-ქართულად.  
ქართულ ლექსის გაგონებამ  
იოანე ააჩქარა,  
ტანში რაღაც უნებურმა  
ურუანტელმა დაუარა.  
მივარდა და ხელი სტაცა,  
ააყენა დაჩქარებით;  
რომ შეხედა, უფრო შეკრთა,  
მიაჩერდა გაშტერებით...  
აკვირვებდა ულოდნელი  
ჩვენება და სანახავი:  
იმ გლახაკის სამოსელში  
იცნო თორნიკ ერისთავი.

I

ვინ სვა ბოლომდე ამ სოფლის  
 სიტყბოებისა ფიალი?  
 ვის არ უნახავს მის ბედის  
 წაღმა-უკუღმა ტრიალი?..  
 ბერძნებსაც ჰქონდათ ერთი დრო...  
 საქვეყნოდ იყვენ ქებული,  
 სწავლით და მეცნიერებით  
 ბევრგვარად აყვავებული.  
 ცხოვრების კანონს უღებდენ  
 სხვადასხვა ქვეყნის ერებსა,  
 საუბატიოს ართმევდენ  
 მათზე ცუდმზრახველ მტერებსა,  
 ვინ იფიქრებდა იმ დროში  
 ამ ხალხის დამცირებასა  
 ისე, რომ მით მოღებოდა  
 ბოლო მათ ნეტარებასა?  
 ერთ ჭირსა, კარზე მიმდგარსა,  
 სხვაც ბევრი წაეკიდება!..  
 სხვადასხვა ჭირმა ბერძნების  
 დაცარა ძველი დიდება.  
 და არ თუ გარეშე მტერი,  
 შინაურებიც ბრაცივობენ:  
 ჰგლეჯენ მას ნაწილ-ნაწილად  
 და ერთმანეთში იყოფენ!  
 ბოლოს კი ერთმა მათგანმა  
 სულ ერთად მოჰხვია ზელი:  
 ის იყო სპარსთა მმართველი,  
 სკლიაროს ერქვა სახელი.  
 თითქმის ბრუსამდე მოადგა,  
 ხმელეთის გზების შემკვრელი,  
 და კოსტანტინეს ქალაქის  
 არის აღების მსურველი.  
 წინ ველარავინ უღგება

მოჯანყის ძლიერებასა;  
და ელის დედაქალაქიც  
იმისგან აოხრებასა.  
იჩაგვრის მცირეწლოვანი  
კონსტანტინე და ბასილი,  
დედა მათს თეოფანიას  
კმუნვით აქვს გული ავისილი.  
დაღონდა პარაკიმომენ,  
კარისკაცებში პირველი  
და, ერთად დედოფალთანა,  
ბიზანტიისა მმართველი.  
დარბაისლებიც შეყრილან,  
გადუწყვეტია ყველასა,  
რომ თვითონ თავს ვერ იხსნიან,  
და არც ელიან შველასა;  
და უპირებენ ისევე  
სკლაროსს შევედრებასა,  
რომ ნუ ინებებს ამ ქვეყნის  
უწყალოდ აოხრებასა!..  
მაგრამ წამოდგა ამა დროს  
მოხუცი სევისტოფორი,  
რომელსაც დარბაისლებში  
არ ჰყავდა ჭკუით თანსწორი:  
მით ყურადღება კრებულის  
მიიპყრო ანაზდეულად  
და მოჰყვა, რასაც ჭფიქრობდა,  
მქვერმეტყველებით ჩვეულად:

## II

„ზეცა დაპყრებს ქვეყანას  
თვალითა ლმობიერთა:  
გამოსცდის, გამოაზრძმედებს  
ჭირითა მრავალფერითა.  
და ამისათვის არ გვმართებს  
წაკვეთა სასოებისა;

კუბოს კარამდე მძებნელი  
ჩვენ უნდა ვიყოთ შვებისა.  
გულგატეხილი ყოველი  
მოლაღატეა თავისა,  
უარყოფელი სჯულისა  
მისივე საესაფისა.  
მაკვირვებს, დარბაისლებო,  
დაცემა ჩვენი სულისა!  
აბა, რა ვნახეთ ნიშანი  
სამეფოს დასაქრულისა?  
როგორ დაანგრევს აწ ღმერთი  
ქრისტიანობის ბუდესა  
ისე, რომ საბოლოოთაც  
ალარ აძლევდეს ზღუდესა?  
თუ ბიზანტია აქამდე  
სხვა ქვეყნებს სცემდა ნათელსა,  
არ დავიჭერებ, რომ ახლა  
თვითონ ჩავარდეს ის ბნელსა!..  
ბევრი შესწირა მან მსხვერპლი  
ქრისტიანობის სახელსა  
და ვერ გასწირავს მას ღმერთი:  
გამოუგზავნის დამხსნელსა!  
მეტყვი: „სად არის? ვინ არის?  
რომელი კუთხე ქვეყნისა,  
რომ გექონდეს მისგან იმედი  
დახმარების და დახსნისა?“  
თქვენც იცით, არის ქვეყანა,  
მპყრობელი ქრისტეს სჯულისა,  
საქვეყნოდ დამნახვებელი  
ქვეყნიურ სასწაულისა,  
მოყვრულად მოყვრის მიმღები,  
მტრისა დამცემი ზარისა,  
პირველ მეომრად ცნობილი  
დღეს ქრისტეს წმინდა ჯვარისა.  
საქართველოა ეს მხარე,  
წილხვედრი ღვთისა დედისა!..  
ქირში მაგარსა არ უყვარს

სუსტად მოდრეკა ქედისა!..  
ამ ქვეყნის მეფეს მივმართოთ,  
დიდ დავით კურაპალატსა,  
და ის გადუხდის სკლიაროსს  
ამ აჯანყება-დალატსა!“

როგორც რომ ბნელსა ღამესა  
მთვარე გამოჩნდეს უეცრად  
და გაანათოს მიდამო  
სხივების ფენით ვერცხლისფრად,  
ისე ქართლისა ზსენებამ  
გამოაფხიზლა კრებული  
და აღუბეჭდა იმედით  
მათ სახე შეწუხებული...  
და მოახსენეს დედოფალს:  
— „ერთხმად თანახმა ვხდებითო:  
მიჰმართეთ ქართველ მეფესა  
და ნულა შეწუხდებითო!..  
ისეთი წიგნი მისწერეთ,  
რომ მით მოუღობოთ გულიო,  
და საკადრისიკ გაგზავნეთ  
იმასთან მოციქულიო,  
რომ ჩვენის ქვეყნის ცოდნაში  
ის იყოს უკეთესიო  
და თანაც კარგად ესმოდეს  
მას საქართველოს წესიო!..  
ასე არჩიეს და ერთხმად  
მიჰმართეს სევისტოფორსა,  
მაგრამ ის ამგვარ არჩევანს  
გულწრფელად იჭერდა შორსა,  
რადგან მას ეგულეზობდა  
სხვა ვინმე საუკეთესო,  
და შეევედრა კრებულსა:  
„გთხოვთ მომისმინოთ აწ ესო.  
ათონის მთაზე აგვეს  
ტაძარი ნათლისმცემლისა;  
იქ ორი წმინდა ბერია,  
მთხეველი წმინდა ცრემლისა.

ულუმბოსავე გაითქვა  
მათი სიწმინდის სახელი;  
არ ასვენებდენ: დღითიდღე  
ემატებოდათ მნახელი.  
მაშინ მიჰმართეს მთაწმინდას,  
დააგდეს ძველი სავანე;  
ერთია თორნიკ-ქართველი,  
მეორე — დიდ-იოანე.  
ერისკაცობის დროსავე  
ყოფილან სახელგანთქმულნი  
და ჭერაც არ იქნებიან  
მათს მხარეს დავიწყებულნი.  
მოვიხმოთ ერთი მათგანი,  
ვაკისროთ მოციქულობა,  
რომ მეფეს სრულად გადასცეს  
ეს ჩვენი ჳირნახულობა;  
რომ თქვენსა ბრანულსა წერილსა  
სიტყუითაც ბევრი დაურთოს  
და ქრისტეს ერის გამოხსნის  
სურვილი გულში აუნთოს!..  
მალე გავგზავნოთ, სი!ქარით,  
რომ დღე და ღამე იაროს,  
და მანამ, როგორც იქნება,  
ჩვენ გავუმკლავდეთ სკლიაროსს!“  
ეს რჩევა ერთხმად მიიღეს.  
მთქმელსა სწირაუდენ ქებასა  
და მაშინათვე შეუდგენ  
ამ საქმის ასრულებასა.

### III

ხმა გავარდნილა მთელ ქართლში:  
ჯარებს აგროვებს მეფეო  
ბერძნების მისაშველებლად,  
სიკეთე მოიეფეო.  
ათონით დაბრუნებული,

თორნიკე მოციქულობსო  
და „ორივ ხელით იკმება  
ქადა, თუ გული გულობსო“...  
დღეს გამოჩნდება, ვინც არის  
ვაჟკაცი ჩვენთაგანიო!  
ამაზე კარგი რად გინდა  
ბურთი და მოედანაო?..  
ისარ-კაპარკი მომართეს,  
ხმაღს ჰლესენ, ფარსა ჰფერავენ;  
შათთვის სამგზავროდ ქალები  
ტანისამოსებს ჰკერავენ...  
ჯოჯიკ-მთავარის თანხმობით  
ეს უთქვამს გამრეკელსაო:  
„თორნიკე თუ არ გვესარღლა,  
ხმაღს არ მოვკიდებთ ხელსაო!  
წაგვიძღვეს ძველი არწივი,  
ჩვენ მიყვეთ შევარდნულადო,  
ფიცხელი ომი აესტეხთ,  
საქები აღრინდულადო!“  
ხალხიც ამ აზრზე დამდგარა,  
მასვე სთხოვს კურაპალატსა,  
და, ვინც იურჩებს, იცოდეს,  
მას შესწამებენ ღალატსა.  
მაგრამ თვითონვე თორნიკე  
გაკერპდა... რადგან ბერია,  
ეს არჩევანი როგორღაც  
მეტად შორს დაუჭერია.  
თვითონ სარღლებიც მისულან  
იმასთან მეფის თანხმობით  
და უთხოვიან სარღლობა  
ამხანაგობით და ჰმობით.  
მოხუციც ამის მნახველი  
თუმცა-კი აღეღებულა,  
მაგრამ შეუკრავს გრძნობები  
და ისევ გასაღებულა.  
ორბელიძე და ჯოჯიკი,  
ორივე გააწბილაო



და გამრეკელსაც ეს უთხრა:  
 „ძმაო, ნუ მირჩევ ტყვილათ:  
 ვერ ავასრულებ თქვენს თხოვნას,  
 გულშეკდარი ვამბობ ვარსაო!  
 აწ ველარ გავცვლი ფარ-ხმალზე  
 ქრისტეს ხატსა და ჯვარსაო!  
 აღთქმას ნუ გამატეხინებთ,  
 ნუ მაქნევიანებთ ავსაო!  
 ეკლესიისგან შეკრული,  
 თვით ვერ აფიხსნი თავსაო;  
 და მღვდელმთავარი თუ ამხსნის,  
 იქნება მისი ნებაო,  
 მაშინ ეგ თქვენი სურვილი  
 ჩემს გულშიც აიგზნებაო!..“  
 არსენი იყო იმა დროს  
 ქართველთა კათალიკოსი,  
 პატივცემული ყველასგან,  
 ბრძენი და პიიტიკოსი.  
 გაბრძნილი საღმრთო მადლითა,  
 საეროდ გაბრწყინებული,  
 მწიგნობართ-უხუცესობა  
 მას ჰქონდა მინიჭებული.  
 ოქროპირობდა მჭევრობით  
 ძლიერი მქადაგებელი  
 და მწვალებელთა მრავალთა  
 მზამეტყველ-პასუხმგებელი.  
 ამას მიჰმართეს საერთოდ,  
 ამისი ჰქონდათ იმედი,  
 რადგან თორნიკეს ვერავინ  
 შეაგონებდა მის მეტი.

#### IV.

— „შედი, მარტოა, კათალიკოსი,  
 ნუ ეგულეები იქ დიდ კრებასა,  
 ჩვეულებრივად ცრემლით მლოცველი,  
 ეძლევა საღმრთო ნეტარებასა.

ნაბრძანები მაქვს, სხვა არ მივიღო...  
 მარტო შენთან ჰსურს დღეს საუბარი!“  
 ეს უთხრა ერთს ბერს სახლთუხუცესმა  
 და შესავალი უჩვენა კარი.  
 შევიდა ბერი ფეხაკრეფილი,  
 მორჩილებითა და დიდი კრძალვით:  
 იქ დახვდა არსენ ტახტზე მჯდომარე,  
 გატაცებული ფიქრით და ხალვით.  
 პირველ შესვლაზე ვერ დაინახა  
 კრძალვით მისული მასთან სტუმარი,  
 ბოლოს შენიშნა... აკურთხა მაღლით  
 და გადასახა ხელგაშლით ჯვარი...  
 წინ წადგა ბერი. ჯერ უამბორა.  
 ფერდაკარგულსა გული უძგერდა,  
 მერე ჩამოდგა და შორიანლოს  
 ის თავდახრილი კრძალვით გაჩერდა.  
 კათალიკოსმა შეჰხედა მაშინ  
 ღმობიერებით და გაიცინა.  
 — „დიდაარს მხოლოდ ღმერთი-უფალი  
 აქ, ქვეყანაზე, და ცათა შინა!..  
 რისთვის მეკრძალვი? მომიანლოვდი,  
 დამიჯექ გვერდით, ვით მეგობარი.  
 დღეს ისევე მსურს შენთან განუაგძო,  
 ადრე რომ გვექონდა, ის საუბარი.  
 შენზედ არა სჭრის სხვისი სურვილი,  
 არცა ვედრება და არც მუქარა,  
 მაგრამ შენთავად რა გადასწყვიტე?  
 ასრულებ ქვეყნის წადილს, თუ არა?“  
 — „არ შემიძლია, ყოვლად სამღვდელოვ!  
 ვერ ვუღალატებ მაღალ მცნებასა  
 და ვერ უარვყოფ მსოფლიო კრების  
 დაკანონებულს სურვილს, ნებასა!..  
 რა კი ერთხელვე ესე სოფელი  
 დავივიწყე და უარი ვყავი,  
 ვერ გავტებ აღთქმას!.. ზეცას ეკუთვნის  
 ცოდვილი სული და ჩემი თავი.  
 მღვდელ-მონაზონსა საიქიოსკენ

უნდა ექროს ყოველთვის თვალი!..  
ალარ შემშვენის, რომ ხელმეორედ  
სისხლით შევლებო ჩენი ფარ-ხმალი!..  
ღმერთმა ხომ იცის, რომ მთაწმინდიდან  
არ მნდომებია ფეხის გადმოდგმა!  
შვიდ დღეს მირჩევდენ წმინდა მამები  
და ვერ შესცვალეს ჩემი გულისტკმა.  
თვით წინამძღვარი და იოანეც  
ამაოდ დაშვრენ: ვიდექ უარზუდ,  
სანამ ბრძანებით, როგორც მორჩილი,  
არ გამაგზავნეს სასახლის კარზედ.  
იქ დედოფალი დარბაისლებით  
ვნახე სულ ერთად შეწუხებული:  
საქრისტიანო სკლიაროსისგან  
წაბილწული და აოხრებული.  
მხოლოდ-ღა ქართლზე მათ დარჩენიათ  
ერთი ნუგეში... ერთი იმედი!..  
დღეს ჩვენს ზელშია იმათი შველა,  
რომ დაუბრუნოთ წაღძავე ბედი!  
მიბრძანეს მეფის მოციქულობა,  
არ გამივღა მათთან უარი!..  
ტახტს ასველებდა დედოფლისაგან  
ჩამონათხევი ცრემლისა ღვარი.  
სამაგიეროდ ქართლს ჰპირლებიან  
ზემოქვეყნების დამონებასა;  
მხოლოდ ამისთვის მე დავეთანხმე  
იმათ სურვილს და იმათ ნებასა.  
ეხლა კი ისევ უნდა გავბრუნდე,  
ამას მოითხოვს ჩემი ღირსება,  
თუმც ვერ დავფარავ, რომ სოფლის ზრახვით  
ეს ჩემი გული ისევ ივსება.  
და, რასაც ერთხმად ჩემგან მოითხოვს  
დღეს სამსახურსა ქართველთა ერი,  
იმას ხომ სხვებიც აასრულებენ?  
რა საჭიროა იმისთვის ბერი?  
განა ცოტა ჰყავს მეფეს სარდლები?  
ერთს იმათთაგანს მიანდოს ჯარი

და მეც, თუ ჰნებავს, თან ვეახლები,  
მაგრამ მექნება მე ხელში ჯვარი  
და ხატი ყოვლად წმინდა დედისა,  
როგორც მოძღვარსა და არა სარდალს;  
სხვებმა იბრძოლონ და გამარჯვებას  
მე შევსთხოვ ცრემლით მხოლოდ ძალთაძალს“.

— „კეთილი“ ბრძანა კათალიკოსმა:  
„რაც აღჩვევ სთქვი, იმ აზრზევე ხარ!  
მაშ, ვით უმცროსმა, უფროსის ნება  
რომ შეასრულო, ამაზეც მზა ხარ?  
ვით კათალიკოსს, შენი ბრძანების,  
შენც კარგად იცი, ხელთა მაქვს ნება;  
მაგრამ მე მაინც მსურს შეგავიხსნო,  
რომ შემცდარია შენი გონება:  
ნუთუ, შენ, მართლა, რაღე გგონია  
ცარიელ სიტყვით ღვთისა დიდება?  
განა ღვაწლია ხორციელისგან  
ამა სოფლისა კრძალვა-რიდება?  
და ეს ქვეყანა მშვენივლით საესე,  
შემოქმედების გამომხატველი,  
ნუთუ მიტომ გვაქვს მონიჭებული,  
რომ ჩვენის ნებით ავიღოთ ხელი?  
ვინცა იწუნებს თავმოყვარებით  
ამ მიუწდომელ დიდსა ქმნილებას  
და უარსა ჰყოფს კანონიერსა  
ბუნების ყოვლგვარ მოთხოვნილებას,  
ის უარსა ჰყოფს თვით შემოქმედსა!  
საბრალო არის ის და შემცდარი,  
რადგან არ იცის, თუ ქვეყნიერად  
რად მოგვევლინა ჩვენ მაცხოვარი!“  
— „ვითა რეგვენი, ღირსი არა ვარ,  
ბატონო, თქვენთან გაბაასების,  
მაგრამ რა გქნა, რომ მეც საპასუხოდ  
ცოდვილი გული ურჩად მეცხების?  
და კიდევ გჳადრებთ: ლოცვა კარია  
ცოდვილისათვის სინანულისა  
და მარტობა სადმე უდაბნოდ —

გასპეტაკება მადლით სულისა!  
 ამა სიმართლეს უარს ვერა ჰყოფს,  
 ვინც ქრისტიანად ნათელღებულა;  
 ამის მაგალითს ქრისტე მით გვაძლევს,  
 რომ ორმოცი დღე მან იმარხულა“.

— „არა, მამაო! მაგვარი ახსნა  
 საცალმოგვოა და შემაცდენი;  
 მაგითი შუქი დაიჩრდილება,  
 ჭეშმარიტების გადმონაფენი.  
 ვიცით, რომ ქრისტემ უდაბნოდ დაჰყო  
 ის ორმოცი დღე ლოცვა-მარხვითა,  
 მაგრამ ის იმ დროს იმა ლოცვითა  
 ჭევეყნად საერო საქმეს ჰზრახვიდა.  
 და როდის დარჩა მეუღაბნოდ?  
 განა ამ სოფელს ის უარჰყოფდა?  
 თუ დადიოდა დაბად და სოფლად,  
 ხალხის ჭირს და ლხინს შუა იყოფდა?..  
 თვითონ არ დაჰგმო ფარისეველების  
 გზაჯვარედინზე ლოცვა საქვეყნო  
 და ნაცელად მოგვეცა მოკლედ სათქმელი  
 საყოველღეო „მამაო ჩვენო?“  
 ასე არ ბრძანა: „თვინიერ საქმის,  
 სიტყვითი ლოცვა, უწყით, მკედარ არსო?  
 და მრავალისა მეტყველებათა  
 ვერვინ გაიღებს სამოთხის კარსო“?  
 საქმეა, მხოლოდ საქმე საჭირო,  
 გულიცა წმინდად დაბადებული  
 და ჭევეყნიურის კეთილ ზრახვებით  
 სული სიწრფელით გაახლებული!  
 ეს არის მხოლოდ ქრისტეს მოძღვრება,  
 საქრისტიანო ეს არის ვალი!  
 და ვინც ამატებს ამაზე სხეებსაც.  
 დაბნეული აქვს მას გზა და კვალი!“

— „ეგ ყველა კარგი, მაგრამ ამ სოფლად  
 შესრულებული ვისაც აქვს ვალი  
 და, რომ გააგრძოს კიდევ რამ, მისთვის  
 არ დარჩენია ღონე და ძალი!

ნუთუ არა სჯობს უქმად ყოფობას,  
 გადგეს უდაბნოდ მმარბველ-მლოცველად  
 და არ გაუზღეს სხვებს იმა სოფლად  
 ურგებ ტვირთად და ხელის შემშლელად?  
 განა ეს ჩემი უარისყოფა  
 კერპობა არის და უმეცრება?  
 მეც კარგად მესმის, რომ ქვეყნიურის  
 შრომით ეძლევა სულს ნეტარება!  
 აღრევაც მითქვამს და ეხლაც ვამბობ,  
 რომ მე თვითონ ვგრძნობ ჩემს უძლურებას!  
 დღეს, შედარებით, ბევრი მჯობია!  
 სახალხოდ ვამბობ ამ აღსარებას“.

— „არა! „ხმა ღვთისა — ხმა ერისაო“,  
 ხომ კარგად იცი ეს შენც, მამაო?  
 დღეს ერი გირჩევს ერთხმად წინამძღვრად  
 და უარის თქმა არის ამო!  
 როდესაც ასე დარწმუნებული  
 არის რაზედმე ერთპირად ერი,  
 მაშინ ის არის გულით და სულით  
 ამაღლებული გმირი-ძლიერი.  
 დღეს ქართველები შენის სარდლობით  
 ჰფიქრობენ მტერზე გამარჯვებასა  
 და უნდა მივყვეთ ჩვენც იმათ სურვილს  
 და მოხიბლულსა მათსა ნებასა!  
 ჩემი სიტყვები რომ იგულისხმო,  
 ხალხის ღაღადსაც დაუგდე ყური!..  
 ნუთუ გამოხსნა ქრისტიანობის  
 არ იყოს ისივ ღვთის სამსახური?  
 გასაზრცელებლად ქრისტიანობის  
 საკმაო არის, დიახაც, ჯვარი,  
 მაგრამ მის მტრების მოსაგერებლად  
 ხშირად გვეჭირდება ხმალი და ფარი!..  
 როგორც გვირგვინსა მისის ქმნილების  
 შინათვის გვნიშნავდა განგება ქვეყნად,  
 რომ მივემსხვერპლოთ. თავი შევწიროთ  
 მისსა დიდებას საკურთხად და ძღვნად.  
 და ეს ძღვენია კეთილი საქმე,

ქრისტიანობის სვეტიცხოველი,  
და შენც, თორნიკე, ამის სახელით  
ისევე ფარ-ხმალს მოჰკიდე ხელი!..  
შეიბ მახვილი და გარეგნობით,  
დროს შესაწონად, იცნალე ფერი  
და გამოიხსენ განსაცდელისგან  
ქრისტეს მმოსავი ბერძენთა ერი!“

სთქვა მღვდელმთავარმა და გადასახა  
მადლმინიჭებით მოხუცსა ჯვარი...  
და მეროე დღეს თორნიკ-სარდალმა  
კიდევც შეჰყარა საომრად ჯარი.

## პარი მესამე

### I

„თავგასულია სკლიაროს  
მთავარი ბარდაველიო;  
ბერძნების სისხლით შეპღება  
ურჯულომ მთა და ველიო!  
ორად გააპო სამეფო,  
აოხრებს ნახევარსაო;  
სპარსელები და სომხები  
შემოჰხვევიან გარსაო!  
გრიგოლ და ბაგრატ თანა ჰყავს,  
ორი ძმა თარონელიო,  
მათ მიუციათ მომხრებად  
მოჯანყისათვის ხელიო.  
მოქის თავადიც აქ არის,  
აფრანიკ, სომეხთ გმირიო,  
და საღალატოდ შეუკრავთ  
სუყველას ერთად პირიო.  
გაულეწიათ ბერძნები,  
იჩაგერის ძველი ლომიო,  
მაგრამ ჩვენ უნდა ვუჩვენოთ

აწ-ლა სხვაგვარი ომიო!  
შორის ქვეყნით ვართ მოსული  
სჯულისთვის მემომარო;  
ხელში გვიჭირავს ფარ-ხმალი,  
წინ გვიძღვის ქრისტეს ჯვარიო.  
ჩვენ ვართ თორმეტი-ათასი,  
თითოს შეგვხვდება ათიო,  
მაგრამ რა გვიჭირს? აღრევაც  
გვინახავს შებმა მათიო!  
ჰა, ბურთი, ჰა მოედანი!..  
მობრძანდეს ბარდაველიო  
და ამოიგოს მან ჩვენგან  
იმისი სისხლი ძველიო!  
სიკვდილი ან გამარჯვება!  
ვინც თავი დაიშუროსო,  
დედა შეირთოს მან ცოლად,  
ლეჩაქი დაიხუროსო!..“

## II

მცირე აზიას, ჰალისის პირად,  
ერთი ხანია ბანაკად მდგარი,  
ასე იმღერის გუნდად და გუნდად  
შეუპოვარი ქართველთა ჯარი.  
მათი გუგუნნი, მათი კიჟინი  
ზე ეფინება ირგვლივ მთა და ბარს,  
და ესე ყველა ეკლად და ისრად  
გულში ესობა სკლიაროსის ჯარს.  
კბილებს ილესავს ბრაზმორეული,  
არც დღე, არც ღამე არა აქვს ძილი;  
მაგრამ რას იზამს? მარჯვე დროს ეძებს  
მათ შესაბმელად სკლიაროს ფრთხილი.  
ქართველი ჯარის ვაგლახად შებმას  
გამოცდილება სარდალს აფიქრებს  
და ველარ ჰბედავს თვითონ იერიშს,  
დაზვდლომა უნდა... ამაგრებს საფრებს.



უნდა, რომ ჯარი მან მიიტყუოს  
იმ სიმაგრეში და იქ ებრძოლოს:  
თუ არ ამ ხერხით, ისე სხვაგვარად,  
ის არ მოელის კეთილსა ბოლოს;  
და საკენწლავად გუნდად და გუნდად  
წასატყუებლად აგზავნის ჯარებს,  
და განზრახულად თვითონვე აღებს  
მტრის შესასვლელად ბანაქის კარებს.  
მაგრამ თორნიკე გამოცდილია:  
არ მოტყუებდა ამგვარი მახით,  
მათვე უპირობს გამოტყუებას  
სხვაგვარი ხერხით და სულ სხვა სახით.  
იქ ქართველებთან ლაშქრადვე იყო  
დასაველეთელი ბერძნების ჯარი  
და, რომ თორნიკეს ემონებოდნენ,  
მათ მოსდიოდათ ამაზე ჯავრი...  
ასე ამბობდენ მათი სარდლები:  
„მართლაც რომ ღმერთი ჩვენ გვიწყობაო:  
მთაქარსსარდლობა ქართველს უჭირავს,  
ეს არის ბერძნის დამცირებაო!“  
ეს სცნო თორნიკემ, ჯერ გაიღიმა,  
რაღაც სხვა ფიქრმა მას გაუელვა,  
მერე შექმუხნა რისხვით წარბები,  
აინთო სახე, მთლად აიღელვა.  
და სთქვა: „მოესულევართ შორის ქვეყნიდან  
მოსახმარებლად კეთილად, ძმურად  
და ესენი კი პასუხს გვაძლევენ  
ბატონობითა და მედიდურად?!  
დიდი ხანია, რაც ჩემ ბრძანებას  
აღარ უგდებენ ბერძნები ყურსა  
და არად ჰხდიან, თქვენც ჰხედავთ, ძმებო,  
ჩვენს ერთგულებას და სამსახურსა!  
მაშ, თუ ასეა, აღარ გვაქვს ბრალი,  
გულთამხილავო, შენ ჰხედავ, ღმერთო,  
რომ უმიზეზოდ შემომწყურალ ხალხთან  
აღარა გვაქვს-რა აწ ჩვენ საერთო!“  
სთქვა და უბრძანა ჯარს ამხედრება,

საქართველოსკენ უკან გაბრუნდა;  
ამით ბერძნები მარტო დაჰყარა  
და მიაყარა მათ ქვა და გუნდა...  
ეს ამბავი რომ შეიტყვეს მტრებმა,  
დააგდეს მყისვე მათი სიმაგრე,  
გამოვიდნენ და ყოველის მხრითა  
ბერძნების ჯარი შემოჰკრეს გარე;  
მისვლის უმაღვე ასტენეს ბრძოლა,  
რადგან საგულეს ჰქონდათ მათ გული  
მით, რომ ბერძნები ქართველებისგან  
დარჩენილიყვენ მიტოვებული.  
რალა გზა ჰქონდათ? მაშინ ბერძნებმაც  
ფარ-ხმალს მოჰკიდეს საომრად ხელი  
თუმცა-კი ჰგრძნობდნენ, რომ გამარჯვება  
იმათთვის იყო მეტად რამ ძნელი;  
ალარ უნდოდათ შერცხვენილიყვენენ:  
თავი შესწირეს, ჰბრძოდენ გმირულად,  
სანამ ურიცხვმა და უთვალავმა  
მტერმა არ სძლია ისინი სრულად.  
დამარცხდენ, თუმც კი ხელცარიელი  
არ დარჩენიან არც ისინი მტრებს:  
რიცხვი არა აქვს სპარსელებისა  
და თან სომხების დაქრილებს და მკედრებს!..  
შაგრამ სკლიაროს ამ გამარჯვებას,  
რადგანაცა სთვლის უკანასკნელად  
და ვერვის ჰხედავს აწ მის სურვილის  
მოწინააღმდეგ ხელის შემშლელად,  
დღესასწაულობს: გრძნობა მორეულს  
უდროვოდ ათრობს მეტი სიამე  
და ლხინს ეძლევა გულდამშვიდებით  
გაუხსნელტელად ის მთელი დამე,  
ის-კი არ იცის, რომ იქვე, სერზედ,  
სდგას თორნიკ, მისგან დავიწყებული;  
დაჰმწერს მტრის ბანაკს და სარდლებიცა  
იქვე ჰყავს გარე შემოხვეული.  
სხვადასხვა რჩევას აძლევს სარდლებსა,  
მათ-მათ შესაფერს თვითოეულად,

და სახვლიოდ ჯარებს ამზადებს  
მტრის შესაბამელად, ჯერ-კი ფარულად.

— „ახლა ხომ ჰხედავთ, თუ რას ნიშნავდა  
ბერძნებთან შუღლი და მოშორება?  
თუ არ ამ ხერხით, სხვებზე არ შეგვეძლო  
სომხის სარდლების ჩვენ მოლორება.  
არ დააგდებდენ საფრებს და ბრძოლას  
არ დაგვიწყებდენ ველზე გაშლილად;  
და, თუ პირიქით მივადგებოდით,  
დაგვამარცხებდენ მაშინ ადვილად.  
მაგრამ, მადლობა ყოვლის შემძლებელს!  
ასრულდა ჩემი განზრახულები:  
ვეგონებ, რომ ველზე გაგვიმაგრდენ ხვალ  
ამ გაშლილ ველზე დაღალულები!  
თუმც შეგვიძლიან თავზე დაგესხათ  
ახლაც; ეს ჩვენთვის სულ ადვილია,  
მაგრამ რადგანაც არ მოელოან,  
ეს ღალატსა ჰგავს და სირცხვილია.  
გვიჭობს მივადგეთ გამოცხადებით  
ისე, როგორც რომ ვაუკაცო წესია!  
და უკუღმართად ნუ მოვმკით იმას,  
რაც ძველებს წაღმა დაუთესია!“  
ასე ამბობდა მოხუცებული,  
აწყობდა რაზემებს, ჯარს აფრთხილებდა;  
სარდლებს სხვადასხვა მხრით აგზავნიდა  
და ჯარსაც თვითონ უნაწილებდა.

— „შენგან დავიწყებ ჯერ, ჯავშანიძე:  
ომის ველზე ხარ დაბერებული,  
გამოცდილი ხარ და, რა თქმა უნდა,  
ზომას დაიჭერს ეგ შენი გული.  
შენსებრ ჰალარა ათასი კაცი  
ამოირჩიე, შეკრიბე ჯარი,  
მათ წინ წაუძეღ და საიდუმლოდ  
მიდი, აიღე მტრების საფარი!  
და, როდესაც აქ ომი ასტყდება,  
თქვენ არ გექნებათ მონაწილობა:  
უჩინრად უნდა იმალებოდეთ...

არვინ გაბედოს მასზე ცილობა!  
რაც უნდა მოხდეს აქ, თქვენ მბინც იქ  
ჩუმად იყავით... არვინ აჩქარდეს,  
რომ სურვილისგან გატაცებულის  
ერთი ისარიც არ გადმოვარდეს.  
მხოლოდ, როდესაც უკუქცეული  
ისევ მოსძებნის საფარს მტრის ჯარი,  
მოულოდნელად მაშინ იქ დახვდით  
და გრგვინვით მეხად დაეცი თარი!  
შენვე გაგზავნე ჩუმად კაცები  
ჰალისის პირად... თუ მოახერხონ,  
რაც ხილებია სუყველა ერთად,  
ქვეშედან ისეთ გვარად დახერხონ,  
რომ ზედ შემდგარი ლაშქრის სიმძიმე  
მომეტებული ვერ აიტანონ,  
ჩასტყდენ ჰალისის მდინარე წყალში  
და მტრისა ჯარიც თან ჩაიტანონ!..  
— აწ, ორბელიძევე, შენ უნდა გითხრა,  
მოწინავე ხარ რადგან სარდალი  
და სუყოველთვის შენგან ატყდება  
ომისა ცეცხლი და ბრძოლის ალი...  
ოთხიათას კაცს, სულ ახალგაზრდებს,  
თავგამეტებულს, წინ წაუძეხი;  
გრიგალ-ქარივით ჩამოუქროლე  
და შენებურად დაეცი მეხი!..  
მემარჯვენე სარდლად გამრეკელია,  
მემარცხნედ — ლომკაც სავარსამიძე  
თითოს სამ სამი ათასი კაცი  
ახლავთ, არიან ომის სიმტკიცე.  
და დანარჩენი ათასი კაცი  
აქვე დარჩება ჩემ თანამხლებლად;  
ჯოჯიკი არის მათი უფროსი,  
გაჭირვების დროს მოსაშველებლად.  
როდესაც ატყდეს პირველად ომი  
და გაიმართოს ისრითი ბრძოლა,  
გაიფანტენით, თორემ ძნელია  
შეჯგუფებულად მტრებზედ მიწოლა.

და შემდეგში კი, ზელჩართულ ომში,  
შეერთებულად უნდა იბრძოლოთ,  
მხოლოდ გუნდ-გუნდად დაჰყავით ჯარი,  
რომ ერთმანეთსა გამოუნაცვლოთ.  
ძველი საფრისა და მდინარისკენ  
ნუ დაუდგებით, გზები დაუგდეთ  
და სხვაგან კი მათ ყოველი კუთხით  
უნდა დაუხვდეთ და გაუმაგრდეთ!  
მეტს არას გეტყვიტ!.. რა საჭიროა  
მომეტებული სიტყვა და რჩევა?  
აქ შეგეწიოსთ წმინდა ვიორგი  
და მალლით ღმერთმა მოგცეთ კურთხევა!“  
ეს სთქვა თორნიკემ და გაისტუმრა  
სარდლები ჯარის მოსამზადებლად  
და თვითონ-კი იქ დარჩა სულ მარტოდ  
მლოცველად ღვთისა და მადიდებლად.

### III

ვითა ეთერი მზეთუნახავი,  
საყვარლის მლოდე, თრთის და კანკალებს,  
სახეს ვარდისფრად იღებავს გრძნობით  
და იელვარებს სურვილით თვალებს,  
ისე განთიადს ცისკრის ვარსკვლავი  
ლაქვარდ ცაზედა კაშკაშით თრთოდა  
და ფერმიხდილად ნათელ-ძლიერი  
მზისა ამოსვლას ეშნით შესტრფოდა.  
თითქოს ქეყყანაც, მით მოხიბლული,  
გამსკვეალულიყო მისის თანგრძნობით  
და უგალობდა „ციურ ნანინას“  
საიდუმლო და უცნაურ გზნობით.  
სუნნელთა მფენი დილის ნიავი,  
ბალახთ ბიბინი, ფოთოლთ შრიალი  
ბანსა აძლევდენ ღვთიურს ნანინას  
და ათანხმებდა მათ ძალთაძალი.  
ციური ნიჭის მისაღებელად

ვარდმა კოკობმა თავი ახარა;  
 ცრემლად დაეცა გულზე მანანა,  
 ააელფერა და გაახარა!..  
 თურმე ბულბულიც ამას უცდიდა:  
 თავისებურად იწყო მან სტვენა,  
 თითქოს უნდოდა მით მოეტანა  
 ცოდვილ ქვეყნისთვის კურთხევა ზენა.  
 მაგრამ ამა ღროს საზარელი ხმით  
 უცბად რალაცამ დაიგრიალა  
 და შით სიხარბემ ჯოჯოხეთისამ  
 გამოიჩინა ბოროტი ძალა:  
 შეიქნა ბუკის, საყვირის ცემა,  
 ასტყდა ჭიჭყინი ზურნის საზარი.  
 აჰა, თენდება და ეშზადება  
 სისხლის სათხევლად ორივე ჯარი!

#### IV

— მაღლით ბრძოლის ველს, როგორც ხელის გულს.  
 ისე დაჰყურებს მთავარსარდალი;  
 წაღმა, უკულმა, მარჯვნივ თუ მარცხნივ,  
 ყოველი მხრისკენ სჭრის მისი თვალი.  
 მოწინავე ჯარს, ტურფად დარაზმულს,  
 ოთხიათასსა დაჰყურებს ჰაბუკს.  
 მხოლოდ იმ წამის მომლოდინესა,  
 როდესაც დაჰკვრენ ნალარას და ბუკს.  
 ფარ-ხმალით ხელში, გახურვებულებს  
 ძლივს-ღა უჰკერენ თავს ბედაურებს;  
 ჭიხვინ-ხვიხვინით, ტორების ცემით,  
 ძუა-ფაფარშლით აცქვეტენ ყურებს,  
 თითქოს იმათაც სული მიუდისთ,  
 რომ მიიტანონ თან იერიში,  
 და, როგორც იმათ მხედრების გულში,  
 ისე არც იმათ გულშია შიში.  
 თავში უდგია რაზმს ორბელიძე,  
 ჯერ ახალგაზრდა გმირი სარდალი,

და იმან იცის, თუ როდის ასტყდეს  
ბრძოლისა ცეცხლი და ომის ალი.  
შორს მათგან, მარჯვნივ, ქვეითი ჯარით,  
მოფენილია მთლად ტყე და ველი;  
საფარში აჯენს შორ-შორ გაფანტვით,  
მტრისა სამიზნოდ, მათ გამრეკელი.  
და მარცხნივ, სადაც შფოთვით, ღრიალით  
მიექანება ჰალის-მდინარე,  
საეარსამიძის დამდგარა ჯარი,  
ფარ-ხმალ, ჯაჭვ-ჯავშან, შუბ-მოელვარე.  
ჯავშანიძე-კი მხოლოდ-ლა ერთი  
აღარსადა სჩანს, აქ არსად არი:  
წინა ღამითვე მან საიდუმლოდ  
აილო ჩუმად მტრისა საფარი.  
სკლიაროსიცა ამხედრებულა,  
მტრის დასახვედრად ამხედრებს დიდ ჯარს,  
ცხენს მიაჭენებს ხან აქ, თუ ხან იქ  
და ჯარასავით დატრიალებს გარს.  
მარჯვნივ აყენებს ბაგრატ თარონელს,  
მარცხენა მხარეს მისვე ძმას გრიგოლს,  
და არ ჰგონიათ, თუ შეჰხვდებიან  
ისინი თავის თანასწორს და ტოლს.  
და ორბელიძის საპირდაპიროდ  
თვით აფრანიკე გამოსულია...  
წვერ-ულვაშს იგლეჯს; მეტის სიფიცხით  
აღმურჩი ასდის... გულმოსულია:  
„როგორ თუ ასე მცირე მხედრობით,  
ასე თავებდად ჩემზედ მოდისო?  
სიკვდილისაგან ატროებულის,  
მძებნელი არის, სწორედ, ლოდისო!“  
წინა ომებში გათამამებულს  
მარჯვე ცხენოსან სპარსელების ჯარს  
სიტყვით ამხნეების მოჭის თავადი  
და თან უქადის მდიდრულ საჩუქარს.  
იმათაც ნიშნად შეუპოვრობის  
განთიადისა დაჰკრეს საპარი,  
მაგრამ ქართველთა მის საპასუხოდ

გადუშხუილეს მალლით ისარი.  
ის იყო მარჯენით გამრეკელისგან  
სამოციქულოდ გამონატყორცნი;  
მას თანვე მოჰყვნენ ზხვების ისრებიც,  
გულის გამპობი და გასაოცი.  
ააგეს ფარი, მომართეს მშვილდი,  
პასუხს აძლევენ სომხებიც ისრით  
და გაიმართა ძლიერი ბრძოლა  
ყოველის კუთხით და ორივე მხრით.  
უანგარიშო და უთვალავი  
შოდის ისარი, ვით სეტყვა ცისა...  
ჭერ სიჩუმეა... მხოლოდ ხანდახან  
კენესა მოისმის დაჰრილ კაცისა.  
გახურდა ბრძოლა... გრძელდება ომი,  
ხან აქ და ხან იქ სისხლი იღვრება...  
აჰა, ამოდის მხიარულად მზეც!  
მომაკვდავთ კენესა არ ეყურება.  
თითქოს ეს იყო დანიშნული დრო:  
აქ ორბელიძემ იშიშვლა ხმალი,  
ჯარს მიუბრუნდა და მხიარულად  
მათ გადაავლო ნუგეშის თვალი:  
მიუხვდენ სარდალს გულისპასუხსა  
მხედრები, სიტყვა აღარ აცალეს:  
იშიშვლეს მათაც ბასრი მახვილი  
და შზის სხივებზე აპირალეს.  
დასძახეს ყველამ ერთხმად: „ჰკა მაგას!“  
ღეზი ჰკრეს ცხენებს და გააქანეს  
პირდაპირ, ჯიქურ სპარსელებისკენ  
და იერიში ზედ მიიტანეს.  
მაგრად დაუხვდა მათ აფრანიკე,  
ლომი, სასისხლოდ გააფთრებული,  
და შეაგება ცხენოსანთ ჯარი,  
ფარმომართებით მომზადებული.  
დასცეს კიჟინა და გაიშალენ  
სახელდახლოდ ტრიალ მინდორზე:  
ზოგან იბრძვიან ერთად, ჯგუფ-ჯგუფად  
და ზოგან ერთი მილის მის სწორზე.



კიენა, კენესა, წყევა, მუქარა  
და ჩახაჩუხის ხმა გულსაზარი  
არეულია და ფეხით გააქვთ  
ცხენებს დაჭრილი და ცოცხალ-მკვდარი.  
აგერ მხედარმა, შავით მოსილმა,  
გამოახტუნა მერანი მინდვრად;  
შეთამაშა ჰაერში ხმალი

და დაიძახა თან მედიდურად:

— „სად ხარ? გამოდი, ნუ იმალები,  
თუ ღრმ გულს გერჩის, ორბელიძეო!  
აფრანიკ მქვიან! შენისთანები,  
იცოდე, ბევრი დავამიწეო!..  
გამიგონია მეც შენი ქება,  
განთქმული არის შენი ხმალიო,  
მაგრამ აწ უნდა გასინჯო ჩემიც  
სიკისკასე და მკლავის ძალიო!  
ჩვენ ორში უნდა ერთი და ერთი  
მოკვდეს, გათავდეს მითი ომიო!  
ნულარ გვიანობ! გელი, გამოდი,  
თუ ამ პირობის შენც ხარ მდომიო!“

ხმალსისხლიანი, თავზე ჩაფხუტით  
თეთრ ცხენზე იჯდა ერთი მხედარი,  
რომელ გუნდშიაც შევარდებოდა,  
მას თან მიჰქონდა მეხი და ზარი.  
თვით ორბელიძე იყო ეს გმირი...  
ახალ გუნდს მკაცრად რომ შეუძახა,  
მაშინ მოესმა აფრანიკის ხმა  
და სიხარულმა ააცანცახა:  
მისი სურვილიც თურმე ის იყო,  
რომ აფრანიკეს სადმე შეჰყროდა,  
იმას ეძებდა და აქეთ-იქით  
სხვადასხვა რაზმში მიჰქრი-მოჰქროდა.  
თავი მოსწია გაქანებულ ცხენს,  
ყალყზედ შემდგარი მოატრიალა,  
ასკუპა, ჯიქურ გამოაქანა,  
მივარდა, ბევრი აღარ აცალა  
და უპასუხა: — „გმირს არ შეჰშვენის

დაჩემება და თავის ქებაო!  
აჰა ბურთი და ჰა მოედანი,  
მზათა ვარ, გახლდეს თქვენი ნებაო!“  
მოლუნეს მშვილდი, მოსდევს საცერე  
და ერთმანეთსა სტყორცნეს ისარი,  
მაგრამ ორივემ სწორის სიმარდით  
მას მიაგებეს მათ-მათი ფარი,  
და აიცილეს მითი ფინთიხი,  
გულის გამპობი, ხორცის მომწყველელი;  
მერე გადიგდეს მშვილდები მხარზედ  
და ხმლებს მოაველეს საომრად ხელი.  
მათი ფარ-გება და კენწლაობა,  
სიჩქარით ელვა, გასაკვირვალი.  
მოჩხუბართ მხოლოდ ბრახს უმატებდა  
და ედებოდათ თანდათან ალი.  
მოსწყინდათ ფარი და უკუაგდეს,  
დაადგნენ ორნივე მარტო შიშველ ხმალს;  
თავი გადასდევს მათ სასიკვდილოდ,  
ალარ იზოგვენ ღონესა და ძალს.  
მიაგდო ცხენი ჯერ ორბელიძემ,  
ხმალი პირდაპირ შუბლში უსწორა,  
მაგრამ დეზი ჰკრა მხედარმა შავ ცხენს,  
განზე გაუხტა და აიშორა.  
ხმალმა ჰაერში გაიშხულია:  
წახდა მოქნევა და მკლავის ძალა...  
და ხელმეორედ ხმლის მომარჯვება  
მოპირდაპირემ ალარ აცალა,  
თვითონ მოაგდო ზედ აფრანიკმა  
მისი მერანი, მკვირცხლი, ფეხმალი,  
მაგრამ მოქნეულ ხმალს ორბელიძემ  
ქვემოდან აჰკრა თავისი ხმალი  
და მარილივით გადაუმტვრია.  
შეკრთა აფრანიკ!.. დაეცა ზარი  
და არ იცოდა, თუ რაღა ექნა:  
იდგა უძრავად, ვით ცოცხალ-მკვდარი.  
გმირთა წესია ლმობიერება:  
წყრომა გულისა ქართველს დაუცხრა,

ხმალი ჩააგო ისევ ქარქაშში,  
ჩამოეცალა და ასე უთხრა:  
— „ნუ გეშინიან! ხმლიანი უხმლოს  
რომ შეგეჭიდო, არ მეკადრება,  
მხოლოდ თანსწორის იარაღითა  
შენი დაჩაგვრა მე მენატრება!  
და, აბა, ეხლა ნულა ვუღგებით  
ჩვენ ერთმანეთსა ასე შორი-შორს!  
აწ სასიკვდილოდ უნდა შევებათ,  
ხელი მოგვიდოთ ორივემ ორ-ორს!“  
მაგრამ აფრანიკ ყურს აღარ უგდებს,  
მარდად, უეცრად ზურგი უჩვენა:  
დეზი ჰკრა მერანს, მიატრიალა,  
ერთი შეჰკივლა და გააქენა.  
რა ნახა ჯარმა მათი სარდალი  
გაქცეული და შეშინებული,  
თვალი წაუზდა და ზაფრანაცემს  
უნებლიეთად გაუტყდა გული;  
შესწყვიტა ომი და გაექანა,  
გონს ვერ მოსული; უტბად დამფრთხალი  
იქითკენ, სითაც შავსა ბედაურს  
მიაქანებდა მათი სარდალი.  
„ჰკა მავას, აბა, არ გაუშვათო!“  
შეჰკივლა გმირმა მაშინ ქართველებს,  
დაიგრიალა ცხენოსანთ ჯარმა  
და გამოუდგა სომეხ-სპარსელებს.  
მირბის აფრანიკ თავისის ჯარით,  
მირბის და უკან არ იხედება;  
მას ორბელიძე მისდევს ჯარითვე,  
მისდევს, თანდათან ცეცხლი ეღება.  
დაუახლოვდა უკანა ჯარი,  
უნდა დაეცეს თავზე, ვით ზეავი,  
მაგრამ აქ წინამ გადაუხვია  
და ხეობაში ამოჰყო თავი.  
მღვერები მაინც არ ეშვებიან,  
ქვესკნელშიაც-კი ჩაჰყვებიან თან:  
თან შეჰყვენ ერთად იმ ხეობაში

და მიიმალენ... აღარა სჩანან...  
თურმე იქ ვერაგ სკლიაროს-სარდალს  
სხვა ჯარი ჰყავდა ჩასაფრებული  
და ქართველები შეტყუებული  
დაემწყედენ, დარჩენ გარშემოკრული.  
რაღა გზა ჰქონდათ?.. დაიქვეითეს.  
ამოესაფრენ თავ-თავის ცხენებს;  
იბრძვიან, მაგრამ იციან, რომ მათ  
მტერი კაი ღლეს არ გაუთენებს.

## V

როგორც ისარი, იმ ზეობიდან  
გამოხტა ცხენი ამ დროს უეცრად...  
ზტის და ჰიხვიანებს, ძუა-ფაფარს ჰშლის,  
გარბის, გამორბის მარტოკა შინდვრად.  
ხან ყურებს აცქვეტს, ხან მიწას სუნავს,  
თითქოს დაეძებს მის პატრონ მხედარს,  
და იმის გამო ასე ხვიხვიანებს,  
რომ ვერსად ჰხედავს ვერც ცოცხალს, ვერც მკვდარს.  
ამ უპატრონო ცხენის დანახვა  
თორნიკეს დარჩა მეტად საწყენად,  
რადგანაც იცნო მან მაშინათვე  
ის ორბელიძის ბედაურ ცხენად.  
„ვეჰ! — დაიყვირა — ცუდ ნიშანს ვხედავ,  
ამას არ უნდა ბევრი ფიცო:  
საფრთხეში არის და განსაცდელში  
ცხენოსანთ ჯარი, სწორედ ვიციო!“  
და უთხრა ჯოჯიკს: — „ახლა შენ იცი,  
შავი ღლეების შენ ხარ გმირიო:  
„ძმა ძმისათვისო, ამ ღლისათვისო“,  
გაგვიადვილე გასაჭირიო!“  
მოახტა ჯოჯიკ მაშინ ბედაურს,  
მასთანაც მთელი იმისი ჯარი,

და დაექანენ დაღმა მინდვრისკენ  
გრიალით, როგორც გრივალი ქარი,  
დასცეს კიეინა საოცარის ხმით,  
მიწას გააქრეს ბედაურები  
და მიეშურენ ხეობისაკენ  
მტრის სისხლის მნდომნი, გაუმადლები.  
შორით მოესმათ ქართველთ კიეინა,  
იცენეს ჯოჯიკის ხმა და იამათ,  
იმედმა სიმხნე გაუორკეცათ  
და ბრძოლა იწყეს უფრო თამამათ.  
გაახლდა ომი. შეერთა სკლიაროს,  
უგზავნის შიკრიკს მაშინ თარონლებს,  
რომ მოახმარონ ქვეითი ჯარი,  
ჯოჯიკისაგან შეშინებულებს.  
დააგდეს ორთავ ბრძოლის ადგილი  
და მოაშურეს ანაზღეულად,  
ალყად შემოკრეს ქართველი ჯარი,  
ჩამწყვდიეს რა იწროში სრულად;  
და არ ექვობდენ აწ გამარჯვებას!..  
ხერხის და რიცხვის ჰქონდათ იმედი,  
მაგრამ უკულმა გადუტრიალდათ  
მოულოდნელად იმათაც ბედი:  
კვალში მისდია გაბრუნებულ ჯარს  
და თანვე მიჰყვა მათ გამრეკელი, —  
ტყვილა არ ერქვა მას მეტ სახელად  
„შავი კლდის მელა და მიწის მგელი“.  
შეატყობინა სავარსამიძეს,  
სადაც იბრძოდა მტერი, უჩვენა  
და, რაც დღე მაშინ ქართველებს ადგათ,  
მტრის ჯარს იგივე დღე დააყენა:  
შემოჰქრეს ირგველივ და ორ ცეცხლ შუა  
გამომწყვდეული დარჩა მტრის ჯარი...  
გზაარეულებს ყოველის კუთხით  
თავზე ატყდებათ მეზი და ზარი.  
აივსო ხევი მკვდრებით... დაგუბდა  
ბლომად აქ და იქ სისხლისა ღვარი  
და, თავის შველა რომ ვისმე ჰსურდეს,

ჩასაქცევი გზა აღარსად არი!  
 მაშინ გახელდა შორით თორნიკემ  
 და სთქვა: — „გაერთდა, ვხედავ, ბრძოლაო!  
 სწორედ ახლაა მათთვის საჭირო  
 გამოცდილ სარდლის თან მიყოლაო!“  
 მოაყვანინა ბერკეცი, შეჭდა,  
 მიეშურება სადაც ომია:  
 სიბერე ახლავს, მაგრამ ჯერ კიდევ  
 გულით ჭაბუკი, სიმხნით ლომია.  
 ომი რომ ნახა, გულს გადესყარა,  
 არ დარჩა ბედის უმადურადა  
 და გაიელვა ზედიზედ მტრებზე  
 მისმა მახვილმა ძველებურადა.  
 შემოუბრინა ჯარს ირგვლივ გმირმა,  
 სარდლებს გადასცა მისი ბრძანება:  
 „გზას ნუ შეუკრავთ გაჭირვებულებს,  
 დეე, გაიქცნენ მიეცი თ ნება!“  
 და გზა გაუხსნეს დასავლეთისკენ,  
 გაუკეთეს რა განზრახვით კარი  
 და მხოლოდ სამის კუთხიდან მკაცრად  
 მტერს აწვებოდა ქართველი ჯარი.  
 იბრუნეს პირი დასავლეთისკენ  
 მტრებმა, გაქცევა ერთად იკადრეს  
 და მიაშურეს ისევ ძველ საფარს,  
 ძველსა სიმტკიცეს და ძველ სიმაგრეს.  
 მაგრამ როდესაც მიუახლოვდნენ,  
 „ვაი“-ზე „უი“ მეტი დაერთოთ:  
 იქ ჯავშანიძე დაუხვდათ ჯარით  
 და ეს ნუგეშიც სრულად წაერთოთ.  
 დაჰყარეს იქვე მათი ფარ-ხმალი,  
 ვეღარ გაუძლეს ამდენ სიმწარეს,  
 ერთიც დასძახეს: „თავს ვუშველოთო!“  
 და მიაშურეს ჰალის-მდინარეს.  
 შეცვინდნენ ხიდზე — ჩაუტყდათ ხიდი:  
 ჩაცვინდნენ წყალში კისრა-კოსრითა,  
 ზოგი დაიხრჩო და ზოგს ნაპირზე  
 უწყალოდ ჰხოცდნენ ხმლით და ისრითა.

მოსრა ჯარი... გადარჩა მხოლოდ  
თვით სკლიაროსი მცირე მხედრობით  
და გაეშურა ბალდადისაკენ,  
სასომიხდილი უბედურებით.

## VI

გათავდა ომი... კიდევ დაღამდა,  
ბნელმა მოჰფინა ის არემარე;  
შესწყდა კიეინა და იმის ნაცვლად  
კენესა მოისმის აქა-იქ მწარე.  
ზოგი წყალს ჰნატრობს სიკვდილის წინეთ,  
ზოგი შველას და შემწეობასა,  
ზოგი ბედს ჰყვედრის და ტანჯვით ამბობს,  
რომ სიკვდილი სჯობს იმის ყოფასა. —  
ისინი, ვინც რომ ერთ წუთის წინეთ  
მხეცივით სისხლით ვერა სძლებოდენ,  
ახლა, იმ კენესას რომ ყურს უგდებდენ,  
იმათი ცოდვით იღაგებოდენ.  
უნდოდათ შველა, მაგრამ, სიბნელით  
რომ ვერ ჰხედავენ აქ ველარაფერს,  
ერთად არეულ-დარეულებში  
ველარ არჩევდენ მოყვარეს და მტერს!  
ბრძანა თორნიკემ: — „გაურჩეველად,  
ქართველი იყოს, გინდა სპარსელი,  
გინდა ბერძენი, გინდა სომეხი,  
სულ ერთნაირად მოჰკიდეთ ხელი!  
სიკვდილი ყველას ათანასწორებს:  
თვისიანს, უცხოს, მტერს და მოყვარეს!..  
ვეცადოთ ყველა და ნუ დავაკლებთ  
დაჭრილებს მოვლას და მკვდრებს სამარეს.  
ნურვინ გაჰბედავს, დატყვევებულებს  
რომ მიაყენოს შეურაცხყოფა!  
ვაუკაცს რომ ბედი სხვას დაამონებს,  
დასატანჯავად ისიც ეყოფა!“

ასე ისურვა და იმ სურვილზე  
უარს ეტყუადა მხედრობა განა?  
მხოლოდ უცდიდენ მთვარის ამოსვლას,  
და, ჰა, მთვარეც ამოატანა!  
ამოჰყო თავი მაღალ მთის წვერით  
და გადმოხედა ნაზად ბრძოლის ველს;  
კაცის ქვეყნიურს ბნელსა საქმესა  
მალლით ციური აფენდა ნათელს.  
გაანათა და გამოაჩინა  
დასანახავი გულშესაზარი,  
თითქოს უნდოდა ეჩვენებია  
კაცისთვის ბოროტ-ნამოქმედარი.  
სულ დაჰკრილ-მკვდრებით მოფენილია  
ხეობა, ღელე, ტყე და მინდორი!  
ვისიცი სიცოცხლე დილას ჰყვოდა,  
ახლა შეიქნა ლეში და მძორი.  
აგერ დაჰკრილი!.. აგერ ძევს მკვდარი!..  
გაკვეთილია საბრალო ორად!  
აგერაც ერთგან ათასზე მეტი  
ზე დაჰჩეხიან ერთმანეთს ხორად!..  
ამ ერთ ადგილსა რას მიუზიდავს  
ამღენი სული? რა ანდამატი?  
მხოლოდ იმითი, რომ ორბელიძე  
აქა ძევს მკვდარი, ცუდად... ღალატით.  
მისი სიკვდილით ცეცხლმოდებული  
მტერს ქართველები ეჭახებოდენ,  
ბევრს მიიძღვანდენ საიქიოსკენ  
და თვითონაცა ზე აკვდებოდენ.  
არვიც ელოდა აქ გადარჩენას:  
ერთი ათს და ოცს ეჩხუბებოდა  
და თუ ჯოჯიკი არ მოსწრებოდათ,  
მანც ვერავინ გადარჩებოდა.  
მაგრამ ჯოჯიკმა იმათი სისხლი  
ამოიგო და ჭავრი იყარა  
და დაამწარა სკლიაროს ის, რაც  
ერთხან ღალატით მან ვიახარა!  
გადაჰკრა ღალატი აფრანიკს თავზედ,



დასცა სიმწარით გარეტებული,  
შედგა ფეხებით, უგმირა შუბი  
და სასიკვდილოდ გაუპო გული.  
როგორც დაჭრილი ვეფხვი, ბაგრატიც  
ისე მივარდა მას ბარდაველი,  
მაგრამ ჯოჯიკმა მოასწრო თვალი  
და წაუჭირა მას ყელში ხელი.  
ამ დროს გულდაგულ წამოეპარა  
მას უკანიდან ვილაც სპარსელი,  
მაგრამ ხელიდან გავარდა ხმალი,  
რომ დაინახა იქ გამრეკელი.  
ამისმა მოსვლამ სრულად მიხადა  
სკლიაროსის ჯარს ჯანი და ღონე,  
რადგანც თან მოჰყვა სამი ათასი  
მას მეომარი სულ თავ-მომწონე.  
მაშინ ჯოჯიკმა და გამრეკელმა,  
გასამაგრებლად მისცეს მხარი მხარს...  
მაგრამ ამითი კი ორბელიძეს  
ველარ უშველეს, მიტყუებით მკვდარს...  
და, აჰა, ახლა, ამოდენ მკვდრებში  
სულ ყველაზე ძირს ის გდია მკვდარი!  
ზურგში ურჭვია მას მტრის მახვილი  
და გულზე ადევს მისივე ფარი...  
ცოტა შორს, განზე, შავი კლდის ძირში  
უწვერტულვაშო ეს ვინლა არის?  
თავს დაჰხვიხვიანებს, ტორს სცემს მერანი,  
რომ გააღვიძოს მისი მხედარი...  
მაგრამ ამ ნეტარ საუკუნო ძილს  
აწ ვერ დაუფრთხობს ქვეყნად ვერღა რა!  
დედის ცრემლებს მან საპასუხოდ  
აქ, ბრძოლის ველზე, სისხლი დაღვარა  
და შეასრულა მით ღირსეულად  
მამულიშვილის უკვდავი ვალი:  
თავის სამშობლო ქვეყნის ხსოვნაში  
სამარადისოდ დახუჭა თვალი...  
ეგებ სხვა რამე გულდასაწვავე  
სიკვდილის წინეთ აგონდებოდა

და სასიკვდილო შხამი გულის წყლულს  
უფრო სახმილად ეკიდებოდა?  
ვინ იცის, რა და რა საიდუმლო  
მან საიჭიოს თან წაიტანა?  
შოკის სადმე ქართლში დედამ გამოსცნოს,  
ან გულის სატრფომ ეს გამოცანა...  
აგერ ისრისგან მთლად დაცხრილული  
გდია მოხუცი პირნათლად მკედარი,  
თითქოს სძინავსო და ეზმანება  
მას შორეული ტკბილი სიზმარი...  
აჰა, დაჭრილი მიფორთხებულა  
ბევრის წვლებით დიდ ხისა ძირში,  
სურს დაიყვიროს, მაგრამ საძრავი  
ენა აღარ აქვს მომაკვდავს პირში.  
აგერ სიდანლაც უცნაურის ხმით  
გამოიძახის კენესით დაჭრილი:  
თავზე აწევან საბრალოს მკედრები  
და ემატება მითი ტკივილი.  
ამდენ დაჭრილის კენესით და ოხვრით  
აღარსად არის აქ ყურთა სმენა:  
სომხურ, ქართული, ბერძნულ, სპარსული  
არეულია სხვადასხვა ენა,  
გამწარებული გამოთქმის კილო  
და დედა-აზრი ერთი აქვს ყველას;  
სწყველიან თავის ბედს და გაჩენას  
და გასაჭირში ითხოვენ შველას:  
მაგრამ ბევრს მათგანს ველარ უშველის  
სიკვდილის მეტი ველარაფერი,  
თუმც-კი მოყვრულად ეშველებიან  
და აღარავის აღარ ჰყავს მტერი.  
ასე გათავდა ეს დიდი ბრძოლა...  
აჯანყებულთა ამოწყდა ჯარი,  
მაგრამ მათ რიცხვში ხუთიათასი  
გამოერია ქართველიც მკედარი...

გამობრძანდა ქალაქს გარეთ  
 მეფე დავით ბედნიერი,  
 თანვე ახლავს ყოველის მხრით  
 წამოსული ქართლის ერი.  
 რიცხვი არ აქვს დარაზმულსა  
 ქვეითსა და ცხენოსან ჯარს...  
 შეჰხარიათ ბატონ-მეფეს,  
 მორჩილებით უვლიან გარს.  
 გარეშემო მთა და ბარი  
 წვრილფეხობით მოფენილა,  
 თითქოს ჩალაც დიდ წყალობას  
 ექადოდეს მათ ეს დილა.  
 ცალკე სერზე უთვალავი  
 გადმომდგარა დედა-წული.  
 სხვებზე მეტად დასტყობიათ  
 საზოგადო სიხარული.  
 წინ დგას მეფე და გვერდში ჰყავს  
 ბაგრატი, მისი შვილობილი,  
 კათალიკოს-მღვდელმთავრები  
 იქვე დგანან კმაყოფილი.  
 სათვალმაქცოდ არა ბრწყინავს  
 ერისა და ღვთის რჩეული:  
 თან არა აქვს მას გვირგვინი  
 და სამეფო სამკაული!  
 მაგრამ ისეც ვინ არ იცნობს,  
 რომ ის დიდი ცხებულია,  
 ვინც ერისგან გულის წმინდით  
 ნაკურთხი და ქებულია?  
 ყველა იცნობს მამა-შვილურ,  
 არც რიდი აქვსთ და არც შიში;  
 მიდიან და რჩევას ჰკითხვენ,  
 როგორც ლხინში, ისე ჳირში.  
 აი, ახლაც უთვალავი  
 ეს ერი სულ მას შეჰყურებს  
 და მოელის გულის ძვერით  
 ნახოს: მეფე რას აპირებს?

გაიხედეს შორს მინდვრისკენ  
და რაღაცას მოჰკრეს თვალი:  
ძირს შავად და მალლა ღრუბლად  
მათკენ იყო მომავალი.

ეს იყო, რომ ბრუნდებოდა  
საბერძნეთით ქართლის ჯარი,  
და ცხენების ფეხთა მტვერსა  
აღმა ჰყრიდა ღრუბლად ქარი.  
თავის ქვეყნის კიდევ ნახვამ  
მხედრებს გული აუძგერა  
და საგმირო, ჩვეულებრივ,  
შემოქდახეს მათ სიმღერა:

„კავკასიის ქედზე იყო  
ამირანი მიჯაჭვული,  
ყვავ-ყორანი ეხვეოდა,  
დაფლეთილი ჰქონდა გული.  
ქვეყნად ცეცხლის მოტანისთვის  
გულს ცეცხლი არ ნელდებოდა  
და რაღაცა მანქანებით  
გული ისევ მთელდებოდა.  
ჰქონდა ჭირში მოთმინება,  
არც ჰკვნესოდა, არც ოხვრიდა;  
უსამართლო ძლიერებას  
მოხურად ქედს არ უხრიდა.  
ბოლოს მაინც გამარჯობა  
დარჩა!.. ყველა გააოცა!..  
და ის ღვაწლი მაგალითად  
მიწის შვილთა მან გადმოსცა...  
კავკასიის მაღალ ქედზე  
მიჯაჭვული ამირანი  
არის მთელი საქართველო  
და მტრები კი — ყვავ-ყორანი.  
მოვა დრო და თავს აიშვებს,  
იმ ჯაჭვს გასწყვეტს გმირთა-გმირი!..  
სიხარულად შეეცვლება  
იმდენი ხნის გასაჰირი!“

მოახლოვდენ ამ სიმღერით,  
დადგენ ცოტა მოშორებით;  
დაქვეითდენ, წინ წამოდგენ  
და დარაზმდენ ხჩქარებით.  
თაყვანი სცეს ერთად მეფეს,  
ცალი მუხლი მოიყარეს;  
სიმდაბლის და მორჩილების  
ნიშნად, თავი მოიხარეს.  
წადგა მეფე და შესძახა:

— „გამარჯვება მძლეველ ჯარსო!  
ვაშა! ვაშა! იმათ ღვაწლს და  
საუკუნო სახსოვარსო!  
გამარჯობა ქართველ დედებს,  
ჩვენს გამზრდელსა და მშობლებსო:  
მათი ძუძუ გვაგვაყავს  
და ზრდა სულით გვამაღლებსო!..“  
ამ სიტყვებმა აიტაცა,  
ააღელვა მთელი ჯარი,  
შესძახეს და მათი გრგვინით  
ირყეოდა მთა და ბარი:

— „გაუმარჯოს ქართველ დედებს!  
ვაშა! ვაშა! მძლეველ ჯარსო!  
ღღეგრძელობა ბატონ-მეფეს,  
ქვეყნის თვალსა და ჯავარსო!“

## II

მაშინ წარსდგა ბატონის წინ  
დიდი თორნიკ ერისთავი,  
წინ დაუდგა ფეხთით ღროშა  
და მიართვა რალაც ტყავი.  
მოსახენა: — „აჰა, მეფევ!  
„გრამატა“ დედოფლისო,  
მაგიერი სასყიდელი  
ჩვენის სისხლის და ოფლისო.  
ბასილი და კოსტანტინეც

ამოწმებენ ამ წერილსო  
და უთმობენ ზემოქვეყნებს  
თქვენს შვილსა და შვილიშვილსო.  
მეც მიბოძეს მათ საკუთრად  
საჩუქარი დიდძალიო:  
სამკაული, ოქრო, ვერცხლი,  
მარგალიტი და თვალიო.  
მაგრამ, მეფეე, მე რად შინდა  
ეს სიმდიდრე საწყალ ბერსო?  
თქვენს დიდებულ ბატონობას  
შემოვწირავ ყოვლიფერსო:  
ნახევარი თქვენი იყოლს,  
ნახევარიც ქვრივ-ოხრებსო!  
ამდენი ჯორკიდებული  
ორივესთვის იკმარებსო!“  
მეფემ უთხრა: — „გმადლობ! ვიცი,  
ქვრივ-ობლები რომ გიყვარსო...  
მათ ჰქონდეს და მე კი ჩემთვის  
არ ვიღებ არც ნახევარსო!  
შენია და შენვე გქონდეს,  
მოიხმარე, როგორც გსურსო,  
რალა ძღვენი ეჭირვება  
შენს ღვაწლსა და სამსახურსო?“  
მაგრამ თორნიკ უპასუხებს:  
— „ნუ მარგუნებ, მეფეე, ძღვენსო:  
ვერ მივიღებ მე სიმდიდრეს,  
ვერ ვიქმ საქმეს ღვთის საწყენსო!  
ჯვარია და სახარება  
მხოლოდ ბერის სიმდიდრეო;  
ეს სიმდიდრე ქვეყნის არის  
და თქვენც მისი მემკვიდრეო!“  
ვერ შეთანხმდენ, თუმც სარდალი  
ცრემლით სთხოვდა მუხლმოყრილი,  
და ლაშქარიც სარდლის თანხმად  
მის წინ იდგა თავდახრილი.

ღრუბელზე მაღლა, ორბის საბუღარს,  
 არჩევბ-ჯიხვების მალალ სამთავროს,  
 წმინდა მამებსა გამოუქვებავსთ  
 კლდეში სახლები ოდესმე, ერთ დროს,  
 აღარა სჩანან დღეს ის მამები,  
 აწ აიზმას ვერ გვასხურებენ,  
 და მაღლობიდან ის სადგურებიც  
 ჩვენს შავ ბედს შავად გადმოჰყურებენ...  
 ვერა ოთხფეხი, ვერა ფრინველი,  
 ვერ შედის, თუმც კი ღიაა კარი;  
 ვერც უწმინდური რამე ქვემძრომი:  
 იქ ბუდობს მხოლოდ წმინდა ფუტკარი;  
 და ისიც მისთვის, რომ ზეცის მუშა  
 ხატებს უმზადებს აქ წმინდა სანთლებს,  
 თორემ სხვა... გინდა კაციც შევიდეს,  
 რაღაცა შიში ააკანკალებს.

ამგვარად ჰფიქრობს დაბალი ხალხი,  
 ცრუ-მორწმუნობით არის შემცდარი,  
 მაგრამ ამ გულწრფელ მათ შეცდომაში  
 მაინც სიწმინდე და მადლი არი.

თორნიკეს დროსაც ამგვარ მღვიმეში  
 ცხოვრობდა ერთი მოხუცი ბერი,  
 ძაძით მოსილსა და ფეხშიშველსა,  
 წელზედ ეყარა თმები და წვერი.  
 ხშირად სოფელში ჩამოდიოდა,  
 არ ასვენებდა კაცთმოყვარება:  
 მუნჯად ვიდოდა, ხმას არვის სცემდა,  
 აღთქმული ჰქონდა მას მღუმარება.  
 მაგრამ შრომასა და შემწეობას  
 გაჭირვებულებს არ ამადლიდა:  
 უყვარდა გლეხი, ქვრივი, ობოლი,  
 მამაშვილურად ყველას უვლიდა.  
 თოხნაში, მკაში, სხვლაში და ხენაში  
 ის მუშა იყო ყველაში სრული,  
 მისის მარჯვენის მადლს ჰფიცულობდა  
 ყოველი გლეხი, გაჭირვებული.

როცა სახადი, გადამდები რამ,  
 სადმე სოფელში მოედებოდა,  
 იმათ მომვლელად და საპატრონოდ  
 წმინდა მოხუცი იქ გაჩნდებოდა.  
 და სასყიდელი იმისი იყო  
 ხმელი პური და ზედ წმინდა წყალი;  
 არვის უნახავს ის მოწყენილი,  
 არც მხიარული და არც გამწყრალი.  
 ერთ გუნებაზე იდგა და იდგა..  
 ყველას უყვარდა, ყველა იცნობდა,  
 მაგრამ ის მაინც არვინ იცოდა,  
 თუ რას ჰფიქრობდა და ან რას გრძნობდა.  
 იცოდენ მხოლოდ, რომ ბერი იყო,  
 ცხოვრობდა კლდეში, სოფლიდან ახლოს,  
 და დიდი ხნიდან მათი მამებიც  
 მას ეძახოდენ „გაბრიელ-სალოსს“.  
 როდესაც მეფემ არ შეიწყნარა  
 თორნიკეს ძღვენი, თხოვნა, ვედრება  
 და გაკვირვებულ ამოდენ ჯარში  
 სიჩუმე იყო და მღუპარება,  
 ეს გაბრიელი წარსდგა იმათ წინ,  
 ამოიდგა რა პირველად ენა,  
 და გააკვირვა ყოველი სული,  
 როდესაც ბატონს ეს მოახსენა:  
 — „მეფევ! სიმდიდრე და ეს საუნჯე  
 არც შენ გეკუთვნის და არც თორნიკეს!  
 ეს ნახევარი სხვებისა იარის...  
 სისხლის სანაცვლოდ იმათ მოიმკეს  
 რისთვის ივიწყებთ იმათ, რომელთაც  
 მამულის სახელს თავი შესწირეს,  
 და გაითხარეს სამარე ისე,  
 რომ შორს მშობლებმაც ვერ დაიტირეს?  
 რათ არ იგონებთ იმ წმინდა ადგილს,  
 სადაც თორნიკე იმყოფებოდა?  
 თუ არა იმის სასწაულს და მადლს,  
 ქრისტიანობა ილუპებოდა!..  
 მთაწმინდის იყოს ეს თქვენი ძღვენი,



იქ ააშენეთ მით მონასტრები,  
რომ სუყოველდღე, წირვა-ლოცვის დროს,  
იხსენებოდენ ქართველი მკედრები.  
აუგეთ ერთიც ახალი ლავრა,  
ყოვლად წმინდისა დედის სახელსა,  
რომ მის წილხვედრი მცირე ივერი  
მსხვერპლს სწირავდეს მის მფარველს და მსსნელსა.  
მეცნიერების და მწიგნობრობის  
იქ აენთება ერთ დროს ლამპარი  
და შვილიშვილთა სხივებს მიაფენს  
იმათი მამა და წინაპარი!“

სთქვა და ისევე დადუმდა ბერი.  
გაოცებული უმზერდენ მაშინ...  
დასთანხმდა მეფეც და ერმაც მასთან  
ერთხმად შესძახეს ხმამალა: „ამინ“!..  
აღარვინ იყო საქართველოში  
იმ დღიდან იმა ბერის მნახველი;  
მხოლოდ ერთხელ-კი, როცა ქვეყანას  
ჩამოსწოლოდა უკუნი ბნელი,  
ორი მოხუცი ენახათ გზაზე  
ხელყავარჯნებით შორს მიმავალი.  
ათონისაკენ მიემართათ მათ  
პირდაპირი გზა და სწორი კვალი.  
ისე ვიდოდენ, ვით ბნელ ღამეში,  
თითქო უძლოდათ რაღაც ნათელი...  
ერთი მათგანი იყო თორნიკე  
და მეორე კი ის გაბრიელი.

#### IV

ერთხელ ათონში ასტეხეს რეკა  
და უჩვეულო იწყეს დაღადი.  
ასე ამბობდენ, რომ სასწაული  
სუყველამ ერთად ვნახეთო ცხადი:  
„მოსცურა ახლოს ღეთისმშობლის ხატმა  
და დაიყენა თავს ნათელიო.  
გამოსვენება გვინდოდა, მაგრამ

არ მოიკიდა ჩვენი ხელიო.  
 ყველა ვერ ჰხედავს: ღამით ნათელი  
 და ღღისით ჩაღაც ნისლი ჰბურავსო;  
 ჩვენ როცა ნავით ვუახლოვდებით,  
 ის არ გვეიკარებს, შორს მისცურავსო.  
 მისი სიწმინდის შეხების ღირსი  
 აღარ აღმოჩნდა არცა ერთიო.  
 სჩანს, ჩვენი ცოდვა დიდი ყოფილა  
 და გვირისხლება მალლით ღმერთიო!“  
 ასე სტირიან წმინდა მამები,  
 მარხვას და ლოცვას იორკეცებენ;  
 აღთქმებსაც დებენ საკანონოდა  
 და ღირსს მათსავე გუნდში ეძებენ.  
 მაგრამ არ იქნა, სანამდის ძილში  
 არ ნახა ერთმა ბერმა ჩვენება:  
 გამოოცხადა მას დედაღვთისა  
 და განუცხადა მალალი ნება:  
 — „ამოდ შეფოთავთ, წმინდა მამებო,  
 არაფერი გაქვთ ღმერთთან ბრალიო.  
 არც ჩემთანა ხართ თქვენ დამნაშავე,  
 არა ვარ თქვენზე მე გამწყრალიო.  
 მაგრამ მე თქვენთვის აქ არ მოვსულვარ,  
 სხვა არის ჩემი წმინდა ნებაო,  
 და თქვენგანს არვის არ შეუძლია  
 ჩემი აქედან წასვენებაო.  
 ჩემ სადიდებლად რომ აუგიათ  
 ივერიელთა აქ ტაძარიო  
 და ყველასათვის შიგ შესასვლელად  
 მათ გაუღიათ მისი კარიო,  
 იქ სცხოვრობს ერთი მოხუცი ბერი,  
 ივერიელი გაბრიელიო,  
 და ნათლით მოსილს იმ ჩემ ძლიერ ხატს  
 იმან შეახოს მხოლოდ ხელიო,  
 რომ მიიტანოს და დაასვენოს  
 შესავალ კართან საკვირველიო,  
 და იმ დღიდანვე სასწაულმომქმედს  
 დაერქვას: „კარის ღვთისმშობელიო!“

გამხიარულდენ წმინდა მამები,  
იწყეს შესხმითი გუნდად გალობა;  
უვლიდენ ტაძრებს კელაპტრებითა,  
გახშირდა საღმრთო ლიტანიობა;  
წინ მიუძლოდა იმათ თორნიკე  
და იოანე მცირე ჭრებითა,  
და იესებოდა იმათი გული  
მომეტებულის ნეტარებითა.  
მიიღეს ხატი და დაასვენეს  
ღანიშნულს ადგილს სიხარულითა  
და იესებოდა წმინდა ტაძარი  
იმავე დღიდან სასწაულითა.  
მაგრამ ყველაზე შესანიშნავი  
იხილეს მაშინ ერთი ჩვენება,  
რომლისაჲც იმგავსი ჭერ არც ენახათ  
და არც ყოფილა სადმე ხსენება:  
გამოიხატა ცაზე გვირგვინი,  
ვარსკვლავებისგან გამოჭედილი,  
დაადგა თავზე ივერთ მონასტერს  
და გაანათა წმინდა ადგილი,  
და ნათლის სხივებს აელვარებდა  
დიდხანს, სანამდის არ დადგა დილა!..  
შემდეგაც თურმე არა ერთგზისა  
იმავე ადგილს გამოჭედილა.  
ღღეს ის ნიშანი კი აღარა სჩანს:  
დიდი ხანია, რაც რომ გამჭრალა...  
უეჭველია, ჩვენს გულგრილობას  
გარისხებია!.. ჩვენზე გამწყრალა!..  
მაგრამ ჰულმნათსა საქართველოსას,  
ღვთისმშობლობა ღღეს, ერთი სიზმარი  
ენახა: ქვეყნად ჩამოსულიყვენენ  
ნინო, ქეთევან და თვით თამარი.  
თამარს თავს ედგა ძლევის გვირგვინი  
და ქეთევანსა — წმინდა მოწმობის,  
ნინოს ხელთ ებყრა ჭვარი ვაზისა,  
ნიშანი დიდი ქრისტიანობის.  
ზეცად აეპყრათ სამთავეს თვალნი,

საქართველოსკენ აშვერდენ ხელსა  
და შეერთებით, ხმაშეწყობილად  
ჰგალობდენ ტკბილსა საგალობელსა:  
— „დედაო ღვთისაჲ! შენი ხვედრია  
ეს საქართველო დიდჭირნახული,  
შეუნდევე ცოდვა!.. ნუ აიღებ ხელს,  
ლმობიერებით იბრუნე გული!..  
მოეც კურთხევა ზეცით, მაღალო,  
და გადმოსახე ძლიერად ჯვარი,  
რომ აღადგინო ქართველთა ერი,  
დღეს დაცემული და ცოცხალ-მკვდარი!  
მისსა მხნეობას, მისსა ჴნეობას  
განუმტკიცებდე აღმაფრენასა  
და შენს საქებრად, სადიდებლად  
ნუ დაავიწყებ იმ ტკბილ ენასა,  
რომლითაც თამარ ბრძანებას სცემდა,  
ქეთევან მარად შენ გადიდებდა  
და ნინო ძისა შენისა მცნებას  
შენგან რჩეულ ერს უქადაგებდა!..“  
რომ გაათავეს თურმე ეს ლოცვა,  
ზეცას შეჰხედეს სამთავემ ნელა  
და დაინახეს, რომ ძველ ადგილზე  
გამოესახათ მათ ცისარტყელა...

1884 წ.

## მ რ ი ქ ა რ თ ვ ე ლ ი

ოთია მესხი და ადამ ბებურიშვილი

### I

დაბერდა ჩვენი გოგია,  
ქველი ქართველი რაინდი:  
სიცოცხლის დილას მოშორდა,  
მოუახლოვდა მას ბინდი.

სიბერემ თავზე დასთოვა,  
გაუქრო გულისა ალი:  
ძარღვებმაც ერთად უსუსტეს,  
მუხლებმა უწყყეს კანკალი.

და გულდაწყვეტით იძახის:  
„სად არის ქველი ჯანო?  
ხმალს რომ იქნევდა, დღეს იმ ხელს  
მიმძიმებს ყავარჯანო!“...

ჩიფჩიფით ამბობს ამ სიტყვებს,  
ჩაცვივებული აქვს კბილები,  
და პირში სიცოცხლს აყრიან  
პატარა შვილიშვილები:

— „პაპია, რაზედა ჯავრობ?  
ვის ემუქრები და რასო.  
რომ ძლივს აბრუნებ მაგ ენას,  
როგორც ბებია ჯარასო?

იკმარე, რაც მოგივლია  
შენს ღღეში მთა და ბარიო!  
ახლა დაჯექი და გვითხარ  
შაირი, ან ზღაპარიო!“

— „ჰაი, თქვე კუდიანებო...  
თქვე ეშმაკებო... თქვენაო!  
შაირსაც გეტყვით, ზღაპრებსაც, —  
თქვენთვის არა მშურს ენაო;

მაგრამ ცელქობას არ მოჰყვით,  
არ შემიშალოთ ზელიო,  
თორემ იმ ტყიდან გამოვა  
და ყველას შეგქამსთ მგელიო!“

ჩეროში დაჯდა მოხუცი,  
გარს შემოქსნდენ ბავშვები;  
ეუბნებიან: „პაპია!  
მოჰყევი ჩქარა!.. რას შერები?“

ხმის გასაწმენდად პაპია  
მოჰყვა ძალდაძალ ხველასა;  
მერე ახსენა უფალი  
და ეს უამბო ყველასა:

— მსოფლიო ცხოვრებაშია  
ქართველსაც უძევს კვალიო:  
შიგნივ — ოფლი და გუთანი,  
გარედ — სისხლი და ხმალიო!

დედაენა და ერობა  
ქრისტეს სჯულს უკავშირაო;  
მათ დასაცველად ოთხკუთხივ  
ომები გაახშირაო!

არ შეუშინდა მონგოლებს,  
სპარსელებს და არც თათრებსო!

ამბობდა: ჩემი სამშობლო  
მონებას არ იკადრებსო,

სანამდის შვილი შერჩება  
უკანასკნელად ერთიო,  
რომელიც ეტყვის ურჯულოს:  
„მრწამს ჩემი ქრისტე ღმერთიო!“

ახსენებს წმინდა გიორგის,  
უშიშვლებს ქართულ ხმალსაო,  
და ვაჰკვეთს ბასრი მახვილი  
ერთად. რბილსა და ძვალსაო.

და მართლაც არწივ-ლომობდა  
ქართველი მაშინდელიო!..  
დედაც სხვა იყო იმ დროში,  
სხვაგვარი შვილის მზრდელიო!

მათი, „ნანინაც“ სხვა იყო,  
არ ჰგავდა ახლანდელსაო,  
მონურსა, გასაკიცხავსა,  
სიყრმითვე გასარყენელსაო.

მჯობნისა მჯობნე ამ ქვეყნად  
აროდეს გამოლეულა...  
ბევრი ჩვენს რაინდებშიაც  
გმირი რამ გამორეულა;

საშვილიშვილოდ გამხდარა  
მათი ქება და ხსენება!..  
მამულიშვილის ხსენება  
ამ ქვეყნად ღმერთმაც ინება!

ახლა ის არის ქებაში,  
ვინც პლუტი, ანუ ლოთია;  
მაშინ კი — ბებურიშვილი  
აღამი, ანუ ოთია!

ახალციხის სიახლოვეს  
ერთი დიდი მინდორია,  
მაღალ მთის ძირს გადაშლილი  
სუფრასავით... სულ სწორია.

გარს არტყია უტეხი ტყე  
ამ ბუნებითს მოედანსა;  
ერთს მუხლზე ვერ გადაირბენ  
ვერც მის სიგრძეს და ვერც განსა.

შვის ჩასვლის დროს ამ მინდორზე  
გამოგოგდა თეთრი ცხენი;  
ზედ ჰაბუკი ვინმე იქდა —  
ცხენ-უნაგრის დამამშვენი.

სამამაცო იარაღით  
ტურფად იყო შეკაზმული;  
ეტყობოდა მხარ-ბეჭიანს,  
მკერდში ედვა რკინის გული.

ამაყურად მოიმზერდა,  
აგელვებდა მის ტაიქსა;  
ხან დეზს ჰკრავდა, ახტუნებდა,  
ხან აძლევდა ნელსა ბიჯსა.

და ვინ იცის, იმ დროს მხედარს  
რა ოცნება სად აფრენდა?!  
აგონებდა სატრფოს კოცნას,  
თუ მტრებზედა გულს უღრენდა?

ფიქრებისგან გამსჭვალული,  
შუაგზამდის რომ მივიდა,  
უცბად ცხენი შეუჩერდა...  
ყრმაცა შეკრთა... გაუკვირდა,



გულში ეს თქვა: „ნათქვამია  
ცხენი გულთმისანიაო:  
ამის ასე შეჩერება  
ცუდი რამ ნიშანიაო!“

გავაზივით გაიბერტყა,  
იარალსა ხელი მიჰყო,  
მათრახიცა წელში ირქო,  
თოფი ბუდით გამოიღო.

და მიიხედ-მოიხედა,  
ოთხსავე კუთხეს ავლო თვალი,  
მაგრამ ვერსად ვერ შენიშნა  
ვერც მტერი, ვერც მისი კვალი..

თეთრას ღეზი გაუქანა,  
გუნებაში ჩაიცინა...  
— „აჩუ!“ ცხენი არ ინძრევა...  
აიმართა, იჭიხვინა!

მის ჭიხვინზე მარცხნივ, ტყეში,  
სხვა ცხენმაცა იხვიხვინა...  
მხედარმა სთქვა: — „იქ ვისია?  
მოყვრისაა, თუ მტრის ბინა?

„მტერი ჩარ, თუ მოყვარე ხარ?  
ნუ იმაღვი! — მიაძახა —  
ვაქყაცია პირდაპირი,  
'იმალება მხოლოდ გლახა!“...

ამ სიტყვებზე ფინთიხვიით  
გამოვარდა ტყიდან კაცი;  
შავმოსილი, შავის ცხენით,  
ჰგვანდა, იყო ის მამაცი.

ჯერ ლეკურად იყლურტულა,  
ქართულიცა გაურია:

— შეგანანებ მუქარასა!  
შენი სისხლი მეც მწყურია!

„არ იცი, ვის ემუქრები  
და ვისთან ხარ გულადიო?  
შენს წინა სდგას დალისტნელი  
ლეკი, ალლი ფოლადიო!“

ქაბუკმა უთხრა ღიმილით:  
— „ქარგ ბიჭსა გზედავ თვალადსა  
და ვმადლობ ღმერთსა, თუ მართლა  
შემყარა ალლი-ფოლადსა!

„მე მის ძებნაში დალისტნის  
მთა და ტყე გამილევია!  
ვწუხდი: ვერ შევხვდი და მისი  
სისხლი არ დამილევია!...“

„ლეკო, შენც ჩემი სახელი  
უთუოდ გაგეგონება,  
გეტყვი თუ არა, ვინა ვარ,  
მთლად დაგებნევა გონება.“

„ეგებ მრავალჯერ ჩემს სახელს  
შენთვის დაეფრთხოს ტკბილ-ძილი...  
ადამ რომ გაგიგონია,  
მე ვარ ის ბებურიშვილი!“

„შენმა შეყარამან, ბელადო,  
მე გული გამიხარაო,  
მაგრამ შენთვის-კი ის სჯობდა,  
რომ მიწა გაგეთხარაო!“

ეს რომ უთხრეს ალლი ფოლადს,  
თორნესავით იის აენტო...  
— „ჰა, ბურთი და მოედანი!  
მობრძანდი და გავსწორდეთო!“

გამოვიდენ შუა ველზე,  
აღლევებდათ გულის ვნება;  
ძნელი არის ორ ვაჟკაცის  
ერთმანეთის შეტაკება.

თოფ-დამბაჩა აიცილეს,  
ორთავ თავი დაიფარეს;  
მაგრამ ერთმანეთზე მისვლა  
ხმალდახმალ არ დაიზარეს.

გამეტებით ხმალს იქნევენ,  
ორთავ შველისთ მათი ფარი,  
ჭერ არც იქით და არც აქეთ  
გამარჯვება არსით არი!

შეერთა თეთრა ჭრილობისგან,  
შეაჩერა პატრონი წამს,  
ამით ლექმა ისარგებლა,  
მოუქნია ხმალი ადამს...

მაგრამ ტყვილა არ უქებდენ  
ადამს ომში მარჯვე თვალსა;  
ხმალსა ხმალი მიაგება,  
არ ჰზოგავდა თვისსა ძალსა.

მარილივით გადაემტვრა  
აღლი-ფოლადს მისი ხმალი;  
მაშინ კი სთქვა: — „გაქცევაა  
ჩემი მხოლოდ აწ წამალი!“

ღეზი ჰკრა და გამოქბრუნდა,  
გააჰენა ბედაური;  
ადამ აყრის კიჟინასა:  
„დამოჩი! შენ ხარ ჩემი პური!“

წინ აღლი და უკან ადამ  
დადგომიან ტრიალ შინდორს,

და, ჰა, შავმა ბელაურმა  
მოიტოვა თეთრა ის შორს!

ადამ მწარედ ფეხებს იქნევს,  
მტერი მიდის... გულს ასკდება,  
მაგრამ ბევრიც რომ იჯავროს,  
ამით, აბა, რას გახდება?

ამ დროს უცბად წინ შემოხვდათ  
იმათ ერთი ვილაც მგზავრი:  
ჯორზე იჯდა, ლილინობდა,  
არაფრის არ ჰქონდა ჯავრი!

გაქცეულს ლექს რომ შეჰხვდა,  
როგორც კურდღელს უცაცხანა:  
— „ჰოი ჰოი ველარ წახვალ!  
ბევრი დამრჩა შენისთანა!“

წყნარად თავი დაუარა,  
სვეტივითა წინ დაუხვდა  
და ისეთი მიაყვირა,  
რომ ლექს გული შეუწუხდა.

მოუქნია ხმალი, თავი  
წააცალა, როგორც წიწილს:  
მერე მიუბრუნდა, უთხრა  
ეს სიტყვები ბებურიშვილს:

— „მე გაქცეულს არ მოვკლავდი,  
მაგრამ იყო ხათრი შენი;  
შეგატყვე, რომ შენ გინდოდა  
დაგეოჩინა მისი ცხენი.“

„და, ჰა- ლმერთმა მოგახმაროს  
იარალი და ეს ცხენი!  
შენ შეგმატოს, რაც დღეს ამას  
უღროოდა აკლდეს დღენი!“

ეს უთხრა და მიატოვა,  
სიტყვა აღარ გაუგრძელა!  
ჯორს დეზი ჰკრა, „ჩიშო!“ უთხრა,  
გზას გაუდგა ნელა-ნელა..

თავბრუ დაესხა ადამსა,  
აღარ ეხსნება მას კრიკი:  
სირცხვილით ველარ გადადგა,  
ველარც გადმოდგა წინ ბიჯი.

თითქოს გაქვავდა, ვერ უთხრა  
ვერც მადლი, ვერც საყვედური!  
სთქვა: „ღმერთო, რა გაწყენინე,  
რად მრისხე მე უბედური?

მერჩია, იმ ლექს მოვეკალ,  
ენებებია მაცხოვარს!..  
სირცხვილი კი არ ექმია  
ჩემთვის ამ ვილაც მათხოვარს!

ჯორის პატრონი ცხენს სწუნობს,  
ოქროთ მოკვდილ ფარ-ხმალსა!  
ყველას მე მაძლევს საჩუქრად,  
როგორც მდიდარი საწყაღსა!..

ან არის სწორედ სალოსი,  
ანუ, ვილაცა ლოთია“.  
და მიაძახა: — „ვინ ხარო?“  
პასუხი ესმის: - - „ოთია!“

ამ სიტყვამ გამოაფხიზლა  
ადამი დაღონებული  
და ჯორისაკენ გაიქცა  
სიამით აღელვებული.

— „მომიცადეო! — უძახის, —  
ადამი გევედრებაო!

ჰსურს, მიესალმოს ოთიას,  
როგორც მას ეკადრებაო!

შენმა ქებამ და სახელმა  
კახეთი შეაჯერაო!  
შენის შეყარისთვის იკურთხოს  
ღღეს ჩემი ბედისწერაო“.

ძირს ჩამოვიდა ოთიაც,  
წინ მიეგება ადამსა;  
ერთმანეთს შეტის ზრდილობით  
ველარ უბედვენ სალამსა.

ადამი ამბობს — „ოთიავ!  
ბრძანე სალამი, შენია!..  
მე რომ გავბედო პირველად,  
ჯერ ყმაწვილი ვარ, მრცხვენია!

„მასთანაც შენი მეტია  
ვაჟკაცობისა სახელი!  
აჲ, ნუ გინდა იმერელს,  
რომ გამაბრეყვო კახელი!..“

— „ბატონო, რისთვის იმიწყრებით?  
როგორ მიბრძანებთ მაგასო?!  
ეგ რომ ვიფიქრო, ღირსი ვარ,  
დამაბან ვირის ბაგასო!

„ვინ გაასწორა, ბატონო,  
ნეტავი მთა და ბარიო!  
მესხი ვარ აზნაურშვილი,  
თქვენ — დიდ თავადის გვარიო!..“

„უნდა მიბოძოთ სალამი,  
როგორც თქვენს ერთგულ მონასა,  
და მე მადლს ვიხდი გულითადს,  
ამ ჩემი თავის წონასა!“

მაგრამ აღამ შინც ამბობს:  
— „მოდი, აბა, ასე ვქნათო  
რომ არ დაგვრჩეს ერთმანეთზე  
საწყენი და საძუნათო.

ძმებსავითა გაღვექდიოთ,  
გადავკოცნოთ ერთმანეთი;  
და აქ მტკიცე მეგობრობას  
გაამტკიცებს მალლა ღმერთი!“

ესა სთქვეს და ერთმანეთსა  
გადააქდეს ყელი ყელსა;  
მერე დასხდნენ სასაუბროდ  
იქვე რბილს და მწვანე ველსა.

ოთიამ იწყო: „კი გატყობ,  
გშვენის ბებურიშვილობა,  
თვალ-ტანადობა, იერი,  
დარბაისლობა, ზრდილობა!

წელან კი ველარ შეგნიშნე  
ვერც ერთი ეგე დიდება:  
ვაუკაცს არ ჰშვენის, თქვენ იცით  
მტრის უკან გამოკიდება“.

ადამმა უთხრა: — მართალ ხარ,  
არ ვიცი, ისე რად გავხდი!  
გადმიყოლია სურვილმა,  
ვაუკაცის წესსა გადავხდი.

„მაგრამ მას სისხლი ემართა  
ბევრ ქრისტიან კახელისა;  
სხვა ლეკი იყო ის ლეკი,  
სხვა ხმლისა და სხვა ხელისა!

„ალლი-ფოლადსა ეძახდნენ,  
შენც გაგგონოს ეგება;

მისთანა მტერი, ხომ იცი,  
მტრის მახვილს ძნელად ეგება!“

ოთიამ დასტური მისცა:  
— „გამიგონია მეცაო!  
ჩვენშიაც ჩამოდიოდა  
ეგ წუპაკი და ქეცაო!“

„ქურდულად იპარებოდა  
ეგ საძაგელი მყრალიო!  
შეეყროდი — არ გაეკოცნიდი,  
ცუდად ვიყავი იმწყრალიო!“

ადამ ამბობს: — ბედი ჰქონდა,  
ტოლ ვაჟკაცსა არ შეჰყრია;  
თორემ მაგის ძებნაშია  
ბევრი ოფლი დამიღვრია.

დალისტანში გადავსულვარ,  
მთები სრულად მოვიარე,  
მაგრამ გული მიღრინავდა,  
რომ ვერსად ვერ შევეყარე.

დღეს წავაწყდი ულოდნელად  
ტყეში იყო ჩასაფრული,  
მისმა ნახვამ ამაყროლა,  
ამიჩქარა მეტად გული.

შევეუტიე... მომაშურა...  
შევეტაკეთ ორთავ მტკიცედ...  
უსიკვდილოდ არ გაშვება  
ერთმანეთის დავიფიცეთ!..

ხმალსა ხმალი შემოგუჟარ,  
შუა გატყდა მისი ხმალი,  
მაგრამ ცხენმა იპატივა:  
სწრაფი იყო და ფეხმალი.



არ დამნებდა და გაშექცა,  
მარღად ცხენი გააჰენა  
და უთუოდ წაეიდოდა,  
შევერცხვებოდი, თუ არ შენა!

მე-კი შენი სიმარჯვითა  
პირველ მითი დამაღონე,  
რომ სხვად ვინმედ მომეჩვენე  
და ოთია არ მეგონე.

და ან როგორ ვიფიქრებდი?  
ჯორზე ზიხარ, თითქოს მღვდელი,  
და შტერს ისე მივარდები,  
როგორც ცოფიანი მგელი!

ვინ ჯორი და ვინ მხედარი?!..  
ამის მეტი ვის უნახავს?!  
იარალიც ისეთი გაქვს,  
ღედაკაციც კი დაგძრახავს.

ნუთუ ვერსად გიშოვნია  
ბედაური შესაფერი,  
იარალი მოჰედილი  
ვერცხლით, ოქროთ განაფერი?!“

მესხმა უთხრა: — „ბედაური  
ვაუკაცს ინეტავ რად უნდაო!..  
თვითონ შტერს არ გაეჩევევა,  
არც გასდევს, თუ გაბრუნდაო!..“

ფეხალაგობ შესაბმელად  
ჯორი, აბა რას უშლისო?  
საქმე მკლავით გადასწყდება,  
თუ ხმალს მარჯვედ გაუშლისო!

მოჰედილი იარალი  
მოატყუებს მხოლოდ თვალსა,

სააშიყოდ როცა წახვალ,  
ააჩქარებ სველუც ქალსა.

თორემ ვერცხლით თავს ვერ იხსნის,  
ვისაც აღგას გასაჭირი,  
ხმლის ქარქაში არაფრად ღირს,  
უნდა სჭრიდეს მხოლოდ პირი.

და ეს ჩმალიც ისეთია,  
ღიღი დავით წერეთლისა,  
რკინეულებს, როგორც ყველსა,  
ისე სჭრის და ისე სთლისა.

როცა დავით ჰპატრონობდა,  
ხუთჯერ იყო დამარხული  
ას-ერთ კაცის მოკვლისათვის,  
როგორც ღიღი ჭირნახული.

საუნჯეა მამაციისთვის,  
მეც-კი ბევრჯერ დამიმარხავს;  
და, იცოდე, შემცდარია,  
ვინც მე ამ ჩმალს დამიძრახავს!“...

გაუქვირდა ადამს მისი  
მსჯელობა და ხასიათი,  
და გაგრძელდა საუბარი  
სულ ამგვარი მაშინ მათი.

გულგახსნილად ისაუბრეს,  
ვით წესია მეგობრისა;  
ზოგი ეს სთქვეს, ზოგი ის სთქვეს,  
ამ მთისა და იმ ბარისა.

როცა გაყრა დააპირეს,  
სიტყვა მისცეს ერთმანეთსა:  
ვინც გასტეხდა მათში სიტყვას,  
შესცოდებდა მალლა ღმერთსა.

უნდა ორნივ იმავ ალაგს,  
სადაც შეხვდენ მტერსა ავად,  
ყოველ წლობით მოსულიყვნენ  
ერთმანეთის სანახავად.

მაგრამ დასდევს ძმობილობაც,  
ბეგარა და სამსახური,  
რომ მიუძღვნან ერთმანეთსა  
მათგან მოკლულ მტრისა ყური.

და ყოველ-წლივ ასრულებდენ  
მეგობრები ამ პირობას,  
ას-ასობით სძღვნიდენ ყურებს,  
იმტკიცებდენ მით გმირობას.

როცა მოკვდენ ეს გმირები,  
გაეხარდათ მემკვიდრეებს...  
უყურებდენ დიდ სკივრებსა  
და ამბობდენ: „გაგვამდიდრებს!“

მაგრამ კლიტე რომ გატეხეს,  
გააქნიეს სიმწრით თავი,  
ოქრო-ვერცხლის ნაცვლად ნახეს  
საარაკო სანახავი:

დაშაშხულის ყურებითა  
ზანღუკები სავეს დახვდათ!  
და, რომ გაპყვეს ის საუნჯე,  
თითო-თითო ყველას გახვდათ!..

1892 წ.

## ნ ა თ ე ლ ა

ქველევური აგზაპი

### შ ე ს ა ვ ა ლ ი

ამაღლდით, გრძნობავ, გონებავ!..  
ასცილდით მზე და მთვარესა!..  
შეუკავშირდით ვარსკვლავებს,  
მოციმციმ-მოელვარესა!

შეიტყვეთ საიდუმლობა  
ზეციურ ტკბილი ხმებისა  
და შეისწავლეთ კანონი  
იმათი შეთანხმებისა!

მე მაშინ მხოლოდ გავბედავ,  
ხელი შევახო ჩანგურსა  
და მწარე ზარი ამ ქვეყნის  
შევრთო იმ ქვეყნის ზევსურსა.

რომ მეც გალობით, გედივით,  
დავაგლო ქვეყნის საზღვარი,  
ჩავდნე ჩემსავე ჰანგებში  
და გავქრე, როგორც ლამპარი...

ღიახ, მსურს დავდნე და გავქრე,  
რომ მას მოვფინო ნათელი!..  
ნათელა არის იმისი,  
ვისაც მე ვამკობ, სახელი.

თ ა ვ ი I

ერთხელ თურმე მზე და მთვარეს  
მოუვიდათ ჩხუბი დიდი:  
გაშორდენ და შემაერთი  
ჩაინგრიეს გზა და ხიდი.

შუა ჩადგა გველეშაპი,  
ღრო იხელთა, ჩაეპარა...  
აღარც მზე სჩანს, აღარც მთვარე...  
ორივე ერთად მიეფარა.

დადგა ბნელი, საზარელი  
ღრო, მხეცების ჭანავარდი!..  
მზის სხივების ველარ მკვრეტი,  
გახმა ია, დასკვნა ვარდი!..

სწორედ ამ ღროს, სიბნელის ღროს,  
მოვევლინა ქართველს ჭირი!..  
აღარც ძმობა, აღარც ყმობა,  
აღარც სიტყვა, აღარც პირი!..

ერთი ძუძუთ გამოზრდილი,  
ერთი დედის ორი შვილი,  
ერთს ჭირსა და ერთსვე ლხინში  
შეთანხმებულ, გამოცდილი,

ამერი და იმერეთი  
აირია, აიშალა!..  
და ორივეს ჩამოაკლდა  
სიმტკიცე და ძველი ძალა.

ეს ჟნდოდათ მონგოლებსაც,  
გაიზარეს გულით დიდად,  
შუა ჩადგენ და ძმებ შუა  
შუარი გასდევს გზად და ხიდად.

გაეგონათ, ქართველები  
პირდაპირად ვერვინ სძლია,  
და იმათი დამჩაგვრელი  
მხოლოდ სულის სიმდაბლეთა!..

გზას დაადგენ ცბიერების,  
ხალხსა ჰრყენიდენ მრავალგვარად;  
სიცრუე და ორპირობა  
ზელთ ეჭირათ ხმლად და ფარად.

სიმათლეს და კარგ კაცობას  
ალარ ჰქონდა გასაველი  
და სდევნიდნენ კაცურ კაცებს,  
არ ჰქონოდათ, გინდა, ბრალი.

ჩამოაგდეს ქვეყანაში  
სიღარიბე, სილატაკე:  
მთა და ბარი გაასწორეს,  
შეაერთეს ზღვა და ვაკე.

დღეს-ხვალობით შელახული,  
დაიჩაგრა, გატყდა ერი:  
შიგადაშიგ გამოუჩნდა  
ძმას მისივე მოძმე მტერი!..

მამა-პაპის წაღმა ხნული  
შვილიშვილთა დაღმა ფარცხეს!  
და ამერეთ-იმერეთმაც  
ერთმანეთი დაამარცხეს.

ძველი ქება და დიდება  
დაჰქნა უცხად, როგორც მდელი:  
ადრინდელის ჩრდილი იყო  
დაჩაგრული საქართველო!..

ყოველი მხრივ გაისმოდა  
სულთაბრძოლის „ვაი!“-„ვიში!“

და დაცემულ ქართველობის  
ალარ ჰქონდათ მის მტრებს შიშის..

ეგონათ, თუ ქართლის ბედი  
საუკუნოდ მიეფარა  
და მომავალ სიცოცხლესაც  
შავი მიწა მიეყარა!..

რა იცოდენ, რომ მის წილხვედრს  
ღედა ღვთისა არ სწირავდა  
და ტანჯვაში გამობრძმედილს  
მომავლისთვის იფარავდა!

ზოგჯერ კერა ჩამქრალია,  
ცივი ნაცრის გარე პირი...  
და უსიტბო, უსიცოცხლო  
ზედ აყრია მას ნახშირი!

მაგრამ, თურმე, შუა-გულში  
სძინავს ობოლ ნაკვერცხალსა  
და ინახავს მერმისისთვის  
ჩვეულებრივ ნათელ ძალსა!

ქვეყნის კერაც ასეთია:  
გინდ დახუქოს მკედრულად თვალი,  
იმის გულში მაინც ღვივის  
დაფარული ნაპერწკალი!..

## თ ა ე ი II

ცაში ვარსკვლავი ვარსკვლავზე  
ღვთისაგან დანათესია,  
მაგრამ იმათში ყველაზე  
შუქურა უკეთესია!..

ბევრია საქართველოში  
პირთამზე, მზეთუნახავი:

მაგრამ, „ნათელას“ რომ სჯობდეს,  
არავინ არის მნახავი.

ტანადობა აქვს ალვის ხის  
და თვალადობა მთვარისა,  
ღიმილი — ცისკრის ვარსკვლავის,  
სხივოსან მოელვარისა.

ვარდს მიუძღვნია ელფერი,  
სინაზე — ტურფა იასა;  
ზედ შუქი მოუფენია  
სამოთხის კარსა ღიასა.

ცისფერი მისი თვალები  
სამოთხის ჩამსახველია!  
კოკებამდე სცემს ზუჭუჭი,  
შავი, უკუნი, ბნელია!..

ოდნავ უპობენ ლალ ბაგეს  
კბილები მარგალიტისა,  
თან ახლავს ენა ბუღბუღის  
და მოჭიკჭიკე ჩიტისა.

ქალია ქველი წერეთლის  
პატრონი „მოდინახისა“,  
უნებლიეთად დამგები  
სასიყვარულო მახისა!

ალარც დედა ჰყავს, არც მამა,  
ობლობით განაზარდია...  
ერთ მოწყვეტილი ვარსკვლავი,  
ედემში რგული ვარდია!

სადაც კი საქართველოში  
განთქმული მეომარია, —  
თვალი იმისკენ უჭირავს,  
ნათელას მაძებარია.



მაგრამ ნათელას პასუხი  
საერთოდ გადაჭრილია:  
„ჭერ ჩემი გული ყველასთვის  
როგორც სამარე, გრილია!

„და ვერაფერი გაათბობს,  
თუ არ სხეავგვარი გმირობა!  
საცოლოდ იმან მიგულოს,  
ვინც შეასრულოს პირობა:

შე ერთი ჩოხა შევკერე,  
თეთრი რაზმ... მშვენიერია!  
წელში ვიწროა, წერწეტი,  
ბეჭებში განიერია.

„არსად ეტყობა ნაკერი,  
ძაფები დაცარგულია;  
და ოქრო-მკედით ნაჭედი,  
სახეებ მოქარგულია.

„შვიდი მტკაველი სიგრძე აქვს,  
და შესაფერი განია!..  
ოქროს ღილები შემიბამს,  
ცრემლებით გამიბანია.

ვისაც ის ტანზე მოუვია,  
იმან ჩაიცვას, სხვამ არა!..  
მაგრამ სხვაც არის პირობა,  
ეს ერთი მარტო არ კმარა:

„წავიდეს მტრებში იომოს,  
გვიჩვენოს ძალა მკლავისა!  
წითლად შეჰღებოს საპირე  
ამ ჩემი ნახელავისა!..

„ნახოს სახელი მისთანა,  
რომ არ ენახოთ არც ძველად:

ასოცი თავი მომართვას  
ჩემი სარების სარქველად;

„რომ შემოეელოს მესერად  
ამ ჩემ დიდ ციხე-დარბაზსა...  
და მაშინ მხოლოდ ეს გული  
გათბება... დასდებს მას თასსა!“

ყოველი კუთხით გაისმა  
ეს უცნაური პირობა!  
ყველას უნდოდა ესინჯა...  
გამოეცადა გმირობა.

მთლად მოეხიბლა ქვეყანა  
ნათელას ციურ სახესა:  
გუნდად და გუნდად მოატყდენ  
გმირები მოქდინახესა!..

სინჯვენ... არ ერგო ის ჩოხა  
არავის ტანადობასა!..  
უთხოვებიან ნათელას  
და სჯერდებიან ღობასა.

დღე-დღეზე მიდის, თვე-თვეზე,  
გარბიან წელიწადები!  
და ფრთებს იკვეცავს სურვილი,  
ნათელას გულში ნადები:

„უაი, თუ ცუდად ვკარგავდე  
ქაბუკ დროს, სანეტაროსა,  
და ჩემმა გიჟმა ოცნებამ  
ამაოდ ჩამიაროსა?“

### თ ა ვ ი III

მალლიდან გადმომდგარიყო  
მზეთუნახავი ნათელა;  
სარკმელში იყურებოდა,  
გული უცემდა ნელ-ნელა.

სევდა რამ შემოსწოლოდა  
შავი ფიქრებით მღვღვარეს;  
შეეკრა ტვერი წარბები,  
სახეს ჩრდილავდა ელვარეს.

ხან ფიქრით გატაცებული  
შორს აშტერებდა თვალებსა,  
ხან ისევ გონზე მოსული  
გადაჰყურებდა ქალებსა.

ყვირილა ადიდებული  
მოიკლაკვნოდა ღრიალით,  
რეტი ესხმოდა ქალებში  
აქეთ და იქით ტრიალით!!

ხიდი წახვეტა, რაც იყო,  
შეჰკრა გზა გაღმა-გამოღმის!..  
დიდზე უწევდა მუქარა  
მისი მყვირალა ცივი ხმის.

ანაზღად შორით გამოჩნდა  
მხედარი თეთრი ცხენითა,  
მოაგელვებდა მერანსა,  
თითქოს მოჰყავდა ფრენითა.

მოადგა, ხიდი არ დახვდა,  
ცხენი მოაგდო კიდესა!  
ღეზი ჰკრა, წყალში გადუშვა,  
ისველებს ჩაფხუტ-რიდესა.

გამოეხვიენ ტალღებში  
ცხენი და კაცი, ორივე!..  
ღმერთზე ჰკიდია მათი ხსნა,  
საეჭვო ღრის მათი სვე!

თვალი მოაგლო ნათელამ,  
იკივლა: „იღუპებაო!..“

და შევლაც ხორც-შესხმულისგან  
იმათი არ ეგებაო!“...

დაღუპვას რომ არ უყუროს,  
თვალთ მიიფარა ჩელები!..  
მაგრამ გასცურა მხედარმა,  
გადააქენა ველები;

შეუდგა აღმართს... გულდაგულ  
მოადგა მოდინახესა!..  
სარკმელს შეჰყურებს მღელვარე,  
ეძებს სასურველ სახესა.

არავინა სჩანს... ხორციელს  
ვერავის ჰხედავს ის თვალით!..  
მხოლოდ მაღლიდან დაეშვა  
იმის წინ ჩოხა ფრიალით.

აიღო ხელში, გასინჯა,  
ჩაიცვა — ერგო კიდეცა!..  
გაიორკეცა სურვილი,  
მისთვის გაიხსნა კიდეცა!..

კოცნა შესტყორცნა სარკმლისკენ,  
მოახტა მარდად თეთრასა!..  
და რომელ გზითაც მოვიდა,  
დაადგა ისევ იმ გზასა!

არ სთქვა: ვინ იყო? რა გვარი?  
საიდან იყო მოსული?..  
წავიდა და თან წაიღო  
ნათელას გული და სული.

ერთი ზანია — ნათელას  
ძღვნად მოსდის ოქროს ჭავეები  
და ზედაც ჩამოხირხლული  
სამშობლოს მტრების თავები.

არავინ იცის, ვინ გზავნის?  
ვის მოაქვს ციხის კარზედა?  
დღითილდე თავებს აგებენ  
სარქველად გამხმარ სარზედა.

ერთი აკლია ასოცსა!  
იმასაც ელის ნათელა...  
მაგრამ დრო გადის, არ მოაქვსთ,  
არ იქნა... არა ეშველა.

ფიქრში ჩავარდა ლამაზი:  
„ვინ თუ მოჰკლეს გმირიო?!  
მაშინ დაბნელდეს ჩემთვის ცა,  
ჩაინგრეს ქვეყნის პირო!..“

წარმოიდგინა ავი რამ,  
ოცნებით დართო ჭირი ჭირს;  
თმა გაიშალა, ძირს დაჯდა  
და აღარც იკრავს გულისპირს!

არ იხედება სარქმელში,  
ალარ აღევნებს მგზავრს თვალსა!..  
ისე იქცევა, როგორც-კი  
შეჰფერის ჭირისუფალსა.

თმაგაშლილს შავი სამოსი  
უმატებს ელვარებასა.  
რა შეედრება ქვეყნად მის  
გულ-მკერდის მღელვარებასა?!

შევიდა მასთან გამდელი,  
მისი საყვარელ-რჩეული;  
მოუალერსა გაზრდილსა  
და სიტყვა ჰკადრა ჩვეული;

„ბატონიშვილო, ვისა ჰგლოვ?  
რათ ემონები ოცნებას?!  
ლოცვა-ვედრება შეჰფერის  
და არ ყვედრება ღვთის ნებას!

„ეგებ არ იყოს ის მკვდარი...  
შენ კი იგლოვდე ცოცხალსა,  
ცეცხლს იკიდებდე უჭეროდ  
და ზედ ასხამდე ცხელ წყალსა!..

„ადე, ნუ ზიხარ! ჩაიცვი,  
მოძრთე სამკაულითა..  
და, ვინც გსურს, იმის სიცოცხლე  
ღმერთს შეავედრე გულითა“.

დასთანხმდა ქალი, წამოდგა,  
მიჰმართა დედაღვთისასა:  
საზოვდა მას შუამდგომლობას  
და შემწეობას ძისასა!

გათენდა დილა საამო,  
ქვეყანამ გამოიღვიძა:  
და დედამიწას დაჰხარის  
და ცას შეჰნატრის ძირს მიწა.

კაცი, პირუტყვი, მცენარე  
მზეს მოელიან საამურს,  
ბულბული ჩანგურს უმზადებს  
და შაშვი უკრავს სალამურს.

ტოროლა მაღლა ჰაერში  
ზარს აწკარუნებს რიკ-რიკით,

ჩაუქროლ-ჩამოუქროლებს  
მერცხალი ტკბილი ჭიკჭიკით!

ქვეყანა აღტაცებული  
უგალობს ქებათ-ქებასა  
და ყვავილები სამსხვერპლოდ  
უკმევენ სუნნელებასა!..

არ სძინავს არცა ნათელას:  
ხატის წინ მუხლმოყრილია,  
კრემლსა ჰღვრის სავედრებელსა,  
მით სასოება ტკბილია!..

უცბად გაიღო კარები.  
მსახურმა ფეხი შემოდგა;  
არ მოელოდა მლოცველი,  
შეკრთა და ზეზე წამოდგა.

უბრძანა: „კადნიერება  
ეგ შენი მეუცხოება;  
მაგრამ შლეგი ხარ, უზრდელი,  
ბევრი რამ მოგეთხოვება?!“

„უდროოდ. განა არ იცი,  
ჩემთან არავის უვლია?!  
ნება აქვს მხოლოდ ერთ გამდელს,  
და ისიც მოკრძალებულია“.

— ჩემო ხელმწიფევე, რუ მრისხავთ!  
არა გხლებივარ ნებითა:  
შეგვემთხვა უჩვეულო რამ.  
გიახელ იძულებითა.

კარზე მოგვადგა მხედარი,  
არ ამბობს. თუ ვინ გვაწვია;  
წითელ ცხენზე ზის და ტანზე  
ჩოხაც წითელი აცვია.

პირდაპირ მოდის, უშიშრად,  
არც არავისი პრცხვენია!..  
კალთაში გამოხვეული  
მოაქვს რალაცა!.. ძღვენია!

ნახვა ჰსურს, სული მიუდის!  
ამბობს: „მაჩვენეთ ჩქარაო!  
ვარ კარგი მახარობელი  
და არა მეტიჩარაო“.

გულმა უმთხრობლა ნათელას,  
ვინც იყო მისი სტუმარი!  
ბრძანა და გააღებონა  
მაგარი ციხის მან კარი.

შინ შემოვიდა სტუმარი,  
მის ნახვას არრა სჯობია!  
ედემში ზრდილი ალვისსხე  
სამოთხის შენამკობია!

ჯერ თაყვანი სცა მასპინძელს,  
მუხლები მოიყარა მან...  
ვერ გამოჩნდება იმასთან  
ზღაპრული გმირი ყარამან!..

ჰკადრა: „მოვსულვარ თქვენი ტყვე,  
პირობის შემსრულებელი!  
თქვენის სხივის და ჭავარის  
შეფრქვევით მადიდებელი.“

„უბრძანეთ, ცხენი გაბანონ,  
ჩოხაც გარეცხონ თბილ წყლითა.  
ცხენიც თეთრია, ჩოხაცა,  
შეღებლია სისხლითა!“

„და, აწ, მიიღეთ ჩემგან ძღვენად  
ვით პირის სანახავიო,



ქვეყნის მტრისა და ორგულის  
ეს მეასოცე თავიო!“

გამსკვეალა ვაჟის სიკეთემ,  
შეკრთა წერეთლის ასული!  
მადლობის გადასახდელად  
ძლივს მოიბრუნა მან სული!

„კურთხეულ იყოს“—წყნარად სთქვა,  
შენი აქ მობრძანებო!  
თვალით გიყურებ, არ მჯერა...  
მგონიხარ მოჩვენებო.

„თუ ღვთით ხარ მოვლინებული,  
ცხადი რამ, ხორციელიო,  
ვინ ხარ და სიდან მოსულხარ?  
მითხარი! პასუხს ველიო!..“

ყრმამან მიუგო: „მაგისი  
ძნელი არ არის ცოდნაო,  
მთავრის შვილი ვარ, მთავარი,  
დადიანი ვარ ცოტნაო!..“

ქალმა სთქვა: „ცოტნეს სახელი  
გამიგონია მეცაო,  
კურთხეულ იყოს მარადის  
ჩვენი შემყრელი ზეცაო!“

ხელი ხელს მისცეს, გული გულს,  
თვალი თვალს გაუყარესა,  
და გაიმართა ნადიმი  
ყველგან საჩხერის მხარესა.

თ ა ვ ი I

იქ, სადაც ხობის ნაპირზე,  
დღეს ძველი მონასტერია.  
მთავრის სასახლე ყოფილა,  
მიდამოც დიდი სჭერია.

იმისი კოშკი მალალი  
უჭკვრეტდა ოთხსავე მხარესა;  
მახლობლად თავზე ივლებდა  
დღისით მზეს, ღამით მთეარესა.

მისჩერებოდა იალბუზს,  
გადაჰყურებდა შავზღვასა,  
შეფერადებულ ჭალებსა,  
სანახავს სხვააა და სხვაა!

არცერთი კუთხით მომსვლელი  
მტერი არ გაუცდებოდა:  
მისი პატრონის მხარ-მკლავი.  
შორით შორამდე სწვდებოდა!

ის იყო ცოტნეს სადგური,  
იქ მიიყვანა ნათელა!  
და მიიწვია ქორწილში  
მან ქვეშევრდომი სუყველა.

შემოკრბენ აფხაზ-მეგრელები,  
სვანებთან ერთად ჭანები.  
ქართლ-კახეთ-სამეცხეთოდან  
მეგობარ თვისიანები.

ააგეს ფანჩატურები,  
საჯდომი ბევრ ათასისა;  
ქვეშ ორხოები დაფინეს  
დაუღებელი ფასისა.

თავში დაბრძანდა მთაყარი  
და გვერდით დედოფალია,  
სხეები ჩამწყკრივდენ რიგ-რიგად.  
როგორც წესი და ვალია.

გახურდა ლხინი. ჩვეულებერ,  
შეიქნა ყანწის ტრიალი!..  
ხელიდან ხელში გადადის  
თას-აზარფეშა-ფიალი!..

და ვინც ბევრს არ ჰსევამს, შიგლაშიც  
არაკრაკებენ „კულითა“!..  
გაჩნდა ლილინი, ვალობა,  
სიმღერა კრიმანქულითა.

იქ ისმის „დილა-ოდლა“,  
„კაბდურა“, „თინა-თინაო!“ —  
აქ „შადი“, „მრავალუამიერ“,  
„მზემ სხივი მოგვიფინაო!“

გამზიარულდა ერთგვარად  
ღუყველა, დიდი, პატარა,  
მაგრამ დედოფლის სახეს-კი  
ღრუბელი გადაეფარა!

შეწუხდა ცოტნე და უთხრა:  
„აგრე რათ მოიწყინეო?  
მასპინძელი ხარ, ხომ იცი,  
რიგია, მოილხინეო!“

„თუ საწერეთლოს დათმობამ  
შენ მაგრე შეგაწუხაო,  
სჩანს, ზეცა გამრისხებია  
და რისხვით გადმომჭეუხაო!“,..

მზე რომ ჭიატობს წვიმის ღროს,  
ამბობენ: „მზე პირს იბანსო,

და ცისარტყელა შეიდფერი  
მას მხარს უმშვენებს და განსო“.

იმას მოჰგავდა ნათელას  
თვალცრემლიანი ღიმილი  
და ანგელოზის გალობას —  
მისი პასუხი ხმატკბილი.

„ჩემო ხელმწიფეე! შენთან მყოფს,  
მომაგონდება მე ვინა?  
მაგრამ სხვა რამემ შორიდან  
საგრძნობლად გულზე მიკბინა!

„ველარ მოვისმენ გულგრილად  
„შადსა“ და „მრავალჟამიერს“,  
სანამღი საქართველოში  
ბატონად ვხედავ ქვეყნის მტერს.

„თვალწინ შეხატვის ერთი რამ,  
ისა მკლავს და ის მადონებს:  
ლიხს იქით მოძმე ქართველი  
ყმად გაუხდიათ მანგოლებს!

„ღღეს აქ ლხინი გვაქვს საერო  
ყანწ-აზარფეშის ტრიალი;  
იქ კენესა ისმის დაჭრილთა  
და ქვრივ-ოზლების ღრიალი!

„არ გეშვენის და არ შეგვფერის  
ეს გულცივობა წყეული,  
ადრე ორივე ვყოფილვართ  
ერთი ტკივილით სნეული.

„ხომ ხედავ ამდენ ვაჟაკებს  
გმირთაგმირს, ლომთალომებსა?  
ცოდვა არ არის, ესენი  
ერიდებოდენ ომებსა!?

„აქ რას უსხედან? წავიდენ!..  
შენ უწინამძღვრე, მთავარო!  
და მეცა თქვენთან, იცოდეთ,  
მამულის მსხვერპლად მზა ვარო!“

სთქვა და გაჩუმდა, მის სახეს  
დაადგა თითქოს ნათელი;  
თავი მოხარა სიმდაბლით,  
გულზე დაიდვა რა ზელი.

ზეზე წამოდგა მთავარი,  
შემკრთალი გაოცებით!..  
ხალხიც შეჰყურებს დედოფალს  
უბიწო ალტაცებით!..

მოულოდნელმა პასუხმა  
გრძნობა-გონება არია!..  
თითქო გაქვევდა ეს ხალხი,  
უხმოდ, უძრავად მდგარია.

პასუხის ველარ მიმღებმა,  
ნათელამ გაიმეორა:  
„ქალი ვარ, ჩემო ხელმწიფევ!..  
ნუ მრისხავ, თუ რამ გეჭორა!“

გამოარკვია ამ სიტყვამ  
მთავარი გაბრუებული  
და ათქმეინა, რაც ჰქონდა  
გულში იღუმალ დებული:

„სწორუბოვარო იშვენებით,  
სიბრძნითაც ამაღლებულო!  
ოჯახისშვილო, ნაზარდო,  
ქართველად აყვავებულო!“

„დიდი ხანია, ჩემ გულსაც  
ეგევ სურვილი ჰმსჭვალავდა,

მაგრამ სიფრთხილე საჭირო,  
ვით საიდუმლოს, ჰმაღავდა.

„გონზე მოსულან, შეთქმულან  
ამერთა დიდებულები,  
მათში ჯაბანსა, საეჭვოს,  
არავის არ ვეგულები!

„მოუწერიათ ჩემთვისაც.  
ითხოვენ შემწეობასა...  
დღეისსწორს მივიალ ჯავახეთს,  
მით დავუმტკიცებ ძმობასა.

„ჭირი და ლხინი საერთო  
მოძმეთა შუა ვალია...  
ამის თავდები, ვფიცავ ღმერთს,  
ბრწყინვალე მომავალია!

„ეს ხალხიც მიტომ შევყარე,  
რომ გამემყლავნა ყველა ეს,  
მოსამზადებლად მე სხვა დროს  
ხელთ ვერ ვიგდებდი უკეთესს!“

ეს რომ სთქვა, მოუბრუნდა სხვებს:  
„ხომ გაიგონეთ თქმულიო?  
ჩვენ შეთანხმებულ სურვილზე  
რას ამბობს თქვენი გულიო?“

ერთხმად დასძახეს: „იცოცხლე,  
მრავალუამიერა!.. უამიერა!..  
ჭირიც და ლხინიც საერთო —  
კავშირი იმერ-ამიერა!“...

ღიმილით ბრძანა მთავარმა:  
„მეც მაგას მოველოდიო:  
თქვენით და თქვენგან მომეხსნა,  
გულზე რომ მანწვა ლოდიო!

„ემარა! მაგაზე საუბარს  
ჩვენ ზვალაც მოვესწრებითო,  
დღეს სათხოვარი მაქვს ერთი  
და იმას გევედრებითო:

„დაჯექით!.. გამხიარულდით,  
ნუ მოჰშლით ლხინს და მღერასო!  
ვინ გაჰქცევია უდროოდ  
ვარსკვლავს და ბედისწერასო?!“

გამხიარულდენ სტუმრები,  
გამრავალკეცდა ლხინიცა...  
მოლხენით არის მთავარი  
და მისი თვალის ჩინიცა!

ღიმილით ამბობს ნათელა:  
„ჩანგური მომწოდეთო!  
ველარას ფარავს დღეს გული,  
რაც ვიცი, თქვენც იცოდეთო!“

სიმებზე ბროლის თითები  
დააწყო ნაზად... რბილად!  
ყელმოღერებით დაჰმღერის,  
ჩანგურიც მოსთქვამს ტკბილად:

„ჩანგურს სიმები გავუბი,  
მოვმართე ნელა-ნელაო:  
შევეუხმატკბილე ერთმანეთს:  
„ოდელა — დელა — დელაო!“

„თავის ჰანგებზე, თავის ზმით  
წყრიალეებს ერთად ყველაო,  
ერთი-მეორის თანხმობით:  
„ოდელა — დელა — დელაო!“

„ერთი მათგანიც რომ გაწყდეს,  
მაშინვე უნდა შეველაო,

რომ არ გაფუჭდეს ჩანგური:  
„ოდელა — დელა — დელაო!“

„ჩანგური საქართველოა,  
სიმები ჩვენ ვართ ყველაო,  
სხვადასხვა კუთხის მცხოვრები:  
„ოდელა — დელა — დელაო!“

„ჩვენც ხომ სიმების სისუსტემ  
სინათლე დაგვიბნელო!..  
ბნელში რა სასიმღეროა:  
„ოდელა — დელა — დელაო?!“

„შორიდან შემოგვეპარა  
მტერი, ვით ტურა-მელაო  
და სულ სხვა ხმებზე გვამღერებს,  
„ოდელა — დელა — დელაო?!“

მწერიც კი ცხოვრობს თანხმობით,  
ფუტკარი... ჭიანჭველაო!..  
და ჩვენ რათ ვმღერით ცალ-ცალკე:  
„ოდელა — დელა — დელაო?!“

„ერთობა ჩვენთვის ტახტია,  
მტრებისთვის — სახრჩობელო!..  
მტრებს „ვაი-დედა“ ვაძახოთ  
და ჩვენ ვთქვათ: „დელა — დელაო!“

„კმარა! ამდენმა ცრემლებმა  
სიმები დამისველაო.  
ვერც ვუკრავ!.. ველარცა ვმღერი:  
„ოდელა — დელა — დელაო!“

სთქვა და გადასდვა ჩანგური,  
შეხედა ღიმილთ მთავარსა:  
ნათელა ნათელს ადიდებს,  
ამკობს ჭავარი ჭავარსა!



ხმალს ილესავს იმერეთი,  
აწყობს, ჰმართავს მშვილდ-ისარსა!  
ლიხს გადივლის „ორირაშით“,  
იქაურებს მისცემს მხარსა.

საიდუმლოდ ემზადება,  
მიჰყავს ცოტნე დადიანსა!..  
წინ წაიძღვანს ჰყონდიდელსა,  
კურთხეულს და მადლიანსა.

გაიხსენებს ბაგრატის დროს,  
დავითის და თამარისას!..  
სამშობლოსთვის ცხელს ოფლს დაჰღვრის  
და სისხლს შეჰსვამს მისის მტრისას.

ისე გასწყვეტს ძირიანად,  
არ გაუშვებს არც ერთს მთხრობლად!..  
მაშინ მხოლოდ დაბრუნდება  
იმერეთში მახარობლად!..

ასე ჰფიქრობს გმირი ცოტნე!..  
ამასავე ჰფიქრობს ერი...  
ბატონი ყმით, ყმა ბატონით,  
ორივ ერთად ბედნიერი!

მაგრამ, ვაი! გაუცუდდათ  
იმედი და გულის ძგერა...  
ბედუკუღმა გადუბრუნდათ  
საწალმართო ბედისწერა!

წიგნი მოსდის დადიანსა,  
მეგობრების მონაწერი!  
წაიკითხა... შეიცხადა:  
დაიგლიჯა თმა და წვერი!..

მოეწერათ: ნულა „მოხვალ!  
თავს უშველე, ნუ აჩენო!..  
შეთქმულობა გაგვიმედაუნდა,  
დაგვიჭირეს ყველა ჩვენო.

„ნუ მოსცდები, ნუ იფიქრებ,  
გზა არა აქვს ჩვენ საშველსო!..  
ანის ქალაქს გვაგზავნიან,  
გვიმზადებენ განსაცდელსო.

„რადგან ღმერთმა აგაშორა  
ჩვენი ბედი, ჩვენი სვეო,  
იცოცხლე და მაგიერი  
მტერს როგორმე მიუზღეო!“

წაიკითხა, დაიყვირა:  
„რა შეგცოდეთ. ღმერთო, შენო. —  
შენს მორწმუნეს, ღვთისმშობლის ხვედრს,  
ამ სატანჯველს რომ უჩენო?

„ნუთუ ყველა იღუპება  
საქართველოს ღირსი ძეო,  
ბურჯი მისის ეროვნების,  
მომავალის სიმტკიცეო?!

„მაშ პირშავად რალათ დაერჩე,  
მათი ტანჯვის მოწამეო?  
მათთან ქირი, მათთან ლხინი...  
უიმათოდ რა ვარ მეო?!“

სთქვა და გულში გადიწყვიტა:  
„მათთან წავალ მეც მალეო,  
ტოლებში რომ არ ვამოვსხლტე,  
ვარ ამისი მოვალეო“.

ვინ მოსთელის, ჳირი რამდენი  
უნახავს ანის ქალაქსა!..  
სისხლით მორწყული არ იყოს,  
ვერ ნახავ მტკაველ ალაგსა!

ყოველი მტერი ძველთაგან  
ამ კუთხეს მოაწყდებოდა,  
მკვიდრი, დამხვდური მამაცად,  
თავგამეტებით წყდებოდა.

დღეს ერთი იყო, ხვალ სულ სხვა:  
მტერი მტერს ენაცვლებოდა!..  
ურდო ურდოზე მოსული,  
არვისგან დაითვლებოდა.

მაგრამ ქალაქი ტანჯული,  
განსაცდელს უმაგრდებოდა,  
და, ვით ამირანს გულ-მკერდი,  
წყლული კვლავ უმთელდებოდა!..

ძლივსღა სულმოზრუნებული,  
ხელახლა აოხრებულა:  
შესულა ურდო მონგოლთა,  
ნოინი გამთავრებულა!..

სამეფო ტახტზე დამჯდარა,  
ის... სისხლით უმაძღარია!..  
აქედან მიდის საომრად,  
ოთხკუთხიე!.. მიუხარია!

სხვა ქვეყნის ტანჯვა, აკლება  
მათი წესი და რჯულია!  
დღეს გამარჯვების ლხინი აქვით,  
უზომო სიხარულია.

ზურნის ჭიკჭინში გაისმია  
კიუნა გამარჯვებისა  
და ჭიანურში — ქვითინი  
სხვადასხვა მხარეებისა.

ფიალად ხელში უჭირავსთ  
კაცის გამხმარი თავები...  
ზიზლის ბუდეა იმათი  
ყოველგვარ სანახავები.

სწორედ ამავე დროს გარეთ-კი  
სულ სხვა ამბავი რამეა:  
დამდგარა ტანჯვა-კრულვის დღე  
და მწუხარების წამია!..

ალყად შეუკრავს დარაჯებს  
დიდი მოედნის პირები,  
შუაში ხელფეხშეკრული  
ჰყრიან ქართველი გმირები.

ტიტველზე თაფლი წაუსვამსთ,  
მზეს უფიცხებენ მხურვალსა!  
წყალს ნატრულობენ, არა აქვსთ...  
ყელი უშრებათ მწყურვალსა.

გარს ეხვევიან ბუზები...  
სად არის მომგერებელი?!  
შორსა ჰყავთ ჭირისუფლები  
და მათი დამტირებელი!..

ჰკითხავს მტარვალი: „ვინა გყავთ  
მომხრე და მოზიარეო?“  
— ამ ქვეყნად ზღვა და ხმელეთი,  
მალლა ცა, მზე და მთვარეო!

დაცინვით ეუბნებიან,  
შიში არა აქვსთ რისხვისა...

რა იცის გულში ნადები  
და საიდუმლო სხვამ სხვისა!

გამოჩნდა შოკით მხედარი;  
ცხენი მოჰყავდა ოთხითა,  
მოედნის პირზე შეჩერდა,  
თვალს ავლებს ყველა კუთხითა.

უბრძანა დარაჯთუხუცესს:  
„ვინა ვარ, ვერ მიცანო?  
ნოინის უცხო სტუმარი,  
ცოტნე ვარ დადიანო.“

„ქართველ ერისთავებს, დიდკაცებს,  
სადა აქვსთ მათი ბინაო?  
მეც უნდა მათთან მივიდე,  
წამყევ, წამიძელ წინაო!“

დაცინვით უთხრა დარაჯმა:  
„არ ბრძანდებიან შორსაო!..  
და ჩვენც შინაყმად ვახლავართ,  
როგორც ნოინის სწორსაო!“

შევიდა წრეში ქვეითად,  
პირდაპირ მიეშურება,  
გულ-ღვიძლს უსივებს ნადველი  
და სიმწრით პირი უშრება!..

მივიდა, ნახა ტყვეები...  
შეჰყვირა: „ვაშა! ვაშაო!!  
დღეს უფრო ბრწყინავს თქვენი მზე,  
ვარსკვლავმა იკაშკაშაო!“

„გმირნი ხართ, კვდებით გმირულად,  
საქრისტიანოს მსხვერპლადო,  
ამიერ საშვილიშვილოდ,  
სამშობლოს სადიდებლადო!“

„მაგრამ რას მერჩით მეგობარს,  
ყველგან თქვენს მოზიარესო,  
რომ გამომწირეთ თქვენში და  
დამაგდეთ იქით მხარესო?!“

ეს თქვა და გაიძარცვა ტანს,  
დაჯდა ტყვეებთან ტიტველა!..  
თავი გასწირა ნებითა  
და გააკვირვა სუყველა!..

#### თ ა ვ ი IV

ლხინგადაქდილი ნოინი,  
ტახტზე ზის დაფიქრებული:  
თვალწინ ეხატვის ქვეყნები  
გაღამწვარ-აოხრებული!..

ბევრი სხვადასხვა რჯულისა  
და ტომის არის მნახველი,  
მაგრამ სულ სხვაა მის თვალში  
უცნაურობით ქართველი:

„არავის ებრძვის, პირიქით,  
დამხვდურად მეომარია!..  
ვინც მის ქვეყანას არ ერჩის,  
მომმე და მეგობარია.

„არსად გაუდის მოყვრობა,  
და არც მტერები აკლია,  
მაგრამ ხომ მაინც პირწმინდად  
ჯერეც ვერავინ დასძლია?!“

„რა გამოვიდა, რომ ვძლიეთ?  
განა ძლევაა ეს ძლევა?!.  
რაც უფრო ჭირში ვარდება,  
მით სიმხნეც მეტი ეძლევა.

„გაგვინახევრდა ლაშქარი...  
ერთში ათსა ვცვლით მონგოლსა,  
და რაღა ძალი შერჩება  
მომსვლელსა და მის მომყოლსა?!

„ნუთუ ჩვენც მართლა სხვებსავით  
დიდხნობა არ გვიწერია  
და დროებითი აქ ყოფნა,  
ვით საქარ-ბუქო იტვერია?!

„რაში არა ჰგავს? შეთქმულნი  
ასამდე დაგვიპერია...  
რომ ასჯერ მეტიც არ იყოს,  
აბა, რა დასაჯერია?!

„მაგრამ არ იქნა, არ გატყდენ:  
არ უდრკებიან განსაცდელს!..  
ვინ იყო მათთან ლალატში,  
არც გვარს ამხელენ, არც სახელს.

„არას ითხოვენ!.. ზვიადად,  
ამაყად იტანჯებიან!..  
რაღაც მომავლის იმედით  
და სასოებით კვდებიან.

„ძნელია მათზე უფლება  
და მათგან სხვისი მონება!..  
სულ სხვა გზა უნდა... სხვა ხერხი...  
და გამჭირახე გონება!..

„ვერ გასჭირის მათზე, ვით სხვაზე,  
ეს სასტიკობა-ავობა!..  
სადაც ლომობა არ გადის,  
იქ უნდა მელოაობა“.

ამას ჰფიქრობდა ჩონი,  
უსივდებოდა ნალველი,

რომ მოახსენეს: „ქალია  
ვილაყო, თქვენი მნახველი“.

შავით მოსილი, პირბადით  
შინ შემოვიდა სტუმარი...  
ანიშნა მარტო დარჩენა  
და გადუქეტა სხვებს კარი.

წადგა წინ შორიახლოსა,  
პირბადე გადაიხადა:  
მისი ციური მშვენება  
ნოინის გულმა იხატა!..

ჯერ მისი მსგავსი ამ ქვეყნად  
არსად ენახა სულდგმული;  
სულმა წასძლია ბინძურსა  
და აუძგერა გლახ გული.

ზეზე წამოდგა... იმავ დროს  
წინ ბიჯი წადგა თვით ქალმა  
და იმის ბრალის თითებში  
უცბად იელვა ხანჯალმა.

უთხრა: „შეჩერდი!.. ნუ მოხვალ!  
რომ დაიმშვიდო, სჯობს, გული;  
შენ სატრფიალოდ არა ვარ  
ამსიშორს შორით მოსული!..

„სათხოვარი მაქვს წმინდა რამ...  
მოგენდვე წმინდის გულითა!..  
ნუ შეურაცყოფ კაცობას,  
ნუ დამდაბლდები სულითა“.

„ნუ შფოთავ! დაჯექ, დაწყნარდი  
და მოისმინე ვედრება!  
სულგრძელობასთან ზრდილობას  
ან რა სჯობს, ან რა ედრება?!“



ვით გაღალღული თვალისკვრით,  
ჩაჯდა უსიტყვოდ ნონინი;  
დაუცხრა ვნება ჩვეული,  
გაქრა სურვილი და ჟინი!

ჯერ არც კსმენია ამგვარი  
და არც რამ გაუგონია!  
ჰფიქრობს, თუ მოჩვენებაა,  
და ან სიზმარი ჰგონია!..

უყურებს თვალით, არ სჯერა!  
ისმენს და მაინც იჰეშია:  
უმტყუნა ძალამ სულ-ხორცის  
და უჩვეულო შიშშია!..

ქალი შეჰყურებს პირდაპირ,  
ლამის გახვრიტოს მან თვალთ!  
კაცი, ძლივს გონზე მოსული,  
ოდნად ხმას იღებს კანკალით:

„მაშ მითხარ, რისთვის მოსულხარ?  
რა არის შენი სურვილი?  
მისთანას რას მთხოვ, ვერ მოგცე,  
ვერ მოვკლა ნდომის წყურვილი!“

„გინდა, ტახტს მოგცემ, დედოფლად  
დაგსვამ და გეთაყვანები!  
შონად გაახლებ მეფეებს...  
ჩიტის რძით გაიბანები!“

ქალი მიუგებს ღიმილით:  
— დედოფალი ვარ ისეცა!  
შაგგვარ დიდებას არ ვეძებ  
არ დამიგმია ისე ცა!

— „მაშ, სულს შეგწირავ, თავს მოგცემ,  
გულს დავდგამ საფეხურადა!“

და შენს სურვილში დავდნები,  
დავიწვი უცეცხლურადა!“...

— არა, ნოინო! ნუ ჰფიქრობ!..  
ვერ დავთმობ ჩემსა კერასა!  
გული სხვას მივეც და შენთვის  
ველარ დაიწყებს ძვერასა!

— ეგებო, რჯული გიშლიდეს  
მე აღვიარებ შენს რჯულსა!..  
ზეცაში ახვალ — აგყვები,  
ჩახვალ — ჩაგყვები უფსკრულსა!..

— „ეგ არას უშლის! ღმერთი ზომ  
ყველასთვის იგივე ერთია!  
რჯული გზა არის სხვადასხვა,  
იმ ქვეყნად შემაერთია!..

სხვა მიზეზია: სხვა მიყვარს,  
ის არის ჩემი ქმარიცა!  
მისი ვარ, იმას ვეკუთვნი  
მე ცოცხალიც და მკვდარიცა!..

აქ გადმოვარდა, როდესაც  
გაიგო სხვების ტყვეობა!  
ობლად დაგვეყარა სუყველა,  
დასთმო ღზინი და დღეობა!

აღარ გამიძლო გულმა და  
შევეუდექ მეც მის კვალობას:  
ვეთხოვებოდი სამშობლოს,  
ვიგლოვდი ყმაწვილქალობას!..

მსურდა, მომესწრო, მენახა,  
მომეყრა სადმე მე თვალი!  
და ან მის უცხო საფლავზე  
გულში ჩამერკო ხანჯალი!..

მოველ, ვიკითხე ყოველგან...  
ცოცხალი არის, შევიტყვე...  
ტიტვლებთან ტიტვლად დამჭდარა,  
ნებით გამხდარა შენი ტყვე.

იმას ვთხოვ, იმას ვავედრებ!  
მისთვის მოვსულვარ, ნოინო;  
სული არ გამაწირვინო...  
სიცოცხლე მომაპოვინო!“

გაოცდა მშენიერებით...  
სიტყვა-პასუხიც უკვირდა!  
ის ერთი წამი ნოინსა  
მთელ საუკუნედ უღირდა!..

დღემდის ეგონა, თუ ქალი  
მარტო ვნებისთვის შექმნილა!..  
ახლა-კი ზორცი დადუნდა  
და სული სულსა ეტკბილა!

იგრძნო რაღაცა ციური,  
მიუწვდომელი მან ძალა!..  
გარდიქმნა მისი არსება,  
ბუნება გამოეცვალა.

და უმაღლესის სურვილით  
შეჰყურებს. როგორც ღვთაებას!..  
რა სჯობს, რომ გული უბიწო  
ციური ჯაჭვით დაებას!..

სთქვა: „საქართველოს მფარველი  
დიდი ყოფილა... ძლიერი!  
სადაც შობილხარ, გაზრდილხარ,  
რათ უნდა გაქრეს ის ერი?!

„რაც მოხდა ჩვენში, დავიწყდეს!..  
მოვითხოვ მე შენდობასა!..

აწ-კი მსურს „მამა-შვილობა“  
და ვნატრობ მე შენ „ღობასა!“...

„ახლა მოვიყვან შენს კმარსაც...  
ვნახავ, თუ შენი ღირსია  
და თანაც ჩემი სიძობის  
შესაფერ-საკადრისია?

„კუთხეში დაჯექ პირბადით!  
მონიმენ ჩვენსა საუბარს!  
იმანაც გვითხარას: ვის ეტრფის?  
თავს ვის შესწირავს, ვინ უყვარს?

## თ ა ვ ი V

ოქრო და ვერცხლში ჩამჯდარი,  
მართო შემოდის მთავარი.  
არ ახლავს მისი მოყმები  
და არც მოჰყვება მტრის ჯარი.

თავი დაუკრა ზრდილობით  
და ჰკითხა: „რა გსურს? მიბრძანეთ“?  
ნოინმა შეკრა წარბები,  
სცდილობს ეჩვენოს მრისხანედ.

— „ვინ ხარ? და სადაური ხარ?  
ვერ ვხედავ შენს აქ მომყვანსა!..  
თუ საქართველოს შვილი ხარ,  
დღემდის ვერ მცემდი თაყვანსა?“

— „მე სათაყვანოდ მოსული  
არც დღეს გახლავარ, ნოინო!..  
ნუ ჰფიქრობ, ცოტნე დადიანს  
ტყუილი შენ ათქმევენო!“

— ა! შენ ხარ ცოტნე? ის ცოტნე,  
რომ არად აგდებს მანგოლსა?!

სცდილობს სამშობლოს გამოხსნას  
და სხვებსაც ეძებს ამჟღად?

— „დიახ, ისა ვარ, ნონო!  
მართალი გაგიგონია“.

— „მაშ ჩემთან როგორ მოხედე?..  
მადლობას გეტყვი, გგონია?!“

— „არ მიფიქრია მადგაზე!..  
სხვა იყო ჩემი განზრახვა:  
აქ მოყვრებს ვეგულებოდი...  
მომინდა მათი დანახვა!“

— „ხომ ნახე ისეთ პატივში,  
როგორც მათ შეეფერება?!“

— „ვნახე და გავიზიარე  
მეც მათი ბედნიერება.“

„ქირში და ლხინში ყოველგან  
ვყოფილვართ გაუყრელადა...  
დღესაც მოვსულვარ მათთანვე  
სისხლის და ცრემლის მღვრელადა“.

— „შენ მართო? სხვები სად არის?  
რათ გაიტანტენ ბზესავით?“

— „თუ ყოფილიყვნენ, ისინიც  
აქ მოვიდოდენ ჩემსავით“.

— „აფერუმ თქვენს მეგობრობას!..  
აფერუმ ვაჟკაცობასა!  
მაგრამ ვერ გიქვებ ბატონის  
მოლაღატობა-მტრობასა!“...

— „როდის გიწამებთ ბატონად,  
დაჰკითხებოხართ ჩვენს გულსა?  
თუ ტვირთი მძიმე მონების  
ძალით დაგვადგით ჩაგრულსა?!“

„ძალმომრეობის კანონი  
დღეს ერთის არის, ხვალ სხვისა...  
ბედია მომნიჭებელი  
წყალობის, გინა რისხვისა!

„დღეს მოხარკე ვართ ჩვენ თქვენი  
და კიდევ ვიხდით ნებიერთა...  
დროს ვუცდით... ჩვენს ღმერთს შეეყურებთ  
იობის მოთმინებითა.

„უმიზეზოდა რათ გვდევენით?  
რისთვის გვეპყრობით მტრულადა?  
რას გარგებსთ რჯულის მოსპობა  
და ან ერობის, სრულადა?!..

„სანამდის ხელს არ აიღებთ  
ამ უნაყოფო ცდაზედა,  
ყოველთვის მტრულად დაგხვდებით  
ყოველ სარბიელ გზაზედა!“..

— „დაგხვდებით?.. და რას გაიტანთ?  
ეს დღე მოგელისთ ყველასა!..  
თქვენ თავად ძალი აღარ გაქვსთ  
და ვისგან ელით შეელასა?“

— „ღვთისგან!.. რომ ჩვენმა შვილებმაც  
ქვეყნისთვის სისხლი ღვაროსა!..  
„ჩვენ წაველთ, ისინი მოვლენ  
ტურფასა საბაღნაროსა!..“

— „აფერუმ, ქვეყნის ერთგულო!  
კაცი ხარ, კაცურადა სჯი!  
მომწონს ეგ სიტყვა-პასუხი:  
არ გირისხდები, არა გსჯი!

„გაძლევთ სრულ თავისუფლებას,  
როგორც შენ, ისე ტყვეებსა!..

და თქვენ მხარესაც ავაცდენ  
სამგლოვიარო დღეებსა.

„იყავით მარტო მოხარკედ...  
შევეტებოთ წლიდან-წლობითა:  
თქვენ ჩვენი კარგი სტუმრობით,  
ჩვენ თქვენი მასპინძლობითა!..

„მხოლოდ მეცა გთხოვ, იცოდე,  
სამაგიეროდ ერთს რამეს:  
შენს ცოლს აქებენ ყოველგან  
და ის მომგვარე ერთ ლამეს!..“

როგორც რომ ვეფხი დაქრილი,  
ისე ათრთოლდა ცოტნეცა,  
ააკრავუნა კბილები  
და, ცოტას გაწყდა, რომ ეცა:

— „ბედს უმადლოდე, ხალვათად  
რომ ხარ მასპინძლად მჯდომარე,  
და მე კი სტუმრად მოსული,  
ხმალ-ხანჯლით შენ წინ მდგომარე!

„ეგ ერთი გითქვამს!.. მეორედ  
ენას არ წააცდენინო!  
გონებამიხდილს სასირცხვოდ  
სისხლი არ დამადენინო!“

ნოინმა წარბი გაიხსნა,  
ღიმილიც მოერია მას!  
და სიტყვით ცივ წყალს ასხამდა  
მის აღელვებულ გულისტქმას!

— „ნუ სჯავრობ!.. განგებ გითხარი...  
მინდოდა შენი გამოცდა...  
რაც სთქვი, ტყუილი ყოფილა,  
აგერ თვითონვე წამოგცდა!!

„სამშობლო“, „მოამე“, „მოყვარე“  
სიტყვა ყოფილა უბრალო!  
ნუთუ არა ღირს იმდენად,  
რომ შენ ერთ ქალში გასცვალო?!“

არ მოელოდა აქ სიტყვას!  
შერცხვა და შეკრთა მთავარი...  
ცოტა შეჩერდა და შემდეგ  
პასუხი მისცა ამგვარი:

— „მე რა ნება მაქვს მაგისი?  
მონა არ არის, — ცოლია!  
ჩვენი კანონი სულ სხვაა:  
ცოლი ქმრის უღელტოლია!“

— „მაშ, კარგი! რადგანც მე მინდა  
ღღეიდან შენი მოყვრობა,  
ნუ ვაწყენინებთ ერთმანეთს,  
განზე გადავდევთ აწ მტრობა!..“

„ხომ ჰხედავ, აქ რომ ქალი ზის?  
ის ჩემი შვილობილია.  
ვატყობ, რომ შენი ჰკერეტითა  
ისიც-კი კმაყოფილია!“

„მაგაზე უფრო მშვენიერს  
ქვეყნად ვერ პნახავ ვერც ერთსა!..  
რომ შენი ცოლი ვერა სჯობს,  
თავდებად გაძლევ მეც ღმერთსა.“

„სასიძოდ ამირჩევიხარ:  
მინდა ის მოგცე ცოლადა;  
დაგიახლოვო და მყავდე  
ჩემი თავისვე ტოლადა!“...

— „ვინ ღირსა მაგ თქვენ წყალობას  
და ამ უდიდეს ოცნებას?!“



მაგრამ ორკოლიანობის  
რკული არ გეაძლევს ჩვენ ნებას“.

— „გეც არ გინდა? მაშ კარგი!  
პირობას გიღებ კიდევ სხვას:  
იზამ — არ გავტეხ ჩემ სიტყვას,  
არა და — ნახავთ ჩემს რისხვას!..“

„მოდო, ახადე პირბადე,  
აკოცე, როგორც საყვარელს!  
და აგისრულე მამინ მეც  
მაგ შენი გულის საწადელს!“

ებილწა ცოტნეს პირობა,  
მაგრამ არ იცის, რაღა ჰქნას?  
სხვა გზა არა აქვს მოყვრების  
და მის სამშობლოს გამოსხნას!..

წარმოსთქვა: „გულთამხილავო!  
შენ ჰხედავ, მატანს ძალასო...  
მივალ და ისე ვაკოცებ,  
როგორც ხესა და ჩალასო.“

„რა არის კოცნა უნდომი!  
უგულოდ... უსიყვარულოდ,  
თუ არ სიციოცხლე ბედკრული  
უსიტკბოდ... უსიხარულოდ?!“

დასთანხმდა! ქალთან მივიდა,  
საკოცნად თავი დახარა!..  
ქალმა გადიძრო პირბადე...  
ნონინმა გადიხარხარა!..

როგორც შეიძძალი ფერადი  
ამშვენებს ცისარტყელასა,  
ისე დაეტყო სახეზე  
სიამოვნება ყველასა!..

# მკვლელი

ნამდვილი ამბავი

ვუძღვნი ჩვენს პედაგოგებს

## I

მთის მწვერვალზე, ცის მახლობლად,  
მერცხლის ბუდედ რალაც მოჩანს;  
თვალთ ისარი, შენატყორცი,  
ვერ არჩევს მის სიგრძეს და განს.

ის ფაცხაა მღვიმის პირად  
მიწნული და მიგრებილი,  
ღრო და უამის შესაფერად —  
ზამთარ თბილი, ზაფხულ გრილი.

როდესაც მთა ბარს და ვაკეს  
ემუქრება წარღვნა-ღელვას, —  
ფაცხაც ღრუბელს გარს იბურავს,  
ეკრძალება ჰეჰა-ელვას.

მაგრამ, როცა დაჰქათქათებს  
თავზე იქვე მზე და მთვარე  
და თვალის წინ ფიანდაზად  
ეფინება არემარე.

მაშინ ფაცხა უბრალოდით  
მომხიბლავად ლამაზითა

და იმასთან ყველა ტყუის,  
რაც-კი ციხე-დარბაზია.

გზა მიუძღვის საცალფეხო,  
მიხვეული, მოხვეული;  
მასზე გამვლელს უნდა ჰქონდეს  
მარჯვე თვალი, მტკიცე გული;

ანუ ჰყავდეს რაში ცხენი,  
მთაში გაზრდილ-გამოწვრთნილი:  
კლდიდან კლდეზე გადამფრენი,  
უშიშარი და თან ფრთხილი.

ამ შორეულ ფაცხა-მღვიმეს  
ვინ ჰპატრონობს, ვისი არის?  
და საამო კარ-მიდამოს  
ვინ შესტრფის და ვინ შეჰხარის?

ერთი ვინმე ახალგაზრდა  
აფხაზია, ამ მთის შვილი,  
რთულ ცხოვრების უარყოფი,  
მცირედითაც კმაყოფილი.

კარგი თოფი, კარგი ხმალი,  
კარგი ცხენი და ნაბადი!..  
რას ინატრებს სხვას, ამის მეტს,  
კაცი, მისებრ დანაბადი?

მხოლოდ ერთს კი... და ის ერთიც  
არის მარტო სიყვარული,  
რითაც მხოლოდ ქვეყნიური  
ნეტარება არის სრული.

ბედმა ესეც არ დააკლო,  
ვანახვავა, ვით რჩეული...  
სიყვარულსა, მის მონაშუქს,  
მიაშუქა სიყვარული:

ერთი თვეა, რაც რომ ცოლად  
მოიყვანა ვინც უყვარდა,  
ვისაც გულში ცასქვეშეთი  
შეუწონა, შეუფარდა...

ნაზიბროლა — სახელია,  
სამეგრელოს ასულია,  
მოწყვეტილი ცით ვარსკვლავი  
ელემს ალვად ასულია!..

ელფერობით ვარდი არის,  
სინაზით-კი — მორცხვი ია...  
ტრფობისათვის ჭერ პირველად  
გულის კარი გაუღია.

ცა და ქვეყნის შუამავლად  
მიაჩნია მას აფხაზი!..  
გულში გულს სდებს, სულში სულს სცვლის,  
ხორცს ეწმახენის სურო-ვაზი!..

ნეტავი მათ!.. მათ სიყვარულს  
და მათ უხმო აღსარებას!..  
ერთად ჰგრძნობენ ამ ქვეყნადვე  
სასუფეველის ნეტარებას...

მაგრამ ხანგრძლივ ეს სოფელი  
გაახარებს ვისმე განა?  
თაფლში ურევს მწარე ნალველს!  
მტრისას მისი გამოცანა!..

## II

ბნელა ისე, რომ აღარ ჩანს  
თითი, თვალთან მიტანილი!..  
ცა მჩრისხანებს, ელვა-ქექამ  
ნადირსაც-კი უფრთხო ძილი!..

ქარი ზუის გულსაკლავად  
წვიმა უშვებს კოკის პირად;  
ხან აქ, ხან იქ მთა-ღრეებში  
გავარდება მეხი ჩშირად.

თითქო მართლა თვით ჯოჯოხეთს  
აუშვია ქვეყნად ზარი!  
აიტანა შიშის ქარმა  
თანასწორად მთა და ბარი!

ამ ღროს ხოლმე თვით ეშმაკიც  
ეძებს ძრწოლით თავშესაფარს,  
მაგრამ, დახეთ, ვილაც მგზავრი  
სტუმრად მოსდგა აფხაზის კარს!!

დაურეკა და ხმა მისცა:  
„გამომხედეთ!.. ვინ ხართ შინა?  
სტუმარი ღვთის ცარზე ვდგავარ,  
ცხენს და კაცსა გვინდა ბინა!“

გაუკვირდა აფხაზს და სთქვა:  
„ამ თავსხმაში ეს ვინ არი?!“  
შეუჟიდა ცეცხლს და უცბად  
გამოაღო ფაცხის კარი.

გავიდა და შემოუძღვა  
ფეხებამდე დასველებულს,  
მიიყვანა ცეცხლის პირად,  
უდგამს სამფეხ სკამს—დაღალულს.

ხმას არ იღებს ჯერ სტუმარი,  
ნაბდის თასმებს ნელა იხსნის...  
თავ-პირი აქვს შებუღნული  
ყაბალახით და იცინის!..

ჯერ ნაბადი მიაყუდა,  
ბნელ კუთხისკენ მიდგა წყნარა

და, ბაშლიყი რომ გადიძრო,  
მოტრიალდა უკან ჩქარა:

„მასპინძელო! — სიცილით სთქვა —  
წახდა ჩემი ხუმრობაო!..  
ვერ მიცანი, თუ გეწყინა  
ეს უღროვო სტუმრობაო?“

— საფარ, შენ ჩარ?.. ენაცეალოს  
ძიძის შვილი მაგ შენს თავსო..  
ეს თვალეზი რაღას ნახვენ  
შენს უკეთეს სანახავსო?

მოეხვია, გადაკოცნა,  
როგორც ძმა და თვისი ტოლი,  
და მერე კი გააღვიძა  
შიგნით მწოლი მისი ცოლი.

შეეხვეწა: აბა ჩქარა  
მოამზადე ვახშამიო:  
შორი გზა აქვს გამოვლილი,  
არ ექნება ნაჭამიო.

— არა, ბათუ, ვახშამს არ ვჭამ,  
არ მცალია იმისთვისო!  
მე სხვა მადა მაქვს აშლილი,  
სხვანაირი გულისტქმისო...

უბასუხა და მოუყვა:  
„მინდა ვითხრა ჩემი ჳირი:  
დღემდის მტკიცე პირიანსა,  
დღეს მიტყდება, ძმაო, პირი!

„აღმასხიტს ხომ კარგად იცნობ,  
თავმომწონე ინალიფას?  
მის ცხენსა და მის იარაღს  
ვერვინ დასდებს ღირსეულ ფასს.

„ვაუკაცია თვალ-ტანადი,  
ცხენოსანი უებარი!..  
მეტოქეა ჩემი მხოლოდ,  
ერთადერთი საშიშარი.

„შორს გაისმის მისი ქება,  
ჩვენშიც ხშირი სტუმარია;  
ბიჭობით და სილამაზით  
ქალებიც კი გადარია.

„ერთი მხოლოდ ზია-ხანუმ  
არად აგდებს, არც უყურებს,  
რადგან იცის, რომ სხვებსავით  
იმას ის ვერ იმსახურებს.

„ზია-ხანუმ, შენც კი იცი,  
რომ მშვენებით განთქმულია;  
ბევრი კარგი ახალგაზრდა  
მისი ეშხით დაბმულია!..

„მთვარესავით ხელუხლები,—  
სხივებს ჰფენს და არვის ათბობს;  
მომხიბლავი შორეულად  
თანასწორად ყველას ატკობს.

„ჯერ გაჰლაღავს, მიიბირებს,  
დაიმონებს, იგდებს ხელში,  
მერე უნდა გამოსცადოს:  
ავდებს მის მსხვერპლს განსაცდელში!..

„მეც მომხიბლა ჯადოსანმა,  
დამამარცხა, დამიმონა!..  
და, თუ ქალი მაჯობებდა,  
არ ვფიქრობდი, არ მეგონა...

„დამიჩემა: „თუ გიყვარვარ  
და ხარ ჩემი მოგვარეო,

ინალიფას ლურჯი ცხენი  
ამ სამ ღღეში მომგვარეო!“

„ინალიფა მის ბედაურს  
არ დაუთმობს ნებით გამჩენს  
და, თუ ვინმე ძალას იხმარს,  
შეაკვდება, არ შეარჩენს!

„სხვა გზა არ მაქვს: მოპარვაა  
შხოლოდ ერთადერთი ღონე,  
თუმცა-კი სხვა დროს არ იკადრებს  
ამას კაცი თავმომწონე.

„აი რისთვის მოვსულვარ აქ,  
ჩემო კარგო მეგობარო!  
მე მინდა, რომ აღმასხიტიის  
ლურჯი ლაფშა მოვიპარო“.

მოუსმინა ძიძის შვილმა,  
ყველა კარგად გაიგონა,  
მაგრამ საქმემ უკუღმართმა  
შეაწუხა, დააღონა.

უთხრა: „ეწუხვარ, რომ ეგ საქმე  
უკადრისი გიკისრია,  
მაგრამ, რადგან სიყვარულის  
ტკბილი სენი შენც შეგყრია,

„გზა აღარ გაქვს!.. უნდა გული  
დაუდვა და ემსახურო,  
რომ სატრფოს წინ შენ სირცხვილის  
ოფლი აღარ მოიწურო:

„მის ოცნებას, მის გულისთქმას  
უნდა მიჰყვე, დაემონო,  
გინდ სიცოცხლეც შენი ტკბილი  
მწარე სიკვდილს შეუწონო.



„ეს შენც იცი, — არ ზარ ქვეყნის  
უცადი და უშეცარი, —  
საგაუქაცოდ გამოსული,  
უღრეკი და უშიშარი!

„მაგრამ მარტო უშიშრობა  
ძლევისათვის არა კმარა,  
თუ სიფრთხილაც გონივრული  
დროზე მას არ დაეხმარა.

„ერთმანეთის მინამსგავსი,  
შიში სხვაა, სიფრთხილე სხვა,  
ისე როგორც სხვადასხვაა  
ღვთის წყალობა და ღვთის რისხვა.

„რომ მიდიხარ, სად მიდიხარ?  
მართალია, გიჭრის თვალი,  
მაგრამ ჩვენში, როგორც უცხოს,  
აგებნევა გზა და კვალი.

„შენ ეგ საქმე მე მომანდე,  
მე ვიზამ შენს მაგივრობას:  
ან მოგიყვან იმ ცხენს, ან თავს  
შევწირავ შენს მეგობრობას!

„შენ აქ დარჩი, დაიძინე,  
გამოშუშდი ცეცხლის პირას!..  
და, თუ დამრჩა გამარჯვება,  
მაშინ მოგთხოვ ფეხის ქირას“.

გაეხუმრა, გამოეწყო  
სამგზავროდ და გავლო კარი.  
მიღის, ელვა გზას უნათებს  
და დაჰზუის თავზე ქარი.

ირიერაჟა, ქარი ჩადგა,  
გადიყარა, დადგა დარი;  
ლურჯ ბედაურს მოაგელეებს.  
მეგობრისთვის მეგობარი.

მოიყვანა, დააბა და  
შინ შევიდა წყნარად, ფრთხილად.  
გრძელ ნაბადში გამოხვეულს  
სტუმარს სძინავს იქვე თბილად.

აუარა გვერდი, მიდის  
იქ, სადაც ის ეგულება,  
ვინც სიცოცხლეს ურჩევნია,  
სულს სწირავს და თავს ევლება.

გულში ამბობს: „ერთს დავხედავ  
ტკბილად მძინარ ნაზიბროლას,  
თუ გავუძელ გულის ძგერას,  
სულის ბრუნვას, ხორცის ურყოლას“...

სასოებით შედის ქვაბში  
და რას ჰხედავს იქ საკვირველს!?  
ნაზიბროლა ჩუმად სტირის,  
პირს იხოკავს, იკაწრავს ყელს!..

თმაგაშლილი, ტინის კედელს  
თავს ახლის და ხმას არ იღებს...  
მინგრეულს და მონგრეულსა  
ჰხედავს იქვე მის ქვეშაგებს!!

მიხვდა ქმარი, რაც მომხდარა,  
ზარმა დაჰკრა, ელდა ეცა!  
და, რომ კრინტიც არ დაუძრავს,  
იქვე უხმოდ ჩაიკეცა.

დიღბანს იჯდა რეტდასხმული,  
უყურებდა ცოლის ტანჯვას;  
ბოლოს ღონე მოიკრიფა  
და მოეგო ისევ ჭკუას.

მივიდა და უთხრა მტირალს:  
„ჩუ, ნუ სტირი, გენაცვალე!  
რაც გინახავს — სიზმარია,  
დაივიწყე ისევ მალე!

„ყოველგვარი მოსავალი  
კაცის თავზე უნებური,  
ღვთის რისხვაა და ტყვილად ბედს  
რას უჩივი, რათ ემდურნი?

„გადაიგდე გულიდან ეგ  
ცრუ ზღაპარი და სიზმარი!..  
მე და შენი სიყვარული  
წმინდა არის, ვით ლამპარი“.

მოეხვია და ცრემლები  
ამოუშრო თვალში კოცნით,  
დააწყნარა, დაამშვიდა  
ალერსით და ბევრი ხვეწნით.

მაშინ მხოლოდ გამობრუნდა  
სტუმრისაკენ და უთხრა ეს:  
„ადე, ძმაო, გაღვიძებას  
არ აპირებ, მგონია, ღღეს!“

წამოვარდა ზეზე საფარ  
შემკრთალი და დარცხვენილი!..  
მაგრამ როცა მშვიდ საზეზე  
შეამჩნია მას ღიმილი,

გაიფიქრა: „მადლობა ღმერთს!  
არაფერი შეუტყვია,

თვარა გულ-მკერდს გამიხვრეტლა  
ხანჯლის წვერი და ან ტყვია!

„არ უთქვამს ქალს, რაც შევცოდე,  
სჩანს, ნამუსი შეუნახავს,  
ჩემ საქციელს, სამარცხვინოს,  
ვინ გაიგებს, ვინ დამძრახავს?“

მერე უთხრა მის ძიძის შვილს:  
„გატყობ, რომ ხარ კმაყოფილი,  
შეასრულე განა ჩემი  
ძნელი ნატვრა და სურვილი?“

— „შევესრულე: მოგიყვანე,  
დროა, აწ-კი გაეშურე!  
ნუ დამძრახავ, საკადრისად  
თუ რომ ვერას გემსახურე!“

ხან ესა სთქვეს, ხან ისა სთქვეს,  
ისაუბრეს ჯერ ერთხანად,  
მერე წყალიც მოუტანა  
მას ხელ-პირის დასაბანად.

გამოაწყო, არ დააკლო,  
რაც წესია, სამსახური,  
რომ სტუმარი არ გაუშვას  
გულნაკლი და უმადური.

შეუკაზმა ცხენი, შესვა,  
თვითონ შეჯდა ნაქურდალზე  
და ორივემ მათრახები  
ატკაცუნეს ერთხანს ძალზე.

გაახურვეს მით ცხენები,  
ააღელვეს, ააჩქარეს  
და ვიწრო გზით ის დაღმართი  
სულ კუნტრუსით ჩაატარეს.

რომ ჩავიდნენ შორიახლოს  
მინდვრის პირად, იქვე დაბლა,  
მასპინძელმა შეაჩერა  
ცხენი და ხმა აიმაღლა:

— „საფარ-ბეგო! პირშავობა  
შენი ვიცი, შემიტყვია!  
და ღღეიდან ჩვენ ორს შუა  
მოციქული არის ტყვია!“

„არა სთქვა-რა!.. არც მე გკითხავე:  
არის ზოგი შეცოდება,  
რომ სათქმელად საძნელოა...  
არც შენდობა უხერხდება!“

„ახლა წადი! დამეკარგე!  
ფრთხილად! არსად შემეყარო,  
რომ კუთვნილ გულზე უცაბედად  
შენი სისხლი არ დაედვარო!“

ეს რომ უთხრა, შეერთა საფარ,  
გაშრა, ფერი დაედვა მკვდრის,  
ჩაუვარდა ენა პირში,  
გაქვავდა და აღარ იძვრის...

ძლივს წარმოსთქვა: „მართალი ხარ!..  
აღარა მაქვს მე სათქმელი!..  
შემაცდინა თვით ეშმაკმა  
და დამრია ცოდვის ხელი!..“

„შენი ტყვე ვარ!.. ჰა, ჩემ ხედავ,  
იარალი დამიყრია...  
სასიკვდილოდ ჩემი ნებით  
შენ წინ თავი დამიხრია...“

„ჩემ სიცოცხლეს სიკვდილი სჯობს  
მომკალ... ტანჯულს რამ მიშველე,

მაზღვევინე, რაც შეგცოდნე,  
სინილისი გამიმრთელე!“...

— „არა! შენ ვერ შეგეხება  
სასიკვდილოდ ჩემი ტყვია:  
დედიჩემის გაზრდილი ხარ,  
მისი ძუძუ გიწოვია...“

„რაც ქვეყანას მიაჩნია  
რჯულზე უფრო უმტკიცესად,  
რომ გასტეხე. ის გეყოფა  
სიკვდილამდე შენ საკენესად.“

„წადი ჩემგან შენდობილი,  
მაგრამ შორს კი... და მშვიდობით!..  
დღეიდან ჩვენ წმინდის გულით  
ერთმანეთს ვერ მივენდობით!“

„მაგრამ ერთს კი დაგაველებ,  
ამისრულე უეჭველად:  
რომ მიხვიდე ყაბარდოში,  
იცოდე, რომ სულ პირველად,  
“

„წადი, ნახე ის მოძღვარი,  
ვინც შვილივით გამოგზარდა,  
და უამბე შენი პირით,  
რაც სირცხვილი დაგემართა!“

გადმოხტა და ლურჯი ლაფშა  
მისცა ხელში, ჩააბარა,  
მოტრიალდა და აღმართი  
ძლივს ბარბაცით აიარა.

#### IV

არც გვართ, არც ვაუკაცობით,  
არც სიმდიდრით, არც ქონებით, —  
პაჭი-უსუბ ცნობილია  
მხოლოდ ჭკუით და გონებით.

ჭირში, ლხინში საზოგადოდ  
უმისობა არ იქნება;  
ხელის გულზე უწერია  
თვით მაჰმადის წმინდა მცნება.

ზღვა და ხმელი მოვლილი აქვს,  
მნახველია ცა და ქვეყნის;  
ჯერ ისევე ჭანმაკია,  
თუმც არ არის კი მცირე ხნის.

ხელ-ფეხს ერჩის, თვალსაც უჭრის, —  
არ ტყუილი ქადილია;  
სადაც კია გვარიშვილი,  
ყველა მისი გაზრდილია.

საფარ-ბეგიც მან გაზარდა  
ისე, როგორც სხვები ყველა,  
მაგრამ მართო წვრთნა რას იზამს,  
თუ ბუნებამც არ უშველა?

აი, სწორედ ამ უსუბთან  
მიდის ახლა საფარ-ბეგი,  
მორღუობის გამტეხი და  
ჩვეულების გადამდგი.

ეუბნება ყოველიფერს,  
უნებურად რაც შეემთხვა:  
ცრემლები სდის და ეჩრება  
ბურთად ყელში მწარე სიტყვა.

ყურს უგდებდა ჰაჭი-უსუბ,  
სახე მოხნალვლიანა:  
სიდიადე ამ მუხთლობის  
თვალწინ გაისიგრძეგანა.

ოხვრით ჰკითხა: „მერე? მერე?  
რომ გაიგო, რა სთქვა კმარმა?“  
— „მაპატივა შეცოდება,  
როგორც ძმამ და მეგობარმა!..“

„მხოლოდ ეს-კი დამავალა:  
ნახე შენი გამზრდელიო  
და მაგ შენი საქციელის  
პასუხს მისგან მოველოო!“

— შესმის, მესმის და პასუხიც  
ჩემი მხოლოდ ეს არიო,  
რომ ნამუსის გასაწმენდად  
ჩემი ხელით სისხლს დავღვრიო!..

შეაყენა ზედა ფეხზე  
მან დამბაჩა გატენილი;  
მორჩილებით გულ-მკერდს უშვერს  
საფარ, მისი გამოზრდილი.

მაგრამ უსუბ ეუბნება:  
„შენ სიკვდილის რა ღირსი ხარ?!  
სასიკვდილო მე ვარ მხოლოდ,  
რომ კაცად ვერ გამიზრდიხარ!“

წარმოსთქვა და საფეთქელში  
მიიკედა ცხელი ტყვია!..  
ჩაიკეცა სულთამბრძოლი,  
წამლის კვამლში გაეხვია...



# პატარა ქანი

ხუმორქმედებიანი ისტორიული დრამა

მოქმედნი პირნი

ქახეთის მეფე თეიმურაზ II.  
დედოფალი თამარ — მისი მეუღლე.  
პატარა ქახი — მისი ძე, მემკვიდრე.  
გივი ჩოლოყაშვილი — პატარა ქახის გამზრდელი.  
ლევან ქვაბულიძე.  
რევაზ ბებურიშვილი.  
მწყემსი.  
მოხუცი ბრმა — გელად წოდებული.  
ტურფა — მისი ქალი.  
თედო რამაზიშვილი — რევაზის მსახური.  
ელენე — ლევანის და.  
ბაადურ-კუტი.  
მუშები.  
შიკრიკები და  
ამალა.

მოქმედება პირველი

დიდი ტყე, წინ ვაკით. შორით უზარმაზარი მთები მოსჩანან. ერთ პატარა გორაზე ზის მწყემსი და სალამურს უკრავს.

ბამოსვლა პირველი

მწყემსი

(ჩამოდის ვაკეზე და მარჯვნივ ტყისკენ იყურება)

დაიგვიანეს, ჯერ არსად სჩანან!  
მაგრამ სალამურს თუ მოჰკრა ყური,  
ანდამატურის ძალით გამოსწევს  
აქეთკენ მის გულს ხმა უცნაური.  
(დაფიქრდება. ნაღვლიანის ღიმილით)

ვინ ქვაბულიძე და ვინ მეცხვარე?!  
იქ, ბარში, ყველა ჩემი ტოლები  
მტრებში ვეფხვივით დანაწარღობენ  
და მე კი ცხვარში აქ ვიძალები!..  
ისინი მტრის სისხლს ჰღვრიან უწყალოდ,  
ზიზლით ევსებათ მრისხანე გული,  
მე კი ქალივით აქ ცრემლებს ვაფრქვევ  
და სიყვარულით მიძგერს გლახ-გული!..  
მერე როგორ დროს? მაშინ, როდესაც  
სხვა უდიდესი წინ გვიძევს ვალი! (დაფიქრდება)  
მაგრამ ეს მოხდა ჩემს უნებურად,  
გულთამხილავო, და არ მაქვს ბრალი!..  
კიდევ არ სჩანან... ეგებ წავიდენ,  
გაიარეს და ვერ მოვკარ თვალი?  
აჰ, ღმერთო ჩემო! ჯერ უმისოდაც  
დაბნეული მაქვს მე გზა და კვალი!  
(მიბრუნდება და მაყვალს დაუწყებს კრეფას)

### გამოსვლა მეორე

ბრმა მოხუცი და ახალგაზრდა ქალი

მ ო ხ უ ც ი

აქ შევისვენოთ!

ქ ა ლ ი (აქეთ-იქით იყურება)

თქვენი ნებაა!

სწორი, ვაკეა... ჩრდილიც ყოფილა...

წამოწექ!.. მუხლზე დამადე თავი

და დაიძინე!.. აქ კიდევ გრილა.

მ ო ხ უ ც ი

მუხლზე? კი, მაგრამ რომ გეტკინება!

ქ ა ლ ი

მაშ ქვას მოვიტან... საღმე იქნება...

## მ ო ხ უ ც ი

აჰ! არა, შეილო, რა საჭიროა?  
უსასთუმლოდაც დამეძინება. (წღება)  
საკვირველია, თითქოს გაგრძელდა  
ეს პატარა გზა დღეს ერთიორად;  
ამასთან კიდევ მხარიც მომექცა  
და მომეჩვენა უსწორმასწოროდ. (ამოქნარებს).  
ასე სცოდნია თურმე სიბერეს:  
დააუძღურებს თვალებსა და ყურს...  
ერთი ხანია ყურიც მიწივის,  
თითქოს უკრავდენ საღდაც სალამურს!

## ქ ა ლ ი (გაწითლდება)

ეგ, მამავ, მართლაც სალამურია.

## მ ო ხ უ ც ი

სალამურია?! მერე ვინ უკრავს  
იმ ღროს, როდესაც ურიცხვი მტერი  
ამ ჩვენს ქვეყანას გარშემო აკრავს?!  
მაშინ, როდესაც ბარში ქვრივ-ობლებს.  
მტრები მუსვრენ და სარზე აგებენ,  
აქედან ჩვენი ეს მთიულები  
სალამურის კვრით უპასუხებენ?..

## ქ ა ლ ი

მწყემსები უკვრენ და თავს იქცევენ;  
ხელში კომბლებით აქ უდგიან ცხვრებს..

## მ ო ხ უ ც ი

ეგ უკეთესი!.. ეაჰ, ჩემს მოსწრებას!..  
რა ესმის ამ ჩემს დასადგომ ყურებს?...  
ამისთანა ღროს იმ შერცხვენილებს  
რა ემწყემსებათ და რა ეცხვრებათ?  
მაშინ, როდესაც იმათ მოძმეებს  
მძიმე ბორკილი ფეხში ეყრებათ... (დაფიქრდება):  
ეჰ, თეიმურაზ! რა მტყუანი ხარ,  
რომ მოაშურე ამ მთის სიმაგრეს.

და ბარელები ოხრად დაჰყარე,  
რომ არ უყურო იმათ სიმწარეს.  
შენ რომ გულს იტეხ, მტერი თამამობს  
და შეუპოვრად ქართველს აძრობს ტყავს!..  
დამნაშავე ხარ!.. მაგრამ მეფე ხარ  
და ვინ რას გეტყვის? ვინ რას მოგკითხავს?..

### ქ ა ლ ი

კარგია, მამავ! მაგდენს რომ შფოთავ,  
კიდევაც მიტომ არ გეძინება.

### მ.ო ხ უ ც ი

მგზავრმა რა გითხრა? ქოშისგორამდე  
მისასვლელი გზა შორი იქნება?

### ქ ა ლ ი

არა!.. ისე სთქვა: „აგერ არისო“,  
თუ მართალია და არ მოჰორა!.. (სიჩუმე)  
მამილო! ვისი აგებულია  
და ან რათ ჰქვიან მას ქოშისგორა?

### მ.ო ხ უ ც ი

ძველი დროების ამბავი არის,  
მე ზღაპარით გამიგონია,  
და გეტყვი, შვილო, რადგანც სურვილი  
მაგის შეტყობის გულში გქონია:  
ამბობენ, ვითომც რომ თამარ მეფემ  
ერთ დროს არავინ ინახულაო;  
ორმოცი დღე და ორმოცი ღამე  
აქ, შუამთაში, იმარხულაო.  
რომ გაიწმინდა სულით და ხორციით,  
ქოში გაიძრო მოჭედლილო,  
აავსო მიწით და თან წაიღო,  
რომ დაენიშნა ის ადგილიო,  
სადაც ერთ დროში კახელ ყმაწვილებს  
თავი დაედვათ, წამებულადო,  
და იქ დაჰყარა ნაკურთხი მ.აწა,  
ძღვნად და საკურთხად დიდებულადო.

იმის მაგალითს სხვებმაც მიჰბაძეს:  
ყოველი კუთხით იწყეს დენაო;  
გაკეთდა გორა და ზედ თამარმა  
წმინდა ტაძარი ააშენაო.  
როდესაც თურმე პირველად სწირეს,  
მალალმა მთებმა იწყეს ღრეკაო  
და თამარ მეფეს, ნათლით შებურვილს,  
ზეციით მოესმა ზარის რეკაო!

### ქ ა ლ ი

ნეტავი იმ დროს და მაშინდელ ზალხს,  
რომ სასწაული თვალთ უნახავს!..  
მამილო! ახლა ქართველ ქალებში  
თამარისთანა აღარავინ გვყავს?

### მ ო ხ უ ც ი (იყინის)

რას ამბობ, შვილო? იმისთანები  
განა ყოველთვის იბადებიან?  
ოცნებასავით სამაგალითო  
ვარსკვლავებივით ნათლად ჰქრებიან!..  
(სიჩუმეა, რაღაცას იგონებს)

სიტყვა უდროოდ გამაწყვეტინე!  
არ მაგონდება... შვილო, დავბერდი...  
ჰო, ქოშისგორა, ვის სახელზეა?  
ის უნდა მეთქვა... მაზე გაჩიერდი.  
ტაძარი ყოვლადწმინდის სახელზე  
სულ ჩუქურთმებით აგებულია  
და სასწაულის მოსაგონებლად  
ხვალინდელი დღე დადებულა.  
მივალთ და ვნახავთ იმ ძლიერ ტაძარს!..  
გულს დავიმშვიდებთ სიწმინდის ნახვით!..  
ჩვენც გვმართებს, შვილო, რომ სხვებთან ერთად  
ღამე ვათიოთ ლოცვით და მარხვით.

### ქ ა ლ ი

მაგას რაღა სჯობს?! მაგრამ თუ, მართლა,  
ამღამე ძილი არ შეიძლება,  
აქვე რომ ცოტა გამოიძინო

და შეისვენო... რა გენადვლება?  
მეც ცოტა ხნობით ტყისაკენ წავალ,  
სოკოს მოედებნი, ან მოვკრეფ მაყვალს,  
მაგრამ აქვე კი ახლოს ვიქნები,  
არ მოგაშორებ არც ერთ წუთას თვალს.

### მ ო ხ უ ც ი

ჰო, კარგი, შევილო! მაყვალს კი ნუ სჭამ,  
რომ დასუნთქული არ ჩაატანო.  
მანამდე მეც აქ თვალს მოვატყუებ,  
მაგრამ შენ კი არ დამაგვიანო. (მიწვება)

### ქ ა ლ ი

(მიდის ტყეში და აქეთ-იქით იხედება)  
რა ამბავია, რომ აღარ მოდის?  
ამდენ ხანს რისთვის დაიგვიანა?  
რომ არ მოვიდეს? როგორ არ მოვა?  
ჩემს უნახავად დღეს გასძლებს განა?  
არა! კი მოვა, მისი ჭირიმე!  
მაგრამ, ვაი, რომ როდესაც ვხედავ:  
გულში ბევრი მაქვს მასთან სათქმელი  
და პირადად კი ვერას ვუბედავ!..  
გული მიტოკავს და რაღაც ყელში,  
როგორც რომ ბურთი, ისე მეჩრება...  
ენა მებმევა... ხმას ველარ ვიღებ,  
სიცხეს მაძლევს და პირი მიმრება!..  
ჩუ!.. სალამური... სწორედ ის არის!..  
იშ!.. შეხედვასაც რომ ვერა ვბედავ!..  
მაყვალს დაუწყებ ჩემთვის აქ კრეფას,  
ვითომ არ მესმის!.. ვითომ ვერც ვხედავ...

(ზურგს შეაქცევს და მაყვალს დაუწყებს კრეფას)

გამოსვლა მისამდე

(გამოდის მარჯვნივ) ი გ ი ნ ი ე ე და მ წ ყ ე მ ს ი

მ წ ყ ე მ ს ი (მიუახლოვდება)

ტურფავ!

ქ ა ლ ი (შეკრება)

უიმე!

მ წ ყ ე მ ს ი

რამ შეგაშინა?

მე ვარ, ვერ მხედავ, შენ გეთაყვანე?

ქ ა ლ ი

უეცრად შევეკრთი... აღარ გელოდი...  
ამდენხანს რისთვის დაიგვიანე?

მ წ ყ ე მ ს ი

მე კი არა, თქვენ დაგიგვიანდათ,  
დიდიხანია რაც მე აქ ვიციდი.

ქ ა ლ ი

ვერ მოვატანეთ... გზა გაგვიგრძელდა,  
რადგანაც განგებ ბევრჯერ გადავციდი.

მ წ ყ ე მ ს ი

გადასციდი? რათა?

ქ ა ლ ი

როგორ თუ რათა?

ბრმა არის, მაგრამ არ ავიწყდება...  
სულ იმ ერთი გზით რომ მოვიყვანო,  
დაუკვირდება და მიგვიხვდება.  
რაც შემძლია, ეუბნევი გზა და კვალს!..  
კიდევ კარგი, რომ გზა გამშრალია!..  
ხან აღმა მიმყავს და ხან თავდაღმა,  
ვატყუებ, მაგრამ შენი ბრალია!..

## მ წ ყ ე მ ს ი

შენ გენაცვალოს ჩემი სიცოცხლე,  
რომ ჰკვიანი ხარ!.. მოხერხებული!..  
მაგნაირ ცოდვას ზეცაც არ გიწყენს...  
თავდები არის თვით სიყვარული.

## ქ ა ლ ი

მეც მაგრე ვფიქრობ, რომ ბევრს შეუნდობს  
და აპატიებს კაცს სიყვარული...  
მაგრამ რა ვიცი, რომ ამ ჩვენ ორში  
ერთი არ არის მოტყუებული?  
უფროსებისგან გამიგონია:  
კაცები ქალებს აბრიყვებენო  
და, სიყვარულს რომ გამოსტყუებენ,  
გულგრილად ხელსაც აიღებენო.

## მ წ ყ ე მ ს ი

ეგ მართალია!.. მოხდება ხოლმე,  
მაგრამ მე სხვა ვარ!.. ნუ გამრევ მათში!..  
მაშინ შემირცხვეს გვარისშვი... ჩემი...  
ჩემი ბიჭობა და წვერ-ულვაში!..  
(გამოიგლეჯს ულვაშის ღერს და აძლევს)  
აი, წაიღე! ეს სიყვარულის  
საწინდარია!.. შენ შეინახე!..  
თუ გიღალატო, „ფუ!“ უთხარ, დამგმე!  
შემარცხვინე და ცუდად დამსახე!!  
მამაპაპური ეს ჩვეულება  
დღეს რჯულად არის გადაქცეული  
და, ვისაც ქუდი ახურავს თავზე,  
ვერ გასტენს... თუ არ შეჩვენებული.

## ქ ა ლ ი

არ ვიცი, რა ვქნა? ერთი ხანია  
რაღაცა ძალი გარს შემომედო...  
ჯერ ვინაობაც შენი არ ვიცი,  
მაგრამ გული კი სრულად მოგენდო.  
შენგან მოხიბლულს და დამონებულს



რასაც კი ამბობ, უეჭვოდ მჭერა,  
ამას გიმოწმებს დღეს ჩემი სახე,  
ჩემი თვალები და გულისძგერა.  
ახლა შენ იცი და შენმა ლმერთმა...  
შენ მოგაბარებ ამ ჩემ გულისტქმას  
და ჯერ, სანამდის ჯვარს არ დავიწერთ,  
ისე გენდობი, როგორც ჩემ ღვიძლ ძმას!  
მაგრამ მაინც მსურს, რომ შემოგფიცო...  
(გამოიძრობს თმას, გამოსკვნის და აძლევს)  
აჰა, წაიღე ჩემგან საწინდრად!  
თუ დაგივიწყო, ჩააგდე ცეცხლში,  
რომ მეც დავიწვა და ვიქცე ნაცრად.

მ წ ყ ე მ ს ი (ალტაეებით)

ოჰ, ნეტარებავ! სიტკბოების ზღვავ,  
გაუზომელო, სიერციტ უძირო!  
თვით უკვდავების კამკამო წყარო,  
ჩემთვის ცისა და ქვეყნის კავშირო!..  
შენ შემოგველოს გარს ჩემი თავი!  
უშენოდ ქვეყნად განა კი გავძლებ?  
ასი სიცოცხლეც რომ მქონდეს, ერთად  
შენ შემოგწირავ!.. შენ დაგანაცვლებ!!  
(უპირებს მოხვევას)

ქ ა ლ ი (ხელსა ჰკრავს)

უი!.. რას შვრები?

მ წ ყ ე მ ს ი

მინდა გავოცო.

ქ ა ლ ი

ჯვარის წერამდის? ცოდვა რომ არი?  
აჰ! არა! არა!... წადი... გამშორდი.  
ვერა!.. ჯერ, სანამ არა ხარ ქმარი...

მ წ ყ ე მ ს ი (დაღონებით)

მოგშორდე? კარგი! შენი ნებაა.

## ქ ა ლ ი (აღშფოთებით)

ჰო! წადი... წადი... მომშორდი მალე!.

(მწყემსი მიდის)

მიდიხარ? კარგი, მაშ იქ ამოდი...

ქოშისგორაზე... შენ გენაცვალე!..

მიდის!.. წავიდა.. არა, ნუ წახვალ!..

(მივარდება და მიეკვრის გულზე, მერე ისევ მოშორდება)

ოჰ, ღმერთო ჩემო, რა მემართება?! (ხელს ჰკრავს)

ახლა კი წადი!.. ნუღარ მოიცდი.

ნუ! ნუ! ხომ ჰხედავ?! არ შეიძლება!..

(თვალეზე ხელს იფარებს. მერე ისევ მობრუნდება)

წასულა!.. აგერ მთაზე გადადის..

აი, მობრუნდა და იყურება...

ნეტავ რათ არის ერთს და იმავე დროს

ტკბილიც და მწარეც ბედნიერება?..

(ჩაჯდება, თავს ჩაღუნავს, ხელებს მიიფარებს და ტირილი აუეარდება)

## მ.ო.ხ.უ.ცი (წამოვარდება ზეზე შეშფოთებულად)

რა ამბავია?.. აქა ვარ, შეილო!..

რა დაგემართა? რამ შეგაშინა?

ძალღმა ხომ არსად შემოვიტია!

წყეულმა გველმა ხომ არ გიკბინა?

## ქ ა ლ ი

არა, მამილო, არაფერია!..

## მ.ო.ხ.უ.ცი

მაშ, შეილო, მაგრე რამ მოგაწყინა?

## ქ ა ლ ი

მარტო რო დავრჩი, ჯავრმა წამილო

და უნებურად გული მატკინა.

მწარე ნალველიც, ცრემლში ჩართული,

თვალთ მომეჩქეფა, გადმომეწურა!..

თვითონ არ ვიცი, რა ძალა იყო,

რამ ამატირა... ცრემლად დამწურა!

## მ ო ხ უ ც ი

ჰო!.. სულ ეგ იყო, სხვა არაფერი?  
მივხვდები!.. ეგ, შეილო, არაფერია:  
სისხლი თამაშობს მოჭარბებული  
და გულიც მისგან ანადგერია.  
მოგწყინდა განა? რაღა თქმა უნდა,  
სულ მარტოობა ვის იამება?  
მე ჩემს მომვლელად ამიყვანიხარ  
და შენ კი გული სხვას გეუბნება.  
შენი ყვაილი ახლა იშლება,  
ჩემი ფესვებიც კი დამზრალია  
და ერთ უღელში რომ გაბმული ვართ —  
ეს, მე რომ ბრმა ვარ, მისი ბრალია!  
მაგრამ, ეჰ შეილო, მოიცა ცოტა:  
ჩემი ცხოვრების გზა გავლილია,  
აწ, სადაც არის, მომიკითხავენ,  
ჩემი დღეები გამოთვლილია!..

## ქ ა ლ ი

აბა, რას ამბობ?!.. კიდევ ეგ არის,  
რომ მე მატირებს და სულს მიხუთავს!  
შენ გეჭირვება ყურისმგდებელი  
და მაგისტანა კი არაეინ გყავს.  
მწყემსი რომ ჩვენ არ მოგვშველებოდა  
იმ დღეს, ძაღლების მოსაგერებლად,  
ხომ დაგვწიწკნიდენ სულ ლუკმა-ლუკმად  
და გავხდებოდით ყვაე-ყორნის მსხვერპლად?  
არა, მამილო, ქალი სუსტია,  
კაცის ოდნობას როგორ შეიძლებს!  
ნეტავი ერთი ვაჟი გყოლოდა!

## მ ო ხ უ ც ი

ეჰ, რათ მაგონებ დაკარგულ შვილებს?  
ვაი მათ მომგონს!.. განა არ მყავდა.  
მაგრამ არ შემრჩა! გამიწყდა ყველა!..  
სამი ერთს ომში ერთს დღეს მომიკლეს  
და ეს თვალებიც მან დამიბნელა;

ცოდვა არ არის, მე კიდეც ვიყო  
და ისინი კი?! (სტირის. სიჩუმეა)

ქ ა ლ ი

ნეტავი ერთი  
ყმაწვილი ვინმე გეშვილებოდეს,  
რომ ჩემთან ერთად შენ ყურს გიგდებდეს,  
სულ შენთან იყოს! თავს გველებოდეს!..  
მაშინ მეც...

მ ო ხ უ ც ი

შენ რა? შენ რას იზამდი?..  
გამიზიარე შენი გულისთქმა!

ქ ა ლ ი

იმას, რომ... მაშინ მეყვარებოდა  
შენი გულისთვის, როგორც ღვიძლი ძმა.

მ ო ხ უ ც ი

კმ... მესმის! მესმის, თუ რა ღვიძლი ძმა!

ქ ა ლ ი

როგორ თუ რა ძმა?.. ეგ რა სიტყვაა?

მ ო ხ უ ც ი

ვიცი, რაც არის! განა ვერ მივხვდი?  
შენ რომ ძმას ამბობ, ის ძმა სულ სხვაა! (იყინის)

ქ ა ლ ი

ოჰ, რაებს ამბობ! (მორცხვობით) რა დროს ეგ არის?  
ძზე შუბის ტარზე გადმოიხარა.

მ ო ხ უ ც ი

მართლა? მაშ ახლა კი დრო ყოფილა,  
აბა, ჰე, შეილო, წავიდეთ ჩქარა! (მიდიან)

## მოქმედება მეორე

### ბამოსვლა პირველი

(ტყიდან გამოდის პატარა-კახი და ალტაცებით იხედება აქეთ-იქით):

#### პატარა კახი

ძლივს მარტო დავრჩი!.. ოჰ, რა კარგია  
სამოთხის ნიჭი, თავისუფლობა!!  
რად მინდა, რომ ვარ ბატონიშვილი?  
და რაღად მიღირს უფლისწულობა,  
თუ ჩემს ნებაზედ ბიჯსაც ვერ გავდგამ?  
უნდა მიედიო ქვეყნის მაცდურ ხმას!..  
მძიმე უღელი დავდგა ჩემს სიყრმეს  
და შევაკვეცო ფრთები გულისთქმას!!  
(შორიდან სალამურის ხმა მოისმის)  
ჩუ!.. სალამური!.. მწყემსია სწორედ.  
აი, სად არის ბედნიერება:  
სცხოვრებს თავისთვის ბუნების შვილი  
და გულს უსრულებს, რაც ენატრება.  
(დაჭდება და ყურს უგდებს სალამურს)  
ვიშ! რა კარგია ეს სალამური!..  
როგორ იტაცებს გრძნობა-გონებას!..  
სიამით ჰხიბლავს უსაზღვრო სურვილს  
და აფერადებს მაცდურ ოცნებას!!  
მიგვაფრენს სადღაც ლაქვარდ უფსკრულში,  
ედემის კიდით შორეულ მხარეს  
და აქ აერთებს ნათლის კავშირით  
ჩვენს სიტკბოებას და ჩვენს სიმწარეს.  
(დაფიქრდება და ყურს უგდებს სალამურს)  
გამიგონია, ვითომც ლერწამი  
ობლის საფლავზე ამოსულიყოს  
და თავის ქნევით, დამუქრებული,  
მალლა ზეცისკენ ის წასულიყოს,  
რომ მიეტანოს იქ ჩვენის ქვეყნის  
მწარე ამბავი და საჩივარი;  
მაგრამ იმავე დროს, ეშმაკის სული,  
დასტაკებოდეს გრიგალი ქარი,

გადაელუნოს, გადმოელუნოს  
და მოეთხაროს სულ ძირიანა:  
მერე ენახოს მწყემსს წაქცეული,  
ხელში აეღოს პატარა დანა  
და გამოეჭრას მას სალამური,  
რომ მოწყენის დროს სული ჩაჰბეროს,  
და მთა და ბარის დასატკობელად,  
ააკენესოსო და აატიროს...  
ეს უნდა იყოს ის მაცდური ხმა,  
პირველ მწყემსისგან მოგონებული!  
აქ ისმის ცის და ქვეყნის ამბავი,  
ერთად შეთხზული, შეზავებული!..

ხ მ ა ტ ყ ი დ ა ნ

ბატონიშვილო!.. უუუ!

პ ა ტ ა რ ა კ ა ხ ი (შეკრობა)

უჰ, ღვთის რისხვა!  
რომ არ მომნახო, არ შეიძლება?!  
დარბაისლური ზრდილობით მოხვალ,  
რომ მომიწამლო ტკბილი ოცნება!..  
უუუ! აქ ვარ!.. აქეთ წამოდი!..

გამოსვლა მეორე

ი გ ი ვ ე და გ ი ვ ი

გ ი ვ ი

ბატონიშვილო, სად ბრძანდებოდით?  
ერთხანს გეძებე ამ უტეხ ტყეში  
და, რომ ვერ გნახე, შიშით ვკვდებოდით!..

კ ა ხ ი

რამ შეგაშინა? მგელი შემქამდა?  
რისთვის ჩამომჩიი? ვისი ბრალია?

გ ი ვ ი

წინ შემხვდა ერთი მოხუცებული,  
იმასთან შევდექე, შემეყოლია.

კ ა ხ ი

მართლა?!. მეც შემხვდა... ვგონებ, გიჟია!  
ან დღეს უთუოდ სადმე დამთვრალა:  
ფული მივეცი მას სამოწყალო,  
იუკადრისა და დამამწყრალა!

გ ი ვ ი

რომ სკოდნებოდა, თუ ვინ ბრძანდებით,  
კადნიერებას ვერ გაბედავდა.  
მაგრამ ბრმა არის, ის, უსინათლო,  
და ბატონიშვილს ვერა ჰხედავდა!..

კ ა ხ ი

გლახაკი, ბრმა და ამპარტავანი?!

გ ი ვ ი

გლახა არ არის, თუმც კი გახლავს ბრმა:  
სახელოვანი იყო ის ერთ დროს  
და დღესაც სხვაა მაგის გულისთქმა!..  
სხვას რამეს ითხოვს მაგისი გრძნობა,  
სხვაგან მიჰფრინავს მაგის გონება!  
მაგისი ღვაწლი და სანსახური  
სამოწყალოთი არ იწონება!..  
გიორგი არის... გვარად ხმალაძე...  
ჰშვენოდა სიმხნე და მამაცობა...  
მტერთან საომრად მაგას დაჰყავდა  
დაბალი ზალხი და გლუხკაცობა...  
მთაში და ბარში სწორად ნაქებსა,  
დღესაც იგონებს მაგას სუყველა,  
გასაოცარი ვაჟკაცობისთვის  
მეტეი სახელი დაარქვეს „გელა“.

კ ა ხ ი

ეგ არის გელა?

## გ ი ვ ი

დიახ, ეგ გახლავს.  
დაბრმავებული ერთი ხანია...  
მიკვირს, აქამდის რომ ცოცხალია,  
რაც მაგას ჰირი აუტანია.  
ამდგარა, დადის სოფლიდან სოფლად,  
წინ დაუძღვება პატარა ქალი,  
და გლეხკაცობას ურჩევს, რომ იმათ  
გამოახილონ ამ ცუდ დროს თვალი  
და მიეშველონ ძმურად ბარელებს.  
მტრისგან დაჩაგრულს და დამონებულს!  
გულის გასახეთქ საყვედურებით  
მათაც აშფოთებს და უღელვებს გულს.

## კ ა ხ ი

ხალხი რას ამბობს?

## გ ი ვ ი

სიტყვას უჯერებს:  
ემზადებიან მტერთან საომრად  
და, მეთაური თუ გამოუჩნდათ,  
თან მიჰყვებიან ყველა ერთპირად.

## კ ა ხ ი

მეთაურიო?.. მერე ბატონი  
თეიმურაზი რაღასა ბრძანებს?

## გ ი ვ ი

ჯერ ლოცვაშია!.. ხალხს ღმერთს ავედრებს,  
და მტერთან ბრძოლას კი აგვიანებს!

## კ ა ხ ი

მერე და, არ სჯობს, რომ უპატრონოს  
და ყური უგდოს დაჩაგრულ მოყმებს?  
კრემლით ვედრება და წირვა-ლოცვა  
მიანდოს მხოლოდ მან წმინდა მამებს?



გ ი ვ ი

ეგ მართალია! მაგრამ ბატონი  
გულის ფრიალმა დაასწულა...  
დღეს ქვეყნის თვალი თქვენ შემოგყურებს  
და მხოლოდ თქვენზე იმედობს ყველა.

კ ა ხ ი

მე?

გ ი ვ ი

ღიახ და თქვენაც გმართებთ სიფრთხილე!...  
დღეს ჩაგვაშხამეთ კინალამ დილა:  
დაკოდილ დათვზე ხმალდახმალ მისვლა  
ვისგან ნახულა? სად გაგონილა?

კ ა ხ ი

მინდოდა მკლავი გამომეცადა,  
ერთის მოქნევით გამეპო; მსურდა,  
და ის მაწუხებეს, რომ უღონობით  
ჩემი სურვილი ვერ შემისრულდა.

გ ი ვ ი

რას ბრძანებთ?! მაგრე მტერს რო შემოჰკრათ,  
თვით ბუმბერაზსაც ჩამოაგდებთ ძირს.

კ ა ხ ი

ნეტავ პირველად ჩემი მახვილი  
მტერს მოხვედროდა და არა ნადირს.

გ ი ვ ი

განა მაგას კი ვერ მოესწრებით?!

კ ა ხ ი

რალა დროს, ჩემო მოჭირანახულე?  
მეჩვიდმეტეში გადამდგარი ვარ!..  
თექვსმეტი წელი დღეს შევისრულე.  
მაგრამ მორჩილი რომ ვარ ტანად,  
მიტომ გგონივართ ყველას პატარა  
და ნადირობით გინდათ გამართოთ!..

ტყვილა ნუ ჰფიქრობთ!.. ახლა კი კმარა!  
საკუთარ ტანჯვად მე მიმაჩნია  
ჩვენი სამშობლოს უბედურება  
და ვერ ვუყურებ გულდამწვინებით,  
როცა ამდენი სისხლი იღვრება!..  
რა დროს ლხინია და ნადირობა?!  
განა ეს არის დღეს ჩვენი ვალი?!  
წადი, მშობლებთან მიშუამდგომლე:  
გზა დამილოცონ, მიკურთხონ ხმალი!

### გ ი ვ ი (ალტაეებით)

გმადლობ, ღმერთო, რომ ამ დღეს მომასწარ!  
ამას ელოდა მოხუცი გივი!!  
და ჭირნახული რომ არ წამიხდა.  
ბედს არ ვემდური! აღარას ვჩივი!..  
ბატონიშვილო, ეგ სიტყვებია,  
შენგან რომ მსურდა მე გამეგონა..  
მოხუცი ხელი, რომ გეამბორო! (იჩოქებს)  
შენ წინ მუხლს ვიდრეკ ერთგული მონა.

### კ ა ხ ი

ნუ! ნუ! ადექი!.. ჩემო გამზრდელო!  
ეგ შენს ჭაღარას არ ეკადრება... (აყენებს)  
მამაშვილური შენი მოხვევა  
გულსა სწყურია!.. სულს ენატრება!  
(გადაეხვევიან ერთმანეთს და ჰკოცნიან)  
ახლა კი დროა, ჩემო გამზრდელო,  
საქმეს შეეუდგეთ... დრო ძვირად გვიღირს!..  
რევაზმა რისთვის დაიგვიანა?  
საფათერაკო ეგებ რამე სჭირს!..

### გ ი ვ ი

არა, ბატონო, თქვენს დაკოდილ დათეს  
ის გამოუდგა წელან კვალდაკვალ...  
შორს არ იქნება და, თუ მიბრძანებ,  
მე დავეუძახებ, ახლავე წავალ!

## კ ა ხ ი

კარგი იქნება! მანდ, ვგონებ, ახლოს  
მწყემსია ვილაც, სალამურს უკრავს,  
და გადასძახე, რომ ჩამოვიდეს,  
მაგრამ ნუ ეტყვი ჩემს ვინაობას!  
(გივი ვადის. კახი დაფიქრდება და ცოტა ხნის შემდეგ ამბობს)  
რაები მითხრა ჩემმა გამზრდელმა?  
გული დამწყვიტა და ამიძგერა!..  
ღვთისმშობლის ხვედრი საქრისტიანო  
რომ ამოვარდეს — სწორედ არ მჯერა!..  
მაშინ, როდესაც ბრმაც თურმე სცდილობს,  
რომ აუხილოს ქვეყანას თვალი,  
მე თავხედობად რათ ჩამეთვლება,  
რომ ავასრულო სამეფო ვალი?  
თუ მამაჩემი, ნამდვილი გმირი,  
სახელგანთქმული და თავმომწონე,  
ღღეს სნეულებამ ისე დასძლია,  
რომ მიხდილი აქვს ძალი და ღონე..  
მე აქ არა ვარ? შვილი არა ვარ?!  
იმისი ვალი მე არა მხდება?  
რა მშობელია მამა, რომელიც  
ნაშობისაგან არ ითავსება?  
კმარა მონება! კმარა მოთმენა!  
ღრო არის ადგეს ერთპირად ერი,  
ან ბრძოლის ველზე სული დალიოს,  
ან ჭოიგეროს მოსული მტერი!..  
მონას რად უნდა კრული სიცოცხლე?  
ვისთვის ანათოს წმინდა ლამპარი?  
სჯობს მონებაში გადიდკაცებულს  
თავისუფლების ძებნაში მკვდარი!

გამოსვლა მისამი

ი გ ი ვ ე ლ ა მ წ ყ ე მ ს ი (მოუახლოვდება)

მ წ ყ ე მ ს ი

ბატონიშვილო!.. (თავს უკრავს ქუდმოხდით)

კ ა ხ ი

თითქოს მეცნობა!..

გამარჯობა! შენ მწყემსი ხარ, ვგონებ?

მ წ ყ ე მ ს ი

მწყემსი გახლავარ, შენი კენესამე!  
რისათვის მიხმე და რას მიბრძანებ?

კ ა ხ ი

მაგდენს არაფერს! — ის შენ იყავი,  
რომ აკენესებდი წედან სალამურს?

მ წ ყ ე მ ს ი

მე გახლდი!

კ ა ხ ი

მარტო შენთვის უკრავდი,  
თუ სხვაც გიგდებდა აქვე სადმე ყურს?

მ წ ყ ე მ ს ი

ჩემთვის ვუკრავდი, ჩემო ბატონო,  
მწარე ნაღველის გასაქარებლად.

კ ა ხ ი

კი მაგრამ, შენთან რა უნდა ნაღველს?  
მთებში დადიხარ აქ თავისუფლად!

მ წ ყ ე მ ს ი

ეჰ, დალოცვილო, რა გამოვიდა,  
რომ ვიყო მარტოდ თავისუფალი...  
მაშინ, როდესაც მთელს ჩვენს ქვეყანას  
რისხვით დაპყურებს მალლით უფალი?..

კ ა ხ ი

სჩანს, ბარელი ხარ?

მ წ ყ ე მ ს ი

არა, ბატონო!

კ ა ხ ი

მამ აქაური თუ ხარ, მთიული,  
რალა გაწუხებს ამ სიმაგრეში?

მ წ ყ ე მ ს ი

იქაურებზე შემტკივა გული!..  
განა მარტო მე? მთლად მთიულები  
იმათი ცოდვით ილაგებიან!  
მაგრამ ვერ ჰხედვენ ვერსად მეთაურს  
და თავისთავად რას გახდებიან?..

კ ა ხ ი

ბატონი მეფე?

მ წ ყ ე მ ს ი

აქ ამობრძანდა...

თავი აქ მოსცა, ამ სიმაგრეში,  
და ბარელები ოხრად დაჰყარა,  
სულ უპატრონოდ, თათრების ხელში.  
კიდევ კარგი, რომ ამის მნახველი  
ჯერ არ იტეხენ მთიულები გულს  
და იმედი რამ პატარა-კახის,  
როგორც მომაკვდავს, მათ უბრუნებს სულს.

კ ა ხ ი

პატარა-კახის?

მ წ ყ ე მ ს ი

ღიას, ირაკლის.

ძალიან რამეს მოგახსენებენ.  
ჯერ მისი საქმე არვის უნახავს,  
მაგრამ ისე კი მეტად აქებენ!  
განაგონობით... ასე ამბობენ:  
გივის გაზრდილი სხვა იქნებაო  
და არ შეარჩენს თათრებს ჩვენს სირცხვილს,  
ღმერთმაც წყალობა თუ ინებაო.

კ ა ხ ი

მართლა? მაშ რო სთქვას ბატონიშვილმა:  
„მტერზედ მივალო“, ხალხი გაჰყვება?

მ წ ყ ე მ ს ი

განა კაცები მართო? ქალებიც  
თან გაჰყვებიან... არვინ დარჩება!..

კ ა ხ ი

შენც თან გაჰყვები?..

მ წ ყ ე მ ს ი

მე რა დამიშლის?

კ ა ხ ი

ცხვრებს რაღას უზამ, ჩემო ძამია?

მ წ ყ ე მ ს ი

ცხვრებს რაღას დავდევი?.. ამისთანა დროს!..  
სუყველა მგლებსაც დაუჰამია.  
ნეტავ კი მართლა მოვესწროთ იმ დროს,  
რომ წინ გვიძლოდეს ბატონიშვილი  
და ქართველებიც თან მოსძახოდენ:  
„ან გამარჯვება და ან სიკვდილი!“

კ ა ხ ი

ამინ! გისმინოს ღმერთმა... ინებოს!  
ეგრეც რომ შოხდეს, კი შეიძლება... (დაფიქრება)

მ წ ყ ე მ ს ი (თავისთვის)

მოედვა!.. (სიჩუმე)

კ ა ხ ი

დაცხა!.. წყალი მომწყურდა!.. (მწყემსს)  
ახლოს ხომ წყალი არ გეგულება?

მ წ ყ ე მ ს ი

ყოტა შორს გახლავს... კარგი წყაროა,  
მაგრამ როგორ ვქნათ? არ გვაქვს ჰურბელი.

კ ა ხ ი

აი, თანა მაქვს, აგერ მათარა,  
და ეს წაიღე! მოჰკიდე ხელი!..  
(გალაუგლებს; მწყემსი აილებს და გაულგება გზას)  
(ფიქრის შემდეგ)

ჰე, ვერა ჰხედავთ, რას ამბობს მწყემსი?  
თურმე იმასაც კი სტკივა გული,  
რომ უცხო ხალხი შემოგვესია  
და ჩვენც თავს ვუხრით სულგანაბული!..  
მაგრამ ჯერ კიდევ, მადლობა უფალს,  
არ შესჩვევია ხალხი მონებას  
და საქვემძრომოდ არ ავარჯიშებს  
მონურის ხერხით ჭკუა-გონებას!..  
ღიახ, მონობას მიუჩვეველი  
ჯერ კიდევ გული სხვას გვეუბნება  
და სავაუკაცო პირდაპირობას  
მოითხოვს მუდამ მტკიცე ბუნება!  
ჩვენც თუ ახლავე არ მივაწოდეთ  
სამართლიანი მას სულის საზრდო  
და ზანგრძლივობამ თავისი კვალი  
ნელ-ნელ შეპარვით, ერთხელვე დასდო,  
მორჩა, გათავდა... ამოიფხვრება...  
ტყუილადაა მერე იმედი...  
და ის სჯობს, ბარემ ახლავე ვნახოთ,  
რასაც გვექადის მერმისთვის ბელი.

(დაფიქრდება)

ზამოსვლა მეოთხე

ი გ ი ვ ე . რ ე ვ ა ზ და გ ი ვ ი

კ ა ხ ი

რევაზ? სად იყავ?

რ ე ვ ა ზ

თქვენ დაკოდილ დათვს

გამოვუდექი, კვალში მივყევი.

თუმც სასიკვდილოდ არის დაქრილი,  
მაგრამ გადავლო ის დიდი ხევი  
და ჩაიმალა ისეთ ნაპრალში,  
რომ აღამიანს არ მიესვლება.

### კ ა ხ ი

ყორნები ხომ კი ჩაფრინდებიან?  
დღე, ილხინონ, ჰქონდესთ უფლება! (იციანს)

### რ ე ვ ა ზ

ყორნებს, ბატონო, რომ არ სცალიათ?  
ჯერ კაცის ხორცსაც ვერ ერევიან!..  
გადაფრენილან აქედან ბარში  
და ჩვენს მოძმეებს თავს დასჩხავიან!!

### კ ა ხ ი

რევაზ! რათა გაქვს ეგ მწარე ენა?  
სიტყვას არ იტყვი, თუ არ დაშხამულს!..  
არ იცი, რომ ეგ შენი პასუხი  
ეკლად ესობა ჩემ ნაღვლიან გულს?

### რ ე ვ ა ზ

რა ვქნა, ბატონო, რომ მეც ამ გულში  
ჩამგუბებია მწარე ნაღველი  
და ტკბილად ვეღარ მისველებს ენას,  
რომ ტკბილ რამესი ვიყო შეც მთქმელი!  
ღმერთმა ხომ იცის...  
(დაინახავს მწყემსს, წყალი რომ მოაქვს და უტბად შეკრთება)

### ჰა! ეს ვინ არის?!

ამას რას ხედვენ ჩემი თვალები?  
ახლა კი გიცან, ვინც ხარ, შე მხდალო!..  
გაჩერდი! ვეღარ დამემალეხი  
(ხმალს ამოიღებს და მიაშურებს)

### მ წ ყ ე მ ს ი

რევაზ! მიცანი? კეთილი! მაგრამ  
ხომ არ გაშინებს ჩემი კომბალი?  
აჰა, ესეც კი გადამიგდია,



რომ არ წაგიხდეს შენ შიშით თვალი!  
გინდა ხელებიც მქონდეს შეკრული,  
მაშინაც მაგ ხმლით ვერ შემაშინებ!  
დრო გაქვს მოხვიდე ხელცარიელზე,  
ძლევა დაგრჩება და გაიცინებ!..

რ ე ვ ა ზ (ხმალს ჩაიგებს)

ჰა, დედაბერო! შენ მაგ სიტყვებით,  
იცოდე, დღეს თავს ვერ შემაბრალებ!..  
ხანჯალი ხომ გაქვს? შოჰკიდე ხელი!  
მეც მარტო ხანჯალს დავატრიალებ.  
(ოღებენ ხანჯლებს და იწევენ ერთმანეთზე)

კ ა ხ ი

ეი!.. შეჩერდით!.. არ იცით, სად ხართ?  
მაგ თავხედობას აქ ვისთან ჰბედავთ?  
დაგვიწყებიათ. ან თქვენ ვინა ხართ,  
და ან მე ვინ ვარ? ველარა მხედავთ?  
ვფიცავ თავს და მზეს დედიჩემისას,  
თუ წინ წაგდგამსთ აწ კიდევ ფეხი,  
მაშინ თქვენ ჩემი ძლიერი რისხეა  
თავზე დაგატყდესთ, როგორც რომ მეხი!..  
გოვო! რას ნიშნავს ეს მოქმედება?

გ ი ვ ი

მტრები გახლავან ერთიმეორის!

კ ა ხ ი

ბებურიშვილი?! მტერია მწყემსის?!  
ვილაც მეცხვარის, ვილაც მელორის?!  
გოვო!

გ ი ვ ი

ეგ მწყემსი ლევან ქვაბულიძეა...

რ ე ვ ა ზ

ჩემი ძმის მკვლელი, ჩემი მოსისხლე!

კ ა ხ ი

მართლა?!

### ლ ე ვ ა ნ

მე მოვეკალ სწორედ მაგის ძმა,  
მაგრამ არა ვარ მაგის მოვალე.  
და სასახლიდან გამოგდებულნი...

### გ ი ვ ი (სიტყვას აწყვეტილებს)

აღარ შეეძლო მეფეს ჰხლებოდა.

### რ ე ვ ა ზ

ამდენი ხანი თურმე მწყემსებში,  
სჩანს, უსირცხვილოდ იმალებოდა!..

### ლ ე ვ ა ნ

სცდები!.. არ ეთქმის უსირცხვილობა  
იმას, ვინც ჩვენში ამისთანა დროს  
ტყეში გაჰრილა ყაჩაღად მისთვის,  
რომ ქვეყნის მტრებზე მან ინადიროს.  
ურცხვი ის არის, ვინც დღეობებში  
ლზინებს უნდება და აშიყობას!..  
გლახაკად დავრჩე, ის მირჩევნია,  
თუმც კი დიდკაცობ, შენსავით ყოფას.

### რ ე ვ ა ზ

თუ კაცი იყავ და წვერი გესხა,  
უმაღ მე უნდა გამსწორებოდი.

### ლ ე ვ ა ნ

პირადი მტერი არა ვყოფილვარ  
და უბრალო სისხლს ვერიდებოდი.

### რ ე ვ ა ზ

როგორ? ნოდარი შენ არ მოჰკალი?  
და ის ჩემი ძმა განა არ იყო?

### ლ ე ვ ა ნ

ეს მხარეც ჩემი სამშობლო არის  
და ვალად მედვა სისხლი ამელო.

კ ა ხ ი

რაები მესმის?

ლ ე ვ ა ნ

ღიახ, ბატონო!

ის იყო ჩემი გულისტკივილი,  
რომ თავს დაგვესხენ მტერნი თუ არა,  
მათ მიეკედლა ბებურიშვილი...  
ქართველობაზე უშვერდა მათ თითს  
და, თავმომწონედ, ქიზიყის მხარეს  
ურცხვად აძლევდა ბოროტ მაგალითს!

რ ე ვ ა ზ

სტყუი!.. ის მხოლოდ მტერს იტყუებდა,  
თვალებს უბამდა... და დროს ეძებდა...

ლ ე ვ ა ნ

გულში რა ჰქონდა, ეგ ვინ რა იცის,  
და საქმით კი სულ სხვას გვიჩვენებდა.

რ ე ვ ა ზ

აგრეც რომ იყოს, შენ არ შეგეძლო  
მაინც ჩემი ძმის გასამართლება!

ლ ე ვ ა ნ

ქვეყნის ორგული რომ არ დაზოგოს,  
ყოველ კაცს აქვს სრული უფლება.

გ ი ვ ი

ეჭ, ყმაწვილებო, ყური დამიგდეთ!  
უადგილოა სიტყვები მწარე!..  
გეტყვით უბრალო ქვეშარიტებას...  
მას დამიმოწმებს ყველა მეცხვარე:  
როცა მეცხვარის ძაღლებს მოუვათ  
ჩხუბი და მწარედ ერთმანეთს ჰკბენენ,  
მაშინ პატრონსაც აღარ ჰზოგავენ,  
თუ მიეშველა... მასაც უღრენენ...  
მაგრამ იმავე დროს, თუ გაჩნდა მგელი  
იმ არემარეს, სადმე მახლობლად,

შესწყვეტენ ბრძოლას და ყველა ერთად  
იმ მტერს მისდევენ მოსაგერებლად.  
თუ კი ოთხფეხსაც ჰქონია, ვხედავთ,  
ამდენი გრძნობა და მოსაზრება,  
მაშ ადამიანს... მაღალ ქმნილებას,  
განა შეჭშვენის და ეკადრება,  
რომ მთლად გადაჰყვეს მის პირადობას,  
შინაურებზე არისხებდეს გულს  
და ვერ ჰხედავდეს. მეტის სიფიცხით,  
მის დასალუპვად მტერს, მასზე მოსულს?  
ნუთუ ვერ ჰხედავთ რა დღე გვადგია?  
რამ დაგაეწყათ თქვენ თქვენი ვალი?  
გინდათ დაჩლუნგოთ თქვენ ერთმანეთზე  
მტრის სასიკვდილოდ ნალესი ხმალი?!  
ეგ ლალატია და დრო კი სხვას გთხოვს...  
მიეცით ზელი ერთმანეთს ძმურად  
და წმინდა სისხლი ერთად დასთხიეთ  
მამულისათვის მამაპაპურად!

### ლ ე ვ ა ნ

თუ არ მაგ მიზეზს, სხვას რას შეეძლო,  
რომ ქვაბულიძე გამოეცვალა. (ტანზე იხედება)

### რ ე ვ ა ზ

აღარას ვიტყვი! დრომდი მოეცდი!..  
რა გაეწყობა: „აღმართს ჰხნაეს ძალა!“

### კ ა ხ ი

ბებურიშვილო! ვერვინ დაგძრახავს,  
რომ გულს გიკლავდეს დამკლისუფლობა  
და მიტომ უფრო გეკუთვნის დღეს შენ  
მოთმინებისთვის ჩვენი მაღლობა!..  
შენ, ქვაბულიძევ! კარგად ვერ გიცნობ,  
მაგრამ ისე კი ბევრჯერ მსმენია,  
რაც შეგმთხვევია ქვეყნის გულისთვის  
და ან სიმდაბლით მოგიომენია...  
ხომ გაიგონეთ გივის სიტყვები?

იმასთან ერთად მეც პასუხს ველი!  
 და წინდაწინვე ვიცი, ამ რჩევას  
 რომ ვერ უარყოფს ვერა ქართველი!  
 დიახ, თქვენ გმართებთ, რომ ერთად, ძმურად  
 მტრის შესარცხვენად მისცეთ ხელი ხელს  
 და ეაყაობა თქვენი მიუძღნათ  
 ამ ჩვენს ქვეყანას, როგორც ტკბილ მშობელს,  
 მინდა, რომ თქვენთან მეც ერთად ვიყო,  
 საასპარეზოდ მოგცეთ მხარი მხარს  
 და ჩვენს მაგალითს ყველა მიჰბაძავს,  
 ვისაც სამშობლო კი სწამს და უყვარს!  
 მტერი დაგვიცინის!.. ჩვენ ხმას არ ვიღებთ!  
 რა დროს შიშია? და რა დროს ძილი,  
 წავიდეთ! საქმეს შევუდგეთ ერთად!  
 ან გამარჯვება და ან სიკვდილი!..  
 (მოდის და ისინიც თან მიჰყვებიან)

#### გ ი ვ ი (მარტო)

გმადლობ, უფალო, ახლა კი ვხედავ,  
 არ წამხდენია მე ჭირნახული!  
 პატარა-კახის გამირულმა სიტყვამ  
 რაღაც იმედით ამივსო გული!..  
 თუმცა უდროოდ დაგვისწეულდა  
 ძველი არწივი, თეიმურაზი,  
 და მის შემყურე მამულიშვილებს  
 გულს სასალბუნო დააჩნდათ ხაზი,  
 მაგრამ მის ნაცვლად მაღლით ბუდიდან  
 გადმოფრენილა დღეს შევარდენი!..  
 ახლა კი დროა სვიმონიეით ვთქვა:  
 „აწ განმიტევე მე, მონა შენი!“

ფ ა რ დ ა

## მოქმედება მისამე

### სცენა პირველი

(მალღობზე შორით ქოშისგორა მოჩანს, ზედ ეკლესიით. თემობაა. დაბლა ვაკეზე, გზის პირად, მუშები სიმინდს სთონნიან და მღერიან)

### ბამოსვლა პირველი

მ უ შ ე ბ ი

ყანაო, იმუშის სამოთხე,  
გლენის დიდებავ, ყანაო!  
ცისკრის სხივებმა შეგმოსეს  
და წამმა გადაგბანაო,  
დაგქროლა დილის ნიავმა,  
აღუწით გითხრა ნანაო,  
უუუუნა წვიმამ ზედ დაგკრა,  
ზურმუხტად აგამწვანაო!

მ ე თ ა უ რ ი

აბა, ბიჭებო, თქვენი ჭირიმე!  
ნუ შეჩერდებით ჯერ!.. ნუ დაღალდით!  
ეს ერთი ცკიდევ ჩამოვუაროთ!  
სულ ჯარასავით დაუტრიალდით!..

მ უ შ ე ბ ი

ნუ გეშინია! წაგვიძხეს! გასწი!  
არ ჩამოგრჩებით ჩვენც, მეთაურო!..

პ ი რ ვ ე ლ ი გ ლ ე ხ ი

ხომ ხედავ, ისეც აღმური აგვდის?..  
რათ გინდა, უფრო რომ გაგვახურო?

მ ე თ ა უ რ ი

ჰო! მაგრე! მაგრე! თქვენ დაგენაცვლეთ!  
დაჰკარით, სანამ მიწაც სველია!..

## მ ო ხ უ ც ი

ეს ყველა კარგი, მაგრამ უქმს რომ ვტეხთ,  
ეს განა კარგი საქციელია?

ა ხ ა ლ გ ა ზ რ დ ა

ვითომ რა იცის?

## მ ო ხ უ ც ი

როგორ რა იცის?

მაშ ალარ არის მაღლი და ცოდვა?

მღვდელმა რა გვითხრა?..

ა ხ ა ლ გ ა ზ რ დ ა

მღვდელს რას უყურებ?!

ასე იციან სულ იმათ როტვა.

## მ ე ო რ ე გ ლ ე ხ ი

იმან თუ არ სთქვა, ჩვენ კი არ ვიცით,

რომ უქმის ტეხა, მართლა ძნელია!

## მ ე ს ა მ ე გ ლ ე ხ ი

ნეტავ რას ამბობ? რა დროს ეგ არის?

გეტყობა, საქმე შემოგვლია!

ვერ ჰხედავ, ბარში რა ამბავია?

თესლად მარცვალის არსად ვარდება!

ჩვენ რომ აქ ახლა უქმეს მივდივით,

ბარი შიმშილით ამოვარდება!..

## მ ე ო თ ხ ე გ ლ ე ხ ი

ახლა სხვა დროა! ღმერთიც არ გვიწყენს:

შრომა მისივე ნაბრძანებია!

ა ხ ა ლ გ ა ზ რ დ ა

კარგია ერთი! რაეხსა ჰბოდავ?

ვგონებ, სიზმარი დაგზმანებია!..

## მ ე თ ა უ რ ი

გაუსვით ჩქარა!.. ტყვილა ნუ სცდებით!

ცოდვა ჩემს თავზე მე მიმილია!

ა ხ ა ლ გ ა ზ რ დ ა

აბა, დავიწყით ისევე მუშური  
და ბანი გვითხარ შენ, პირალია!..

მ უ შ ე ბ ი

ყანაო, გულ-ხელგაშლილო,  
ქვეყნის მოკეთევე, ყანაო!  
მოყვრულად შემოგსევივართ,  
მტრულად გიმეტებთ განაო?  
გავმარგლავთ ბალახ-ბულახსა,  
გაგთოხნით ყოველგანაო...

(ბუქს აყვირებენ)

ა ხ ა ლ გ ა ზ რ დ ა

რა ამბავია?

მ ე ო რ ე გ ლ ე ხ ი

რა უნდა იყოს?  
ხატობაა და ბუქს აყვირებენ.

ა ხ ა ლ გ ა ზ რ დ ა

ვითომ რათაო?

მ ე ს ა მ ე გ ლ ე ხ ი

აყვირონ, თვარა  
მაგითი ყეენს გააკვირებენ...

მ ო ხ უ ც ი

გელა იქნება! უთუოდ უნდა  
შეჰყაროს ხალხი და უთხრას რამე...

მ ე თ ა უ რ ი

აბა, ბიჭებო... გაუსვით ჩქარა!..  
მომყევით წყობით (ახალგაზრდას), შენც მხარი მამე!

მ უ შ ე ბ ი

ზედ უფლის თვალი დაგყურებს,  
შენი ბარაქა ბრძანაო!



აგწორდეს გვალვა და სეტყვა,  
მოსავლის გამოცანაო!..  
ყანაო, ოქრო-ზურმუხტო.  
ყანაო, ჩემო ყანაო!  
მალალმა ღმერთმა აკურთხოს  
სხვაც ბევრი შენისთანაო. (შეჩერდებიან)

მ ე თ ა უ რ ი

ბიჭოს!.. სამხრობა წამოგეპარვია!..  
ახლა კი დროა, რომ შევისვენოთ!..  
წავიდეთ ჩრდილში! სამხარი გველის,  
მოეწყინება მარტო, უჩვენოდ!..

ა ხ ა ლ გ ა ზ რ დ ა

აბა. ჰე!.. მოდი, წავიდეთ ერთად!  
თუ მაგრე არის, უნდა ვუშველოთ!

მ ო ხ უ ც ი

სწორედ არ გვაწყენს, რომ ცოტა ყელი  
ჩვენც ჩავიწმინდოთ და ჩავისველოთ. (მიდიან)

ბამოსვლა მიორბ

მ ო ხ უ ც ი და ყ მ ა წ ვ ი ლ ი ქ ა ლ ი

მ ო ხ უ ც ი

სად ჩამოვედით?

ქ ა ლ ი

ყანაში!

მ ო ხ უ ც ი

მერე?

რატომ მუშები აღარ მღერიან?

ქ ა ლ ი

წასულან იქით, სამხრად დამსხდარან,  
აგერ მუხის ქვეშ, ჩრდილში არიან!..  
მივიდეთ?

მ ო ხ უ ც ი

არა, სჯობს მოვუცადოთ,  
აქვე მოვლენ, რომ ისამხრებენ. (სხდებიან, სიჩუმეა)

ქ ა ლ ი

ამდენხანს თემი რომ არ იშლება,  
რა ამბავია? რას უყურებენ?

მ ო ხ უ ც ი

აწ, სადაც არის, დაიძვრის ხალხი;  
ქვეითად ამ გზით ჩამოივლიან.

ქ ა ლ ი

ცხენდაცხენ რატომ არავინ მოდის?

მ ო ხ უ ც ი

ჩვეულებაა და ვერ შესცვლიან!  
ქვევით ბარში ჰყავთ დაყენებული  
დიდკაცებს მათი ბედაურები...  
წესის გატეხა ძნელია, შვილო!  
სასწაულს აგრე ნუ ეხუმრები.  
იპ, ვენაცვალე იმის ძალს და მადლს,  
რომ არ სჩვევია კაცის გარჩევა.  
გინდ დიდი იყოს, გინდა პატარა,  
ერთია მისი რისხვა-კურთხევა!..

ქ ა ლ ი

რა ხალხი იყო!!

მ ო ხ უ ც ი

სულ დიდკაცობა!..  
ბატონიშვილიც იქ ბრძანდებოდა?

ქ ა ლ ი

ასე ამბობენ... იმდენი სული  
სუყველა იმას შესჩერებოდა!

მ ო ხ უ ც ი

შენ რომელს უფრო შესჩერებოდი:  
იმას თუ იმის ვილაც შინაყმას?  
ჰა?.. რათ გაჩუმდი? რალათ მიმალავ  
გულისპასუხებს შენს მშობელ მამას?

ქ ა ლ ი

აკი გითხარი!

მ ო ხ უ ც ი

ჰმ... სულ ის იყო?  
სწორედ მაკვირვებს, სად მივიგნია?  
და დიდიკაცის შვილი რო იყო,  
ვითომ აქამდის არა გცოდნია?

ქ ა ლ ი

რას მივხვდებოდი და რა ვიცოდი?  
უბრალო მწყემსად თავს მაჩვენებდა.  
უკან დაგვდევდა ყველგან ლანდივით,  
გზაში გვხვდებოდა, არ მასვენებდა.

მ ო ხ უ ც ი

პირველად, შვილო, სად გაიცანი?

ქ ა ლ ი

არ გახსოვს, ძალი რომ მოგვიგერა?!

მ ო ხ უ ც ი

მაშ იმ ტყეშიაც ხომ ის არ იყო,  
უეცრად გული რომ აგიძგერა?..  
ახლა კი მესმის!.. ესეც მითხარი:  
მწყემსურად რალათ იმოსებოდა?

ქ ა ლ ი

აკი გაიგე წუხელი?! თურმე  
ბატონის რისხვას ემალებოდა.

მაგრამ, რალაი ბატონიშვილმა  
იცნო, ეინც იყო, და თან იანლა,  
ტანისამოსი გამოიცივალა  
და თავესაც აღარ იმაღავს ახლა.

მ ო ხ უ ც ი

შენ რალა გითხრა?

ქ ა ლ ი

რა უნდა ეთქვა?

ფიცი ხელახლად გამიმეორა.

მ ო ხ უ ც ი

ეგები უნდა გაცდინოს, 'შვილო,  
და ყმაწვილურად რამე მოკორა?..  
თორემ სად ჩვენ და სად დიდი კაცი?  
შორი-შორს გვიძევს, 'შვილო, საზღვარი!  
შენ არ შეგირთოს, განა ცოტაა  
თავადის ქალი გასათხოვარი?

ქ ა ლ ი

ის ასე ამბობს, რომ სიკვდილამდე  
არ გაგეყრები... ჯვარს დაეიწერო.

მ ო ხ უ ც ი

აჰ, არა 'შვილო, გულში ნუ იღებ  
მაგ სიტყვებს!.. სჯობს, რო არ დაიჯერო!

ქ ა ლ ი

იცი, რა მითხრა: „გელას ქალი ხარ,  
მერე დედოფლის მონათლულიო  
და, რომ შეგირთო, ვერეინ დამძრახავს,  
ვერც მცირე და ვერც დიდებულიო!“

მ ო ხ უ ც ი

ეგ მართალია!.. ღმერთმა ქნას, 'შვილო!  
მაგაზე კარგი რალა იქნება?

ქ ა ლ ი

არა, მამილო, რომ არ მატყუებს,  
გული მარწმუნებს და მეუბნება.

მ ო ხ უ ც ი

რატომ აქამდის არ მითხარი რა?

ქ ა ლ ი

მეუბნებოდა: „ჯერ დაეფაროთო,  
მერე უეცრად, ჯვარისწერის დროს,  
მოხუცი მამაც გავახაროთო!“

მ ო ხ უ ც ი

ქრისტემ ახაროს და აძლიეროს,  
თუ ცბიერობით არ ამბობს ტყუილს!..  
ქვაბულიძეა... სიტყვა, ვგონებ, რომ  
დაეჭვრება მამამისის შვილს!..  
მამამისს ზაალს კარგად ვიცნობდი,  
ერთხელ სიკვდილსაც გადავარჩინე,  
როდესაც ტურა რამაზიშვილი  
მის წინ სატევრით ძირს დავაწვინე.  
თუ არ მომეკლა, ჰე, ის-ის იყო  
ზაალს მოჰკლავდა ის მოლაღატე,  
მაგრამ მივასწარ, დღე დავუმოკლე  
და იმისი დღე ზაალს შევმატე.  
ის რომ მოვეკალი, მისი წუნკლები,  
ლეკებიც, შექრთენ... გაიქცა ყველა!..  
და მეტსახელად მაშინ დამერქვა  
ვაქეაცობისთვის გულადი „გელა“.

ზამოსვლა მესამე

(რევაზ ბებურიშვილი და თედო რამაზიშვილი ჩამოვილიან და  
შორიახლოს დგებიან: ათვალეგრებენ ქალს)

რ ე ვ ა ზ

ეს არის? მართლა კარგი ყოფილა!..

## თ ე ღ ო

მე განა ტყუილს მოგახსენებდით?..  
კარგია, მაგრამ რა გამოვიდა?  
ამ დაწყევლილთან რომ ვერას გავხდით!

## რ ე ვ ა ზ

ეგები, ბიჭო, თავპატიუს იღებს:  
მაგითი უნდა მეტი დაგვცინკლოს!..

## თ ე ღ ო

რა ბრძანებაა ცოტა ვაძლიეთ?  
არ მიმიკარა, არ იქნა, ახლოს!  
იმდენი ფული და სამკაული  
გადმომიყარა, თავში მახალა!  
„მე შენი გულის არ გავხდებო!..  
დამეთხოვეო!“ შემოგითვალა.

## რ ე ვ ა ზ

ნეტავ რას ნიშნავს ეგ გულმაგრობა?

## თ ე ღ ო

ლევანზე არის გადარეული:  
იმას იგონებს, იმაზე ჰფიქრობს  
და მისთვის უძგერს უტყუერად გული.

## რ ე ვ ა ზ

მე კი ლევანზე რალა ნაკლე ვარ?

## თ ე ღ ო

მეც ეგ არ მიკვირს! მაგრამ თვალია:  
ჯერ ერთს შეჰხედავს, მოეწონება,  
შერე შეორეს... ეგეც ქალია!..  
მე კიდევ ისევ იმ აზრზედა ვარ:  
რომ მოვიტაცოთ, კარგი იქნება!  
მაგრამ ლევანი გადაირევა,  
რომ გაიგონებს და ეწყინება!..

## რ ე ვ ა ზ

ლევან ვინ გდია? იმას რას დავდექ?  
ნეტავ შემეძლოს, გულზეც გავხეთქო!  
ერთხელაც არის, ხომ უნდა შევხვდეთ...  
და სასიკვდილოდ უნდა ვაფეთქო.  
მე იმას ვფიქრობ, რომ სასახლეში  
ეუცხოებათ, გაჯავრდებიან!..

## თ ე დ ო

თათრობა არის... მათ დაჰბრალდება...  
ეჭვს ვინ აიღებს? რას მიჰხვდებიან?  
სულ მარტოდმარტო, შორს მთაში ცხოვრობს  
მოხუცებული ჩემი მამიდა...  
რომ მოვიტაცოთ, იქ მივიყვანოთ  
და იქ დაემალოთ! მეტი რა გვინდა?  
მაშინ სულ სხვაა... მამიდაჩემი  
დაგვეხმარება, რაც შეიძლება...  
და დაგნებდება, როცა იქნება:  
ქალია, გული გამოეცვლება.

## რ ე ვ ა ზ

კარგი, მაგრე ვქნათ! რა გაეწყობა?  
უნდა ვუცადოთ უნებურად დროს!  
ახლა კი უნდა ისევ წავიდეთ,  
ბატონიშვილმა არ ჩამოგვასწროს! (მიღის)

## თ ე დ ო

ჰმ, გელავ! გელავ! მე შენი სისხლი,  
დიდი ხანია, უნდა ამელო,  
მაგრამ, ბრმა რომ ხარ, დრომდის ვიციდიდი, —  
და მოთმინება ახლა კი მეყო!  
რომ მომეკალი, რა იქნებოდა?  
რადღას ჰგრძნობს კაცი, როცა გაქრება?  
არა, ამგვარად ვალის გადახდა  
არ იქნებოდა შურისძიება!..  
ქალის დაკარგვით, ამ სიბერის დროს,  
უნდა დაგტანჯო და გაგამწარო

და მამიჩემის მკვლელის, ამგეარად,  
გულიდან ჭავრი ამოვიყარო!..

### გამოსვლა გეომთხე

ჩამოდიან გივი და ბაადურ

(აყვანილი მოპყავთ)

ბაადურ

სადა ხარ, ჩემო ყმაწვილკაცობავე?...  
როგორ დავკუტდი!.. როგორ დავბერდი!..  
სადღაა ის დრო, ჭეირანივით  
აქ რომ ავირბენ-ჩამოვირბენდი?!

გივი

შეც მაგას ვჩივი, ჩემო ბაადურ!  
ვინ დაგვიბრუნებს ისევ გაზაფხულს?!  
მხოლოდ სხეული ძალას ვერ ატანს,  
თორემ სუწვილი შერჩენია ვულს!

ბაადურ

შენ კი რა გიჭირს ჭერ, ჩემო გივო?  
მაინც ვერ დაგრევეს ჭერ ხელს ქალარა...  
მე თუ ასე ვარ... განა სიბერიო?  
უფრო კრილობამ დამსაპყარა.  
რალა ვარ ახლა? აღარ ვეკუთვნი  
აღარც აქ ცოცხლებს და აღარც იქ მკვდრებს!..

გივი

კოტა მიგიძღვის განა აქ ღვაწლი?  
უმსახურობას ვინ დაგაყვედრებს?!  
რასაც გვინიშნავს ბედის ვარსკვლავი,  
გადუვალა ჩვენ თავზე ყველა... (სიჩუმეა)  
ჩვენ რომ ვეძებდით, ა, სად ყოფილა  
აქ ჩამოსულა, აგერ ზის გელა.



## ბ ა ა დ უ რ

აქ არის? მართლა, მაშ მითხვანეთ!  
ალარ მინახავს დიდი ხანია...  
ბრძოლის ველიდან ბევრი დაჭრილი  
ორივეს ერთად გაგვიტანია.  
(ქალი განზე მიდგება. მიიყვანენ.)  
ვის ვხედავ კიდევ? გმადლობ, უფალო!  
ჰა! გამარჯობა! რასა იქ, გელა?

## გ ე ლ ა

ღმერთმა გაცოცხლოს, მაგრამ ველარ გცნობთ:  
უსინათლო ვარ... ჩემთვის დღეც ბნელა.  
ხმასაც რომ ველარ ვარჩევ, ბატონო?!  
შელახული მაქვს სიბერით ყური...  
ცოტათი, ვგონებ, კი მენიშნება:  
ხომ არ ბრძანდებით თქვენ ბაადური?

## ბ ა ა დ უ რ

გამოიცანი! სწორედ ისა ვარ!  
შენ ბრმა ხარ და მე დაკუთებული!..  
სხვებ ხომ კარგად ხარ? რასა იქ, გელა?  
არ გაგტეხია განა ჯერ გული?

## გ ე ლ ა

გული რომ მერჩის, იმის ნახევრად,  
ნეტავ, მიჭრიდეს ძალი და ღონე.

## ბ ა ა დ უ რ

გული მეც მერჩის, მაგრამ სიბერეს  
თავი მივეცი და დავემონე...  
წავიდა, გელავ, ჩენი დრო, გაქრა,  
სულ სხვა დრო არის და სხვა კაცები!..

## გ ი ვ ი

მეც ეგ მაწუხებს, ჩემო ბაადურ,  
და გულს მიწყლულებს, ღმერთს გეფიცები!..  
დროსაც სცოდნია დაჩიავება:  
ალარავინ ჰგავს თავის წინაპარს...

და ამ მიზეზით წაქეზებული  
შემოგვეხვია მტერი მედგრად გარს.

მ ე ლ ა

არა, უფალი სულ არ გასწირავს  
ღვთისმშობლის წილ-ხვედრ საქრისტიანოს!  
მხოლოდ გამოსცდის, რომ შეცოდება  
მან იგულისხმოს და შეინანოს!..  
(ქუდს იხლიან და პირჯვარს იწერენ)

განოსვლა მენუთი

პატარა კახი, რევაზ, ლევან, თედო და სხვა მხლებლები

კ ა ხ ი

ხედავთ, ბებრები სადა ყოფილან?  
ეგერ თავისთვის ლაპარაკობენ!..

რ ე ვ ა ზ

უთუოდ ახლა ჩვენს დროს ჰკიცხავენ  
და თავისას კი დიდად ამკობენ!

კ ა ხ ი

განა არა აქვთ, რომ ვთქვათ, სიმართლე?

რ ე ვ ა ზ

კი მაგრამ, მაგით რა გაკეთდება?

ლ ე ვ ა ნ

ძველი ამბავი მოხუცებულებს  
სულსა და გულზე მალამოდ ხვდება.

კ ა ხ ი

ეგ მართალია! (გაჰხედავს) ე, დაგვინახეს...  
გივი წამოდგა... მოხუციც ღგება.  
მივიღეთ, ვუთხრათ თქვენი ამბავი,  
რომ გაიგონებს, გივს იამება! (მილიან)  
გივო, ერთ რამეს გიმახარობლებ,

რალა თქმა უნდა, რომ გიამება!  
ლევან და რევაზ დღეს შევარიგე  
და მათი შუღლი აწ გათავდება.  
ერთიმეორის დაშორებული,  
აქამდის მეტის შურით და მტრობით,  
დღეიდან უნდა შევაკავშირო  
საშვილიშვილოდ ტკბილის მოყვრობით:  
ჩვენ გადაეწყვიტეთ, რომ ქვაბულიძემ  
ცოლად შეირთოს ამ რევაზის და...

ქ ა ლ ი

უი! (ხელებს მიიჭარებს პირზე)

ყ ვ ე ლ ა ნ ი

რა იყო, ნეტავ, რა ამბავია? (მისცვივლებიან)

კ ა ხ ი

რამ შეგაშინა, ქალო, რა მოხდა?

მ ო ხ უ ც ი (თავისთვის)

ვიცი, რაც არის! (ქალს) რას შერებნი, შვილო?

ქ ა ლ ი

ბუზნი!.. კინალამ ბუზმა მიკბინა!..

ლ ე ვ ა ნ

ბუზნი კი არა, ფუტკარი იყო,  
მეც დავინახე! რამ შეგაშინა?  
მაგის ნაკბენი დიდხანს არ გასტანს,  
წყლული ადვილად მოგიშუშდება!  
ახლა რომ გულში ჩაითქვა რამე,  
გამიგონია, აგისრულდება.

კ ა ხ ი

იცი ვინ არის ეგ ქალი, ლევან?

ქ ა ლ ი (თავისთვის)

რა მომივიდა, ვაი სირცხვილო!..

რ ე ვ ა ზ

გელას ქალია. (ხელს ადებს გელას)

კ ა ხ ი

გელა ეგ არის?

გ ე ლ ა

გახლავარ, ჩემო ბატონიშვილო!..

გ ი ვ ი

დიახ, ეს გახლავსთ და მისი ქალაც  
ბატონ-დედოფლის მონათლულია!

გ ე ლ ა

სწორედ!.. და ესეც, დიდი ხანია,  
მისი დანახვის მონატრულია.

კ ა ხ ი

მართლა? მაშ რატომ თავის ნაოლიას  
არ ამოუყვან და არ აჩვენებ?

იცოდე, ხვალვე ამოიყვანე  
და დღეს კი დედას მე მოკახსენებ.

(ქისას იღებს და უპირავს ხელში)

შენ, ჩემო გელავ, გუშინაც შევეცდი.

რომ მოგაწოდე ეს სამოწყალო...

მაგრამ ნათლულს კი ნება მაქვს მივცე:

ჰა, გამომართვი ეს ქისა, ქალო!

გ ე ლ ა

ბატონიშვილო, ნუ გამიწყრებო!

ვინ ბრძანდებოდიო, არ გამიგია,

თორემ, ფიცი, რომ თქვენი წყალოჰა

ტალახიანი ჯოხიც კარგია.

სადა ხარ, შვილო? მოდი! იახელ!

და მოეხვიე მუხლებზე ბატონს

ღმერთი მოხედავს მაგ შენს ობლოზას

და გამოგვიჩენს მფარველს და პატრონს!

(ქალი უპირებს მოხვევას, ირაკლი არ აძლევს ნებას)

## კ ა ხ ი

მაგას ნუ იზამ, სულიერო დაე!  
მოდო, როგორც ძმას მომხვეიე ხელი!  
(თვითონ მოჰხვევს ხელს ქალს და ჯოცნის)  
აბა, მოხუცო, არ დაგავიწყდეს!  
ხვალ სასახლეში უთუოდ გელი!.. (მხლებლებს)  
დროა წავიდეთ აწ, ყმაწვილებო!

## რ ე ვ ა ზ

თქვენი ნებაა! როგორც გვიბრძანებთ!..

## გ ი ვ ი

ჩვენც გამოგყვებით, ჩემო ხელმწიფევე!

## ბ ა ა დ უ რ

ვიახლოთ, ნურც ჩვენ დავიგვიანებთ!  
(მიდიან, რევაზ და თედო ჩამოსხდებიან)

## რ ე ვ ა ზ

რა უთხრა გელას ბატონიშვილმა,  
ხომ გაიგონე, ახლა შენ იცი!  
სულ ორი ბიჭი და ერთი ცხენი...  
ჩამოართვი კი ორივეს ფიცი! (მიღის)

## თ ე დ ო

მესმის, ბატონო! განა არ ვიცი?  
ეგ სულ ადვილი სამსახურია... (თავისთვის)  
მეც გადაგიხდი სამაგიეროს,  
გელავ, მე შენი სისხლი მწყურია!..

## გამოსვლა მთავრად

## მ ო ხ უ ც ი და ქ ა ლ ი

## მ ო ხ უ ც ი

შვილო, რა იყო, რომ შემარცხინე?

ქ ა ლ ი

რა ვქნა, მამილო, უეცრად შეგვკრთი!

მ ო ხ უ ც ი

აკი ვამბობდი: ტყუილია-თქო!  
გენიშნა, განა? ახლა ხომ მიხვდი?  
რალა რევაზის დას დანიშნაედა,  
თუ ნდომებოდა ჯვარის დაწერა?..

ქ ა ლ ი

არა!.. მგონია, აქ სხვა საქმეა,  
რომ მიღალატოს, მაინც არ მჯერა.  
ფუტკრის არაკი რომ მოაყოლა,  
ჩემ გასაგონად სთქვა და არა სხვის!  
ა, აგერ შოდის, დაბრუნებულა,  
და ვნახოთ, თვითონ, აბა, რას იტყვის?

გამოსვლა მიშვიდა

ი გ ი ნ ი ე ე და ლ ე ვ ა ნ (მობრუნებული)

ლ ე ვ ა ნ

დავბრუნდი, რომ შენ გისაყვედურო:  
ისე შეკრთომა განა იქნება?

ქ ა ლ ი

გული ბუდიდან ამომივარდა!  
ახლაც კი მიძგერს!.. შენ გეცინება?..

ლ ე ვ ა ნ

სჩანს, არ ყოფილხარ ჩემ სიყვარულზე  
ჯერ კიდევ კარგად დარწმუნებული,  
თორემ რას დასდევ, ფინც რა უნდა სთქვას?  
ნუთუ საგულეს არა გაქვს გული?

გ ე ლ ა

გაფიცებ, ლევან, მამიშენის სულს,  
ამ საცოდავ ქალს ნუ ეხუმრები!

მართალი არის, ბრმა კი ვარ. მაგრამ  
გონების თვალთ ჯერ ვიყურები:  
თქვენ მხოლოდ ზუმრობთ...

ლ ე ვ ა ნ

(სიტყვას აწყვეტინებს) როგორ თუ ვხუმრობ?  
ვგონებ, თვითონ შენ მწუნობ სასიძოდ!

გ ე ლ ა

ზე თქვენს სიძობას ვერ დავიჯერებ,  
რა ექნა? ხატზედაც რომ შემომფიცოთ!..

ლ ე ვ ა ნ

შენ, ჩემო გელავ, კარგად ვერ მიცნობ:  
სიტყვის გატეხას არ ვარ ჩვეული  
და სათამაშო, საბავშვო ბურთად  
არ მიმაჩნია ეს ჩემი გული!  
უცნაურ ძალით და უნებურად  
შემყვარებია ეგ შენი შვილი,  
და რაღა გაგვყრის ამიერიდან  
უკუნისამდე, თუ არ სიკვდილი?

გ ე ლ ა

კარგი!.. იმაზე მაშ რაღას იტყვით,  
ბატონიშვილმა რომ აქ გიბრძანა?

ლ ე ვ ა ნ

იმან რო ბრძანა, მერე რააო?  
ვალდებული ვარ დავთანხმდე განა?  
თუ საჭიროა, მე და რევაზის  
შეკავშირება და დამოყვრება,  
მეც მყავს ერთი და: განა ელენე  
რევაზს საცოლოდ არ ეკადრება?  
იმათ საცოლ-ქმროდ დაახლოვებას,  
რაღა თქმა უნდა, რომ მეც ვეცდები!  
და, თავის დროზე, ჩემ საიდუმლოს  
ბატონიშვილსაც გამოვუტყდები!

ქ ა ლ ი

მაშ არ შეირთავ იმ რევოზის დას?

ლ ე ვ ა ნ

რომ მკითხავ, თვითონ ვერა გრძნობ განა?

ქ ა ლ ი

ვიცი!.. ვიცი, რომ არ მომატყუებ,  
გინდა გაცრუვდეს ცა და ქვეყანა!  
მაგრამ მამა კი ვერ დავაჯერე,  
გულგატეხილი სხვას მეუბნება!

ლ ე ვ ა ნ

ნუ გაუგონებ, ჩემო სიცოცხლე,  
ჩემო იმედო, ჩემო ოცნება!  
მოხუცი ყველა იჭვიანია  
და არ იჯერებს, რაც მართალია...  
მაგრამ ხომ ნახავს?.. ახლა მშვიდობით!  
მათ უნდა დავწვდე, არა მცალია! (მოდის)

ქ ა ლ ი

აბა, რას იტყვი, ხომ გაიგონე?  
მაგის სიტყვები არც ახლა გჯერა?

გ ე ლ ა

რა ვიცი, შეილო... ვეღარას ვიტყვი!  
შემთხვევა არის და ბედისწერა...

ბამონავლა მერვე

ი გ ი ნ ი ე ე და მ უ შ ე ბ ი მ ო ვ ლ ე ნ

მ უ შ ე ბ ი

ჰაა... გამარჯობა! რასა იქ, გელა?  
არაფერს გვეტყვი დღეს ახალ ამბავს?



გ ე ლ ა

ცოტა რომ ადრე მოსულ-ყავით,  
თვითონ ნახედით კაი სანახავს:  
აქ ბრძანდებოდა პატარა-კახი  
დარბაისლებით... დიდის ამალით!

მ ო ხ უ ც ი გ ლ ე ხ ი

მართლა? ნეტავ ერთი მენახა  
მობრძანებული აქ, ჩემის თვალით!

ა ხ ა ლ გ ა ზ რ დ ა

მართლა რომ კარგი სანახავია!..

მ ე თ ა უ რ ი

რაო? რა ბრძანა? რასა ჰფიქრობენ?

გ ე ლ ა

გაუკრავსთ პირი თავადიშვილებს!..  
რალაცა ამბავს კი აპირობენ...  
ამბობენ: „კმარა, რაც ურჯულოებს  
ვემოწებოდით ამდენსანსაო!  
ახლა კი დროა, რომ მათი სისხლით  
წითლად ვღებავდეთ ალაზნასაო!“

პ ი რ ვ ე ლ ი გ ლ ე ხ ი

ეტყობა, ახლა აღარ ხუმრობენ.

მ ე ო რ ე გ ლ ე ხ ი

ემზადებიან!..

მ ე ს ა მ ე გ ლ ე ხ ი

ჩვენ რალას ვშერებით?

მ ო ხ უ ც ი გ ლ ე ხ ი

რალა უნდა ვქნათ? ჩვენც კაცები ვართ  
და ქული გვხურავს, რათ ჩამოვრჩებით?

მეოთხე გლეხი  
განა როდისმე ჩამოვრჩენილვართ?

მესამე გლეხი  
ან უკან როდის დაგვიხევია?..

მეთაური  
მათ ხმალთან ერთად უჭრია ჩვენსას  
და ფარიც ერთად დაგვიხევია.

მოხუცი  
კი, მაგრამ ყველას რომ აღაზრა გვაქვს  
თოფ-იარაღი?

ახალგაზრდა  
რათ გვინდა შეტი?  
ჩარეულ ომში რაღა ნაკლეა  
შენს ხმალ ხანჯალზე ქვები და კეტი?

პირველი გლეხი  
ცული და წალდი ხომ ყველასა გვაქვს?

მეორე გლეხი  
და ეს კი განა არ გამოდგება?..

(უჩვენებს თოხს)

პირიც კარგი აქვს, ყუაც კარგი აქვს,  
გამომდგარია... რათ უნდა ქება?..  
ვითომ გიმტყუნოსთ?!.. თქვენ არ მომიკვდეთ!  
ნუ გეშინიათ, დაატრიალეთ!

გელა  
თქვენი ჭირიმე, ბიჭებო, თქვენი,  
რომ მაგას ამბობთ!.. თქვენ გენაცვალეთ!

პირველი გლეხი  
ჩვენი მამები თუკი ომობდენ,  
იმათზე ნაკლე ჩვენ რილათი ვართ?  
თუ წინ წამძლოლი ვინმე გვეყოლა,  
გულდაგულ მივალთ!.. ყველა მზადა ვართ!

## გ ე ლ ა

წინამძღოლს ეძებთ? მე, აქ არა ვარ?..  
რათ გავიწყდებათ ნაცადი გელა?

## მ ე თ ა უ რ ი

კი, მაგრამ, დღეს რომ ველარა ხედავს,  
საუბედუროდ მისათვის ბნელა?!

## გ ე ლ ა

ეგ არაფერი!.. მართალი არის,  
ველარას ვხედავ, დამიდგა თვალი,  
მაგრამ, სანამდის გვერდში მიდგია  
და ხელსაც მკიდებს ეს ჩემი ქალი,  
არა მიჭირს რა, ისევ გულადად  
მივეგებები ჩვენი ქვეყნის მტერს.  
გელას დანახვა ჩვეულებრივად  
მათ შეაშინებს და შეუტყვის ფერს.  
თქვენ კი მომყევით!.. მაგრამ ჯერ უნდა  
ჩვენს მეზობლებსაც შევატყობინოთ  
და სავაჟაკო ჩვენი განზრახვა,  
წასაქმებლად ყველგან მოვფინოთ.  
არა გვიშავს რა, ჩვენი ქვეყანა  
ისე მაგრად სდგას, როგორც რომ მუხა:  
მტერი მუმლივით ეხვევა, მაგრამ  
ჯერ ვერ გაახმო, თუმც შეაწუხა...  
„მუმლი მუხასა“ მუშურს რომ ვამბობთ,  
არ ვმღეროთ უაზროდ და უადგილოდ.  
არა, იმაში სიბრძნეა ხალხის,  
გადმონაცემი საშვილიშვილოდ.

## მ უ შ ე ბ ი

შენი გამჩენის ჭირიძე, შენი,  
რომ მაგრე გიჭრის ჭკუა, გონება!  
ეგ შენი კარგი სიტყვა-პასუხი,  
გულს რომ გვიმთელებს, სულს ეფონება!  
წავედეთ, აბა, რაღას ვგვიანობთ?

## მ ე თ ა უ რ ი

მართლა, აწ დროა წავიდეთ ყველა!  
ეს გზა სიმღერით გადავიაროთ!  
აბა, წაგვიძეხ ისევ შენ, გელა!..

(თოხებს გაიდებენ მხარზე. გელა ქალს მიჰყავს წინ და სიმღერით მიდიან)

მუმლი მუხასაო  
გარს ეხვეოდაო!  
გარს ეხვეოდაო,  
ვერას აკლებდაო!  
მუმლი წყდებოდაო,  
მუმლი ქრებოდაო,  
ხე არ ხმებოდაო,  
ხედვე რჩებოდაო!  
მუმლი მუხასაო  
გარს ეხვეოდაო!

## მოკმედება მეოთხე

### სურათი პირველი

სასახლის წინ

ბამოსვლა პირველი

რ ე ვ ა ზ და ს ა ს ა ხ ლ ი ს კ ა ც ი

რ ე ვ ა ზ

ჯერ გამოზრძანდა მეფე, თუ არა?

კ ა ც ი

იქა ბრძანდება დარბაისლებით,  
გივი თან ახლავს და ბაადურცი  
ახლა შევიდა.

რ ე ვ ა ზ

ჩვენც ვიასლებით.

კ ა ც ი

ვერა, ბატონო! არ შეიძლება!..  
ნაბრძანები მაქვს, სხვა არ მივიღო.

რ ე ვ ა ზ

ბატონიშვილის მოციქული ვარ  
და როგორ მიშლი? რას ამბობ, ბრიყუო?!

კ ა ც ი

მაინც ვერ შეხვალთ, ჯერ მოიცადეთ!

ბამონსალა მორე

ი გ ი ნ ი ვ ე   დ ა   თ ე ღ ო   შ ე მ ო ი ქ რ ე ბ ა

თ ე ღ ო

ბატონო! გეძებთ თავქუდმოსხდილი...  
სასახლეშიაც გახლდით, ვერ გნახეთ!  
ლამის გავგეჟდე მე ცოდვის შეილი.

რ ე ვ ა ზ

რა ამბავია?

თ ე ღ ო

რალა რა არის?  
ვერა ვარ კარგი მახარობელი!..

რ ე ვ ა ზ

მოკვდა?

თ ე ღ ო

ავადაც არა ყოფილა,  
იმას წაუწყმდეს შემქმნელ-მშობელი!

რ ე ვ ა ზ

და ეგ არა სჯობს?

თ ე ღ ო

ოჰ, როგორ თუ სჯობს?  
ამდგარა ჩემად და გაპარულა!

რ ე ვ ა ზ

სად გაპარულა?

თ ე ღ ო

ღმერთმა ნუ იცის...

რ ე ვ ა ზ

მერე მამიდა?..

თ ე ღ ო

მოტყუებულა!..

ახლა კი ტირის და თავში იცემს,  
მაგრამ ტირილით რაღას გააწყობს?  
დიღას მღევერები გამოვუყენე...

რ ე ვ ა ზ

ეტყობა კარგად იცნობს ავადმყოფს!  
შენ რაღას უცდი! წადი, მონახე!  
უმისოდ ნულარ დამენახეები,  
თორემ ურმით გღევე!..

თ ე ღ ო

წავალ, ბატონო,  
თუ ვერ ვიპოვნე, თან გადავყვები!  
(შიღის)

გამოსვლა მისაგე

რ ე ვ ა ზ, ლ ე ვ ა ნ შ ე მ ო ღ ი ს

ლ ე ვ ა ნ

რას შვრები, რევაზ? ბატონიშვილი  
მოულოდნელად მიელის პასუხს!

### რ ე ვ ა ზ

რომ არ შემიშვეს?!. დარბაისლები  
შეუყვანია და გული უწუნს.  
შეყრილან ერთად ნააუესალები  
და მეფე იმათ ეთათბირება!..

### ლ ე ვ ა ნ

რა დროს ეგ არის! იმ დალოცვილმა  
არ იცის ახლა რა გვეჭირება?

### რ ე ვ ა ზ

კიდევ ეგ არის, რომ კარგად იცის,  
გულსაც ეგ უტეხს და ეგ აღონებს;  
სიფრთხილზე ჰმართებს ამისთანა დროს  
და პატარა-კახს რას დაუჯერებს?  
მართლაც თათრებთან პირდაპირობა,  
უნდა გამოვტყდეთ, საეჭველია!..

### ლ ე ვ ა ნ

მე აღისკანტი უფრო მაფიქრებს:  
ლეკებთან ბრძოლა უფრო ძნელია!..

### რ ე ვ ა ზ

მეც მაგას ვამბობ... ამდენი ჯარი  
ერთად ჯერ კახეთს არ მოსდგომია.

### ლ ე ვ ა ნ

მეტი რა გზაა? უნდა გავბედოთ!..  
ერთი წამალი მხოლოდ ომია!  
ან გავიმარჯვებთ, ან სულ გავწყდებით,  
მოვიდეს, რაც რომ მოსასვლელია!..  
თორემ ამდენი ტანჯვის ატანა  
სწორედ სიგლაზე-სისულელეა!..

(ცოტა სიჩუმის შემდეგ ხელს დაადებს რევანსა)

რევან! მე ერთი სათხოვარი მაქვს,  
ის უნდა გთხოვო და ამისრულე!  
თუ გამაწბილო და დაივიწყო,  
ღვთის და კაცის წინ იყო მოვალე!

## რ ე ვ ა ზ

რა?

## ლ ე ვ ა ნ

ალისკანტის ჯინი მიჰივებს,  
იმან მომტაცა სწორედ ის ქალი...  
და, თუ სანაცვლო არ გადუხადე,  
მე რაღად მინდა თავი ცოცხალი?  
დავლურში მინდა გამოვითხოვო,  
ან უნდა მოვკლა, ან შევაკვდები!  
თუ, ვინცობაა, მე დამამარცხოს,  
შენ მოერიდე, ნულარ გაჰყვები!

## რ ე ვ ა ზ

რას ამბობ, ლევან? შენ ჩემ წინ მოგკლან  
და ავითანო ის მე გულგრილად?

## ლ ე ვ ა ნ

სწორედ!.. ორგვარი გაწევს შენ ვალი,  
რომ არ აჩქარდე და იყო ფრთხილად:  
პირველი ის, რომ თავის გაწირვით  
ველარას მარგებ, კარგად იცი, მკვდარს!..  
და მეორეც ის, რომ შენ მაგიერ  
ვინღა მოუვლის ჩვენ ცხენოსან ჯარს?  
ერთსაც ამას გთხოვ. თუ ვინცობაა,  
ის ქალი კიდევ სადმე გამოჩნდეს,  
შენ უპატრონე, ჩემ მაგიერად,  
როგორც ღვიძლი და, გებრალეზოდეს!

## რ ე ვ ა ზ

ნეტავ რას ამბობ? რა ღროს ეგ არის?  
ღმერთმა გაშოროს, ძმაო, სიკვდილი!



ბამოსვლა მეოთხე

ი გ ი ნ ი ვ ე   დ ა   შ ი კ რ ი კ ი   შ ე მ ო დ ის

შ ი კ რ ი კ ი

გიცდიან!.. გთხოვენ, მალე მობრძანდეთ!

რ ე ვ ა ზ

ვინ გვიცდის?

შ ი კ რ ი კ ი

ვინ და, ბატონიშვილი!..

(შიდიან)

სურათი მეორე

ღარბაზი

ბამოსვლა პირველი

მ ე ფ ე,   დ ე ღ ო ფ ა ლ ი,   გ ი ვ ი,   ბ ა ა დ უ რ   დ ა   ს ხ ვ ა ნ ი

ბ ა ა დ უ რ

საპყარი მოველ, ვერ გადავეუდგ  
ბატონიშვილის მოციქულობას...  
და თქვენის რისხვით, ჩემო ხელმწიფევე,  
ნუ შეურაცხყოფთ შუამდგომლობას!

მ ე ფ ე

ჩემო ბაადურ! რა უნდა გითხრა?  
მაგის პასუხი ახლა ძნელია!..  
სიჩქარით „პო“ და „არა“ არ ითქმის,  
როდესაც საქმე საეჭველია.  
უანგარიშოდ და უფიქრელად  
საშიში არის ბედის მინდობა!

ვაი, თუ უფრო გავაზვიადოთ  
ახალგაზრდების ჩვენ თავხედობა!

გ ი ვ ი

გვიანლა გახლავსთ ახლა სიფრთხილე!  
ამდენ მუქარას და ამდენ სირცხვილს  
არ გვირჩევნია, ღმერთი ვახსენოთ  
და დავეთანხმოთ ღღეს ბატონიშვილს?

მ ე ფ ე

თქვენ, დედოფალო, რაღას გვიბრძანებთ?

დ ე დ ო ფ ა ლ ი

გვის ვეთანხმები, რადგან ფრთხილია  
და, ძნელ საქმეში წინდახედული,  
ყველაზე უფრო გამოცდილია.

მ ე ფ ე

აქამდე სწორედ მაგრე მეგონა,  
მაგრამ ღღეს ეგვიცი შემცდარია:  
ჯერ უმისოდაც წამხდარი საქმე  
მაგან სულ უფრო არივ-დარია!  
ვერა ხედავდა, რომ ჯერ ირაკლი  
ამოდენ ჯარს ვერ მოგვიგერებდა?  
რათ არ ურჩია? როგორც მის გამზრდელს.  
მაგას ხომ სიტყვას დაუჭერებდა?

გ ი ვ ი

ჩემო ხელმწიფევე, ეგებ ის სჯობდეს,  
ბატონიშვილი რასაც აპირებს!

მ ე ფ ე

როგორ თუ სჯობდეს?! შენი პასუხი  
ვერ გამიგია, სწორედ მაკვირვებს:  
ავად თუ კარგად, ღღემდის ვუძლებდით  
შინ შემოსეულ მტრების მონებას,  
და ღღეიდან კი გარისხებულნი

გამოგვაცლიან ყოველ ქონებას.  
ვერ გაიგონე, რა შემოთვალეს?..  
როგორი სიტყვა და რა მუქარა?  
დღეიდან მაგათ დასამშვიდებლად,  
ხარკი რომ მივცეთ, ის აღარ კმარა...  
უღელზე კიდევ უღელს დაგვადგმენ,  
აუტანელი გახდება ტვირთი!..  
თუ გავუძაღლით, სრულად წაგვლეკავს  
მაგათი ღელვა, მაგათი ზვირთი.

### დ ე დ ო ფ ა ლ ი

ჩემო ხელმწიფევე, არც მაგრე ვარგა  
გულის გატეხა და შეშინება!

### ბ ა ა დ უ რ

ბარემ სულ გავწყდეთ, ის გვირჩევნია!..

### გ ი ვ ი

ჩვენ გავცემთ პასუხს, გვიბოძეთ ნება!..  
საშვილიშვილოდ რომ ამოვვარდეთ,  
აგრე ღმერთს როგორ დავავიწყდებით?  
უთქვამთ: „ცდა ბედის მონახევრეა!“  
ან გავიმარჯვებთ, ან სულ გავწყდებით!

### მ ე ფ ე

კერძოდ თუ მკითხავთ, მეც თანახმა ვარ,  
როგორც მეფეს კი — არ მაქვს უფლება:  
ჩემს ხელში არის მთელი სამეფო, —  
ბედის გამოცდა არ შეიძლება!  
როგორ გავწირო მთელი ქვეყანა,  
ღმერთთან და კაცთან დავრჩე მოვალე?!  
ეს დრო და უამი ცვალებადია!..  
დღეს ვინ რა იცის, რას გვეტყვის „ხვალე“.  
თუ ყმაწვილობით ბატონიშვილმა  
მოულოდნელად ცეცხლში ჩაგვყარა,  
რომ გაასწოროს აწ ის შეცდომა,  
მოვალე არის ჩვენი ქალარა.

## დ ე ლ ო ფ ა ლ ი

რას იტყვი, გივო, ხომ გაიგონე  
ბატონი მეფის ბრძნული ბრძანება?

## გ ი ვ ი

თანახმა არ ვარ, ჩემო ხელმწიფე,  
და პასუხს ვკადრებ, თუ მომცა ნება...

## მ ე ფ ე

სთქვი და მოვისმენთ!

## გ ი ვ ი

გმადლობ, ბატონო!  
ღმერთმა გიკურთხოსთ დიდსულოვნება!  
ყველა ვხედავდით, რაც ჩვენს ქვეყანას  
მოადგა მტრისგან ტანჯვა და ვნება..!  
ყოველ სოფელში, ყოველ ციხეში  
ჩამჯდარი იყო იმათი ჯარი:  
აღარ რჩებოდათ შეუბღალავად  
არა სიწმინდე, ხატი და ჭვარი.  
სიამტკბილობა და მოთმინება  
ჩვენი იმათთან არ გადიოდა,  
ქვეყნის ორგულებს პატივსა სცემდენ  
და ერთგულს ყველას ცრემლი სდიოდა;  
ამით უნდოდათ, რომ საქართველო  
ზნეობით სრულად დაცემულიყო  
და საუკუნოდ, მონების ჯაჭვით,  
მომხიბვლელ მტერთან გადაბმულიყო!..  
ლღეს და ზვლობით ცოტ-ცოტად სენი  
გაუჭდა მხარეს რბილში და ძვალში!  
რომ ცოტა ხანი კიდევ დასცლოდა,  
სიკვდილს უქადდა მას მომავალში.  
მაგრამ გამოჩნდა მკურნალად გმირი,  
რომ ზნეობითი შეევსო ნაკლი  
და უწინამძღვრა...

## დ ე ლ ო ფ ა ლ ი

(სიტყვას აწყვეტინებს) ეს გმირი იყო  
პატარა-კახი! ჩემი ირაკლი?

## გ ი ვ ი

დიახ, ირაკლი! ანდამატივით  
გარს შემოისხა ყმაწვილკაცობა  
და მათ უჩვენა სამაგალითოდ  
პირადი ღვაწლი და მამაცობა:  
დაპყო ცალ-ცალკე გუნდებად ჭარი,  
ყველა კი მასვე ეთანხმებოდა  
და მტერს, თუ სადმე შეიგულებდა,  
მოულოდნელად თავს ესხმებოდა.  
ციხე-კოშკებში ჩაემწყვდა მტერი,  
გარეთ გამოსვლას ვეღარ ჰბედავდა...

მ ე ფ ე (სიტყვას აწყვეტინებს)

ყმაწვილკაცობაც წაქეზებული  
მწარე მომავალს ვეღარ ჰხედავდა!  
დააგდო მტერმა სიმაგრეები  
და აქ მოგვადგა შეერთებულად,  
რომ სრულის ძალით, ბარემ ერთთავად,  
საშვილიშვილოდ გაგვერისონ სრულად!

## გ ი ვ ი

ეგ მართალია! მაგას ჰფიქრობენ  
და ალისკანტიც იმათვე ჰშველის,  
მაგრამ არ სძინავს არც პატარა-კახს!..  
მომსვლელს, იცოდეს, დამხვედრიც ელის!..

## ბ ა ა დ უ რ

ჩემო ხელმწიფევე, იყო დრო, როცა  
დიდსულოვნებით მეც მიგდებდით ყურს;  
დღეს სნეულ-საპყარს რაღა მეკითხვის?  
მაგრამ არ იშლის გული სამსახურს!..  
მეც უნდა გკადროთ უგნური სიტყვა,  
რომ არ ჩავიკლა გულში უთქმელად;

ამ დროში ყველა არ გამოდგება,  
რაც სასარგებლო ყოფილა ძველად.  
ცვალებადია წუთის სამყარო...  
რაც კი არსებობს, ყველა იცვლება!  
წარსული არ ჰგავს აწმყოს, მომავალს,  
სხვადასხვა არის მოთხოვნილება.  
ჩვენი დროება სულ სხვა დრო იყო,  
ახლა კი სულ სხვა დრო და ჟამია!  
მადლობა უფალს, ავიდ თუ კარგად,  
ჩვენ ჩვენი პური მოგვიჰამია!  
ეს დრო მივიანდოთ ახალთაობას,  
იმის რიგია, იმან განაგოს!  
წაახდენს რამეს თუ გააკეთებს,  
ღვთის და კაცის წინ პასუხიც აგოს...  
წინდახედული პატარა-კახი  
არას ჩაიდენს სასინანულოს!  
არ იკისრებდა პირდაპირობას,  
თუ არ ხედავდეს სასურველ ბოლოს.

მ ე ფ ე (ღვლოფალს)

თქვენ რაღას ბრძანებთ?

ღ ე დ ო ფ ა ლ ი

თქვენს ღიდ გონებას  
რაღას შემატებს სიტყვა და რჩევა,  
მაგრამ სიბრძნესაც კი ეჭირვება,  
ზეცის თანხმობა და ღვთის კურთხევა.  
თვით მამაჩემი, მეფე ვახტანგი,  
ამის მაგალითს გვიჩვენებს ნათლად:  
სიმხნით და სიბრძნით თანსწორ განთქმულმა  
თავი შესწირა მის სამშობლოს მტლად.  
მისი სულისდგმა, მისი გულისთქმა  
ქვეყნისთვის ჰქონდა მას შეწირული...  
ყოველი მისი ბიჯის გადადგმა  
თვით სიბრძნე იყო, წინდახედული!..  
მაგრამ შავ ბედის უკუღმართობა  
მას ხელს უშლიდა ყველგან, უეცრად,

და მის ყოველი მეფური ღვაწლი  
ბოლოს რჩებოდა მტერადა და ნაცრად.  
და უცხო მხარეს, იმ ნათლით მოსილს,  
სიკვდილის წინეთ ეს წარმოეთქვა:  
„აქვე დამმარხეთ და საქართველო  
გულზე შედება, ვით სამარის ქვა!  
ზედ ეწერება: „სადაც ვეღარ სჭრის  
სიფრთხილედ და შორსგამკვერეტელობა,  
იქ სჯობნებია გამბედაობა  
და ღეთის ნანდობი საეკველობა“...  
ღღეს ამ ღღეშია სწორედ სამეფო!..

მ ე ფ ე

თქვენც მაგას ბრძანებთ?

ღ ე ღ ო ფ ა ლ ი

დიახ, ბატონო,

მ ე ფ ე

მაშ გაგიწირავს, რაღა, ქვეყანა?  
მაგრამ მსურს ერთიც რამ მოგაგონო:  
ჩვენ ქვეყანასთან ხომ უნდა იქნეს  
პატარა-კახიცი თან განწირული  
და, როგორც დედას ერთი შვილისას,  
რას გეუბნება, რას გირჩევს გული?

ღ ე ღ ო ფ ა ლ ი

როგორც ქართველ ქალს, ჩემი ირაკლი  
ქვეყნის სამსხვერპლად გამომიზრდია  
და სხვა დედებთან მეც ერთად ჩემი  
მოვალეობა გადამიხდია!  
გადახდეს მასაც გადასახადი,  
ქვეყნის სამსხვერპლო სესხი და ვალი!..  
და ჩვენც ღმერთს ვთხოვოთ: აუმჯობესოს  
მისი ვარსკვლავი და მომავალი...

მ ე ფ ე (დიდის ფიქრის შემდეგ)

მაშ, კარგი ახლა მეც გეთანხმები!  
უკუმიგდია ჩემი სურვილი!..  
ნება გაქვს, გივო, ახლავ წახვიდე  
და შემომგვარო თავხედი შვილი.

ბამოსვლა მორე

ი გ ი ნ ი ვ ე და პ ა ტ ა რ ა - კ ა ხ ი ა მ ა ლ ი თ

მ ე ფ ე

დარბაისლების მოციქულობამ  
და დედაშენის სურვილმა გასჭრა!..  
მაგრამ ხომ ჰხედავ, რომ სნეულობამ  
ასე უეცრად გულს ისარი მკრა?  
არ შემძლია ჩვეულებრივად  
რაზმის დაწყობა... ომში ტრიალი...  
და მოახერხებ შენ, რომ იკისრო  
წინდახედულად დღეს ჩვენი ვალი?

კ ა ხ ი

ვეცდები თქვენის ხელმძღვანელობით.

მ ე ფ ე

კეთილი! მაგრამ რისი იმედით?  
იმათი ჯარი უთვალავია!

კ ა ხ ი

არა გვიჭირს რა, ჩვენც მზადა ვართ ღვთით...  
მართალი არის, იმათი ჯარი  
ჩვენსაზე ცხადად უფრო ბევრია,  
მაგრამ გავუძლებთ მათ ვაჟკაცობას!..  
რიცხვით მეტობა არაფერია!..

გ ი ვ ი

იმათზე უფრო მე ალისკანტი  
მეჩოთიერება და ის მაფიქრებს:



სამი ათასი ლეკით მოსულა  
და მისასკლელზე მტერს ზურგს უმაგრებს.

ბ ა ა ლ უ რ

დალაზეროს ღმერთმა! რა მედროვეა?!  
რომ ველარ გაძლა ის ჩვენი სისხლით?!  
ნეტავ შემეძლოს, ახლაც დავლურში  
რომ გამოვიხმო, თქვენის სიცოცხლით!  
ჩემ დროში მაგას ბევრი სხვა სჯობდა,  
მაგრამ სუყველას დედა ვუტირე!..

კ ა ხ ი

ნუ გეშინია... იმას ამ დროშიც  
გამოუჩნდება მოპირდაპირე!..

მ ე ფ ე

თუში ბევრი გეყავს?!

კ ა ხ ი

სამასი კაცი!

მ ე ფ ე

ფშაე-ხეცსურები?

კ ა ხ ი

ცხრაასიოდე!

მ ე ფ ე

სარდლად მიეცი მათ ჭავჭავაძე!..  
ლეკებს ეომონ მხოლოდ, იცოდე!

კ ა ხ ი

ჩვენც ეგ დავსკვენით...

მ ე ფ ე

მემარჯნე სარდლად  
ვინა გყავს, შვილო, გამორჩეული?

კ ა ხ ი

ქვაბულიძეა, ლევან...

მ ე ფ ე

მემარცხნედ?

კ ა ხ ი

მემარცხნედ რევაზ ბებურიშვილი,

მ ე ფ ე

მიმშველი ჯარის?

კ ა ხ ი

ჯანდიერია!

მ ე ფ ე

მოწინავესი?

კ ა ხ ი

მე ვარ, ბატონო!

მ ე ფ ე

შენა ხარ? ეგ კი უხერხულია!  
არ შემიძლია, რომ მოგიწონო!  
შენ უნდა დარჩე მთავარსარდალთან,  
რომ ყოველის მხრით გეჭიროს თვალი!  
სარდალს არ ჰფერობს მოწინაობა,  
როდესაც სულ სხვა იწოდებს ვალი...

კ ა ხ ი

თქვენი ნებაა!

მ ე ფ ე

მაშ კარგი, შვილო!

ახლა კი დროა გზა დაგილოცო!..  
ეს მინდა, გულზე რომ გადაგკიდო...  
ჯერ კი მუხლმოყრით უნდა აკოცო  
ამ ძელქვეშმარტს და ამ სასწაულს!

ეს იყოს, შვილო, შენი მფარველი!  
ახლა კი ადექ, მომიახლოვდი,  
გადაგეხვევი, მომხვიე ხელი! (აკონის)  
მშვიდობით, შვილო, მაღალმა ღმერთმა  
გიწინამძღვროს და მოგმადლოს ძლევა!  
ახლა დედასთან მიდი... იახელ  
და გამოსთხოვე ლოცვა-კურთხევა! (ცრემლები ვრევა)

### დ ე ღ ო ფ ა ლ ი

დედაშვილობის გამჩენმა ღმერთმა  
გაკურთხოს, შვილო, გზა წარგიმართოს! (აკონის)  
გიეო, გაბარებ უკანასკნელად  
და ნუ გაუშვებ საომრად მარტოს!

(ეთხოვებიან. ირაკლი გადის ამალით. გივი გაჰყვება. სიჩუმეა, მეფე აღელვებულა და ორივე ხელები გულზე აქვს მიღებული: დედოფალი ცრემლებს იწმენდს. ქალები ჩუმად ქვითინებენ).

### ბ ა ა დ უ რ

როგორ ბრძანდები, ჩემო ხელმწიფევე?  
გულის ფრიალმა გიკლოთ თუ არა?

### მ ე ფ ე

ლამის მამიდნოს, ჩემო ბაადურ!  
ახლა კი ცოტა გადამიარა. (სიჩუმე)  
(დედოფალს) მტერი მიიღებს პასუხს თუ არა,  
უეჭველია, ბრძოლაც ასტყდება  
და დედა-წულის აქ დატოვება  
საშიში არის... არ ევარგება!..  
ჩვენც, დედოფალო, უნდა წავიდეთ,  
აქ აღარავის მოგვასვენებენ.  
სუყოველიფერ აქაურ ამბავს  
იქ შიკრიკები მოგვახსენებენ.

### დ ე ღ ო ფ ა ლ ი

ჩემო ხელმწიფევე, მე სუყოველთვის  
ვყოფილვარ თქვენი სურვილის მონა,

მაგრამ დღეს უნდა სიტყვა შეგკადრო  
და შემისრულეთ ეს ერთი თხოვნა:  
მინდა, რომ შვილის მახლობლად დავრჩე...  
მის მოქმედებას თვალთ ვუყურო  
და თანდასწრებით, ან მწუხარების,  
ან სიხარულის ცრემლები ვღვარო!

### ე ლ ე ნ ე

დიდო ხელმწიფევე, ჩვენც გადავწყვიტეთ,  
რომ აქვე დავრჩეთ ყველა მახლობლად,  
ჩვენის ქმრების და ჩვენის შვილების  
სანუგეშოდ და გასამხნეებლად.

### ბ ა ა დ უ რ

ბატონო მეფევე! მეც მინდა დავრჩე,  
ამათი ხედური გავიზიარო;  
რომ ფეხალაგობ, შემომსევ მტერზე,  
ეს ძველი ხმალი კიდევ ვიხმარო (სიჩუმეა)

### დ ე დ ო ფ ა ლ ი

პასუხს მოველით და რას გვიბრძანებ?

### მ ე ფ ე

რალა უნდა ვთქვა? (აღლევებით) მეც თქვენთანა ვარ!  
(დედოფალს) ერთად სიცოცხლე, ერთად სიკვდილი,  
ჩემის გვირგვინის გვირგვინო, თამარ!..

(ფარდა დაეშევა)

### მოქმედება მეხუთე

სცენა: შალღობი ადგილი.

ბამონსვლა პირველი

მეფე, დედოფალი, ბაადურ, ელენე და ძმალე

მეფე (დურბინით გადაჰყურებს)

საკვირველია, ამ სიშორიდან

ისე სჩანს ყველა, თითქოს სარკეში:

ალაზნის პირად დამდგარა ჯარი,  
მხოლოდ ლეკები ჩამსხდარან ტყეში.

დ ე ღ ო ფ ა ლ ი

ომი დაიწყო?

მ ე ფ ე

დიდი ხანია...

შემოკრული ჰყავს მტერი ქართველ ჯარს  
და იერიშით პატარა გუნდი  
ტყისკენ აწვება ლეკების საფარს...  
მაგრამ ეს მცირეც შუა გაიყო!..  
ნეტავ რას ნიშნავს, ვერ შემიტყვია?!  
თუშის ჯარსა ჰგავს, ჩამოშორდა სხვებს  
და მარჯვნივ განზე გადაუხვია!

ბ ა ა ღ უ რ

ეგ ნოშრევანის ხერხი იქნება:  
გამოსძებნიდა სადმე სუსტ მხარეს  
და, ორთა შუა თუ მოიმწყვდია,  
მტერს დააყენებს სიცხე-სიმწარეს!

დ ე ღ ო ფ ა ლ ი

ღმერთო, მოგვხედე წყალობის თვალით!

ქ ა ლ ე ბ ი

ნუ მოგვაკლებ ღლეს შენს მოწყალებას!

ბ ა ა ღ უ რ

ამინ!.. უფალო! გადაგვარჩინე  
მათ მწარე უღელს და ამ წვალებას!

მ ე ფ ე

დაიძრა ლეკი... მინდვრად გამოდის...  
მიკვირს, საფარში რომ ველარ დგება?!

ბ ა ა ღ უ რ

არ მოგახსენეთ?! უთუოდ სხვა მხრით

თუში მოექცა და ის აწვება.  
გაიქცენ?

მ ე ფ ე

არა, წინ არ უშვებენ,  
ყოველი კუთხით შეუკრეს გზები.

დ ე ღ ო ფ ა ლ ი

ოჰ, ღმერთო, შენს მადლს! ღმერთო, მოგვხედე!

მ ე ფ ე

როგორ მისცვივდენ ფშავ-ხევსურები!

ბ ა ა დ უ რ

ჰიი, თქვენს გამჩენს კი ვენაცვალე  
და თქვენს მარჯვენას, თუშ-ფშავ-ხევსურო!

მ ე ფ ე

ლეკის საფრიდან გამოდის ჯარი,  
თუში ყოფილა, თუშმაც მკლასწრო!  
ჰა, ჩაერიენ... გუნდი გუნდს ებრძვის...  
გაერთდენ! ომი ხელდახელია!  
ორივე მხარე საოცრად იბრძვის,  
ჯერ გამარჯვება საეჭველია.  
აგერ ვიდაცა ლეკის რაზმიდან  
გამოდის... ცხენი გამოახტუნა...

ბ ა ა დ უ რ

დავლურში იწვევს უთუოდ ჩვენსას,  
მაგრამ თუ ერთი ბედმა უმტყუნა...

მ ე ფ ე

გაჰყვა ვიდაცა... მაგრამ, ჰო! ჰო! ჰო!  
მისვლის უმაღვე ძირს ჩამოვარდა.  
მეორე გადის... ესეც დამარცხდა!  
რა ვქნა? ჩვენებს დღეს რა დაემართა!

ბ ა ა დ უ რ

ვაი თუ თვითონ აღისკანტა?  
ბევრს გააფუჭებს შეჩვენებული!..  
მოდის და ახლა, ამის გამგონეს,  
ნუ მოგიკვდება, ბაადურ, გული  
(თავს იქნევს)

მ ე ფ ე

ორი გავიდა ერთად... პირველმა  
მოატრიალა უკანვე ცხენი...  
ძირს ჩამოვარდა... მეორემ მოჰკლა!..  
ეჰე! ჩვენსასვე ჰკლავს ისევე ჩვენი?

ბ ა ა დ უ რ

მტერი იქნება! ალბათ ვერ ჰხედავთ...

მ ე ფ ე

კიდევ აპირებს ვიღაც გამოსვლას  
და არ უშვებენ, გარს ეხვევიან...

ბ ა ა დ უ რ

შეჩვენებულმა ეგვიც არ მოჰკლას!

მ ე ფ ე

ვერ შეიკავეს... გამოდის... ღმერთო!  
ამას რას ვხედავ?.. ვგონებ, ირაკლი!..

დ ე დ ო ფ ა ლ ი

ირაკლი?!

მ ე ფ ე

დიახ, ირაკლის მოჰგავს!

ბ ა ა დ უ რ

ღმერთო, შენ მიეც ძლევა და მადლი!

მ ე ფ ე

მოჰკლეს!

დ ე დ ო ფ ა ლ ი (იკივლებს)

ირაკლი?!

მ ე ფ ე

მოპირდაპირე, —  
ნულარა სწუხარ აწ, დედოფალო!

დ ე დ ო ფ ა ლ ი

სჩანს, ბედი ისევ ჩვენსკენ ყოფილა,  
დიდება შენდა, ღმერთო-უფალო!..

ბ ა ა დ უ რ (ალტაცებით)

არ გაჰყვებოდა პატარა-კახი,  
თუ არ ჰქონოდა გული საგულეს.

მ ე ფ ე

გატყდენ ლეკები! აღარ იბრძვიან...  
ახლა კი სწორედ ჩვენებმა სძლიეს!  
ლეკებთან ერთად სხვებიც შეჩერდენ,  
პირი იბრუნა, გაიქცა მტერი!  
ჰა! დაედევნა ცხენოსანთ ჯარი,  
რა საოცარი ავარდა მტკერი!..  
თვალთ აღარა იხედება რა!..  
მაგრამ ცხადია, რომ დაგვრჩა ძლევა!..

ქ ა ლ ე ბ ი

წმინდა გიორგი ალავერდისა,  
მოგვმადლე შენი ლოცვა-კურთხევა!..

გამოსვლა მეორე

ი გ ი ნ ი ე ე და შ ი კ რ ი კ ი შე მ ო დ ის

შ ი კ რ ი კ ი

ბატონო მეფევე! ნუ მოგიშალოს  
ღმერთმა დიდება და გამარჯვება!



დამარცხდა მტერი... გაიქცა კიდეც  
და შიშით უკან ვერ იხედება!..  
თუ ლეკებს არა, ჩვენ აქამდისაც  
ღავამარცხებდით ყოველგან თათარს,  
მაგრამ ლეკებმა ნამეტანი ჰქნეს:  
სამაგალითოდ უმაგრებდნენ მხარს!  
საოცრად ჰბრძოდნენ, სანამ ალისკანტი  
არ მოჰკლეს, მათი ბელადი-ლომი;  
მაშინ კი სწორედ შეშინდა ლეკი,  
ზარი დაეცათ და შეწყდა ომი.

### მ ე ფ ე

საპირდაპიროდ რომ გამოვიდა,  
ის ალისკანტი ხომ არ ყოფილა?

### შ ი კ რ ი კ ი

სწორედ ის გახლდათ, ჩემო ხელმწიფევე,  
და ჩვენი მხრითაც ბევრი იმსხვერპლა,  
ვინც კი გავიდა, ზედიზედ მოჰკლა!  
გაძნელდა მისი პირდაპირობა!..  
ბოლოს გავიდა ლევანიც, მაგრამ  
ალარ დასცალდა მისი გმირობა:  
თან გაჰყვა ლევანს ბებურიშვილი,  
რომ გასაჰირში მოხმარებოდა,  
მაგრამ, როდესაც ლევან ბელადის  
შუა გაპობას ეპირებოდა,  
გავარდა თოფი ამ დროს რევაზის  
და უცაბედად ლევან დაიჭრა.

### ე ლ ე ნ ე

უი! ჩემს თვალებს!

(გულს ეყრება, ქალები მისცივილებთან).

### დ ე დ ო ფ ა ლ ი

მხოლოდ დაჭრილა...

## შ ი კ რ ი კ ი

ნუ გეშინიათ, არა უჭირს რა!..  
შეშინებულმა ლექმა რომ ნახა  
მოულოდნელად სხვისგან დაჭრილი,  
გული მოეცა და იქვე მოკლა  
ხმალდახმალ რევანზე ბებურიშვილი...

## მ ე ფ ე

მერე გავიდა ბატონიშვილი?..

## შ ი კ რ ი კ ი

ბევრი უშალეს, არ დაიშალა...  
მასაც მოასწრო წყეულმა თოფი  
და მოსულს უმალ გულზე ახალა.

## დ ე დ ო ფ ა ლ ი (იკვლებს)

ირაკლი დასჭრეს?..

## შ ი კ რ ი კ ი

არა, ბატონო!  
მის ძელქეშმარიტს მოხვდა ის ტყვია,  
ხატი გაჭეჭყა და ბატონიშვილს  
არც კი უგრძენია, არ შეუტყვია.  
მიაგდო ცხენი ხმალდახმალ მტერზე,  
შუა გაჭკვეთა ერთის შემოკვრით  
და მაშინ მტერმაც ომი შესწყვიტა  
ყოველის კუთხით და ყოველის მხრით.

## ბ ა ა დ უ რ

გაიქცენ?

## შ ი კ რ ი კ ი

დიახ, და ჩვენი ჯარიც  
უკან მოექცა, აღარ ასვენებს.

## დ ე დ ო ფ ა ლ ი

გივი სად არის?

შ ი კ რ ი კ ი

ბატონი შეილთან!  
ორივე ერთად წინ უძღვის ჩვენებს.

ბაზოსვლა მისამდე

ი გ ი ნ ი ვ ე დ ა მ ე ო რ ე შ ი კ რ ი კ ი შ ე მ ო ი ქ რ ე ბ ა

მ ე ო რ ე შ ი კ რ ი კ ი  
ბატონო მეფეე!

მ ე ფ ე  
რა ამბავია?

მ ე ო რ ე შ ი კ რ ი კ ი  
ცული ამბავის დამარცხდა ჯარი!..

მ ე ფ ე  
კი, მაგრამ ვისი?

მ ე ო რ ე შ ი კ რ ი კ ი  
ჩვენი, ბატონო!  
გამარჯვებული დარჩა თათარი!

მ ე ფ ე  
თათარი?! (1-ლ შიკრიკს) აკი ჩვენ გავიმარჯვეთ?

პ ი რ ვ ე ლ ი შ ი კ რ ი კ ი  
მე რომ იქ გახლდით, მტერი გაიქცა!

მ ე ო რ ე შ ი კ რ ი კ ი  
გადატრიალდა ხელახლა ბედი  
და რისხვით თავზე დაგვატყდა ზეცა;  
ალაზნის პირად, ერთ ხეობაში,  
მტერი ყოფილა ჩასაფრებული,  
ჩვენ არ ვიცოდით... იქ შეგვიტყუეს

და ასტყდა ბრძოლა გამწარებული.  
დიდძალი ჯარი ამოგვიწყვიტეს,  
გივი მოგვიკლეს და ჯანდიერი.  
ბატონიშვილი დარჩა შუაში  
და გარს ეხვევა ურიცხვი მტერი...

მ ე ფ ე

ვაიმე, შეილო!

დ ე დ ო ფ ა ლ ი

უი შენს დედას!

ქ ა ლ ე ბ ი

ვაი და უი! ამ დღის მოსწრებას!

ბ ა ა დ უ რ (მსახურებს)

წამიღეთ ჩქარა, იქ მიმიტანეთ,  
რომ მივეგებო უბედურებას!..

დ ე დ ო ფ ა ლ ი

მეც წამიყვანეთ! ჩემ ირაკლისთან,  
რომ მისი ბედი გავიზიარო!

მ ე ფ ე

მე კი ვილასთვის და რაღათ დავრჩე?  
წავალ, რომ მათთან სისხლი დავღვარო!

ე ლ ე ნ ე

ჩვენ რაღას ვუცდით?

ქ ა ლ ე ბ ი

წავიღეთ ყველა  
ჩვენ ძმებთან, ქმრებთან და ჩვენ შეილებთან!

ე ლ ე ნ ე

და მათთან ერთად პირნათლად წარვდგეთ  
შეურცხვენელად იმ ჩვენ ძველებთან!

(ლეჩაქებს მოიხიან და მიდიან)

## ბამოსკლა მართხე

ი გ ი ნ ი ე ე და პ ა ტ ა რ ა კ ა ხ ი

ჟ ე მ ლ ა

ამას რას ვხედავთ?

კ ა ხ ი

გამარჯვებული  
თვითონ მოვდივარ მე მახარობლად!  
ისე გავწყვიტეთ მთელი ლაშქარი,  
რომ აღარ დარჩა არც ერთი მთხრობლად.

დ ე ' დ ო ფ ა ლ ი

რას ამბობ, შეილო?

კ ა ხ ი

ძლევას გილოცავ!

მ ე ფ ე

მაშ ეს შიკრიკი?

კ ა ხ ი

მე გაახელით  
მაშინ, როდესაც იმედმიხდილი  
სიკვდილს ვფიქრობდი ჩემივე ხელით:  
მოულოდნელად შემოგვეკრა მტერმა,  
გზა აღარ გვექონდა ჩვენ წასასვლელი,  
ველარ ვითვლიდით მკვდრებს და დაქრილებს,  
ისე აივსო იქ ტყე და ველი!..  
მაგრამ მოგვესმა შორით გუგუნის,  
ხმა „ჰკა მაგასა“ და ზედ კიჟინა;  
მოზღვავედა უცებ სულ გლეხკაცობა,  
მტერს მიესია და დაუშინა!  
შეიქნა ქვების ზუზუნ-ზუზუნის:  
თოხის და კეტის გაჩნდა ტრიალი;  
ამ უცნაურმა სანახაობამ

მტერს წაუხდინა გული და თვალი:  
დაჰყარეს შიშით მათი ფარ-ხმალი,  
მხოლოდ სიცოცხლეს გვევედრებოდენ  
და, გასაქცევი გზა რომ არ ჰქონდათ,  
ალაზანშიაც კი ვარდებოდენ!  
გადაწყდა ომი! მტერი მოისრა,  
ნუ მოგეშალოსთ შვება და ლხენა!

მ ე ფ ე (ალბათებით)

აკურთხოს ღმერთმა შენი გმირობა  
და სასიკეთოდ გიძლოდეს ზენა! (ეხვევა)

დ ე დ ო ფ ა ლ ი

აქ მოდი, შეილო, ჩამეკარ გულში!  
შენ გენაცვალოს ეს ძუძუები!  
შენგან გამოხსნილ ჩვენ სამშობლოსთან  
მეც ერთად, შეილო, დღეს ვიბადები! (ეხვევა)

ბ ა ა დ უ რ

გვიბოძეთ ხელი, რომ გეამბოროთ  
და სიხარულის ცრემლი დაეღვაროს!

კ ა ხ ი

მაგრამ სიხარულს ნაღველიც თან სდევს,  
საუბედუროდ და სამწუხაროდ!..  
ნათლის გვირგვინიც უფერულია,  
თუ გარეშემო აღარ აქვს სხივი!  
რალაა ჩვენი დღეს გამარჯვება,  
როცა აღარ გვეყავს მოხუცი გივი?  
არ დაუგდია მას ბრძოლის ველი,  
თუმც სასიკვდილო გულს აჯდა ტყვია;  
და გაქცეული რომ ნახა მტერი,  
უკანასკნელად გადამეხვია!..  
მითხრა: „მშვიდობით, ჩემო გაზრდილო,  
გახსოვდეს ღმერთი და საქართველო“.  
ეს სთქვა და მეტი აღარ დასცალდა,  
წითლად შეღება მან მწვანე მდელო.

მ ე ფ ე

ღმერთმა აცხონოს!..

დ ე დ ო ფ ა ლ ი

აცხონოს ღმერთმა!  
ჩვენის ქვეყნისთვის უძგერდა გული.

ბ ა ა დ უ რ

და ღირსეული ღირსად მომკვდარა  
სამაგალითო მამულისშვილი!..

კ ა ხ ი

ბედმა ეს ტანჯვა რომ არ მაკმარა?!  
გამიორკეცა გულისტკივილი:  
ლევანი, ჩემი მარჯვენა ხელი,  
მეტად საეჭვოდ არის დაჭრილი!..  
ნაბრძანები მაქვს, აქ მოიყვანონ...  
რომ მოვეუაროთ, ჩვენი ვალია!... (მოჰყავთ)  
ა, კიდევ მოჰყავთ! ხომ ცოცხალია?

მ ს ა ხ უ რ ე ბ ი

თქვენს სასახლესთან სული დალია!

ე ლ ე ნ ე

უი, მიშველეთ! (ქალები მისციფიგებთან)

ქ ა ლ ე ბ ი

სსსუ! დაგავიწყდა,  
სადა ხარ, ქალო? ვის ეკადრება?

კ ა ხ ი

ვაიმე, ძმაო!.. შენი დაკარგვით  
გამიორკეცდა ღღეს მწუხარება!..

მ ს ა ხ უ რ ე ბ ი

ბატონო, ვილაც უცხო ყმაწვილი  
ვნახეთ დაჭრილი, ტყის პირად ეგდო

და შეგვეხეწა: „ნუ დამაშორებთ,  
ლევანთან ერთად მეც წამიღეთო“.

მ ე ფ ე

ვინ ყმაწვილია?

კ ა ხ ი

ერთი ვილაცა,  
უცხო ჩვენ ჭარში გამოერია:  
იმის მშვენიერ, ბავშვურ სახეზე  
ჭერ არც ულვაში და არც წვერია;  
ლევანს დასდევდა, არ შორდებოდა,  
ნაცნობს ვერავის ვერ მივამგვანეთ!..

მ ე ფ ე

ვინც უნდა იყოს... ჩვენი ყოფილა!..  
მიღით და ახლავ შემოიყვანეთ...

გამოსვლა მახუთე

ი გ ი ნ ი ე ე და შე მ ო ა ქ ე თ და კ რ ი ლ ი

და კ რ ი ლ ი

სად არის ლევან? აბა, მიჩვენეთ!  
ეს არიყ, აგერ რომ ასვენია?  
რისთვის მიშორებ, შენ გენაცვალე?  
რომ მიმატოვე, არა გრცხვენია?!  
„ერთად სიცოცხლე, ერთად სიკვდილი“,  
ასე არ იყო ჩვენი პირობა?  
და შენ კი გინდა სიტყვა გასტეხო?  
ამას იფერებს შენი გმრობა?  
აჰა, გიბრუნებ შენსვე საწინდარს,

(იხსნის გულს, აიგლეჯს რაღაცას და გულზე ადებს)

თვით ღმერთი იყო ჩვენი თავმდები!..  
შენ კი აქავე მიშორიებდი,  
მაგრამ მე იქაც არ მოგშორდები!..  
წავიდეთ ერთად... (ჩაეკვრება და კვდება)



მსახური

ქალი ყოფილა!

ყველა

ქალი ყოფილა?

მეფე

ვინ არის, ნეტავ?

ბამონსვლა მებეკვსა

იგინივე და მოხუცი შემოდის მედიდურად

მოხუცი

ვიცი, ვინც არის, ჩემო ხელმწიფევე,  
უსინათლო ვარ და მაინც ვხედავ!..  
მაგრამ მაგისტვის ჯერ არ მცალია...  
ბატონო მეფევე, ძლევა მოსილო,  
ადიდოს ღმერთმა შენი მეფობა!  
და შენც გმირთგმირო, ბატონიშვილო,  
ამიერიდან საშვილიშვილოდ  
კურთხეულ იყოს შენი სახელი,  
რომ შენთან ერთად იდიდებოდეს  
შენი მშობელი, შენი გამზრდელი!..  
დღემდის ტანჯული ჩვენი ქვეყანა  
შენით სულს ითქვამს აწ თავისუფლად,  
და შენც, უფალო, ამდენი ტანჯვა  
სამარადისოდ იკმარე მსხვერპლად!..  
ახლა კი, შვილო, შენთან მოვდივარ!..  
აბა, მიჩვენეთ, მივიდე ვნახო,  
რომ ხმალიძიანთ უკანასკნელ მსხვერპლს  
უკანასკნელად ხელი შევანხო. (დაუჩოქებს)  
აქა ხარ, შვილო? ეს ვინლა არის?  
შენი ლევანიც აქა გყოლია?  
მადლობა უფალს, რომ მაგის ჯაერი

სამარეში თან არ ჩაგყოლია!  
ერთად წასულხართ... აქ არ გელირსათ  
ბედნიერება, შვება და ღვინი,  
მაგრამ იმ სოფელს, სამაგიეროდ,  
დაგედგასთ თავზე ნათლის გვირგვინი!  
(მოეხვევა. ზარების რეკა. მოისმის)

მ ე ფ ე

ჩუ!

დ ე დ ო ფ ა ლ ი

ნიკოლოზი ალავერდელი  
პარაკლისს იხდის, სჩანს, სამადლობელს!...  
ჩვენც ღმერთს მადლობით ავუპყრათ ხელი,  
რომ თაყვანი ვცუთ მის დიდ განგებას  
და მოვიყაროთ მუხლები მის წინ. (იჩოქებს)

მ ე ფ ე

„აღდეგინ ღმერთი და განიზნინენ  
ყოველნი მტერნი იმისნი!“

ყ ვ ფ ლ ა

ამინ!

(ისმის რეკა. ფარდა ნელ-ნელა ეშვება)

# უკუაქა ფშაველა

## მიგლია

### I

თ ა ლ ა ლ ი (ღელა)

პურა შაჰამე, ნუ სჩქარობ,  
შვილო, სილაღეც დედისა,  
ჯერ ვეროთ გადაავლიეს,  
კიდევ მაასწრობ მთებისა.

გ ი გ ლ ი ა (შვილი)

რას ამბობ, დედაე, ნეტარა,  
განა ქორწილში ვარაო?  
ხმალი რა იქნა აქითა,  
ან ჩემი თოფი ხარაო?  
ალარსად სამკლავენი ჩნან,  
ალარც ფარი და ჩაჩქანი!..  
ვინრა-რა ფიქრობს, გიგლიას  
გააღებინოს ალმანი?

დ ე ლ ა

შენ არ მაუკვდე დედასა,  
შენზედ არ დავჯდე მტირალი,

სხვა მე აქ არეინ მინახავ,  
დილას კი იყო მყვირალი.  
აბჯარნიც თავისნი ჰქონდენ,  
თავის ლურჯანედ იჭდაო;  
ცხენზეით არ ჩამამხდარა,  
თამარს შენ ამბავ ჰკითხაო  
და დაგიბარა: აჩქარდი,  
წამო ახადის გზითაო;  
მე სალეკოს ყელს შაუკრავ,  
გიგლია — საყორნისასო.  
ეს ორი გზა აქვს ლეკებსა...  
ჯავრსაც არ შავკამთ მტრისასო.  
თუ ისრე: გადააელევენ  
ლეკნი გოდერძათ თინასო,  
უთხროდი, თოფი დაჰკროდეს  
იმ დალისტანელს წინასო.

#### გ ი გ ლ ი ა

მართლა, ი, ქალკუპრ რა იქნა?  
იმის ონარი იქნება!

#### დ ე დ ა

შენს საჩოხეს სძახს, სილაღევ,  
და ცხარის ცრემლით იღვრება.

#### გ ი გ ლ ი ა

წადი, გამიგე, დედაო,  
შორი გზა მაქვის სავალი,  
მათურის-თავი, ხოშარა, —  
მთები მაქვ გადასავალი.  
დედა (გადის თამართან)

ქალო, გიგლია კითხულობს  
აბჯართ, შენ დაუმალო?

#### თ ა მ ა რ ი

მე. ნუ გავუშვეწთ გიგლიას,  
წუხელ ცუდ სიზმარ ვნახეო.

ემაგას მტერი მოგვიკლავს,  
ცა თავზედ დაგვეხურება.

ღ ე ღ ა

სირცხვილი არის კაცისად,  
ქვეყანა დაემდურება...  
ან კი ისითა რა ჰნახე?  
შენ ხომ არა ხარ მისანი?

თ ა მ ა რ ი

მე ისი ვნახე, დედაო,  
სხივნი გამქრალიყვნენ მზისანი;  
დალეწილები ეყარნენ  
აბჯარნი ჩემის ძმისანი.  
ჩვენ სახ-კარ ჩამოშლილიყო,  
იდგა ოხერი, ტიალი,  
თავს დაჰბრუნაედენ ყორნები,  
ჩხაოდენ, ედგათ გრიალი.  
ვტიროდი, „ვაჰმეს“ ვიძახდი,  
თმანიც სუ ჩამომდიოდა;  
ჩვენის გიგლიას ლურჯაი  
ქალაზე შამოხვიოდა.

ღ ე ღ ა

რა გაიგება? ჩვენ მაინც  
ვერ დავაბრუნებთ სიზმრითა,  
მდევერად ათასჯერ ყოფილა,  
ჩემო სილაღეე, — იმითა.  
კაცს მიტომ კაცსა ვეძახით,  
უნდა წელს ერტყას ხმალია;  
მაშ რა უნდა ვქნათ, ხომ ჰხედავ,  
ფშავლები მტერმა დალია?!  
ახალი ლეკებს აუკლავ,  
იქით წაუსხამ ტყვეები...  
სუ სისხლით გადაუბასრავ  
უკვენაფშავის კლდეები.

(თამარი ადგება, გაალებს კიღობანს და ამოი-  
ლებს გიგლიას იარაღს. დედა და თამარი გა-  
მოვლენ გიგლიასთან, თამარი ტირილით მის-  
ცემს გიგლიას ხმალს, თოფს, ფარს, ჩაჩქანს  
და სხვა საომარ იარაღს; უნდა უთხრას რამე,  
მაგრამ ვერ ამბობს, გული ყელში ებჯინება.  
ამ დროს გიგლიასთან აჩქარებით მოვარდება  
მეზობლის ქალი).

### მ ე ზ ო ბ ლ ი ს ქ ა ლ ი (გიგლიას)

შენს თვალთ ენაცვლოს შენი და  
შე ფშავის-ხევის იმედო!  
წადი, დაღისტნელთ აჩვენე,  
როგორს ყმებსა ჰზრდის ჩარგალი,  
სვაეებს დაუგდე სადილად  
იმ ძალთი ძალლი სარდალი.  
შამასწვრას ლაშარის-ჯვარმა,  
მოხვიდე გამარჯვებული,  
გეკიდოს მტრისა ხელები,  
მხარილლივ გადაგდებული.  
ჰა გიდი, გოდერძათ ქალო,  
ლეკთა სატყვეოდ გაჰხეო!  
მეშვლად მოგივა გიგლია,  
ფშავის არწივი ნახეო.  
არწივმა მხარნი დაშალნეს,  
დაპრიალეზდეს ფრანგული,  
მთა-კლდეთაც გააკვირვებენ  
მაგის ლეკისად დაკრული!

(მეზობლის ქალი ჩამოართმევს გიგლიას ცხენს  
და შორს გაჰყვება, გააცილებს. დედა და და  
გიგლიას უკან მისდევენ. თამარი ტირის, დედა  
გზას დაულოცავს).

### დ ე დ ა

ფშაველთ სალოცავმ შამასწვრას  
შენს შინ მშვიდობით მოსვლასა,  
ხერხით მაიქე მტერთანა,  
ნუ გასწევ ჭიუტობასა.  
მშვიდობით! ჭვარი გეწეროს!

## II

არაგვის პირ-პირ აჩქამებს  
გიგლიას ცხენი ნალებსა;  
აქა-იქ ავლებს ლომივით  
იმ ცეცხლმოდებულს თვალებსა.  
გახდა გიგლია ზომურას,  
საწყინარ ეტყვის მხარია;  
ცუდს ლიშანს არას დაგიდევს,  
ამობუბუნდა ხარია:  
„წადი, გენაცვლე, ლურჯაო,  
ძალა მაიეც მუხლშია,  
ნათელი ჩამააყენე  
გაბოროტებულს გულშია.  
აგერ ტირიან ტყვეები,  
ელიან ჩვენსა მისვლასა,  
მალი-მალ გამაპხენდნებენ  
ყელსა ახადის მთისასა;  
ამბობენ: სუ როგორ გასწყდა  
ფშავლებში ქუდოსანიო,  
სალეკოდ როგორ გაგვხადეს  
ლაშარის-ჯვარის ყმანიო?

## III

ახადს ტიროდა თმიანი  
თინიბეჭაის რძალიო:  
„აეაპმე, ჩენო სახკარო,  
ვაპმე, დამიდგეს თვალიო!  
აეაპმე, ჩენო ციხეო,  
ნაგებო ქვითკირისაო,  
ჩამოშლილ-ჩამონგრეულო,  
გადათელილო მტრისაო!  
მამამთილს თოფი დამიკრეს,  
დედამთილს ძუძუ მასკრესო,  
თინიბეჭანთ ბიჭები

სუ ლუქმა-ლუქმა ასჭრესო“.  
მზე გორის პირას გაჰკროდა,  
ელამებოდა ჩასვლასა,  
გალმა-გამოღმა გრჩლები  
ტყეს და მთებს უდგმენ ტაბლასა,  
უკვენაფშაეის ქედები  
დაწყობილიყვენენ ჯარადა.  
ამ დროს შამოჩნდა ჭალაზედ  
გიგლია, მომსხო ტანადა.  
ირევა მალლით და ძირით  
მაგრილებელი ნიაეი,  
მიიბრძვის მხედრის ლურჯაი,  
მიიბრძვის, მიაქვ თქრიალი,  
სუ თან მიაქვის ფეხითა  
ტყე-მთა, ნათოსი ტიალი;  
არ აბედენებს კლდე-ვაკეს,  
არსად სჭირდება ტრიალი;  
ოფლს, დახეთქილსა მკერდზეით,  
ქვიშაზედ ჩააქვ ჩხრიალი;  
უხდება გაირმებულსა  
რახტის, უზანგის ძგრიალი.

#### IV

ბინდდება. აგერ გრილებიც  
ასცდენ მთებს, გაქრენ ცაშია:  
გიგლიაც გაჩნდა სოფლის თავს,  
გადაემართა მთაშია.  
ჭალმა დაიწყო ძახილი,  
ი რო ტიროდა კარშია:  
„დაო, გეყოფა ტირილი,  
პირ დაიბანე, შვენაო,  
კმარა ამდენი ცრემლის ღვრა,  
კმარა ამდენი წყენაო.  
გიგლიამ შამაიარა,  
შუქი მისდევდა კვალადა,



ავი შენს დამწყევს მიეცეს,  
ეგ მტერს დაჰხედება ავადა;  
ერთს არ გაუშვებს ცოცხალსა  
და არ მოკვდება თავადა.  
მწედა ჰყავ ლაშარის-ჯვარი  
და ეყოლება კვლავადა.  
სუ გასწყვეტს ურჯულოებსა,  
მათ სისხლს დაჰმართებს ბარადა;  
ყინჩად სამ იცის ტრიალი  
ომში ჯარად და ტარადა!“

▼

მთვარე ამოჩნდა ნალევი,  
მახარობელი ქვეყნისა;  
აქა-იქ მოჩანს ნათალი  
მწვეტი წვერები მთებისა.  
გორ-გორისპირებს მისდევენ  
ჯოგი დაღისტნელთ მგლებისა;  
ხევეებში ჩადგა გრალები,  
ისმის ყვირილი წყლებისა.  
კლდის თავზედ დასძინებია  
არწივს, მოყვარეს მთისასა;  
ბორბალა ყინულიანი  
გულისპირს არღვევს ცისასა;  
ერთი ბუ გაღმით კითხულობს  
ამბავს გამოღმა ძმისასა.  
საყორნის ყელში გამოჩნდა  
ჯგუფ-ჯგუფად ხალხი რეული,  
ყოყმანობს, წინ სელას ვერ ჰბედავს  
ლეკის ბელადი გრძნეული;  
წინაით ესმა ქვის ჩხერა,  
ნახა წინწელი სრეული,  
სთქვა: „წინ ვერ წავალთ, დადევით,  
ყური დაუგდეთ შრიალსა,  
ჟაპ, თარეშობას ესეთსა,

ნადელს და ცდასა ტიალსა!“  
 ოსმანამ ლაგმის ტარითა  
 ცხენი დაღრიჯა ყელშია,  
 ხმალი მიაგდო გვერდზედა,  
 დამბაჩას სინჯავს წელშია.  
 გაუოხრდება ყველაი,  
 სიყვითლემ დაჰკრა ფერშია!  
 როგორც ცით ელვა მოარდა  
 მოყმე რამ სვილისფერია,  
 ხმალს აპრიალებს გორდასა,  
 მაზედ ნათელი ჰფენია...  
 ერთი შავარდნებრ დაჰკივლა:  
 „ახლა კი ჩემი ჯერია!“  
 შუაზე გასჰკრა ცხენ-კაცი,  
 შამბს ჰკოცნის ხმლისა წვერია;  
 შაილებება სისხლითა  
 ოსმანას ყვითელ წვერია.  
 „აცათ, მაცალეთ, ძაღლებო,  
 გეყოთ ამდენი თარეში,  
 დიაც-ყმაწვილის ბოჟირი  
 არაგვზედ, ფშავლის მხარეში;  
 ჯერ არ მომკვდარა გიგლოა,  
 კიდევ ჯანი აქვ მკლავებში“.  
 ასტება მტერმა ყვირილი,  
 დადგა ფარ-ხმალის წკეპანი,  
 მიგორავს ლეკის თავები,  
 სისხლს გააქვ დაბლა შხეპანი.  
 შაჰყარა ერთმანერთზედა  
 იმ ურჯულოთა ცხედარი;  
 ველარ მიუვა დედასა  
 ოსმანა ლაშქრით მკვებარი.  
 — „ღმერთო, უშველე!“ — იძახის  
 ქალი — ტყვე, ცრემლის მჩქეფარი.  
 „უშველე. — სხვანი ამბობენ, —  
 მაგ ჩვენს უცნაურს ვაჟასა,  
 ნუ დაჰლლი, წმინდავ გიორგი,  
 მაგის კურთხეულ მაჯასა!“

ცხრა მოკლა, ოთხი გაიქცა,  
 ერთი გადუხტა ეხშია;  
 წყეულმა ერთ წამს გიგლიას  
 თოფი დაგვიკრა მკერდშია...  
 „ვაჰ, დედას თქვენსა!“ — ესა სთქვა  
 და გადავარდა ხეეშია.  
 ბრძამზე კიდებით მიგორავს,  
 ხმალი უჭირავ ხელშია.  
 გადმოხტა გალაღებული  
 ლეკი ეძახის ძმებსაო:  
 „მოდით, ნუ სწირავთ ტყვეებსა,  
 ველარა ჰნახავთ მტერსაო;  
 თოფი ეკარ, ხეეში გავგზავნე,  
 იქ ჰლოკს კლდეების მტვერსაო!...  
 ქვირინებს გოდერძათ ქალი,  
 მთის ბალახს აბერტყს ცრემლსაო;  
 მოდიან ლეკის შვილები,  
 ხელს უკიდებენ ხელსაო:  
 „წამოდი, ქალო, ნუ სტირი,  
 დაბლა ნუ აწყვეტ თმებსაო;  
 ფეხშიშველს დაგათელინებთ,  
 თინაე, თოვლიანს მთებსაო“.  
 წინ დაიყრიან ტყვეებსა,  
 ყუითა სცემენ ხმლებსაო.  
 ტყვენი გიგლიას ჰგლოვობენ,  
 ტირის გოდერძათ ქალია,  
 იმის ხმამალა ქვითინმა  
 კლდეც აატირა სალია,  
 აბიჯებს წარაუგონთა,  
 მკედრისაკე რჩება თვალია:  
 „ვაჟკაცო შენი სიკვდილი,  
 ვაჰმე, რა დიდი ბრალია!  
 უნდა დაიქცეს სამყარო,  
 გაწყდეს ცარგვლისა ძალია;  
 რად არ მე მოგკვდი შენს უწინ?  
 როგორ გიგონო მკედარიო?!“  
 ხეეის პირზედა, ლოდებზედ

გიგლია კვდება ხარია,  
არ უნდა გულხელდაკრეფა,  
კლდეს მიუბჯენავ მხარია;  
კვდება გულსუწადინოდა,  
მტრისა მიჰყვება ჯაერია.  
როცა გიგლია კვდებოდა,  
მთებ სატირელზედ სხდებოდა;  
ერთი ბებერი არწივი  
ზეით, ჭიუხში წყრებოდა,  
საყორნის თავი მაღალი  
ზედ შუა გულზედ ტყვრებოდა,  
მალით მომფრენი მთის წყარო  
სიბრალულისგან შრებოდა.  
ბეჩავე იმის ლურჯაი  
გიგლიას თავით ბნდებოდა,  
ტოტ დასცის, დაიქიხვინის,  
თვალეებში ცრემლი ჰხლებოდა;  
სამყარომ შავი ჩაიკვა...  
მყვირალი რაღას შერებოდა?

## VI

შორს სამ სალეკოს ყელშია  
ცის ტატნად კაცი ჩნდებოდა,  
ხან თავს დააჩენს კლდის პირზედ,  
ხან დიყიანში ხტებოდა;  
გულ უწუხს თხისტყავიანსა,  
ერთს ადგილს ვეღარ დგებოდა;  
თოფს უცვლის პირისწამალსა,  
მტერს მოუსვენრად ელოდა.  
ქალის ტირილი შაესმა  
მყვირალს, ამტენი ზარისა,  
შემაშფოთები ტყე-ველის,  
მაღლა მთის, დაბლა ბარისა,  
ქარქაშში აღარ დგებოდა  
ბასრი ფრანგული ხარისა.

ღრუბლებში დაქსაქსულია  
მკრთალი ნათელი მთვარისა,  
გულს ჩაიმჯილავს მალი-მალ,  
მოთქომი სიტყვის მწარისა:  
„ვაჰმე, იქნება მოჰკლესო  
რჯულძალთა ჩემი ძმობილი,  
თავზედ დავიდეა სირცხვილი,  
დავრჩე ქვეყნისგან გმობილი,  
ის სამარეში ვიგულო,  
ვიარებოდე ცოცხალი...  
თუ მტრისა ჯავრი შევჭამო,  
სიკვდილო, მენაც მომკალი!“

## VII

ყორანმა გადმიაიარა  
ყრანტალით, თავის ღებითა:  
„დაილოცენით, ფშავლებო,  
თქვენის ფშაურის წესითა.  
სანამ თქვენა ხართ ცოცხლები,  
ლეში არ დამაკლდებო;  
ბევრს ყმას ამოვწვდი გულ-ღვიძლსა,  
ნისკარტი სისხლში წრთებო.  
საყორნის ყელში ცხრას ლექსა  
გიგლიაც თანა ჰყვებო.  
მე უფრო გამიხარდებო,  
როცა ვაეკაცი კვდებო.  
ღმერთმა მყვირალსაც უშველოს,  
ხუთს ლექს მამოჭრა თავია,  
ტყვეებიც ახადს მაუდის,  
მაჰყავ გოდერძათ ქალია,  
მაგრამა ტირის ბეჩავი,  
არ შაჰშრობია თვალია,  
იმის ნაცრემლის ნისლებმა  
მეც ამირიეს კვალია;  
იძახის: „ძმაო გიგლიავ,  
შენი სიკვდილი ბრალია!“

ციდამ ჩამოწვა ღრუბელი,  
 ჩარგალს დაადგა თაეზედა;  
 ფშავლების ჯარი მომდგარა  
 გიგლიას სახლის კარზედა;  
 ფშავლის ლამაზი ქალები  
 ცრემლსა აფრქვევენ ძალზედა.  
 დედა გიგლიას დასტირის,  
 ყორნის გამოხრულს მკლავზედა,  
 გულის ამოცლაც მოუსწრავ  
 იმ სატილოს წამზედა.  
 გიგლია საკაცეში წევს,  
 გულს უწყევად ხმალი, ფარია,  
 გვერდით უწყევია გიშრისა  
 ქალთა ნაწნავთა ჯარია!  
 გაისმის აქათ-იქითა:  
 „ვაჰმე, რა გვეშველებო,  
 კარგები იხოცებიან,  
 ბეჩაეი ხელში გვრჩებო!“

ხალხში ამბობენ, მთაშია  
 დარბის, დახვივის ცხენიო:  
 „ვაჰმე, სადა მყავ გიგლია,  
 კარგი პატრონი ჩემიო!“

(1886 წ.)

<sup>1</sup> ფშავლებს ჩვეულებად აქვთ, თავის ნათესავის სიკვდილზედ ქალი თმას მოიკრიბ. ძველად ვაჟაკის სიკვდილზედ ამ ჩვეულებას მთელი სოფლის ქალები ასრულებდნენ.

# გოგოთურ და აფშინა

(ძველი ამბავი)

## I

ამბობენ, ბლოელ აფშინა,  
მინდრდაურის გვარისა,  
სცარცეავს რჯულიან-ურჯულოს,  
მარჯვედ მომხმარე ფარისა.  
ჭერხო აავსო უნჯითა,  
როგორც სალარო ხანისა.

თანაც იტყვიან: „გოგოთურს  
ჯანით ვერ შეედრებო,   
ნეკით გასტყვარცნის, აფშინა  
ხე და ქვეათ შეეცხებო“.  
მეფესაც უთქვამს: „გოგოთურ  
ათასს კაცთანო ვადარე,  
ათასგანა მყავს ნაცადი,  
ათასგან ომში ვატარე.  
გოგოთურს რკინის გული აქვ,  
მკლავი ხო გადაშეტია,  
რამდენჯერ მარტომ შაბერტყის  
მტერი ქვიშაზედ მეტია.  
ომში სიკედილს ჰგავ გოგოთურ,  
შეუბრალები, უკვდავი,  
მტერსაც ზარსა სცემს უზომოს,  
როგორაც სულთამხუთავი...  
ისე აგორებს მტრის რაზმებს,  
როგორც ნავს ტალღთა დენანი,  
ალბათ სწყალობენ ვაჟკაცსა  
ის ანგელოზნი ზენანი!“

რამდენჯერ სთხოვა ბატონმა  
დარჩომა მეფის კარადა,  
მაგრამ ვაჟკაცი ეტყოდა:  
„მეფევ, ვერ გავძლებ ბარადა.  
თუ მთის ნიავი არა მცემს,  
გული ქალებურ ტირისა,  
არ მინდა პური, არც წყალი,  
ალარც გალება პირისა,  
მამეხიბლება გუნება,  
ვერა ვარ გამძლე ჭირისა“.  
გოგოთურ ამაზედა სწუხს,  
ხმა აღარ ისმის ომისა.  
მიწურვილია, თავდება  
უამი ზაფხულის ორისა.  
შინაც ხომ უქმად არ არი,  
მუშაობს, მიწის მხენელია...  
ამბობს: „ომის დროს ვიომოთ,  
არა-დ' — ვიქნითო ცელია,  
ნადავლით, ნაყაჩაღარით  
კაცის დარჩომა ძნელია!“

არავის ახსოვს, ფშავშია  
ხმამალლა ასძრახდომოდეს,  
განალამც საცარცვადა  
გზად ვისმე გადასდგომოდეს.  
ვეება ჭანდარს აიღებს,  
წიწკრად გაიდებს მხარზედა,  
ყალიონს პირით არ უშვებს,  
მიიტანს თავის კარზედა,  
ირმებსაც დაედუენება  
ყოფჩის გადაღმა კვალზედა.

შემოლამდება, შინ მოდის,  
ჩამოუჭდება კერასა,  
დაიწყებს შესაქცევრადა  
დიდის ყალივნის წევასა,  
ფანდურსაც შააქლარუნებს,  
თითს ააჩქამებს ბერასა.



ხანდახან დაიბუზუნებს —  
ჰერი დაიწყებს ნძრევასა,  
თან ფეხს დაუცემს ვაჟკაცი —  
მიღამო იწყებს ნთქრევასა.

## II

ძველადგანვეა ნათქომი,  
რო დედაკაცი ყბეღია,  
მიჰყვება გულის ძრახვასა,  
ენებიანობით რეტია,  
წაიტყვის უგვანს სიტყვასა  
მოუფიქრელი, ცეტია.  
ქმრისად სახელის მძებნელი  
სხვას არ დაგიდევს არასა:  
მტყუანი იყოს მის ქმარი,  
თუნდ ხალხს სცარციდეს შარასა,  
ოლომც იქნევდეს ფრანგულსა,  
არ ჰლაღობდეს ხარასა,  
ცოლსაც სწყალობდეს, აცმევდეს  
წითლის დარაის კაბასა.

ცოლი აუტყდა გოგოთურს:  
„რად გინდა დიდი სხეული,  
თუკი ზღუბლს არ გასცილდები,  
როგორც სახადით სნეული?!  
რად გინდა თოფ-იარაღი,  
ბასრი ფრანგული, წყეული,  
ათასგან სისხლში ნათრევი,  
კაცების ჟღეტას ჩვეული?!  
აბა, დუჰკელიე, უტირნაე,  
ცრემლი აქვ პირზე მცვრეულის  
წადი, შენც ვინმე გაცარცვე,  
არ გინდა სარჩო ნეტარა?  
ქისტებს თავები გაჰბალთე,  
ხევსურთ დაადევე ბეგარა!  
ამბობენ, აფშინაის ცხენს

ტანი სრულ ვერცხლით ეფარა“.  
 „ნეტავ რას ამბობ, დიაცო,  
 ჭკვას რად არ ატან სიტყვასა?  
 საქმე თუ გამოგლევია,  
 რატუ არ იტყვი იმასა?  
 რად მინდა მაშინ სიცოცხლე,  
 ლუკმასა ვსკამდე სხვისასა?!  
 შენ ვინა გკითხავს, უჯიშოვ,  
 თოფისასა და ხმლისასა?..  
 შენ უნდა საჩიჩიელს ეჯდე,  
 ან არა, — ჰქსოვდე წინდასა...  
 ხმლის ქნევას მადლი მაშინ აქვ,  
 როცა ხმალს ჰხედავ მტრისასა!  
 ჯერ მეფის სიტყვა არა სჩანს:  
 „შემოგვესია მტერიო,  
 ფშავით მოიდეს ლაშქარი,  
 ჩემი ერთგული ერიო,  
 წინ გამაუძღვეს გოგოთურ,  
 ჯერ არათ არი ბერიო!“  
 მითც არ მოჰსვლია ჩემს ხმალსა  
 სისხლით შეღებვის ჯერიო;  
 ჩემი ფრანგული მტერსა ჰკლავს,  
 ძმაზედ არა აქვ ხელიო.  
 უწინ შინ როდის დავმდგარვარ,  
 როსც დაგვეცემია თათარი,  
 მტერს წინ მე მივეგებებივარ,  
 როგორაც ჯერნებს აფთარი.  
 ომში რვა ხმალი გავცვივითე,  
 მეცხრე — თეთრტარა ხანჯარი...  
 თუკი ავსული არა ხარ,  
 ეგ საყვედური რა არი?!“  
 „მე იმას ვამბობ, ბეჩაეო,  
 სახლისადა ხარ ურგები,  
 რა სარჩოდ გამოგადგება  
 თათრების დაქრილ ზურგები?  
 ლაშქრობით რა მოგიტანავ,  
 ტანზე წყლულუღების მეტია?

მარტო სახელი რას გიზამს,  
თუ სარჩოც არა ჰხვეტია?!“  
დაღონდა მეტად გოგოთურ,  
ხმალს მიაწვავდა ხელია;  
ლაფნის საბმურით შაიბა,  
მაგრა შაიკრა წელია;  
მარცხნისას ფარი გადიგლო,  
მარჯვნივ — სიათა ჭრელიო,  
უზარმაზარი, ძელსა ჰგავ,  
კაცის საზიდად ძნელიო.  
დედაკაცს დაათათბირებს:  
„უნდა მიმოველო ხმელიო,  
რასაც შენა მთხოვ, იმისა,  
წავალ, ვიქნები მქნელიო“.  
მოყვრებში გამაეპართა  
ამის დაცინვით მთქმელიო.

### III

გაზაფხულ იყო მაშინა,  
ახლად ყოოდენ იანი,  
მწვანის ქათიბით კოხტაობს  
მთების კალთები ტყიანი;  
ბექბუქში თოვლი დამდნარა,  
მიწა გამხდარა წვნიანი,  
მწვანეს ეწვდება ფოთოლსა  
ზარი-ირემი რქიანი.  
გალაღებულან ფრინველნი,  
ისედაც ლალიზნიანნი;  
არაგვიც მოჰქუხს მრისხანედ,  
ამ ღროს შავფერად მდინარე,  
იღვიძებს იფშენეტს თვალბესა  
მის არემარე მძინარე;  
კლდეებიც წყალსა ჰქონავენ,  
სრულად დამდნარა მყინვარე...  
კოპალის ქვასთან გამოჩნდა

კაცი მთასავით მძვინვარე,  
მაიზლაზნება ზოვივით,  
პირქუში, არამცინარე.  
ზენაით მეორე მოჩანს,  
იმლერის, — მთანი ხევიან;  
მააქევექეებს ლურჯასა,  
ნალნი რიყეზე წივიან;  
მაეზაყება ცხენზედა  
გამარჯვებასა ჩვეული,  
უნდება წითელს ჩონხაზე  
ფარი და დაშნა რწეული.

გოგოთურს ჰხედავს აფშინა,  
გულშიაც ჩაეცინება,  
ზედ მიჰვარდება ცხენდაცხენ,  
უდივრად შაიგინება,  
აფშინას ბაწარაულის  
შუქი შორს გაიფინება.

„იარალნ მამცენ, ფშაველო,  
რად გი, არ იცი ხმარება! —  
პირდაპირია აფშინა,  
ვაქკაცს არ უყვარს პარება. —  
რა გაკვირვებით მიყურებ?  
აფშინას მეძახიანო!

ჰა, თორო შავთხოვ ფრანგულსა:  
„ხმალო, გამიჰერ, ფხიანო!“

გოგოთურ ფიქრობს: „ვეჩვენო,  
აცა, აფშინას საწყლადა;  
ვეხვეწო, თავი ვიდაბლო,  
ამის რას მიზამს ნაცვლადა?  
აქებენ, შამიბრალებსა,  
თუ გადამაქცევს ნაცრადა?“  
„რადა, ძმობილო, რად აგრე?  
გან დიაცი ვარ ორსული?  
დგდამ გამზარდა მენაცა,  
ნეხეჩი არა ვარ მოსული!  
თუ მართლა აფშინაი ხარ,  
იარაღთ რად მყრი, ძმისაო,

უიარალო გამიშვა,  
ხათრი არა გაქვე ღვთისაო?!.  
მიწაზე როგორ ვიარო,  
მზე როგორ ვსინჯო ცისაო?  
ჯალაფნი არ მეტყუიანა:  
„ჰაი, შე ტყლაპო მტრისაო?!“  
სუ, თუ ღმერთი გწამ, აფშინავ,  
სირცხვილს ნუ მაქმევ, ძმობასა,  
ქუდმოხდილს ქვეყნად ნუ მავლევ,  
პირში ნუ მიმცემ გმობასა!  
კაცი ხარ სახელიანი,  
რად მიწვევ ეგრე მტრობასა?  
ოლომც იარაღს ნუ ამყრი,  
რა ვქნა, გაგიწევ ყმობასა“.  
„ნუ მაგვიანებ, ფშაველო,  
ჩქარა შაიხსენ ხმალია,  
სიათაც გადმამაწვადე,  
კარგი ექნება ძალია;  
ერთი კვირაა შენს მეტსა  
ვერავის დაეკარ თვალია.  
ჩქარა მაიხვენ აბჯარნი,  
არა-ღ' — გალოკებ ქვიშათა,  
მიგცემ, გათრიონ ყუნჭივით  
ტალღთა არაგვის წყლისათა“.

მისცა ხმალი და სიათა,  
ფარი, ნაჭრევით ფარული.  
ცხენის აღვირსაც უსწორდა  
მოყმე, დისწული ყვარული.

აფშინამ ლურჯას ღეზი ჰკრა,  
იგიც გაფრენას ლამობდა...  
გოგოთურს თმენა გაუწყდა,  
გამოცხადებით ჯავრობდა;  
„მაშ მიგქონ ჩემნ იარაღნი,  
კიდევ არ შაირცხვინია?  
დადეგ, შე უნამუსოვო,  
ქვაზედ გინაყო ტვინია!“  
გაწყრა, გაჯავრდა გოგოთურ,

გულში აეძრა უინია.  
ხელი გაავლო აფშინას,  
დადვა, დაბეგვა ძალიან;  
გადაფითრებულს აფშინას  
სატირლად აღარ სცალიან;  
მაგრა შაკონა ბეჩაეი,  
ისე დააგდო გზაზედა.

ჩაეუბნება ჭკვიანად:  
„შენ გაგერშილხარ სხეაზედა.  
გინდოდა, გოგოთურსაცა  
წამასჯდომიყავ თავზედა?

შენ რო ჭკვიანად მოგექე,  
გვედრე, არ შამიბრალია,  
ეხლა მე მერტყას წელზედა  
შენი ზიკზიკა ხმალია;  
ცხენიც მე მყვანდეს, ლურჯაი,  
თანაც ეს შენი ფარია,  
ჩაჩქანი, რკინის პერანგი  
შენზედ არამი არია“.

„რა ვქნა, — ამოთქვა აფშინამ  
წვერმოტეხილის ენითა,  
თან დნება ლურჯად, შავადა,  
გულში ბოროტის კბენითა, —  
რა ვქნა, გავბრიყვდი, ვერ გიცან,  
თუმც კი გიცნობდი შორითა;  
ბეჩაესა ვისლაც გამსგაესე,  
დონდლედ აგებულს ყორითა.  
გაქებდენ, კარგი ჰყოფილხარ,  
კარგი გქონია მარჯვენა,  
ფიცვერცხლი ვქამოთ, გოგოთურ,  
ჩემნ იარალნიც მამცენა!  
მრცხვენიან, ამას რო ვამბობ...  
მიძმე და მომეც აბჯარი,  
თუ არა, ბევრად მიჩვენავ,  
რო გულში დამცე ხანჯარი“.

„კი ყოფილაა ადვილი  
სხვისად მიცემა აბჯრისა,

სხვის წელზედ სინჯვა თვალითა  
 თავის ხმლისა და ხანჯრისა?!  
 კაცისად იარაღისა  
 აყრა სიკვდილთან სწორია.  
 — ეხლა—ლა მოხვედ ჰკვახედა,  
 ეხლა მაიეც გონია?  
 ხომ იცი, საქარაველოა  
 ყველა კუთხიდან მტრიანი,  
 მგზავრს მიშვებ უიარაღოს,  
 კაცი არა ხარ ღვთიანი?  
 რას დასწრწი, რას დაეთრევი,  
 შე უნამუსოვ, ფაფხურა,  
 ვით წისქვილებში მსუნაგი  
 ქურდი ქოფაკი, შავყურა?  
 გშიოდა, რატუ არ მითხარ,  
 გაჰმევედი, გაგაძღებდია...  
 იარაღს როგორა მყრიდი,  
 ღმერთი არ არის შენშია?!  
 თუ არა, რაად გინდარის  
 ვერცხლი, ნადები ქვეერშია?  
 თუ მაინც გიყვარს ხმლის ქნევა,  
 ქროლვა, ქორებულ ტევება  
 მე სამ გამამყევ, გაჩვენო  
 მტერი საყლეტად ვეება:  
 დაგეცეს მარტოს ათასი,  
 გცემდენ, მოგიგდონ შუაში,  
 მაჯა დნებოდეს შრომითა,  
 ხმალი ტყდებოდეს ყუაში,  
 გასძელ, სხვა ხმალი იშოვე,  
 მტერი დააფრთხე თხებურა,  
 მარტომ მისდიე მრავალსა  
 პიროფლიანმა მგლებურა.  
 მაშინის ვიტყვი, ღირსი ხარ  
 წელზე: ხმლის, თავზე — ქუდისა;  
 არა-დ' გეხუროს ჩიქილა  
 თავზე დიაცის ცუდისა!  
 შენ გიცარცვია, ვინაცა

საბრალო არი, ბეჩავი,  
თვის დღეში ომუნახველი,  
დიაცთ ნალახის მხვეტავი;  
არ შაგხვედრია შავფერა,  
მკლაუმსხვილი, რკინის მკვნეტავი.

მე შენ იარაღნ რად მინდან,  
სიმრუდის გზაზე ნავალი?  
შინაცა აქვის გოგოთურს  
ფარი და ხმალი მრავალი.  
აჰა, აბჯარნი, ცხენიცა,  
წადი, მშვიდობით ვლიდია,  
საცა შენი სთქვა ბიჭობა,  
იქავე ჩემიც სთქვიდია.  
გარისხებ ხახმატის-ჯვრითა,  
აი, კოპალაც ეს არი,  
რო ყველა სიმართლითა სთქვა,  
რაც რო დაგედვა ბეგარი...“  
თანაც გაუხსნა ხელები,  
წამააყენა მხედარი.

ადგა ბეჩავი აფშინა  
თვალმოცრემლილი, ლურჯია:  
„მეგონა თავი, — ამბობდა, —  
გაუტეხელი ბურჯია;  
ეხლა სჯობს სახჩი ვიმალო,  
თავზე დავირტყა გურჩია.  
მოდო, გაკოცო, გოგოთურ,  
სიკეთისათვის შუბლჩია“.

ხელი მაჰხვიეს ერთმანერთს  
გულახდით, არა ძალადა;  
აფშინას ხურჯინშიითა  
ტიკპორა მააქვ ჩქარადა.  
მიიპატიუა გოგოთურ,  
დასხდენ ვაჟკაცნი ხის ძირა;  
აფშინამ ყანწი აავსო  
და ილოცება წინ-წინა:  
„სანამ იცოცხლე გოგოთურ,  
სანამ ცასა სდის ნამია.



სანამ მზე ათბობს ქვეყანას,  
დილა-სალამოს უამია,  
სანამ ტყეს ესხმის ფოთოლი,  
მიწა ამცენებს მწვანისა,  
სანამ ჭინკველა ქალაქით  
ზურგით მაიტანს მარილსა;  
მოგწიოს ლაშარა!-ჯვარმა  
მუდამაც გულის „ადილსა!“

ახლა გოგოთურმ დალოცა:  
„გწყალობდეს, ძმისავ, ხატია!  
შენც ჭანიანი ჰყოფილხარ,  
როგორც წელანის გცადია.  
ღმერთმა გაშოროს ბოროტი,  
ავ საქმე, ავი წადილი...  
ნუ მოგვიშალოს უფალმა  
ძმობა და ერთად ხადილი!“

აფშინამ ხანჯრის ბუნისა  
ვერცხლი არაყში ჩათალა,  
ორთავ დალიეს ერთადა,  
ორივემ ყანწი დაცალა.  
იფიცნეს. ეხლა ძმანია,  
ვით ერთის დედის შვილები...  
ახლა უმღერეს ზედაცა  
ერთურთს სამღერი ტკბილები,  
მემრე წავიდნენ ცალ-ცალკე  
თავ-თავის გზაზე გმირები.

#### IV

უკუნეთია. არ ისმის  
კრინტი არსითგან არრისა.  
სულარჩაკმულნი მთანი ღგან,  
ფიქრის მზიდველნი მწარისა,  
სუ მუღამ ყინულიანნი,  
არროს მნახველნი მწვანისა;  
ცხადად ერჩევა საჯიხვე,

ქმნილი კლდისაგან სალისა.  
ჩქაფუნი მოდის მწყრომარე  
იმ ხევსურეთის წყალისა  
და განაპირად სოფლისა  
ისმის რაკუნი კარისა;  
თან ხმაც გაისმა მწყრომარე  
გადმონადენის ჯაერისა:  
„გაგიწყრეს ჩემი გამჩენი,  
მადლი ხანმატის-ჯვარისა!  
რა დროს ძილია, ბედმწარევე,  
შე უდავლათოს გეარისა?!  
აფშინას ვერ შეაწონვი,  
როგორც მზეს შუქი მთვარისა.  
აჰა, წაიხვენ აბჯარნი,  
ცხენს ნუ დაუყრი თივასა!  
ვინც ხვალ პირველად მოიდეს,  
ყველა ეს მრუც იმასა!  
ჩემ ცხენიც იმასა ჰყვანდეს,  
ფასს არ ვთხოვ, არცა ქირასა.  
ხო გესმის, რას გეუბნები,  
თავს რასა ჰკიდებ ძირასა?!  
მე კარჩი ველარ გამჟულ,  
ძმად უნდა ვყვანდე ჯინასა;  
ჭირი შამყრია უწამლო,  
კაცს, ხევსურთ ბადალს წინასა“.  
აგერ სამი თვე სრულდება,  
არა სცილდება ბინასა,  
ლოგინად ჩავარდნილია,  
უნდება კენესას, გმინვასა.  
მალა და ველარ დამალა  
აფშინამ წყლული გულისა,  
არ ეთქვა, აღარ შეეძლო  
ვაუკაცს მობრუნვა სულისა,  
ცხენი, აბჯარნი სხვას მისცნა,  
გახდა ერთგული რჯულისა.

მოგროვილიყვნენ ხახმატსა  
 ზევსურთ ვაჟები ხმლიანნი,  
 სალუდის კარზედ მოჩანან  
 მინდი, მამუკა მტრიანნი;  
 ხირჩლაიც მოდგა ხატის კარს,  
 ვაჟკაცი სახელიანი.  
 განს, მოშორებით დამდგარან  
 დიაცი მანდილიანნი.

ლუდის სმა არი, ღრეობა,  
 ცხერის თავები ჰყრავ ყორედა, —  
 ხევისბრის დიდება ისმის,  
 აფშინა არი სწორედა!  
 ხალხს ხატს ახვეწებს ტკბილის ხმით,  
 იწვევს მფარველად ქუყუნისა:  
 „მწყალობელ იყოს გიორგი,  
 ხალხო, ოჯახის თქვენისა!  
 მტერზედამც გაგემარჯვებათ,  
 სიკვდილს გამოროსთ მწარესა,  
 გამარჯვებითამც გიელით  
 ყოვლგნივ ხმელეთის მხარესა!“

ამბობენ, ქვითინი მოდის  
 ღამ-ღამ ბლოს-თავით კაცისა;  
 „ვაჰ, მკვდარო ვაჟკაცობო,  
 ცოცხლად დამარხვავ თავისა!“

(1887 წ.)

# ალუდა ქეთელაური

(ხევსურების ცხოვრებილამ)

## I

მაცნე მოიდა შატილსა:  
— ქისტებმა მოგვეცეს ზიანი,  
დაგვიწიოკეს მწყემსები,  
ავნია, ავი-ზნიანნი.  
ალუდა ქეთელაური  
კაცია დავლათიანი,  
საფიხნოს თავში დაჯდების,  
სიტყვა მაუღის გზიანი;  
ბევრს ქისტს მააპრა მარჯვენა,  
სცადა ფრანგული ფხიანი.  
ცუდას რად უნდა მტერობა,  
კარგია მუდამ მტრიანი!  
ქისტებს წაუსხამ ცხენები,  
ალუდაისიც ფთიანი.  
გუმან აქვ, გადაავლიონ  
არხოტის თავი მთიანი,  
გადაბერტყინონ ნალითა  
ქუჩი მთებისა, ცერიანი.  
ეს რო ალუდამ გაიგო,  
თოფს დაუპირა ტალიო;  
აისხა იარაღები,  
გააფხავილის ხმალიო;  
გაუშინჯიდის ვადანი,  
ხმალს არ მაუტყდეს ტარიო.  
ცისკრის ხანია, მტერს მისდევს  
კლდის შავარდენი ჩქარიო.

გათენებისას ჭიუხში  
შურთხმა დარეკა ზარიო,  
ძაღლებს კი სძინავ თეოზე,  
ჯერ არ გაშლილა ცხვარიო.  
მალე შააგდო ალუდამ  
ქისტების ნავალს თვალიო.  
მარჯვედვე გადაეწია,  
თოფმა გაიღო ჩქამიო:  
ერთს ქურდ-კანტალას ღილღველსა  
ცუდი დაუდგა წამიო;  
გადავარდება ცხენზეით,  
ყელ-თავქვე ეკიდებისა;  
ნატყვიარი სჭირს ბეჭის თავს,  
ზედ ცეცხლი ეკიდებისა;  
ამხანიგ-მოკლულ ღილღველი  
ჩახმახსა ეზიდებისა.

გამასტყვრა მუცალის თოფი,  
კლდის პირი დაიშლებოდა,  
ნაძოძი ტყვიის ალუდას  
კალთაში ჩაეშლებოდა.

— არა გჭირსაა, რჯულ-ძაღლო?! —

მუცალი ეუბნებოდა.

— ნუ გგონავ, მჭირდეს, რჯულ-ძაღლო,  
ყმასა გუდანის ჯვრისასა.

ხმა ალუდაის თოფისა`

ჭეხასა ჰგევანდა ცისასა.

— არ მოგხვდაუა, რჯულ-ძაღლო? —  
ისევ ეძახის იმასა.

— მუცალს არა სჭირს, რჯულ-ძაღლო,  
ნამტვრევს მაშლიდა კლდისასა...

— ოჰო, ქუდ გაუხერტია,  
წვერებსა სტუსავს თმისასა.

— მალლა დაგიცდა, ბეჩავო,  
კენჩხას არა სჭირს ძვლისასა.

გამოსტყვრა მუცალის თოფი,  
ტყვია ჩქაშს იზამს მჭისესა,  
გაუტებს ქეთელაურსა

საპირის-წამლეს რქისასა.

— არც ახლა გპირსა, რჯულ-ძაღლო? —

ზედაც დაჰვედრებს იმასა.

— არა სპირს, არა, რჯულ-ძაღლო,

ყმასა გუდანის ჯვრისასა,

გამმარჯვედ ჯვარი დაჰყეების,

ძალს შაახეწებს ღვთისასა.

გულს არ ჰხვდა, ნუ გეგონები,

ამტვრევდა წამლის ქისასა.

რაკი სრევაზე მიდგება,

ჯავრს არც მე შავჯამ მტრისასა.

შატილიონის ნასროლი

ქისტს უმტვრევს გულის ფიცარსა.

— არც ახლა გპირსა, რჯულ-ძაღლო?! —

შამაუჰყივლებს ქისტასა.

— გულში მქირს, გულში, რჯულ-ძაღლო,

ვაჰ, ცდასა მუცალისასა!

ძმაც ხო მამიკალ, მეც მამკალ,

რა ვუთხრა მადლსა ღვთისასა?

მუცალს არ სწადის სიკედილი,

ფერს არა ჰკარგავს მგლისასა,

მაჰგლეჯს, დაიფევს წყლულშია

მწვანეს ბალახსა მთისასა.

ერთიც ესროლა ალუდას,

ხანს არა ჰკარგავს ცდისასა.

თოფიც ალუდას გადუგდო,

ერთს კიდევ ეტყვის სიტყვასა!

— ეხლა შენ იყოს, რჯულ-ძაღლო,

ხელს არ ჩავარდეს სხვისასა.

სიტყვა გაუშრა პირზედა,

დაბლა გაერთხა მიწასა.

ალუდას თოფი არ უნდა,

ატირდა როგორც ქალიო;

არ აჰყრის იარაღებსა,

არ ეხარბება თვალიო.

თავით დაუდვა ხანჯარი,

ზედ ეკრა სპილოს ძვალიო,

გულზედ ძეგლიგი! დაადვა,  
 მკლავზედ ფრანგული ხმალიო.  
 მარჯვენას არ სჭრის მუცალსა,  
 იტყოდა: „ცოდვა არიო:  
 ვაუკაცო, ჩემგან მოკლულო,  
 ღმერთმა გაცხონოს მკვდარიო.  
 მკლავზედავ გებას მარჯვენა,  
 შენზედ ალალი არიო,  
 შენ ხელ შენს გულზედ დამიწდეს,  
 ნუმც ხარობს ქავეს კარიო,  
 კარგი გყოლია გამდელი,  
 ღმერთმ გიდღეგრძელოს გვარიო!“  
 სიგძივ გაჰხურა ნაბადი,  
 ზედ გადაადვა ფარიო.

## II

მზემ აიწია ცაზედა,  
 ნისლებმ დაწირეს ხევები;  
 მისჯარებიან ცის კიდეს  
 კავკასიონის დევები.  
 აშლილან სანადიროდა  
 ქორებ, ფრინველთა მღვევლები;  
 სოენი არწივებს მასდევენ,  
 მუქთად ჭამისთვის მხლებლები.  
 ჯიხენი მაებნენ მყინვარსა,  
 მაღლი რქათ ადგა ღვთისაო.  
 ხევი-ხევ შამოყრანტალებს  
 ყორანი ავის ხმისაო:  
 „მამკვდარა ქისტი მუცალი,  
 თვალნ უნდა ესჰამნე ყმისაო,  
 გულ-ღვიძლი ამოვარიდო,  
 კალთა დავხურო მხრისაო“.  
 შატილს ჯერ არ ჩასწდომია  
 შუქი შუადღის მზისაო,

არ ჩაუშვებენ ჩამსვლელსა,  
ცა ახურია კლდისაო.  
ყმა მობილოდა გორი-გორ,  
არ ეწონება თავია;  
პირს დასწოლია ნისლები,  
გულით ნადენი, შავია  
ტახტაზე დაუკიდებავ  
მუცალის ძმისა მკლავია,  
ვერცხლით მორთული ბაზალა!,  
ეგ ხოროსნული ხმალია.  
მეება ჭიუხიანსა,  
სადაც იმედას ქავია,  
ზაფხულს თოფის ხმას იყურებს,  
ზამთარ ჩამუდის ზეავია.  
ბევრჯელ მაასწრო დელგამა,  
ჰყეფდა ყორანი შავია.  
დაჰთამფალეზდა თაეზედა  
გაუმადლარი სეავია,  
ვერვინ მაჰრივა ილბალი,  
ვერავინ უყვა ავია.  
ურჯულოს ხელებსავ აღნობს  
ზედ მზის სხივები მწვავია.  
გველმა ვერ გაჰკრა ლიბოი,  
დღესაც ცოცხალივ არია.  
ზოგჯერ ავდარი დადგება,  
ზოგჯერ მზე ბრწყინავს, ღარია.  
რა უყვათ, ბევრი უნახავ  
ულვაშ-აშლილი მკედარია!  
ბევრჯელ წასულა საჰალოდ  
დახოცილთ სისხლის ღვარია;  
შაულებია წითლად  
ავი არდოტის წყალია.  
ვისაც მტერობა მასწყურდეს,  
გააღოს სახლის კარია,  
სისხლ დაიგუბოს კერაში,  
თვითანაც შიგვე მდგარია.



ღვინოდაც იმას დაჰლევედეს,  
პურადაც მოსახმარია.  
პირჯვარი დაიწეროდეს,  
მითამ საყდარში არია.  
სისხლშია ჰქონდეს ქორწილი,  
იქ დაიწეროს ჯვარია.  
დაიპატიჟოს სტუმრები,  
დაამწკრიოდეს ჯარია.  
სისხლში დაიგოს ლოგინი,  
გვერდს დაიწვინოს ცალია.  
ბევრი იყოლოს შვილები,  
ბევრი ვაჟი და ქალია;  
იქვე საფლავი გათხაროს,  
იქ დაიმარხოს მკვდარია.  
შენ რო სხვა მაჰკლა, შენც მოგკვლენ,  
მკვლელს არ შაარჩენს გვარია.

შატისს გადმოდგა ბანებზედ  
ხევსურთ ქალი და რძალია,  
გამეგებენ ალუდას  
ძმა-ძმისწულები სამნია.  
ბევრს უნდა ამბის გაგება,  
ბევრნი მოვიდნენ სხვანია.  
მიულოციან ალუდას:  
— სახელიანიმც ხარია!

ბებერი ჰკითხავს უშიშა  
ალუდას ამბავს ცდისასა.  
უამბობს ქეთელაური  
ამბავს დილდველის მგლისასა:  
„აქით წასულმა, უშიშავ,  
კვალი შავაქერ მთისასა,  
მოკლედავ გადავეწივე,  
ნავალ დავატყვე, ქვიშასა.  
ორნ იყვნენ, თოფი ვიხმარე,  
წვერს ვერ ვუწოდენდი ხმლისასა.  
იმ ცხონებულსა მუცალსა  
რკინა სდებიყო გულადა!  
— რას ამბობ? ქისტის ცხონება

არ დაწერილა რჯულადა  
— მით ვაქებ ვაჟეაცობასა,  
არ იყიდება ფულადა.  
სამ მე ვესროლე. სამ — იმან,  
მესამით დავასრულია.  
მკერდზე ნაკრავმა ტყვიამა  
გაუნაძოძა გულია,  
ნატყვიარს ბრძამით იფევედა,  
ისრე დალია სულია.  
სულს არ აცლიდა ამოსვლას,  
კიდევ მიხსენა რჯულია.

ჩვენ ვიტყვით, კაცნი ჩვენა ვართ,  
მარტოთ ჩვენ გვზდიან დედანი;  
ჩვენა ვსცხონდებით. ურჯულოთ  
კუპრში მიელის ქშენანი.  
ამის თქმით ეწარა-მარაობთ,  
ლთიშვილთ უკეთეს იციან.  
ყველანი მართალს ამბობენ  
განა, ვინაცა ჰფიციან?!

ვერ გავიმეტე მუცალი  
მარჯვენის მოსაპრეღადა,  
გული გამიწყრა, არა ჰქნა,  
რაც საქნელია ძნელადა:  
„დაე დააკლდეს სახელსა,  
მე გირჩევივარ მრჩეველადა“.

ხევსურთა ახალ-უხლები  
გადაიქციან ტყემლადა,  
აეად შაჰხედნეს აღუდას,  
შაუძრახნიან ხმელადა:  
„მოკვდი, სიკვდილი გირჩევენაე,  
რა ხარ სიცრუის მთქმელადა;  
აიხსენ გველის-პირული,  
დიაცთ გადუგდე ცხემლადა;  
ფარი — ქსლის ჩასაბეკდავად,  
ხირიმ — გაუღვიან გარადა;  
დამბაჩა გამაადგებისთ  
საბრუნლად, თითისტარადა!

გამუქცევიხარ ქისტიშვილს,  
გადუქცევიხარ ქალადა.  
მაჰკალ, მარჯვენა არ მასქერ,  
უკვენ მისდევდი მა რადა?!“  
ზურგი აქციეს ალუდას  
პირითა ჯავრიანითა;  
თავ-თავის სახლებს მიჰმართეს  
ქერხოთით კარიანითა.  
გაწირეს ქეთელაური  
გულითა ნარიანითა,  
სახელსა ალუდაისას  
იძახდენ ბრალიანითა.

შატილს მინდიაც მოიდა  
ზერდავით რეალიანითა,  
წელზე ნარტყამის ფრანგული..  
მკლავითა ფარიანითა,  
თორმეტის ქისტის მამკლავი  
შუბითა ტარიანითა.  
ირემს ჰგავ მინდის წითლაი!  
შუბლითა მთვარიანითა.  
ალუდას აუგს ეტყოდენ  
სიტყვითა შხამიანითა.  
იწყინა, შუბლი დაკეცა  
ნაოქით ზარიანითა.

— ნუ იტყვით ვაჟკაცის აუგს  
ენითა ქარიანითა.

ადვილად მტერი მოგიკვდესთ,  
ადვილ გავიგო მართალი,  
ბევრ დაღონება არ გვინდა,  
ერთი ღღის მეყოს საგძალო,  
გზა-კვალი არ ამერევა,  
ყოველ მხრივ ვიცი სავალი.  
ღღესავ მოგივთ მინდია,  
მანამ დაბძანდეს მრავალი.

ქუსლი ჰკრა. წითლა გამაღდა,  
ნიავექარივით მავალი.

დაბნელდა, წყალნი ტირიან,  
 კალთა გვეხურვის ღამისა;  
 დროა ვარსკვლავთა ჟიკჟიკის,  
 მცვრევა ბალახზედ ნამისა,  
 მეკდართ სულთ საფლავით გამოსვლის,  
 დრო მათ სიმღერის წყნარისა.

დეენი გამოვლენ კლდიდამა,  
 ხევ-ხუეში ეხეტებიან.

ყველამ ივანშმა და ახლა  
 საძილედ ემზადებიან.

— პურ მიირთვიო, — ალუდას  
 და-დედან ეხვეწებიან.

— მე პურ არ მინდა, დედაო,  
 გული შამეკრა რადამე,  
 წუხელ ცუდ სიზმრები ვსინჯე,  
 რიგში ვიყოდი სადამე.

წინ გვედვა მიცვალებული,  
 ხევსურნ შაწყენით ისხდუნა.  
 სალაშქროდ დამზადებულნი,  
 ზოგნი კარებზე იდგენა.

მენაც იქ ვიყავ, ვსტიროდი,  
 როგორც წესია კაცისა.

გუმანი მქონდა სალაშქროდ,  
 ხანიც მოვიდა წასვლისა.

ერთას წამს ხელ ვინამ დამტაცა,  
 ტარი ჩამიდვა ხანჯრისა.

შავხედენ, მუცალი იყო,  
 ტანთ ეცვა ჭაჭვი რვალისა,  
 გულზედ ამჩნევა ნიშანი  
 მე-ღ იმის ბრძოლის წამისა,

ეფინა ნატყვიარშია

ლეგა საფევი ბრძამისა.

კლდედ იდგა, გაუტეხლადა,

ცრემლ არ ჩამოსდის თვალისა.

„მინდა სიკვდილი, არ ვკვდები,  
მამკალო, მითხრა ხვეწნითა.  
თქვენ დაგრჩეს წუთისოფელი,  
მე კი წავიდე ქვეყნითა,  
დაძლით, ხევსურთ შვილებო,  
ლაშქრობით, ხმლების ქნევითა“.

დაეჯე, ჯამ ვინამ დამიდგა,  
კაცის ხორც იყო წენიანი,  
ესკამდი, მზარავდა თუმცაღა  
კაცის ხელ-ფეხი ძვლიანი.  
რასა ესჩადიო, ესჯავრობდი,  
უმსგავსი, შაჩვენებული.  
„ჭამეო — რამამ მიძახა,  
ნუ ჰხდები გაშტერებული:  
კიდევ მიმირთვით ალუდას  
წვენ-ხორცი გაცხელებული“.  
მიმატეს კაცის ულვაშით  
წვენ-ხორცი შანელებული...  
სიზმართ დამტანჯეს, იმით ვარ  
გუნება-აღელვებული.

#### IV

თენღება, მთის წვერნ დაწითდენ,  
ნისლნი აგროვდენ მთებზედა.  
დგება, იღვიძებს სოფელი,  
მგზავრი მიღ-მოდის გზებზედა.  
სოენი სამგზავროს წავიდენ,  
მთა-ბარს მაავლეს თვალია;  
რამდენს ფრაშ-ფრაშში არიან,  
ცას ვერ გაავლეს კვალია!  
ვინ მოდის წითლის ცხენითა,  
გამაიარა წყალია?  
— მოხველ მშვიდობით! — მინდიას  
ხევსურთა შეუძრახნიან.  
— რა მაიტანე ამბავი? —  
შორითვე დაუძახიან.

— ახლებო, სისხლი გიფუისთ,  
სკრიტა და ჰყერავთ გულითა,  
გულს ათრევინებთ გონებას,  
თავს აპრეინებთ ცულითა,  
ადვილ ვერ იცნობთ ვაჟაკსა  
მის ვაჟაკურის რჯულითა!  
ერთურთს ნუ დააჩაგვრინებთ.  
გული-დ გონება ძმანია.  
მართალი არი ალუდა,  
თავს არ დამექცენ ცანია!  
თუ არა გჯერათ, ქისტისა,  
აი, მოპრილი მკლავია.  
ენა ქარქაშში გეპიროსთ,  
ადვილ ნუ იტყვით სიტყვასა,  
ადვილ ნუ იტყვით ვაჟაკზე,  
არა ვარგაო, იმასა!

ხელი ალუდას მიართვის:

— წაილ, მიაკარ ქავადა!

— თუ ხელის მოპრა მდომიყო,

გან ვერ მოვსპრიდი თავადა?

ვერ გიქნავ კარგად, მინდიავე,

საქმე მოგირთავ ავადა;

რაად მინდარის, ვერ მიხმლობს,

არ გამოდგება ფარადა:

მთაში წავილო, არ მითიბს,

არც მარგებს თივის კავადა.

წაილე, თუ გწამ უფალი,

ნულარ მაჩვენებ თვალითა.

კაის ყმის მარჯვენა არი,

გული მეწვება ბრალითა.

რაად სწყრებიან ხევსურნი,

რადა ტყვრებიან ჯავრითა?!  
მტერს მოვკლავ, კიდეც არ მოვსპრი

მარჯვენას მაგათ ჯაბრითა!

„წესი არ არის მტრის მოკელა,

თუ ხელ არ მასქერ დანითა“.

ვაი ეგეთას სამართალს,

მონათლულს ცოდვა-ბრალითა!

ეპი მოვიდა საუფლო.  
 ხალხი ხატობას დიოდა:  
 უნდა აცნობონ ბატონსა,  
 ვისაც კი რამა სტკიოდა.  
 მოქუჩნდა ქალი და კაცი  
 სახვეწრით ცხვრით და ხარითა;  
 მიართმევდიან ბატონსა  
 სახვეწარს ბელლის კარითა.  
 ეს ვინდა მოდგა, ნისლივით,  
 თითბრით ნაზიკის ხმალითა?  
 ზევის ბერს აძლევს მოზვერსა,  
 დადგა დახრილის თავითა.  
 — ვის ამწყალობნებ, ალუდავ,  
 ამა კურატით შავითა? —  
 ჰკითხავს ალუდას ხუცესი  
 გადაწეულის მკლავითა. —  
 დიდია ჩვენი ბატონი,  
 გუდანის ჯვარი თავითა,  
 საყმონიც ძლიერნი ჰყვანან,  
 ღვთითა და ღვთისა ძალითა.  
 კარგი ყმა უყვარს ბატონსა,  
 წყალობა ემეტებისა;  
 ვაუკაცნი იმედიანნი  
 ჩვენს ბატონს ებედებისა.  
 მითხარ სახელი, ვის სწირავ,  
 იმასამც შეაწირება. —  
 ხანჯარს აიძრობს, დიდების  
 სათქმელად დაელირება.  
 — ეგ სამხვეწროა, ბერდიავ,  
 ძოდან მოკლულის ქისტისა.  
 მუცალს ეტყოდენ სახელად,  
 მაუნათლავის შვილისა.  
 კარგადაც დამიწყალობნე,  
 გამიმეტებავ მისთვინა,  
 როგორც უნდომლად მოკლულის

თავის ლამაზის ძმისთვისა.  
 — გაურჯულეზულს არჯულებ,  
 შენ ეგ არ შაგინდებისა,  
 ქისტისად საკლავის დაკვლა  
 კარგად არ მოგიხდებისა.  
 მამით არ მოდის ანდერძი,  
 პაპითა-დ პაპის-პაპითა,  
 გონთ მოდი, ქრისტიანი ხარ,  
 ურჯულოვლები მაგითა;  
 ეშმაკს ნუ მისდევ... ეგ სიტყვა  
 როგორ ამოგცდა ბაგითა?!  
 რამდენ სხვა მაჰკალ, შენს ქავზე  
 ხელებ ჯღრღესავით ჰკიდია,  
 ზოგი ლეკისა, სხვა ქისტის,  
 მარჯვენების ხილია;  
 ციკანიც არვის დაუკალ,  
 განლამც კურატი ღილია.  
 როგორ ვახვეწო უფალსა  
 ძალლი, ძალლების ჭიშისა,  
 მანამ სჯობს ცანი დამექცენენ,  
 ზურგი გამისკდეს მიწისა,  
 ან თუ ზღვამ დამნთქას უძირომ,  
 სადილი ესჰამო ქვიშისა!  
 ფერი უღება ბერდიას,  
 ფერი სხვა-რიგის შიშისა.  
 — ზღვენსა ნუ გამიმსუბუქებ,  
 მადლი თუ გწყალობს ღვთისაო,  
 ყმა ვარ მეც გუდანის ჯვრისა,  
 ხევსური თქვენის წყლისაო,  
 მითამ ერთნი ვართ, ბერდიავე,  
 მცხოვრებნი ერთის მთისაო.  
 — ტყუილად სცდები, ალუდავე,  
 ტყუილად იცვეთ პირსაო.  
 გაჯავრდა ქეთელაური,  
 ფერი დაიდვა მგლისაო;  
 ხელი გაიკრა ფრანგულსა,  
 შუქი ამოხდა მზისაო.



უქნივა მოზვერს ქედზედა,  
თავი მიგორავს ძირსაო.  
თან შეხვეწა ბატონსა,  
ნუ შამიცოდებ შეილსაო,  
აღლადა ჰქონდეს მუცალსა,  
მაგ მოუნათლავ გმირსაო.

ბერდია ჯაგარაშლილი  
ხალხისკე იზამს პირსაო.

— გაგონილაა, — იძახდა, —  
ასრე ავდება რჯულისა:  
საკლავს თვითონ ჰკლავს ალუდა,  
მამხსენე ქისტის სულისა.  
ხალხო, მინდარის გავიგო  
პასუხი თქვენის გულისა.  
დაჯარდით, ხევსურთ შვილებო,  
ყველანი — დიდნი, მცირენი,  
სამართალი გქნათ, ვუმტვრიოთ  
ალუდას სახლის დირენი;  
ნუ დაინანებთ, უქმნენით  
ცოლ-შვილის ამატირენი.  
მოკვეთილ იყოს, სხვა ქვეყნის  
ცა-ღრუბლის შანამზირები.  
წადით, უმტვრიეთ შავ-ბნელსა  
სახლრსა, ციხის კარები.  
ცეცხლი მიეციოთ საძნოვარს, —  
ცასა სწედებოდეს ალები,  
სათემოდ გამოირეკეთ  
ცხვარი, ძროხა და ხარები.  
შატილს ცოლ-შვილი უტირეთ,  
გუდანს — შინშნი და ქალები;  
პრისხამდეს ჩქენი ბატონი,  
არ არის შასაბრალეზი.

ამის გამგონე მინდიას  
მაუწყლიანდეს თვალები,  
ველარანა ჰშველს ალუდას,  
გულზე გადიწყვის მკლავები,  
შასმულებმ ხევსურთ შვილებმა

მაიმარჯვიან ფარები,  
უნდა სცან ქეთელაურსა,  
კაპასად ჟღერენ რვალები.  
ჯარად დამსხდართა ხევსურთა  
თავზედ წაადგა ბალები,  
ერთს ხელში დაუჭერია  
მარჯვენის ნახრავ ძვალები.

— ვაჟნო, ვინდომებ თქვენთვისა  
წყალობას ბატონისასა,  
საკარგუმო დამალეინეთ,  
მოგიტანთ ხელსა მტრისასა.  
ყორანს მიჰქონდა ბრჭლალითა,  
ყურეს უმარჯვდა კლდისასა.  
იმ დროსა ესტყორცნე ისარი  
ლალად მიმავალს ცისასა;  
მართალ გამოდგა ნასრევი,  
ყორანს უვლიდა ფრთისასა;  
კლანჭით გაუშვა ნადავლი,  
გადმეფესრია მიწასა.

— მუცალის მარჯვენა არი  
მიზეზი ხევსურთ რჩევისა, —  
წყრომით იტყოდა მინდია, —  
მიზეზი იმათ წყევლისა;  
მე მივუტანე ალუდას,  
ფერი დავადევ წყენისა;  
რო არ მიიღო ალუდამ,  
სიღრმე ვაჩვენე ხევისა.

— წაიღეთ, — ამბობს ბერდია, —  
ტოტი ურჯულო ძაღლისა,  
არა ვართ ხევსურთ შვილები  
ყმანი ეშმაკის, ალისა.

ძაღლს მიუგდიან საჭმელად  
ხელი მუცალის მკლავისა.

პირი არ ახლო ქოფაკმა,  
მორთო ღმუილი ბრალისა.

ხევისბერ იტყვის ბერდია:

— ხევსურნო, ნახეთ თვალითა:

ძალდი ძაღლის ძვალს არ სტეხსო,  
თქმულია იმავე თავითა.  
ქისტის მარჯვენას ბაღლები  
დაბლა ათრევენ კავითა.

## VI

თოვლი სთოვს, ქარი ბობოქრობს,  
ყელებ შაკრულა მთებისა;  
ჩამოდის ხევედ ზოვები,  
ჩამონასხლეტნი კლდებისა.  
გაუბამ ყინულს ლურჯადა  
უბე-კალთები წყლებისა,  
მიუნაქრია ერთიან  
ვიწრო სავალი გზებისა.  
ვის მასწყენია სიცოცხლე,  
გზას ის ვინ გაუდგებისა?  
წინ მიდის მგზავრი, მიჰკვალავს,  
ხუთიე უკვენა ჰყვებისა.  
სიმშლით შაწუხებულნი  
მთას დმუის ჯოგი მგლებისა.  
„ქარგს ნურას ჰნახავთ, ხევესურნო“,  
ერთი დიაცი სწყრებისა.  
„ავაჰმე, ჩვენო სახ-კარო,  
ქვა-ქვაზე აღარ დგებოთ,  
ციხეზე, ქერხოს ბოძებზე  
ეხლა ყოვები სხდებოთ“.  
დედა ეტყოდა ალუდას:  
— შვილო, იარე ნელაო,  
შენთან ვერ გავძლებთ ვერც მენა,  
ვერც შენი ცოლი ლელაო,  
ბაღლები აგვიბოჟირდა,  
ხელ-ფეხ დაგვიზრა ძნელაო.  
ვაჰმე, რა უგზოდ დავდივართ,  
ვაჰმე, როგორა ბნელაო!  
ნეტავ არ დასქირდებაა

ხევსურთა შენი შველაო?!  
ვის რა წყალ-ქალა გვისტუმრებს,  
სად რა-რა დავილევითა?  
უბინო, უსახ-კარონი  
სხვაკანაც დავიწყვეითა.  
ველარ მიუვალთ ჩვენს სახ-კარს,  
გაღმა შატილის ხევითა,  
თავის მიწა-წყლის გაწირვა  
ძნელი ყოფილა მეტადა;  
მამაკვდავს დავფერებივარ,  
გონი გამხდია რეტადა.  
მუხლებ არ მამდევს. გულშია  
ბნელი ჩამიდგა სვეტადა.  
ვაჰ, მამა-პაპის საფლავნო,  
კლდენო, დამდგარნო მწვეტადა!  
ჯავრობით ეტყვის ალუდა:  
— დიაცნო, ნუ ხართ ყბედადა,  
მოდით, მამყევით, ვიდინოთ.  
ღმერთმ ეს გვარგუნა ბედადა,  
ჯვარს არ აწყნოთ, თემს ნუ სწყევთ,  
ნუ გადიქცევით ცეტადა!  
ერთხელ მაუნდა ალუდას,  
ერთხელ მობრუნვა თავისა:  
„მშვიდობით, საჯიხვეებო,  
გამახარელნო თვალისა!  
მშვიდობით, ჩემო სახ-კარო,  
გულში ამშლელო ბრალისა!  
მშვიდობით, ჩვენო ზატონო,  
ყმათად მიმცემო ძალისა!“  
გაწირეს მგზავრთა სამუდმოდ  
წყალი და მიწა თავისა.  
შტერად დამდგარან მთის წვერნი,  
ისმის ხევილი ქარისა.  
გადვიდნენ, ქედი გადავლეს,  
თხრილი აღარ ჩანს კვალისა.  
ერთი მაისმა შორითა  
მწარე ქვითინი ქალისა.

## გ ა ს ს რ ი ო ნ ი

### I

დღემ დაიხურა პირ-ბადე,  
მთებმა დახუქეს თვალები.  
ალარ შფოთობენ საფლავში  
გმირთ ოფლის მღვრელი ძვლები.  
ქარი ქვითინებს... ღრუბელთა  
ზარი თქვეს შესაზარები.  
გული ვერ მოუფხანიათ,  
ცრემლი სდით ალაზნიანი;  
ჩარეცხეს, ჩალაზაზეს  
მთების გულ-მკერდი კლდიანი.  
გაცოცხლდა, ცას ემუქრება  
ღრმა ღელე, წყარო-ფშიანი.  
გადაიკრიფნენ ღრუბელნი,  
ქუჩი გაწირეს ცვრიანი.  
გაივსო რძითა მთათ ძუძუ,  
დაუშრომელად რძიანი.  
მოგესალმებით, ქედებო,  
მომაქვს სალამი გვიანი,  
ჩემსამც საშარეს ამკობენ  
თქვენი ღვკა და ღვიანი!  
თქვენგანა გულობს ეს გული,  
შიგ გრძნობა უღუღს ღვთიანი.  
თქვენი მიწოვავ მეც ძუძუ,  
ღალიან-ბარაქიანი.  
ნუმც გაჯაერდება პირიმზე,  
ნუმც დამწყველიან იანი,

რომ იმათ დედის ძუძუთი  
ვსუქდები ცოდვილიანი.  
მეც მიგემებავ იგი რძე,  
რითაც თქვენ დაიზარდენით;  
თქვენავე გარგებსთ, დობილნო,  
თუ უხვად დაიზარჯენით!

## II

გორი რამ ჩასდგამს შუბის წვრად,  
მუხა-იფნებით ფარული.  
იქ ჰყრია დიდი ლოდები  
შაეფერი, ციხის-კარული,  
ლიბო-დათხრილი კოშკები,  
უმზეოდ ჩამოგვალული.  
ბერი ტიროდა დიაცი,  
ისმის ქვითინი ქალური.  
რამდენი სიპები აწყყავ!  
მოსჩანს აკლდამის პირები.  
გმირთა სამარეს, როგორც ხატს,  
სამთხვევლად დავეღირები.  
ეს ფშაველთ სალოცავია,  
დღეს დღეობაა ამისა.  
არ ვიცი, თვალი მატყუებს, —  
მიშლის წყვდიადი ღამისა!  
ხალხს ნუთუ დაჰვიწყებია  
წმინდა გიორგი თავისა?!  
ეს რალაც ცუდს საქმეს ჰნიშნავს,  
მომასწავებელს ავისა.  
საჯარეს დიაცს რა უნდა?  
არ თუ ეშინის დავისა?  
მარტოს აუნთავ სანთლები  
და ხატიც უდიდებია;  
მარტოს დაუკლავ საკლავი,  
თითონვე უტყავებია;  
მარტოდ-მარტოკას დიაცსა

ხატ-ღმერთი უხსენებია!  
აქ არც ხევისბრის ხმა ისმის,  
არსად ფშაური ღრეობა.  
ვინ გიჟი იტყვის იმასა,  
რომ დღეს აქ იყოს დღეობა?!  
ბრალადა ბეუტავს სანთელი,  
ცრემლი წინ უდგა გუბედა.  
მტრისამც დედასა გველი ჰკბენს  
და ჩაუძვრება უბედა, —  
გმირთა აღმზრდელთა ძუძუებს  
გაიხდის თავის ბუდედა!

### III

უცბად გაიხმა ფეხის ხმა,  
კაცი გამოჩნდა უცხო რამ,  
ჩამოგლეჯ-ჩამოწეწილი,  
ერთი ყარიბი, უშნო რამ.  
სანთლისა შუქზე წამოდგა  
დატანჯულისა ფერთა,  
მხარზე თოფ-გადაგდებული,  
გაბუდებულის წვერითა,  
დანჯღრეულ ქარქაშიანი  
ხმალი წელს ერტყა წნელითა.  
ადვილად საცნობი იყო  
კაცი ფშაურის ერთა.  
დადგა, დაეყრდნო თოფის ტუჩს,  
ცრემლებს იწმენდა ხელითა,  
იზიარებდა ბებრის დარდს  
სახის შაქმუხვნით ხმელითა.  
თავისს დარდებში გართული  
ღიაცი მიჰხვდა ვერასა,  
ტიროდა, ემდურებოდა  
ხოშარელთ ბედისწერასა.  
გულს იმჯილავდა, ჰკითხავდა  
ნანგრევებს ცრემლის დენითა:

„სრულ ჩვენ რაღა ვართ ტანჯვაში,  
კენესა რად ისმის ჩვენითა?  
როდემდის უნდა ვსტიროდეთ,  
მიწა ვასველოთ ცრემლითა?  
ან მიწა რად არა ძღება  
დამდნარის გულის წვენითა?!  
როდემდის უნდა ვიბანოთ  
სისხლით პირი და ხელები?  
შვილთა მაგივრად დედებსა  
ძუძუს გვიწოდეს გველები?!  
როდემდის უნდა ფეხითა  
ვლახოთ ჩვენივე წელები,  
ცეცხლები გვერტყას ათასი,  
გულის, გონების მწველები?!  
ვაჰმე, გაგვიწყდა: აღარ გვყავს  
ამ ფშავის ხევის მცველები!“

დიდხანს უცქირა უცნობმა  
მოხუცის მოთქმას მწარესა;  
მიჰხვდა, რომ უბედურება  
სწვევია ფშავის არესა.  
ათრთოლებულის ზმით ჰკითხავს  
უცნობი უცნობს დაცსა:  
— ვინა ხარ, ნეტარ, დედილო?  
ვისას რას მოსთქვამ ზიანსა? —  
ვერ გაიგონა ნათქვამი,  
ისევე ზარს ამბობს სმიანსა...  
— შენ გეკითხები, დედაო,  
რად ჰსევამ ბალღამით ფიალსა?

## მ გ ზ ა ვ რ ი

ს ა ნ ა თ ა (ბებერი)

მადლობა ღმერთსა, თუ კიდევ  
კაცი ვიხილე თვალითა. —  
ადგა და ჯოხზე დაეყრდნო  
ხანხალით, ძალის-ძალითა.  
— მოხვედი, შვილო, მშვიდობით.



შვილო, წყალობა ხატისა!  
აღარ მეგონა, თუ მამრი  
კიდევ მიწაზე დადისა...

### მ გ ზ ა ვ რ ი

შენიმცა მწყალობელია,  
შენთა შვილთა და ქმარისა.  
ერთს გკითხავ, დედი-შვილობას,  
მითხარ პასუხი ამისა:  
დიაც ვინ მოგცა ის ნება,  
საქმე აკეთო მამრისა?  
ვფიქრობ, დროება დამდგარა  
იმ მეორ-მოსვლის წამისა.  
ხომ არ აყრილან ფშაველნი,  
ჩქამი რო არ ისმის ხალხისა?  
როგორც მინახავ, არ არის  
ლხინი კაცის და ქალისა.  
შენობა მინდა გავიგო,  
ვარ თქვენი მიწა-წყალისა.

### ს ა ნ ა თ ა

ჩემ რა იკითხვის, დედილას,  
უკლოსი, ბედით შავისა,  
დავკარგე ყველა თვის-ტომი,  
ვინაც-კი მყვანდა თავისა...  
წარღვნა დაგვეცა ხოშარელთ  
წყეულის თათრის ჯარისა.  
მამრთა შააკლეს მტერს თავი,  
ხსენება გასწყდა კაცისა.  
გასუქდა ხოშარის გორი  
სამარეებით ხშირითა.  
ვინც დავრჩით ცოცხლად დიაცნი,  
დახოცილებსა ვსტირითა.  
ჩვენ რო გენახავენ მტირალთა,  
ბალღებიც ატირდებიან;  
გლოვის მიზეზსა გკვითხავენ,

<sup>1</sup> ხმაურობა.

დედებს რომ გვაკვირდებიან;  
 არ მიიღებენ პასუხსა,  
 უფრორე აყვირდებიან;  
 ძუძუთ ვათირებთ<sup>1</sup> ბალღებსა,  
 რძისთვის რო აბირდებიან!<sup>2</sup>  
 რად გვინდა დედებს შვილები?  
 რაზედ ესწვალდებით ნეტავი?  
 გაჰზღი, გალაღებს ვაჟკაცი,  
 ლამაზი, გორის მდრეკავი.  
 გალაღებს, მაგრამ ტყუილად:  
 დღეს მთელი, ხვალე მკვდარია;  
 მოვა, წაიღებს უეცრად  
 სისხლისა ნიავეღვარია!  
 პირსისხლიანის მსინჯველი  
 შვილის, დუშმანიმც არია!  
 სანათაი ვარ მე, შვილო,  
 აფხუშოური ქალია.  
 აქა ვარ გამოთხოვილი,  
 ბერიძე, მყვანდა ქმარია.  
 შვიდი გავზარდე ვაჟკაცი,  
 თითო ლომისა დარია.  
 შვიდივ გამიწყდა ერთს დღესა,  
 მამაც იმათთან მკვდარია.  
 ხოშარის გორზედ დაეპარხენ,  
 თავზე დასტირის ქარია.  
 ორს კვირას საფლავებ ესთხარე,  
 იმათ თავშესაფარია. —  
 რა ეს სთქვა, ამოქვითინდა,  
 ღვარა ცრემლები მწარია. —  
 ჩემს ქმარ-შვილებთან ბევრ სხვასა  
 გამოეჯარა კარია.  
 ვინ ემსახუროს, მაშ, ხატსა?  
 მაშ ვინ აუნთოს სანთელი?  
 მაშ ვინ დაგვიკლას საკლავი?  
 ვინ მოაკმოს საკმელი?!

<sup>1</sup> ვასუსუებთ, ვაჩუმებთ, ვაშოშმინებთ.

<sup>2</sup> მოუნღებთ, სურვილი აღეძვრისთ.

უკაცურთ კაცობა გვმართებს,  
მანამ სული გვჩრავ პირშია.  
ხატიც შაგვინდობს ცოდვასა,  
რო გვნახავს გასაქირშია.  
ეხლა ის მითხარ, დედილას,  
სადიური ხარ, ვისია?  
იქნება ჩვენობა გეთქმის,  
იქნება იყო სხვისია?

### მ გ ზ ა ვ რ ი

დედაო, დედა-შვილობამ,  
მეც ბევრი ვნახე ჳირია.  
ოცს წელს სრულ სხვიშვილადა ვარ,  
სამშობლო გამიწირია,  
მათურელი! ვარ ძირადა,  
სახელად მქვიან კვირია,  
ჩემფერა უკეთურები  
ყუნჭებიც ბევრი ჳხირია.  
ფშავს უბინადროდ რჩენილი,  
წაველ საძებრად ბედისა, —  
ვაჰ, მოგონება ჩემის დღის  
დაძსხმელი არის რეტისა!  
მზიდველი არის ეს ქელი  
ტანჯვისა მეტის-მეტისა.  
ჩემი ამბავი შორს წავა,  
მოკლედ რო მოვსჳრა, სჯობია:  
ვინ არ გეტყოდა ჩემს ამბავს,  
ვინაც-კი ჩემი მცნობია;  
ობლობის, ბეჩაობისა  
დღესაც ზედ, მაძე ობია.  
სად სიცივეში ვგდებულეარ.  
ორ-კვირაობით მშიერი,  
არც ისე დროულიცა ვარ,  
უცხოს ვგონივარ ხნიერი...  
ოცი წელია მწყემსად ვარ  
თუშეთს, უცხოსა მხარესა,

და ფშავის ხევის სტუმარსა  
მარტო ვხედავდი მთვარესა.  
საბაროდ გაღმამავალთა  
ამბავს ვკითხავდი წეროთა, —  
რა წერილობას გაგვიწევს, —  
თოვლზე ამბავი ვწეროთა?  
ოცს წელს მიწა მაქვ ლოგინად,  
ცა მახურია საბნადა;  
ავდარში შავი ნისლები  
ტანზე მეხვევა ნაბდადა.

### ს ა ნ ა თ ა

მიკვირს, ან ეხლა რო მოხვალ,  
ოც წელს ნამყოფი სხვაგანა?

### მ გ ზ ა ვ რ ი

საქმე გაჭირდა, დედილო,  
ურჯულო თათრებისგანა:  
დათარეშობენ... კახეთი  
მისცეს ქარსა და ნიავესა;  
საცა ჰსურთ, ყურძენსა სკამენ,  
საცა — ჰანჭურს და ქლიავსა.  
აწიოკებენ ქალ-რძალსა,  
ნამუსსა ჰხდიან ძალადა.  
ჰკრეფავენ ურჯულოები  
სილამაზესა ღელადა.  
არა ჰზოგავენ, დედილამ,  
ვინც კი მოუათ თვალადა.  
მთელი კახეთი ქცეულა  
ჩიქილა-მოხდილ ქალადა.  
არა სჩანს ხელის შამქცევი,  
მტრის ამომყრული ჯავრისა,  
კაცი არ ჩნდება შამყრელი  
და წინ გაძდლოლი ჯარისა.  
იქ, ჩვენთანამდიც მოდიან,  
ცხვარსა ფარობით გეტაცებენ.  
არეინ გაღურჩათ რჯულ-ძალთა,

ყველას ბეგარას ადებენ.  
ვისაც ჰკვლენ გზა-გზის პირებზე,  
თავებს მარგილზე აგებენ.  
შადიან სხჯისა სახლშია,  
კარს უკრძალავად აღებენ.  
დაჯავრდენ თუშნი, რო ნახეს  
ქვეყანა ნაოხარია.  
პირი ქნეს, იმათ წინ უძღვის  
ზეზვანი საოცარია.  
სუყველამ ტანზე აისხა  
აბჯარი საღმარია.  
მე გამომგზავნეს საჩქაროდ  
ფშავს და ხევსურეთს მზირადა  
და დამაბარეს ხვეწნითა  
სიტყუა, სათქმელი პირადა:  
„ჩვენაც ხომ თქვენი ძმანი ვართ  
სისხლით, ხორციით და რჯულითა.  
ძტერმა დაგვჩაგრა, გვიშველეთ,  
კაუტეხელნო გულითა.  
უბაროდ, განა არ იცით,  
ქთანიც რო ვერა გვარობენ.  
გვიშველეთ, ფშაველ-ხევსურნო,  
ბარზე თათრები ხარობენ.  
ჩვენის საყდრების ტრაპეზთან  
ეხლა მოლები გალობენ.  
ბევრია დაღონებული,  
უთხარო: ბევრნი წვალობენ!“  
მანსონდა, ამ დღეს ხოშარელთ  
აქ გექნებოდათ ხატობა;  
ვიცოდნი, ეწყინებოდათ  
კახეთის რბევის შატყობა.  
ღმერთმა აცხონოს ისინი,  
ჩვენც იმათ მივდევთ კვალზედა.  
იქნება ამ ორს კვირაზე  
შავხვდელ შაგეთის კარზედა.  
მანამა ვცოცხლობთ, მტერი გყავ,  
ბევრად სჯობს ვიყვნეთ ცდაზედა.

როცა დრო მოვა... დე, გაქრეს  
ბედის ვარსკვლავი ცაზედა!  
ცოცხალს კი უნდა ეხუროს  
ვაჟკაცსა ქუდი თავზედა.  
სიცოცხლეს აუგინასა  
სიკვდილი მიჯობს ხმალზედა.  
როს ჩემი ბინა სხვას ჰრჩება,  
ჩემი ცოლი და შვილები, —  
თუ დუშმნის ხმალი არ მომკლავს,  
მე თვითონ გავიგმირები.  
დედა-შვილობას, ნუ სჩივი,  
ღმერთმან აცხონოს გმირები,  
რომ არ წაიღეს საფლავში  
ლაფით მოსვრილი პირები.

#### ს ა ნ ა თ ა

ეგებ ინებოს ბატონმა,  
გაგმარჯვებიყოსთ მტერზედა;  
თუ ამას გავიგონებდი,  
არ ვიტყვებდი მკვდრებზედა:  
იმავე დღეს, შვილო, დედილამ,  
ქრელს ჩავიცომდი კაბასა,  
არ ვიგლოვებდი იმიერ  
ჩემს ჯულუქრას და საბასა;  
ჩემს წარბ-დაღურბლვილს ივანეს,  
კარგა ხმარობდა დანასა;  
ვენაცვლე იმის გულ-მკერდსა,  
შაიხდომლებენ შანასა;  
ჩემს ტანა-დაბალს ხუმარას  
ბატარას, შუბიანასა.  
ვაჟკაცის წესი სცოდნიყო,  
არა ჰგავ ჯუბიანასა;  
მეხად დაეცა მტრის ჯარსა,  
მისთიბდა, როგორც ყანასა.  
ეცადა, მაგრამ ვინ დაჰლევს  
რიყეზე ქვებს და ლოდებსა!  
ვინ დაჰლევს თათრის ლაშქარსა,

უთვალავს, გასაოცებსა?!  
თუ ამამყრიდით მტრის ჯავრსა,  
შვილთ არც კი მოვიგონებდი,  
რალა მიჰირდა, თუ მტრისას  
გაჟლეტას გავიგონებდი.  
გულიდამ ეკლის სალტასა  
მაშინის მოვიფონებდი.  
შვილო, დედილამ, მე თვითონ  
წავალ, შავტირებ ფშაველთა;  
ყველას შავტირებ ჩემს დარდსა,  
ვისაც შავხვდები გზა-ველთა.  
მე თუ რვა სული შავსწირე,  
თითოს ვერ გაიმეტებენ?  
ფშაველნი აიშლებიან,  
თუ მტერს სამ დაიმედებენ...  
ღმერთო და ჩვენო გამჩენო,  
ხატებო ფშავეთისაო!  
ავსეთ თათრის სისხლითა  
ველები კახეთისაო.  
შენ გაუმარჯვე ჩვენს ჯარსა,  
დავლათო ახმეტისაო!  
გვაკმარე, ღმერთო, ზარალი,  
გვეყო, რაც სისხლი გვიღვრია,  
გვეყო, რაც მტერთან ბრძოლაში  
ძვალეები გადაგვიყრია,  
გვეყო ამდენი ცრემლის ღვრა,  
დაუშრომელი ვაება;  
არ თუ ვებრალვით საყმონი,  
რო აღარ გეწყალობს ღვთაება?!  
გვიშველე. ლაშარის ჯვარო,  
დაგვეკირდა შენი თავია;  
შენის ფრანგულით აკურთხე  
თუშ-ფშაველ-ხევსურთ ზავია;  
ნუმც დაელუპვისთ, შენს მადლსა.  
ზღვაში შასული ნავია.  
ჩაუძვედ, ლაშარელაო,  
ტანზე შაიბი ხმალია,

გვიჭირს და გამოგვაყენე  
შეუმუსრავი ძალია.

ასე მოსთქვამდა ღიაცო  
თავ-დაკიდებით მდგომარე;  
გვიშველე, — სულ ბოლოსა სთქვა:  
შენა ხარ ჩვენი მომხმარე!

### მ გ ზ ა ე რ ი

ამინ! გიშველოს უფალმა,  
ღმერთმა გიცხონოს შვილები;  
გაცხონოს, ჩემო დედაო,  
ღვთისგანმც ნუ გაიწირები!  
დიდხანს საუბარს ვაგძელებ,  
სვლას-კი არ ვფიქრობ, რაღამე...

### ს ა ნ ა თ ა

ძნელადა ბნელა, დედილამ,  
ველარსად წახვალ ამ ღამე.

### მ გ ზ ა ე რ ი

ხევსურეთს მინდა გადასვლა,  
მეტი არ არის ჩარაო,  
მიტანა უნდა იმ ამბავს,  
რაც ზეზვამ დამაბარაო!..  
უნდა ჩავუდგე სოფლებსა,  
ვიარო კარი-კარაო.

### ს ა ნ ა თ ა

ღვთით ხელიმც მოგემართება!  
წადი, იარე ჩქარაო.  
მეც სულელი ვარ, ბებერი,  
წასვლას რო გირჩევ ხვალაო.  
პური-ოთ გშიან, დამწვარო,  
ნამგზავრ-ნატანჯი ხარაო...

აიღო ქადა-პურები,  
მთლიანად ჩააბარაო.  
— ნეტავ მაჩვენა კიდევ  
ფშაველის ჯარის ფარაო!



მგზავრმა ჩაიღვა საგძალი,  
პირ-თავქვე ჩაეთარაო.  
ქვეით გაისმა ლოდებზე  
მგზავრის ხმლის ბუნის ჩხარაო.

#### IV

ცაზედ დამქრალან ვარსკვლავნი,  
პირი ემურვის მთვარესა,  
მთანი, თავ-ჩაჩქნიანები,  
ფიქრს მისცემიან მწარესა.  
ცა თვალს უცემდა სატრფოსა,  
გრიალი მოდის შორითა;  
მოდის ხმა ურიამულისა  
მარჯვნივ და მარცხნივ გორითა,  
თან გამოისმა ზარის ხმა  
ლაშარის ჯვარის გორითა.  
ცხრა-ათ კუთხიდან მოდიან  
ფშაველ-ხევსურნი რბოლითა...  
თითქოს გასწყდნო, ფშაველთა  
იტყოდენ აღარ ყოლითა!..  
არა, ყოფილან კიდევა,  
გადარჩომიან რბევასა,  
თათრების უბრალებლობას,  
იმათ ხმალ-ხანჯრის ქნევასა.  
ფიქრობენ ხოშარელების  
სისხლის თათრებზე ზღვევასა.  
ივსება ლაშარის გორი  
ქორ-შაეარდნების ფარითა;  
დროშები გზას უკურთხებენ  
წღერით, აწვდილის ტარითა:  
როშკით მოიდენ ხევსურნი,  
სუმელჯაურნი ცხრანია,  
ამლითა — ბათაკის ძენი,  
ქინჯარაულნი ძმანია,

გუდანელთ ჩამასძლოლია  
ხოშარეული ხარია;  
ხევსურთ, რო ზევამა მთისამა,  
წინ მაიმძღვარეს ქარია;  
ჭორმეშელთ, ჳიელთ ბიჭებსა  
ღულელებიცა სტანია.  
ხანმატელთ ცხენთა ფეხის ხმამ  
შააზრიალა მთანია;  
მგლური დააწყევს ნაბიჯი,  
მოკლედ გადმოვლეს გზანია.  
თითოს ხევს არაგვისასა  
თან მოსდევს ლაშქრის ღვარია.  
ფშავლის შვილებიც მოვიდენ,  
სულთქმა თან მოჰყვა ჩქარია.  
რა საამური დრო არის,  
რა საამური წამია!  
მოვიდენ აფხუშელები,  
მცოდნენი თათრის ზნისაო;  
წინდაც უცდავ თათრები,  
როს დრო ყოფილა ცდისაო.  
ბერი მაუძღვა ლუხუმი,  
ლურჯამ მაიღო თქერანი,  
პატრონის გულის მცოდნეა  
თვალმოვლეარე ჳერანი.  
წითელს ფარს აჯიელავებს  
მახინცაური ვერანი.  
ძმობამ, რო კარგი ჰყოლია,  
არც იმას ჰმტყუენობს მერანი!..  
კლდეთაც კი ესმისთ, სალს კლდეთა  
მათურელთ გულის ძვერანი...  
ცაბაურ-გაბიღოურთა  
ცხენთაც მაიღეს ტყერანი.  
მოგროვდენ ყოველის მხრიდამ  
ვაყები ლომის ფერანი.  
ღიაცთ-ღა დაჰრჩათ მარტოთა  
მატყლის სართავად კერანი.

მთაზე დაენტო ცეცხლები,  
 როგორც ვარსკვლავნი ცაზედა;  
 თავმოხდით სდგანან მხედარნი  
 თავის ბატონის კარზედა.  
 ბრქუყინავენ აღმასივითა  
 დროშები ცეცხლის აღზედა.  
 ცივი უბერავს ნიავი,  
 ლაშქარს ნამს აყრის თავზედა.  
 მღუმარედ სდგანან, პირქუშად,  
 სულთქმაც კი გაიგონება,  
 მხედართა გულის პასუხი  
 ერთს ფიქრად შაიკონება:  
 ხატი რას ურჩევს ლაშქარსა,  
 რა გამოუვა ბრძანება?  
 ქადაგი ხატს. ეკითხება,  
 ჩურჩული მოდის საჯარეს.  
 მხედართ, საუბრის გამგონეთ,  
 მუხარადები დახარეს.  
 მუხლმოდრეკილნი ჩამოსხდენ,  
 პირს ჯვარი დაისახიან,  
 ციურის კრძალვა-შიშითა  
 პირები შაიჩმახიან.  
 აგერ ქადაგიც გამოჩნდა  
 განაცრებულის სახითა;  
 შემკრთალი იყო ისიცა  
 ხატის პირისპირ ნახვითა.  
 შემოუძახა ლაშქარსა  
 ხმით მედიდურით, მკვახითა:  
 „უამს ჩვენს ლაშარის ჯვარსა,  
 მის კარს რო შავიყარენით,  
 ქვეყნის წამწყმედთან საომრად  
 მალევ რო ავიყარენით.  
 წინ მომეგება სიცილით,  
 ბელლის კარს მოდგა მზებურა,  
 ტანთ ეცვა ლურჯი ბექთარი,

თავზე ჩაჩქანი ეხურა.  
დიდია ჩვენი ბატონი,  
მადლით ცას სწვდება მთებურა;  
თან გვატანს თავის ლოცვასა,  
ფრანგული ამეეწურა.  
გვიქადის გამარჯვებასა,  
წინ წაგვიძღვება თავადა.  
ჰნახავთ,—ნუ გაგიკვირდებათ,  
სიტყვას ნუ ჰკადრებთ ავადა.  
გაიგებთ იმის წაძლოლას,  
მიჰხვდებით კილა-კავადა.  
რო ჰნახოთ, ქება უთხროდით,  
სალმით იყვნოდეთ, სალადა.  
ლურჯს ცხენზე მჯდომი იქნება,  
წინ მოარული ლაღადა.“

— ვენაცვლეთ მაგის დაელათსა!  
ღირსნიც არა ვართ ნახვისა!  
რად კადრობს ადგილით დაძვრას,  
საყმომ რად ვეყვართ თავისა? —  
ამოსთქვა სულთქმით ლაშქარმა,  
ცეცხლ-დანთებულმა პირზედა.  
— უყვარან ფშაველ-ხევსურნი,  
დამდგარნი ერთსა პირზედა, —  
უთხრა პასუხად ქადაგმა,  
მდგომმა საჯარის თხრილზედა.

ლომი საომრად მზადდება,  
კბილს ააჩქამებს კბილზედა!

## VI

სალმთო ქნეს ფშაველ-ხევსურთა,  
დაკლეს ხარი და ცხვარია.  
ჩამოსხდენ, ბელელს საჯარეს  
გარს შემოერტყა ჯარია.  
ყველას თან უდგა საგზაო,  
საჩქაროდ ნაღულარია.

ადიდეს ლაშარის ჯვარი,  
თამარის ნაჩუქარია;  
ადიდეს დიდი თამარი, —  
ის ღმერთთან წილნაყარია, —  
თავის ოფლით და ამაგით  
ხმელეთი დაუფარია.  
მოიხსენიეს მხედარნი,  
ვინც ველზე დარჩა მკვდარია.  
არსადა მათთვის სამარე  
და მიწა ზედ საფარია.  
ყორნებს რო უთხრავ თვალები,  
სკავთ მხრებით დაუფარია,  
მაგრამ იმათი სახელი  
დროთ-სვლას ვერ მოუპარია!  
ხვეისბრობს ბერი ლუხუმი,  
ნმა-ტკბილად, მოუპარია.  
გმირთა ქებით და დიდებით  
გული ვერ მოუფხანია.

## VII

ყველა პურსა სჭამს, საუბრობს  
ავსა თუ კარგსა მქუხარედ.  
მარტო კვირია არა სჭამს,  
სდგას ჯონ-დაყრდნობით, მდუმარედ.  
ჩასჩერებოდა მიწასა  
ყელ-გადაგდებით, მჭმუნვარედ.  
რას ფიქრობს ობოლ კვირია,  
ამის გამგები ვინ არი?  
არა მეღავენდება გულიდამ  
ფიქრები ამამდინარი.  
— ობოლ კვირიავე, ძმობილო,  
პურა შაჭამე ბატარა,  
იქნებ შაგცივდა, ობოლო,  
არაყათ შაჰსომ რად არა?  
ჰა, ვაჟო, ცოტანი შასვენ,

აჰა, დაიჭი მათარა.  
დღეს თუ რას შევსკამთ, თორო ხვალ,  
ვისლა სცალიან საჭმელად,  
ერთურთის საპატიოდ,  
ტბილის სიტყვების სათქმელად?

ამას ეტყოდენ მხედარნი  
კვირიას მუდარებითა.  
ახლა კვირიამ მიუგო  
ოხვრით და მწუხარებითა:  
— არა, კვირია გენაცვლოსთ,  
სასმელს არ დავეკარები.  
საჭმელსა, თუკი მშვიოდეს,  
აროდეს დავეზარები.  
წელანის ხალი! შევსკამე,  
გუდაშიც მიძე მრავალი.  
თუ ვის გინდარისთ, მიირთვით,  
თუ ვის გაკლიათ საგძალი.  
— იქნება ცუდ სიზმარ ჰნახე,  
გულზე დაგაწვა ისაო? —  
შაჰკითხა ბერმა ლუხუმმა,  
ვადა უტაცა ხმლისაო.  
— რა ჰნახე, ჩემო კვირიავ,  
აგრემც მიტირებ ბერასა,  
გვითხარ და ნუ დავგიმალავ,  
ლუხუმი მოგნდის წერასა.

### კ ვ ი რ ი ა

რა გაიგება სიზმრისა, —  
მე მაინც გეტყვით ვერასა.

### ლ უ ხ უ მ ი

თუ არ გვიამბობ, კვირიავ,  
ჩამოგყრით დროშის ჰერასა,  
სიზმრის დამალვა გირჩევენავ  
ამდენის ხალხის წყენასა?!

სტკევი წუხანდელი სიზმარი,  
მითომ კი ჰხმარობ ენასა,  
საპოხი უნდა, ობოლო,  
მხედართა გულის კბენასა.

### კ ვ ი რ ი ა

გიაშობთ, თუ გიაშებათ,  
მე რაცა ვნახე, ეს არი:  
დღე იყო მეტად მრისხანე,  
ცა მოღრუბლვილი, მჭეხარი...  
მივდივარ ტრიალს მინდოროზე  
თავ-მომწონარი მხედარი.  
შავს ცხენზე ვიჯე, მიჰქროდა,  
მეგონა, ვზივარ ქარზედა.  
სამი დაენტო სანთელი  
ჩემის ფრანგულის ტარზედა.  
შუქი ციური ჯვარადა  
გამომესახა ფარზედა.  
მინდორი იყო ტრიალი,  
არა რაი ჩნდა მაზედა,  
ყოილი, ხშირი ყოილი  
დაფენილიყო გზაზედა...  
გავხედე, მინდვრად მოცურავს  
შავი ვეშაპი შქენითა,  
ყოილთან მიწას მაჰლოკდა  
ცეცხლის მსროლელის ენითა.  
პირითაც ცეცხლი სდიოდა,  
საზარელ იყო მეტადა.  
მნახა, გულზეავად მომმართა,  
ეუნდოდი დასაკენეტადა.  
პირი დაალო ვეება,  
ჩასაყლაპავად მიტია,  
მაგრამ ხმლითა ვეც, გავუპე  
თავი, როგორაც ფიტია.  
მოკლულმა შემომანთხია  
ბოროტი სისხლი პირზედა.  
ცხენი წამეკცა, თვითონაც

მიწას დავეცი ძირზედა.  
გონი წამსვლიყო... გონთ მოვედ,  
მეოცა სახილვებელი:  
ქვეშ მეგო თეთრი ლოგინი,  
ტკბილადა საძინებელი,  
გვერდს ეგდო ჩემივე ცხენი,  
ცრემლითა სატირებელი;  
თავს მედგა დიდი ჭანდარი,  
სიცხეში საჩრდილებელი;  
ზედ იჯდა ბერი ქედანი,  
დამლულუნებდა თავზედა.  
მზეც ამობრწყინდა... მეჩვენა,  
მნახა, გაბრუნდა წამზედა,  
წითლად გაწირა ხოლოდა  
ობოლი სხივი მთაზედა.  
გაბრუნდა, თვალთ დამიბნელდა  
და მიმეძინა მკლავზედა.  
რა დაასრულა კვირიამ,  
ჩაიკასკასა ტკბილადა.  
ეწყინა ლუხუმს სიზმარი,  
ცრემლები მოსდის წყვილადა:  
— კეთილად ანდეს! — მაინც სთქვა  
გულ-აყუჩებით, რბილადა.

## VIII

სიზმრის თქმით ყველა ჩაფრქვდა,  
დაბლა ჩაჰკიდა თავია...  
გამოერკვივნენ მალეღვე,  
გაჩნდა სხვა სანახავია:  
ქვიშის ჩხრიალი მოისმა,  
თან ფეხის ჩქამი ცხენისა...  
ეს ვინ-ღა მოდის, ნეტარა,  
ჩუმად უძრავად ენისა?  
დადუმდნენ, ზოგნი წამოდგნენ,  
იქით მიაპყრეს თვალია...



თამამად, ვაჟკაცურად  
თავს წამოადგათ ქალია.  
ცხენს იჭდა მამაცურად,  
წელთ თუმც არ ერტყა ხმალია;  
ხელთ ეპყრა შუბი წვერ-მახვი,  
მამისთვის მონაპარია.

### უ ც ხ ო ქ ა ლ ი

ხელ მოგიმართოსთ, მხედარნო!  
მადლი ხატ-ღმერთის თქვენზედა!  
გწყალობდესთ ლაშარის ჯვარი  
გასულელებს ბრძოლის ველზედა! —  
ღიმილითა სთქვა ლელამა,  
შუქი გამოჰხდა პირისა. —  
საამუჟრია საცქერად  
ვარდზე ცვარები დილისა! —  
ქალი ჰგავს სამოთხის ყვავილს,  
ნარწყავსა უკვდავებითა;  
ხორცშესხმულს სიყვარულსა ჰგავს,  
აუწყველს უწყალებითა.

### ლ უ ხ უ მ ი (ლელას)

ვისი ხარ, შვილო, რას დახვალ?  
მტრობა გგულაუდეს იქნება?!..

### ლ ე ლ ა

სამოყვროდ მოველ, მამილამ,  
თუკი უფალმაც ინება..  
შანშეს ქალი ვარ ბაჩლითა,  
მენაც თქვენს კვალზე დამდგარი;  
ავად თუ კარგად, ღმერთმ იცის,  
დედათ ჯარზეით ამდგარი.

### ხ ო შ ა რ ე უ ლ ი

ეს სწორედ მოჩვენებაა,  
ეშმაკეული ხმა არი!..  
ახლა რო ასდევ, დიაცო,  
ადგომის მიზეზ რა არი?

სხვა არა მინდა, გენაცვლეთ,  
 თქვენს მტერს გულსა ჰხედეს ლახვარი  
 და ჩაეყაროს უსურმაგს  
 ბოროტს თვალებში ნაცარი!  
 (ლაშქარში ჩოჩქოლი ისმის:  
 „ეს სადიური, რა არი?!“)  
 ვერ მიჰხვდით? პირდაპირ გეტყვით:  
 თათრებთან ომი მწადიან,  
 მინდა, რო ჯავრი ვიყარო,  
 ბევრს რამ აეს საქმეს სჩადიან:  
 იკლებენ საქართველოსა,  
 ბუმბარეზობიან დადიან,  
 რალ გიკვირსთ, ფშაველ-ხეცსურნო,  
 იქნებ მიწუნებთ ქალობით?  
 ჩემთ ძმათ ცხონებამ, გარგებდით,  
 ჩვენთა სალოცავთ წყალობით!  
 ხმლის ქნევით ვერ გაგაკვირვებთ,  
 ფარ-შუბის დაგელებითა,  
 მაგრამ ჩემს საცდელს მაინცა  
 ვეცდები გამგელებითა.  
 ნუ გავიწყდებათ, ბახტრიონს  
 ციხე სამ უდგათ მაგარი,  
 შიგითაც მოწყობილი აქეთ  
 სანგალ-საყურებ-საფარი;  
 კარებსა, მაგრა დაკეტილს,  
 ათას მხრივ უდგა ჩაფარი.  
 ნეტავ იქ დედასთან მომკლა,  
 თათრებისაა საპყარი!  
 მაგ ძალთ ძმათ სისხლიც მიმართებს,  
 უნდა ვიძიო იგია.  
 სისხლის აღება, ხომ იცით,  
 მუდამ წესი და რიგია.  
 ან უნდა თათრის ხმლით მოვკვდე,  
 მე თავი გადამიღვია.

ლ უ ხ უ მ ი (ლელას)

მამა სადა გყავ, სულ-კრული?  
ქალს რადა გგზავნის ომშია?  
რაკი არ გვიჭირს მხედარი  
ამ სულის მხუთავ დროშია!

ხ ო შ ა რ ე უ ლ ი (თავისთვინ)

დიაცს უყურეთ, სულელსა,  
უნდა გაგვრეკოს ფონშია...  
კაცჩი დედაკაცს რა უნდა?  
რად არა ფიქრობს გონშია?

ლ უ ხ უ მ ი (ლელას)

მაშ, არა თქვაა შანშემა,  
ჩამეეშველოს ლაშქარსა?  
მაშ, არ თუ ჰკაზმავს ლურჯასა,  
ტანთ არ ისხამსა აბჯარსა?

ლ ე ლ ა

რაკი არ უნდა ბეჩაესა,  
რაკი არ ერჯის გულია!  
ლოგინშია წევს... საბრალოს  
მრავალივა სკირს წყლულია,  
თქვენი პირის-ქნა გაიგო,  
ცა გაუწითლდა სნეულსა,  
მაგრამ რას იზამს, რო სული  
ველარ ერგვა სხეულსა.  
აბჯარნი მიმატანინა,  
შემაკმაზუნა ცხენია;  
ზედ შეჯდა, მაგრამ დასუსტდა,  
დაბლავე გადმეერია.  
თქვენს მტერს, რომ იმის ყოფნაა,  
მე ვშველ, გვერდს უქცევ ხელითა:  
მკლავშია ც ხომ სკირს ნაპრევი,  
ველარ მუშაობს წელითა.

რა ეს თქვა, ლელას ცრემლები  
წამოუვიდა ხშირადა:

„ვინ იცის, იქნებ მაშიკვდეს,  
გამიხდეს დასატირადა!“

### ს უ მ ე ლ ჯ ი (ლელას)

შენ, ჩემო დაო, გირჩევენავ,  
მამასვე ჰყვანდე გვერდითა:  
ან წყალს მიაწვდი, ან წყლულებს  
შაუხვევ ნაკუწებითა.  
ჩვენაც ვეყოფით თათრებსა,  
ჯავრს არ შეგაჰმევთ მტრისასა;  
უერთოდ აღარ დავლახავთ  
ბილიკებს ჩვენი მთისასა;  
ჩვენ ვიძევთ სისხლსა, ნუ სწუხარ,  
შენი დედის და ძმისასა.

### ლ ა შ ქ ა რ ი

სუმელჯიმ კარგი გირჩია,  
წასვლა გირჩევენავ, ქალაო,  
შენის ყოლით და არყოლით  
არ გვიბედენებს ძალაო.  
ჩვენაც ვგვიანობთ, გზა გველის,  
ეს საუბარიც კმარაო,  
ზოგი ხო დღეს ვიუბენით,  
ზოგიც ვიუბნოთ ხეალაო.

### ლ უ ხ უ მ ი (ლელას)

ჩემს ძმას უთხროდი, შანშესა,  
ყოჩაღად იყოს, ფხიანად,  
ყველაად ვკმარვართ მტრისადა  
სადავლოდა და ზიანად.  
ლუხუმმა დამაბარაო,  
კარგა უამბე, ჰკვიანად.

### ლ ე ლ ა

როგორ წავიდე? ვერ წავალ;  
სიზმრებსა ვსინჯავ ავებსა...  
კაცი რამ მოდის კუბრივით,  
დაათრევს კაცის თავებსა;

მოდის, წინ მიწყობს ღრეპითა.  
 ჩემთ ძმათ სისხლიანს მკლავებსა.  
 ის რო წაეა და სხეა მოვა  
 დიაცი მზისა ფერია;  
 მეტყვის: უთხარ რამ, ლელაო,  
 ეგ არის თქვენი მტერია!  
 ამ ტანჯვაში ვარ სულ მუდამ,  
 ძილი არაა ჩემთვისა... —  
 ესა სთქვა განაცრებულმა,  
 ცრემლებიც ჩამედედინა.  
 ცხენი მოღრიჯა, გასწია,  
 ქვეთინი გაჰყვა კვალადა;  
 წავიდა გულ-ჩათუთქვილი,  
 მივალის ძალი-ძალადა.  
 ქალის ქვეთინსა მდულარეს  
 მთანი იწერენ მკერდზედა;  
 ცრემლით ატირდენ წყარონი,  
 ჩამომდინარნი გვერდზედა;  
 დაბერებულა პირიმზე,  
 კუზი ეტყობა წელზედა...  
 ოცნება ტანჯულის ქვეყნის  
 ქვეთინებს მთისა წვერზედა.

## IX

ღელეს ჩავიდა მწუხარე  
 ვარდი, ვარდის წყლით ნაბანი;  
 უძრავი ჰხურავ თავზედა  
 ყვავილიანი საბანი.  
 მოულოდნელი ხმა ესმის,  
 კაცის კივილი შორითა,  
 ჩამორბის, ჩამოუძრახნებს  
 კაცი ახადის გორითა:  
 — მოიცა, ქალო, და-ძმობას,  
 ცოტას იარე წყნარადა.  
 რა გაქვეთინებს, ბეჩაეო,  
 იყავი უწყინარადა!

ლელა ჩამოხდა ცხენიდამ,  
ცხენი მიაბა ხეზედა,  
ჩამოჯდა დაღონებული,  
შუბი დაიდვა გვერდზედა.  
აგერ გამოჩნდა ისიცა,  
ვისიც ესმოდა ძახილი.  
ქალთან პირდაპირ მივიდა,  
ვით ამოწვდილი მახვილი.

### კ ვ ი რ ი ა

შენ და და მე ძმა, ლელაო!..  
თუნდა მიმიღე მამადა.  
ჩემს ესე დატევებასა  
ნუ ჩამამართმევ აუადა.  
მე კვირია ვარ, მიტირე,  
თუშეთით მოსულ მზირია,  
თუმცა კი თქვენის წყლისა ვარ,  
ფშაური მიდგა ძირია,  
გოგოლაურთა დისწული,  
მათურელ გივის შვილია...  
შენი პასუხი მესმოდა,  
იქვე ლაშქარში ვერიე,  
უფროსთა საუბარშია  
მე ველარ ჩამოვერიე.  
თუმც კი დამიჯდა ჭკვაშია  
შენი გაყოლა თანაო...  
აჩქამდნენ, იუკადრისეს  
დიაცის წამოყვანაო.  
რომ ხერხი ღონეს სჯობია,  
ლაშქარი ფიქრობს განაო?  
საცა ჰოს უნდა ამბობდენ,  
იქ იძახიან: არაო!  
როდი ფიქრობენ, — ბახტრიონს  
ბევრი თათარი სტანაო:  
ჯერ შასვლა არი საჭირო,  
რო კაცმ იხმაროს დანაო.

საქმე ციხეა, უფრო კი  
 მაგარი ციხის კარები,  
 რომ ლაშქარს ჰქონდეს მტრისაკე  
 გზა, ლაღად გასატარები.  
 მე და შენ, დაო ესრე ვქნათ,  
 მეც თავს არ ვზოგავ, იცოდე:  
 ჩვენ ჯარზე უწინ წავიდეთ,  
 შენაც ჩემთანა ხვიდოდე.  
 ჩვენ ორნი წავალთ ერთადა, —  
 მივმართოთ თათრის ბინასა;  
 მივესალმები ყარაულს,  
 სხვებზე თავს მდგომს და წინასა.  
 თან ვეტყვი: ყეინს მოვართვი  
 ფეშქაშად ტურფა ქალიო;  
 გთხოვთ მანუგეშოთ მენაცა,  
 კაცი ვარ შესაწყალიო.  
 კარს გაგვიღებენ ციხისას,  
 მარჯვედ მოვხვდებით შიგითა.  
 შენ თუნდა ხელსაც ნუ გასძრავ,  
 ჩვენს ჯარს მე ვუშველ იქითა.  
 ჯარი ხელამდე არ მოვა,  
 ჩვენ წრულ წინდაწინ ვიართო;  
 მზას ვიყვნეთ, ციხის კართა  
 საქმე წალმ დავატრიალოთ,  
 ცისკრის ხანს მოვა ლაშქარი,  
 ჩვენც იქ დავეხვდებით მარჯვედა;  
 ვეცდები კარი გავულო,  
 თუნდ დამკლან ციხის კარზედა.  
 შენ რაღას იტყვი ამაზე,  
 ვამბობ თუ არა ჰქვაზედა?

#### ლ ე ლ ა

მზადა ვარ, შენი ჰირიმე,  
 როგორც სჯობ, იცი უკედა;  
 მე კი გონება არ მიჭრის,  
 გამხდარს დარდ-ბოღმის ბუდედა.  
 მტრის ჯავრი გულში მიდგია

შავს ალაზანის გუბედა.  
 ეგრ იყოს, როგორც შენ ამბობ,  
 უარს არ ვიტყვი მაგაზე,  
 ოღომც დააბას ჩვენმ ჭარმა  
 თათრები ვირის ბაგაზე.  
 იმოდენს როგორ არ შავძლებ,  
 რო დამკლან დედის კალთაზე...  
 ამ პირობაზე დამდგარნი,  
 ორნი გორი-გორ ჩადიან:  
 ოღომც ეშველოს ჩვენს ჭარსა, —  
 ორსვე სიკვდილი სწადიან.

## X

ცამ გადიბანა პირიდამ  
 მური, ნაცხები ღრუბლისა,  
 გადაეფინა სამყაროს  
 ლოცვა-კურთხევა უფლისა.  
 შუქი დაეცა ლაშქარსა  
 მთების ბრწყინვალის შუბლისა,  
 ლაშარის გორზე წავიდა  
 ლაშქარი დროშის უღერითა.  
 „შადეგით“, ჰყვირის ლუხუმი  
 სამკლავიანის ხელითა:  
 „ვერა ჰნახეთა, ბატონი  
 წინ მიგვიძღვება ცხენითა?!“

პ ი რ ვ ე ლ ი მ ხ ე დ ა რ ი

ვნახე, ცის ტატნად დავატყვე,  
 მთა გადალახა სწრაფადა;  
 გარს ევლო შუქი ბრწყინვალე,  
 ცილამ მოსული ძაფადა.

მ ე ო რ ე მ ხ ე დ ა რ ი

ლურჯს ცხენზე იჯდა, ლამაზი  
 სხივი თავს ედგა ღვთიური;



რო ვნახე, გულში ჩამიდგა  
სიამოვნება ციური.

მესამე მხედარი

მე ტრედის-ფერად მეჩვენა,  
სხივი მისდევდა მზიური;  
შორს გაანათა ელვასებრ  
ასი ბარული დღიური.

მეოთხე მხედარი

ჯერაცა ვხედავ, მივალის  
ტურფა, სიტურფით ქსოილი;  
ისრ ჰშვენის ცხენზე, ვით ველზე  
გაზაფხულისა ყოილი.

ლაშქარი (ერთხმად)

იდიდოს შენი სახელი,  
ჩვენო ბატონო, ძლიერო!  
ჩაგვიძველ, მოგდევთ ჩვენაცა,  
საყმოს საშველად მშვიერო!  
ადიდე ლაშარის ჯვარი,  
ცისა და ქვეყნის იერო!  
ნეტავ, რა მტერი იქნება, —  
ეხლა გაგვიძლოს, ბიჭებო,  
ჩვენი კვალი ხარ დღეს შენა.  
ლურჯაის დანაბიჭებო!

ლაშარის ჯვარის ცხენისა  
ნატერფალია ელვარე;  
ალტაცებულსა ლაშქარსა  
გული გაჰხდია მღელვარე.

## XI

იჟიჟრიბანდა, ცისკარი  
სულს ჰლევს, თანდათან ჰქრებოდა, —  
ნეტავი ყველა ლაშაზსა  
ესრე სიკვდილი ჰხვდებოდა!

დღეს მკვდარი, ზვალე დილითა  
 ცოცხალი წამოდგებოდა;  
 სრულის ჯანით და იერით  
 თვალებს წინ დამიდგებოდა.  
 ნეტავი ცეცხლი ციური,  
 ვისაც კი გულში ჰნთებია,  
 ჯერ არ გაუქრეს, თუ გაქრეს,  
 ისივაც ამოჰგზნებია!  
 მკვდარია უგრძნობი კაცი,  
 უსაზარლესი მკვდარზედა,  
 მით რომე სიცოცხლე უდგას  
 სალის ყინულის ტახტზედა.  
 არ ებრალება მოყვასი,  
 მის წინ რო აცვან ჯვარზედა.  
 ინე მოკვდება, ვერ შედგეს,  
 ერთს წამს ტრფობისა მთაზედა.  
 შორს არის, მეტად შორს არის  
 დაშორებული მაზედა.  
 ჰაობში არის ჩაფლული,  
 ვიცნობ მოწამლულს ხმაზედა.  
 საზარელია დადგომა  
 უგრძნობელობის გზაზედა!

## XII

გადვიდენ ალაზნის თავსა,  
 მთების წვერები ჩნდებოდენ.  
 საცა გაჰხედავ, ყოველგან  
 გასაშტერონი დგებოდენ:  
 ზოგნი ცის გულ-მკერდს ჰკოცნიან,  
 ზოგნი უკანა რჩებოდენ;  
 იმათ ჩაუთქამ ქვეყანა,  
 ბუნების სისხლით ძლებოდენ;  
 ნამძინარევი დევები  
 ისევ ბურანში არიან,  
 ერთს ადგილს დგომით ტანჯულნი

შეჭირვებულან ძალიან.  
მზე რომ მოვალის, მაშინის  
შავს ნისლებს გადაიყრიან,  
თუნდ მთლად ქვეყანა დაეცესთ,  
აბჯართ არ ჩამაიყრიან.  
გულ-მკერდს ერთმანეთს აბჯენენ,  
წარბ-შეუხრელად მდგარნია,  
წვანან ხმა-ამოუღებლად,  
როგორც საფლავში მკვდარნია.  
ნეტავ ბუნების ქმნილება  
სხვა მათ რა შედარება,  
მალ-მალე შავი ჯანლები  
თავზე რომ დაეფარება?  
ნისლი ფიქრია მთებისა,  
რმათ კაცობის გვირგვინი.  
მიყვარს შეუღრეკს მათს მკერდზე  
ხშირის ბალახის ბიბინი,  
ტიალის ობლის ნიავის  
გულის მგმირავი სისინი.  
არწიენი დაფარფაშობენ,  
უფსკრულს ავლებენ თვალებსა,  
მადლიდამ ჩამოჰხარიან  
თავისგან დახრულს ძვალებსა;  
ლალი შვილები მთებისა  
ერთმანეთს ეძრახებიან;  
ამ დროს ომში მყოფს გმირებსა  
ტიალნი ემსგავსებიან.  
უყვარსთ, რო ჰხედვენ ერთუტრთსა,  
იმიტომ ეხასებიან!  
ლაშქრისა გულიც აივსო  
სიამოვნებით სრულითა,  
ყველა დაჰხედავს კახეთსა  
ათრთოლებულის გულითა.

ლაშქარი შედგა ცოტა ხანს,  
 ხმა გამოსმა კითხვისა:  
 „კაცნო, კვირია რა გვექნა?“  
 ყველა ამასა სჩივისა.  
 ენთება ზოშარეული,  
 როგორაც ბურღო თივისა.

### ზო შ ა რ ე უ ლ ი

იფიქრეთ, ფშაველ-ხევსურნო,  
 ეგრე არ გარგებთ ტარება,  
 მზირმა მზირობა არ გვიყოს,  
 თავს არ მოგვხვიოს წვალება.  
 ვინ იცის, ნათრევე კაცია,  
 არ იყოს ლალათიანი,  
 დუშმანი არ გაგვიფრთხილოს,  
 საქმე ქნას ნახლართიანი.

### ლ ა შ ქ ა რ ი

რა გაიგება, იქნება  
 ბრიყვმა გაგვიიდოს ფულზედა.  
 ფიცი გატეხოს უსირცხვოდ,  
 ხელი აიღოს რჯულზედა,  
 ცოცხლად დაგვმარხოს, თვითონვე  
 მიწა გვაყაროს გულზედა.

### ლ უ ხ უ მ ი

კაცნო, რას ამბობთ ნეტარა?  
 რად ჰგრეხთ დიაცებრ ჰორებსა?  
 ფარ-ხმალით მოკაზმულები  
 აპკიდებიხართ ჯორებსა!  
 რად არ გაჰხედნებთ, ბრიყვებო,  
 ჩვენის სამშობლოს გორებსა?  
 ვის გაუგონავ, სად თქმულა  
 ამბავი, ძველად თხრობილი,  
 მითხარით, ნუ დამიმაღავთ,

ვინც კი კაცი ხართ ცნობილი,  
ეგრე მუხთალად ღალატი,  
ეგრე უღმერთოდ ტყუება,  
მტრისა სალხენად ძმებისა  
შინაით გამოტყუება?!  
სრულ სიცრუეა, ნუ იტყვით,  
თქვენ გენაცვლებათ ლუხუმი.  
არ რადმე მეჭაშნიკება  
სიტყვა კოჭლი და ლუგუმი.  
კაცს მაგის მეტად ვერ იცნობთ,  
მაგის მეტ არ გაქვთ შნობა?  
თავის ფიქრიდგან შემკრთალთა  
ეხლაჲ მოგყიდათ ცხროება.  
ღალატს რა უნდა ჩვენშია,  
როგორი გვადგა დროება?!

### ს უ შ ე ლ ჯ ი

ფიქრმა თვითონ სთქვა, რაცა ესთქვით,  
ეს ნურვის გაუკვირდება;  
ყველაც კი იტყვის ამასა,  
ვინც საქმეს დაუკვირდება.  
არც კაი ბოლო იმათ აქვ,  
ვინც ერთურთს აუხირდება.

### ლ ა შ ქ ა რ ი (ერთხმად)

არა, ტყუილად ნუ ვიტყვით,  
ცოდვას ნუ ვიდებთ კისრადა,  
მშვილდზე ნუ ვაგებთ კვირიას,  
ნუ ვათამაშებთ ისრადა.  
კვირიას ღალატ არ უნდა,  
სხვა რამ ფიქრი აქვ წყეულსა,  
თვალ-ცრემლიანსა, ობოლსა,  
გულზე ეკლებით ხეულსა,  
ეგრე ქურდულად გაპარულს,  
ერთბაშად გადათხეულსა,  
ვის ეწადება ღალატი  
სწორჩიით გამორჩეულსა?!

## ლ უ ხ უ მ ი

ეგრე თქვით, მაგას მოგელით,  
სიტყვას წყნარსა და რჩეულსა.  
ლუხუმიც მალე შეატყობს  
ცრუვს, ღალატობას ჩვეულსა...

თანდათან ცნობას მოვიდა  
გული-გონება ლაშქრისა.  
სპეროზიის კლდიდამა  
ცივი ნიავე მაჰქრისა.  
მიდიან ფეხ-შეუშლელად,  
კალთა ჩაკეცეს მთებისა,  
რაკი დაუშლის მგზავრობას  
მოსახვევები გზებისა.  
გალმა-გამოლმა მწყრომარე  
ხვივილი მოდის წყლებისა  
და ალაზანიც, ბარს დინჯი,  
მთაში მეტადა სწყრებისა;  
ძირს უთხრის სალსა კლდეებსა,  
თავზე ჩაჩქანი ჰხდებისა!..

## X I V

ნაქერალაში დამდგარან  
თუშები თექიანები;  
გულ-შაუდრეკნი ომშია,  
ლაშქრობას ბედიანები.  
გარს სანგლად შემოუვლიათ  
ხევები ბექიანები.  
ელიან ფშაველ-ხევსურთა,  
თვალი იმათკე სჭერიათ;  
წინ მიეგებენ ლხენითა,  
დროშები დაუჭერიათ.  
ლუხუმმა ცხენი გაქუსლა,  
წავიდა თამაშობითა;  
შამაუძახა თუშებსა  
შუბლ-შეკვრით, კამათობითა:

## ლ უ ხ უ მ ი

სადა გყავთ, თუშნო, ზეზვავი,  
რად არ მაჩვენებთ თვალითა?  
მე დ'იმან უნდა ვიომოთ,  
ნაქებ რო არი მკლავითა. —  
ალარა ხუმრობს ლუხუმი,  
მკერდ-შელობილი ფართა. —  
მე ჯერ თათრებთან რა მინდა,  
მაგისი სისხლი მწყურია,  
ღულს და გადმოდულს გულიდამ  
მაგის მტრობა და შურია.

შეჩერდა თუშის ლაშქარი,  
გულზე წაესო მურია:  
ფიქრობენ: რამ გააგიჟა,  
ლეკიაა, აუ ურია?  
შველის მაგივრად, თავხედსა  
ჩვენივე სისხლი სწყურია!

ზეზვამ მყის იცნო ძმობილი,  
ვეფხვი ხმალ-და-ხმალ წაეიდა,  
გაეკინკლავენ ერთმანეთს  
ხმალ-შუბებით და ფართა;  
მემრე აკოცეს მხურვალედ,  
ამბავსა ჰკითხვენ ძმურადა.  
ერთმანეთისა სურვილი  
ორსვე ჰქონიყო წყლულადა.

## ლ უ ხ უ მ ი

გენაცვლე, ძმაო ზეზვაო,  
რო თვალით გნახე კიდევა.  
მიყვარს, ძმობამა, ხმალ-და-ხმალ  
შენი მტრისაკე მიწევა.  
კაცო, შენც დაბერებულხარ,  
გაგზშირებია ჰალარი;  
ცხენი სადა გყავ, მიტირე,  
ი შენი ცხენი—სალარი?

## ზ ე ზ ვ ა

ლაშქრობამ ჩამამაბერა,  
ძალღ-უმაღურად გდებამა,  
სრულ ლაშქარსა ვარ, რაც კია  
ძუძუს მამსხლიტა დედამა.  
ჯერ შენთან, ძმაო ლუხუმო,  
რამდენჯერ ვიყავ ომშია?..  
წელში ორჯელ თუ დაემბის  
ჩემი საფერხე გომშია.  
სალარი მაგათ მამიკლეს,  
ვისაც დღეს უნდა უტიოთ,  
მაგ ძალთი ერთი ცოცხალიც  
გარეთ არ გამოუტიოთ.

## ლ უ ხ უ მ ი

სრულ მაგონდება, ძმობამა.  
საცა რა გადაგვხედია;  
უნდა გადაგვხდეს კიდევაც...  
ეს არის ჩვენი ბედია.

## ზ ე ზ ვ ა

მეც მაგონდება ბევრი რამ  
ერთი კი უფრო ცხადადა:  
ერთხელის, საბუის ბოლოს,  
ლეკებ რო ვაცხვეთ ქადადა.  
თუ, გახსონს, ერთს ლეკს ხმლითა ვეც  
ჭიმად მოვწყვიტე თავია!

## ლ უ ხ უ მ ი

შენის ფრანგულის ნაპრევი  
ისევე ისეთი მწვაგია?

## ზ ე ზ ვ ა

თავი გაგორდა მიწაზე,  
ტუჩებმ დაუწყო კაპუნი,  
იტყოდი, სარეკელასა  
წისქვილზე გააქვ რაკუნი.



შენ შაგებრალა ურჯულო,  
მოგიწყლიანდა თვალები;  
უთუოდ, საით ენახვე,  
მოგაფურთხებდენ ქალები.  
მე არ მებრალვის, ლუხუმო,  
მოუნათლავი აროდის,  
მაგათ სიწუნტის ნალეელი  
ყელში დუღილით ამოდის.  
ვისაც ჩვენ არ ვებრალვით,  
ჩვენ 'ძავებრალთ რისადა?  
სიკვდილი თვითონ უფალსა  
გაუჩენია მტრისადა!

ერთურთს სალამი მიართვეს,  
ფიცით შაიკრა ჯარია.  
მადლიდამ მაკურთხებელი  
თავზე დაადგათ ჯვარია.  
შაილებება სისხლითა  
ქართველთა მთა და ბარია.  
დილის მზის სხივით იპოსენ  
ქედებს კახეთის მთანია.

## XV

ხუთშაბათ დილა გათენდა,  
სისხლისა ნიავე-ღვარია,  
ბახტრიონს თათრის შვილებსა  
დღე გაუთენდათ მწარია.  
გადმოდგა ბორბალაზედა  
თავისუფლების მთვარეა.  
ალაზნისაკე წავიდა  
ურჯულოს სისხლის ღვარია.  
ნალესის ფრანგულებისა  
ცასა სწევდებოდა ალია.  
სრულ სისხლით დანაბეჭდია  
მეომართ დანაკვალია.  
კარავე-საჩეხი მტრებისა

მინგრეულ-დანაგალია.  
გასწყვიტა ჩვენმა ლაშქარმა  
მტერი, უღმერთოდ დალია.  
მიჰკივის თათრებს ზეზვი,  
შეუპოვარი, მალია;  
გულ-რკინას ხოშარეულსა  
შუა გადუტყდა ხმალია!  
ცრემლი ვრევა თვალებზე,  
სწუხს ამისაგან, მწყრალია.  
ლუხუმმა თოფი გამაჰკრა,  
არ აუფეთქდა ფალია;  
დროშას მიუძღვის ლომივით,  
ამაიწვავდა ხმალია.  
შამაუძახა ლაშქარსა,  
გულდინჯმა, ომში ცხარია:  
„მამყევით, ვისც ქუდი გხურავთ,  
ვინაც არა ხართ ქალია!“  
აიესო თათრის ძვლებითა  
იმ ბახტრიონის არეა.  
ციხე-გალაენად ეგება,  
ისე გამრავლდა მკედარია.  
ეს ის დრო იყო, როდესაც  
მთასა ჰლოცავდა ბარია,  
როს სალოცავად მიაჩნდათ  
მთიელის ხალხის გვარია.

## XVI

— საით მოსდინხართ, ფშავლებო,  
ციხენ-ხეთქით, რიალითაო?  
ღრეობით, მხიარულადა,  
ჩაჩქნების კრიალითაო?  
ლაშარის ჯვარის დროშისა  
საამო წკრიალითაო?  
— საით და, კახეთს ვიყვენით,  
ბახტრიონს ჩავიყარენით;

ჩვენა, თუშნი და ხევსურნი  
პანკისში შავიყარენით.  
ვაცადეთ ჩვენი საცდელი,  
ეხლა კი გავიყარენით.

— რა გქონდათ, კაცო, საცდელი,  
რა გქონდათ საომარია?

— არ თუ გაგიგავ, კახეთი  
თათრების ნაოხარია?  
თათრები ეხოცეთ, მოგვიდის  
ცხენები ნაოფლარია;  
გავწირეთ გულსისხლიანი  
ყეინი ნათოფარია:  
სალაშარიჯვროდ მოგვაქვის  
ზინათი ნაშოვარია  
და გადმოვლახეთ საფშაოდ  
ტბათანა ნათოვარია:  
სავსეა თათრების ძელითა  
ფშავლების ნაომარია.  
მეფემ გვიბოძა საჩუქრად  
სახნავი დ' საძოვარია.  
სახელს უმატეთ სახელი —  
ძვირფასი საპოვარია.

— საკაცით ვინლა მოგაქვისთ,  
ნაბდებში შახვეულები?

— კვირიაი და ლელაი,  
ჩვენთვის სისხლ-დანთხეულები.  
ღმერთმა აცხონოს ესენი  
ამათ გაგვიღეს კარები  
რო შავიქრენით შიგითა,  
ჩვენ წინ ეყარნენ მკვდარები.  
მოგვაქვს, დავმარხოთ იქავე,  
სად მამა-პაპა ჰმარხია,  
სადაც აბარავ მიწასა  
იმათ გული და სახია.  
მძიმეა თავის ქვეყანა,  
თავის წყალ-ჭალა ძლიერაქ  
მიწაც ტკბილია მშობლური,

გულს რომ ეყრება ფხვიერა.  
 — ვის მოგილოცოთ სახელი,  
 ვინა ხართ სახელიანი?  
 — პირველ — ობოლი კვირია,  
 სახე აქვ ნათელიანი;  
 მეორე—ლელა ბაჩლელი,  
 ქალი ხელ-ფარტენიანი;  
 მესამე — ბერი ლუხუმი,  
 კურთხეულ გამდელიანი;  
 მეოთხე — ხოშარეული,  
 არწივი მხარ-კვერიანი;  
 მეხუთე, გივი სუმელჯი,  
 მოგყავის ნაჭრევიანი.  
 — თუშჩი ვინ ვარგდა, მითხარით,  
 კაცად ვინ უფრო არია?  
 — ზეზვაი, ძმამ, ზეზვაი  
 მთელის თუშების დარია.  
 არა ყოფილა გაზდილი,  
 მომცრო სდგომიყო ტანია.  
 ისა ყოფილა ვაჟკაცი,  
 ღირსი წელთ ერტყას ხმალია.  
 ლომია, უფალსა ვფიცავთ,  
 სწრაფი, ვით ელვა-ქარია,  
 ჰშვენოდა, ძმობამ, ვაჟკაცსა  
 ღაზარნიშული ფარია.  
 მაგრამ დაგვიპრეს რჯულ-ძალთა,  
 ჯაწირეს ცოცხალ-მკვდარია.  
 თუ გაჰზდის,— ფურმა გაზარდოს  
 აი, მისთანა ხარია!  
 ვერ ვნახეთ, რო დაეკვნესოს,  
 ან შეცვლილიყოს სახითა.  
 თუშთ შაიპირვეს ძალიან,  
 ცრემლით ატირდენ ცხარითა.  
 თავით დაურქვეს ღროშაი  
 მისივე შუბის ტარითა.  
 — ახლა ისა სთქვით, მოყმენო,  
 ვინ დარჩა სირცხვილიანი?

— წიწოლამ ლაფით გაგეთხიფა,  
 გაგვექცა სირბილიანი!  
 ნეტარ სად დაიმალება  
 სრულ-ცხლით სიკვდილიანი?  
 ფშავში როგორღა მოალის  
 დიაცი ჩიქილიანი?  
 არ ვარგა მაგათი გვარი,  
 უჭიშო, სიცილიანი!  
 ხალხში როგორღა გამოვა?  
 ხატში როგორღა მოდგება?  
 უკლოს, უკეთურს, ბეჩავსა  
 სად დაეკარგა გონება?!  
 რად არ ირჩივა სიკვდილი  
 და თათრებისა მონება?  
 ვინღა გაივლევს ახლოსა,  
 ჩააქვაებენ დედანი.  
 მიწამ შაჰამოს ცოცხალი  
 ე მაგისტანა მხედარი!  
 ომშიით გამოქცეულსა  
 მუხი დაეცეს, მედგარი!  
 არ ვარგა, იმიტომ თქმულა,  
 კაცი, ქალებში მკვებარი.  
 — ბერი სადღაა ლუხუმში,  
 დამრიგებელი ფშავისა?  
 — ეხლა გაგიტყდეთ ჩვენაცა,  
 აუგი გითხრათ თავისა:  
 იქისა ვერა გავიგეთ,  
 გულში ესა გვაქვს ჯავრადა.  
 მტერი რო მთა-ტყეს მოეცა,  
 ჩვენ თან მივსდევდით ჯარადა  
 მისი ველარა გავიგეთ,  
 იქნებ თუშთ გაჰყვა წვეულად;  
 ზეზვაის დაჰკრა ეწყინა,  
 ძმობილს თან ჰყავდეს ძმეულად,  
 ვერა ვიციტ რა, ესა გვწყინს,  
 გერცხვენიან, ჭირად გვეტყვიან;  
 დაკარგვა ჩვენის პატრონის  
 საგონად გარდაგვეტყვიან.

## XVII

ლამესა სძინავს მთა-ბარზე,  
ბუნება დასვენებულა,  
მანათობელი ქვეყნისა  
მთვარეც ხომ ჩასვენებულა.  
მოისმის იერის ჩხრიალი,  
სიზმარს უამბობს ჭალასა,  
ერთად ჰკეცს საუბარშია  
ცისა და ქვეყნის ძალასა.  
ცა თავისათვის მყუდროდ სდგას,  
მკერდ-სუფთა, ვარსკვლავიანი.  
მუხაზე ჩამოკიდული  
კაცი სჩანს სამკლავიანი.  
თავი დაურჩევ მხედარსა,  
თუ იყო გულჯავრიანი?  
იორი ყურსაც არ უგდებს,  
ნელად აქანებს ტალღებსა,  
არ ედარდება, დაობლდნენ,  
მამა აღარ ჰყავ ბალღებსა.  
თემისგან უარყოფილსა  
გადაუგდებებ ძაღლებსა.

## XVIII

სხლოვანს ატირდა ბებერი,  
მოსთქვამს ზარს ზარიანადა:  
„ნეტავი თავზე დამეცეს  
მთა-ღელე ბარიანადა!  
ნეტავ არც შვილი მყოლიყო,  
არც გავჩენიყავ ღედასა,  
თუ ამას შავესწრებოდი,  
ამდენ სირცხვილის კრეფასა!  
შვილო, სირცხვილი მაჰმეე,  
ძუძუ დასწყევლე ღედისა!  
თვითონ შენა ხარ მწამლავი

თავის უბედო ბედისა.  
 რად არ იქ მაჰკვდი, ბეჩავო  
 რად ხარ ყელ-საბელიანი?!  
 რად არ მამიხვედ, წიწოლავ,  
 პირნათლი, სახელიანი?!  
 გასწირე თავის ხსენება,  
 საწყევლარ-სარბევიანი!“  
 — მარტოდ რად სტირის დიაცა,  
 გვერდით არა ჰყავ სოფელი?  
 არ ისმის მოზარეთ ზარი,  
 გულს ლახვარ-დამასობელი?  
 — თასი დაღვარეს ხატშია:  
 ახლოს მიუდგეს არვინა,  
 წიწოლას დანაშაული  
 აწეულია ცამდინა,  
 დაამცრო ჩვენი სახელი,  
 მთელს ლაშქარს გული ატკინა.  
 არც ვინ სამარეს გაუთხრის,  
 არც ვინ შაუკრავს კუბოსა;  
 მარტომ იტიროს დედამა,  
 ცრემლი წინ დაიგუბოსა!

## XIX

იტყვიან: მალღის მთის ძირსა,  
 უღრანს, უდაბურს ტყეშია,  
 ლუხხუმი იწვა დაჰრილი.  
 ნატყვიარი სჭირს მკერდშია.  
 იქვე მაღალი კლდე იყო,  
 გამოქვებული შავადა,  
 ხავსით მორთული, პირქუში,  
 მრისხანე სანახავადა.  
 იქა ბუდობდა ვეება  
 გველი, მორთული ჭაგრითა,  
 ბევრისა ცოდვის მოქმედი,  
 პირზე დორბლების დაყრითა.

ბევრი ჩაენტქა ტიალსა  
მონადირე და მხეცები,  
იწვა, უცდიდა დავლასა  
თვალეზით დანაცეცები.  
გადამთხვალიყვენენ იქიდამ  
ნადირნი გულის თრთოლითა.  
ვერ გაჰხედნებენ იმ ალაგს,  
ისე ეშინისთ შორითა.

ერთს დღესა გველი, ვით ნისლი,  
გაწოლილიყო ხეზედა,  
წიოდა გულჯავრიანი,  
თანაც თბებოდა მზეზედა.  
ამ დროს შაესმა კვენისის ხმა  
ჯაგარ-აშლილსა გვერდზედა.  
გაჰხედა, ნახა, — კაცი წევს,  
სულის მამბრძოლი, ეული,  
გასცქერის ცისა სივრცესა  
სასომიხდილი, სნეული;  
მკერდზე ატყვია მიმხმარი  
სისხლი წყლად ამორწყეული.  
გველს შაებრალა ლუხუმი,  
მისკე წავიდა ზლაზვნითა,  
მიაშრიალებს ხმელს ფოთოლს  
დიდრონის ტანის გლარზვნითა.  
ზედ დააშტერდა სნეულსა  
თვისის გველურის სახითა,  
დასცქერის სულის მამბრძოლსა  
გულის მზარავის თვალითა.  
დაფიქრდა გველი ძლიერად,  
გული ევსება ბრალითა.  
ბევრის ცოდვების მოქმედსა  
გადაუბრუნდა გუნება:  
რა სიბრალულით იმსკვალვის  
მისი გველური ბუნება!  
ზედ გადააწვა, მკერდზედა  
წყლულსა ულოკდა ენითა.  
თან მკერდს უსველებს მხედარსა



ცრემლების ჩამოდენითა.  
აყრუებს ტყესა და ველსა  
ოხვრითა ჩამოდენითა!

მთელს ერთს თვეს ასე უვლიდა  
ადამის ტომის მტერია,  
ბოროტების გზა გაუშვავ,  
კეთილი დაუჭერია!  
საჰმელსაც თვითონ უზიდაეს,  
ასმევს წყალს ლალის მთისასა;  
ლამ-ლამ ზღაპარსაც უამბობს  
ორის ობოლის ძმისასა.

ამბობენ: შაძლებინა  
სნეულსო ფეხზე დადგომა;  
ელირსებაო ლუხუმსა  
ლაშარის გორზე შადგომა!

(1892 წ.)

## სტუმარ-მასპინძელი

### I

ლამის წყვილიადში ჩაფლული,  
გამტყნარებულის სახითა,  
მოსჩანს ქისტეთის მიდამო  
სალის კლდეების ტახტითა.  
ბნელს ხევზე მოჰყეფს მდინარე,  
გულამღვრეული ჭავრითა.  
გადმოხრილიყვენენ მთანიცა.  
ხელ-პირს იბანდენ წყალზედა;  
ბევრი მომკვდარა მათს მკერდზე,  
სისხლს ვერ იხდენენ ტანზედა:  
ძმის მკვლელის სისხლი სწყურია.  
კაცი რომ მოდის გზაზედა.  
გზას ვამბობ, თორემ რა გზაა.  
ვიწრო ბილიკი კლდეზედა?  
სავალად მეტად ძნელია,  
ფეხს ძლივ აცილებს ფეხზედა.  
გალმა სჩანს ქისტის სოფელი  
არწივის ბუდესავითა, —  
საამო არის საცქერლად  
ღიაციის უბესავითა.  
სოფლის თავს სძინავს შავ ნისლსა  
დაფიქრებულის სახითა.  
ჟორს უგდებს არე-მარესა,  
გულ-ლალობს სანახავითა.  
სტუმარო! ცოტა ხანისა,  
ხვალ სხვაგან წაუა აქითა.  
წაუა, გადივლის გორებსა,

ქედებსა ყინულიანსა;  
აბნელებს, უხილაჲად ჰქმნის  
ქვეყანას ხილულიანსა.  
თუ მონადირეს ატირებს,  
გზა-დაკარგულსა კლდეშია,  
ალაღებს მგელსა და ქურდსა,  
მოარულთ სიბნელეშია.

## II

ზევიდამ ვინდაც უცნობმა  
კლდის ლოდი გადმოაგორა,  
მგზავრმა შეჰხელა პირ-ალმე,  
წინ უდგას მაღალი გორა.  
ყურს უგდებს... ცოტა ხანს შემდეგ  
მოესმა ქვიშის ჩხრიალი.  
მგზავრი სიათას იმარჯვებს:  
მტერი არ იყოს ტიალი.  
შესცქერის გაფაციცებით  
ფეხზე შემდგარის თოფითა,  
ჰხედავს, რომ მოალაჯუნებს  
კაცი ორ-კაპის ჯოხითა.  
შავი რამ მოსთრავს პირ-თავექვე,  
ქვიშა ქანავდა იმითა.  
არას ამბობდა უცნობი,  
სიტყვა არ მოსდის პირითა.  
უპრჰყვინავს სალტა თოფისა,  
ვით წვიმის ცვარი დილითა.  
— ვინ ხარ, რა სულიერი ხარ,  
რას იარები ამ დროსა?  
— ვინ გინდა? მონადირე ვარ,  
კაცს შენ ვერ გხედავ სანდოსა.  
— რაობით სანდო არა ვარ?  
სიტყვას რად ამბობ მცდარესა?  
ვითომ, რომ დაეხეტიალობ  
შენებრ ამ კლდიანს მხარესა?

მეც მონადირე გახლავარ,  
დღეს კი ვეხეტე უბრალოდ.

— წესია მონადირისა,  
ხომ მაინც დაჰრჩი უვალოდ?

— ესეც ვალია, ძმობილო,  
ძლივსღა დავათრევ ფეხებსა,  
სულ დავიარე ჭიუხი,  
არა ესტოვებდი ხეებსა.  
ზედ შავი ნისლი ჩამოწვა,  
ნიავე მოსცა ძლიერი,  
ხეებით შემომღმუოდა,  
როგორაც მგელი მშიერი.  
თვალწინ გზას ველარ ვირჩევდი,  
კლდეზე გადვარდნას ვლამობდი,  
ხამად ვარ, გეზი არ ვიცი,  
ამით ძლიერა ვწვალობდი.  
ბევრგან დავაფრთხე ნადირი,  
ცხადად ფეხის ხმა მესმოდა,  
ახ როცა გადაფრენილის  
ჯიხვის რქა კლდეებს ესმოდა,  
ის იყო გულის საკლავი,  
თვალით ვერაფერს ვხედავდი,  
სროლას ან მოკვლას ვინ იტყვის,  
წინ სვლას ველარა ვბედავდი.

უცნობი ახლოს მივიდა,  
შორი-ახლოსა მდგომარე,  
„გამარჯვებო“ მისძახა,  
„ნუ სჩივი, ნუ ხარ მწყრომარე“.

— შენც გაგიმარჯოს, ძმობილო,  
ჰხოცო ნადირი მხტომარე.

— აი ნადირი, რას სჩივი? —  
უჩვენა ჯიხვი რქიანი,  
მკვდარი, რქებ-გადაგდებული,  
დადუმებული, ჰკვიანი. —  
თუ გინდა, ეხლავ გავიყოთ.  
როგორც ამხანაგთ, ორადა,  
ჩიჩქიც არ მინდა მე მეტი,

გავინაწილოთ სწორადა.  
ამალამ ჩემთან წამოდი,  
სახლი არ მიდგა შორადა.  
სადაური ხარ, ძმობილო?  
სახელიც მითხარ შენია.  
ნუ სწუხარ, საზრდო შენთვისაც  
დღეს უფალს გაუჩენია.  
წილი გდებია შენაცა  
ამ ჩემგან მოკლულს ჯიხეშია.  
რად გიკვირს, არ გეხუმრები,  
არც გეფერები პირშია.  
მაშ, თუ ეს ასე არ არის,  
რად შამეფეთე ამ დროსა?!  
შაჰრცხვეს, ჩემ თავად, ვინც შენა  
ნაწილი დაგიკარგოსა.  
რა გქვიან? სახელი მითხარ,  
ხევსური სჩანხარ იერით.

— ნუნუა მქვიან, ძმისაო,  
გადმოხვეწილი ჰიელით, —  
იცრუა ზვიადაურმა,  
თვისი სახელი დამალა.  
რა ქნას? მის სახელს იცნობენ,  
ქისტელს ბევრს სისხლი ავალა;  
ბევრს ქისტს მოაქრა მარჯვენა,  
უდროდ საფლავში ჩალალა.

— შენი სახელიც მასწავლე,  
ჩემი ხომ გითხარ მართლადა.  
— ჯოყოლა მქვიან, ძმობილო,  
ალხასტაისძე გვარადა;  
არ მოგვიხდება, ერთურთში  
სიტყვა ვიუბნოთ მცდარადა.  
სახლი აქ ჯარეგას მიდგა,  
ქაეი და ციხე კარადა.  
ამალამ ჩემთან წამოდი,  
მე გაგიძღვები თავადა.  
თუ კარგად არ დაგიხვდები,  
არც დაგიხვდები ავადა.

ხვალ თითონ იცი, ძმობილო,  
საითაც გინდა, იარე.  
ზოგს მე გიამბობ ჩემს დარდსა,  
ზოგიც შენ გამიზიარე.  
— საცა არ მიხნავ, ძმობილო,  
იქ ვმკო—ეს სადაურია?  
ყელი მოგიპრავ ჭიხვისთვის,  
ფეხებიც ჩატყაულია.  
გესტუმრო, უარს არ გეტყვი,  
გიშველი ჭიხვის ზიდვასა,  
წილს კი არ მოგთხოვ, იცოდე,  
თავს არა ვკადრებ იმასა.  
შამოატყავეს ნადირი,  
წავედნეხ ჯარეგაშია,  
ბევრი იუბნეს ამბავი,  
ერთურთს გაეცნენ გზაშია.

### III

მივიდნენ, კოშკები დაჩნდა,  
აქა-იქ ჰყეფენ ძალღები;  
კარებში იცქირებიან  
ცნობისმოყვარე ბაღღები.  
დაეტყო ცხადად კლდის მსგავსად  
სიპით ნაგები სახლები.  
— აი, ეს ჩემი ოჯახი,  
ჩემი ციხე და სახლია;  
მობრძანდი, როგორც ძმა ძმასთან,  
ნათლიმამასთან — ნათლია.  
ცოლს დაუძახა ჯოყოლამ:  
— გამოიხედე კარშია! —  
ეტყობა თავმოწონება  
მასპინძელს საუბარშია.  
სდგანან ღერეფანს, უცდიან...  
ცეცხლი ჰკრთებოდა ღველფზედა,  
ჩონგურს უკრავდა, ღროული

კაცი რამ უჭდა გვერდზედა.  
დაჰმღერდა გმირობისასა,  
მამა-პაპათა ცდისასა:  
როგორ არბევდნენ ფშაგ-ხევსურთ,  
სისხლს არ არჩენდენ ძმისასა;  
ყველგან მადლობას სწირავენ  
მარჯვენას კაის ყმისასა.

გამოჩნდა ქალი ლამაზი,  
შავის ტანსაცმლით მოსილი,  
როგორაც ალყა ტანადა,  
ვარსკვლავი ციღამ მოცლილი.

— აი, სტუმარი მოგვეარე, —  
ღეთის წყალობაა ჩვენზედა, —  
როგორც დაგვხვდები, დიაცო,  
ეხლა ჰკიდია შენზედა.

ქალმა სალამი მიართო:  
— სტუმარო, მოხვედ მშვიდობით!  
— შენდაც მშვიდობა, გაცოცხლოს  
თავის ქმრითა და წილობით!

სტუმარს აბჯარი წაუღო,  
მიიპატიეც შინაო;  
ქალი მისდევდა უკანა,  
ჯოყოლა მიდის წინაო;  
თან მისდევს ზვიადაური,  
ძმობილი გაიჩინაო.

#### IV

კაცი რომ სჩანდა სახლშია,  
ქალარ-შერთული, ხნიერი,  
წამოდგა ისიც ფეხზედა,  
როგორც კლდის ვეფხვი, ძლიერი.  
სტუმრად მოსული უცნობი,  
სტუმარს პატივს სცემს სხვისასა,  
ფეხზე ადგომა წესია,  
წესს ვერ დაარღვევს მთისასა.

მაგრამ როს ნახა უცნობი,  
ფერი დაედო მგლისაო;  
ადვილად აიცილობდა,  
რასაც ჰფიქრობდა ისაო.  
არ ეკაშნიკა დროულს ქისტს  
დანახვა უცხოს ყმისაო,  
გული სცემს ბრაზმორეული.  
სახეც არ ჰმალავს ამასა,  
ხანჯრისკე ხელი მიუდის,  
ჩუმად სინჯავდა დანასა,  
მაგრამ სტუმარი სხვის სახლში  
ვერ გაშლის ხათაბალასა.  
ადგა და ჩუმად გავიდა,  
თითზე იკბინა მწარედა,  
სამჯერ ჩაიკრა გულს ხელი,  
როცა გავიდა გარედა.  
წავიდა, კარი-კარ დადის,  
ენასა ჰლესავს შხამითა:  
„ქისტებო, ჩვენი მოსისხლე  
შემოგვეპარა ღამითა.  
სჩანს, რო ჯოყოლა ვერ იცნობს,  
არ უნახია თვალითა  
ეგ ჩვენი ამომგდებელი,  
ჩვენი მრბეველი ძალითა;  
გაუმადლარი მუდამ ჟამს  
ჩვენის სისხლით და ძვალითა  
დღეს ჩვენს ხელთ არის, ვეცადოთ,  
ვაგემოთ გემო მწარია,  
მაგათ მოკლული ამ ზაფხულს  
გვეყავს უპატრონო მკედარია.  
სთქვით, თუ არ ვამბობ სიმართლეს,  
თუ ჩემი სიტყვა მკედარია?!  
გაიგოს ჩვენმა დუშმანმაც,  
არ გვაქვს უჭიშო გვარია.  
მიკვირს ჯოყოლას ჰკვეისაგან,  
მტერს რად გაულო კარია,  
ვისა ჰმასპინძლობს ჰკვეათხელი,



ცნობაზე რად არ არია?!  
ცხვირიდამ უნდა ვადინოთ  
ზვიადაურსა ძმარია,  
თუ არა, დიაცთ დაუთმოთ  
ჩვენი ხმალი და ფარია“.

აღელვდენ ქისტის შვილები,  
ყველამ შაიბა ხმალია,  
აღელვდა მთელი სოფელი:  
ბალო, კაცი და ქალია.  
უნდა შასწირონ თავის მკვდარს  
ზვიადაურის თავია;  
უნდა მტრის საფლავზე დაკლან,  
როგორაც წესი არია.

გაგზავნეს ერთი მზვერავეი,  
თან აბარებენ ჩუმადა,  
მივიდეს ჯოყოლასთანა  
მეზობლურადა, ძმურადა;  
სოფლის განზრახვა არა გზით  
მას არ ჩაუგდოს ყურადა,  
ივანშემოს, იმუსაიფოს,  
გაიგოს სტუმრის ლოგინი;  
ღამე დაესხნენ, შაკონონ,  
არ უნდესთ ბევრი ლოდინი.

მივიდა მოყურიადე  
ლაქარდიანის ენითა,  
სახელს ულოცავს ჯოყოლას,  
ლალობს, არ არის წყენითა.  
ხალბათობს, ამბობს ამბებსა,  
ენას აკვესებს კვესითა.  
ვინ იცის, გული სავსე აქვს  
გველის შხამით და გესლითა.  
ივანშემეს. თვისი სტუმარი  
მასპინძელს მოსწონს გულითა.

„კარგი ვაუკაცი ეტყობა“, —  
ფიცულობს თავის რჯულითა:  
„ეს ერთი ცნობა, ხვალ ძმობა,  
ერთად შევთვისდეთ სულითა“...

მიიპატიუა საძილედ,  
დაუთმო თვისი ლაჭანი.  
— არაო, — სტუმარი ეტყვის, —  
არ მინდა ლეიბ-საბანი.  
მე ღერეფანში დავსწეები,  
შინ ძილს არც კი ვარ ჩვეული...  
ასრულდა მისი წადილი,  
გულიდამ ამოწეული,  
მოყურიადეს ეს უნდა,  
ამად არს აქ მოწვეული.  
წავიდა გახარებული,  
შეატყობინა ყველასა,  
მამლის საჯდომი თუ იცის,  
მეტი რა უნდა მელასა?!

V

— რა ამბავია, დიაცო?  
ხმალი მინდა და ხანჯარი!  
ხანუმრო საქმე არაა,  
თავზე დაგვესხა მტრის ჯარი!  
ნამღვილ აკლებას გვიპირობს,  
გვღალატობს ჩვენი სტუმარი;  
ძმობით და მეგობრობითა  
შემოგვაპარა ლაშქარი!  
სუ, დაიცადე!.. მოვსტყუედი...  
ჩვენი ქისტები არიან.  
რისთვის მოვიდნენ ამ დროსა,  
რას ბჭობენ, ვის რა სწადიან?!  
ყური დაუგდე კარგადა,  
კაცისა მესმის ხრიალი.  
რა მქისე ხმაურობაა,  
რა საზარელი გრიალი!  
ჩემს სტუმარსა ჰკვლენ, სწორედა,  
უდგასთ ხანჯრების პრიალი.  
უყურე უნაიუსოთა,

ჩემს ოჯახს როგორ ჰქელავენ!  
ჩაიგდეს ჩემი კაცობა,  
ფეხს ქვეშ ტყლაპივით სთელავენ,  
გავიგო, აბა წავიდე,  
რაზე რისთვისა ჰლელავენ?!

ეს სთქვა ჯოყოლამ, წამოდგა,  
ხელ-ხანჯარიანი წავიდა.  
გააღო სახლის კარები,  
შეუპოვარად გავიდა.

— რას სჩადით? — შემოუძახა: —  
ვის სტუმარს პბოჰავთ თოკითა?  
რად სტეხთ საუფლო ჩვენს წესსა,  
თავს ლაფს რად მასხამთ კოკითა?  
ჩემს სჯულსა ვფიცავ, სისხლს დავეღვრი,  
განანებთ ბრიყულს ქცევასა,  
განანებთ, თუმცა ძმანი ხართ,  
ჩემის კაცობის ქელვასა!..

— რას ამბობ, შტერო, რას ამბობ?  
რად არ მოდიხარ ცნებასა?  
მოსისხლე სტუმრის გულისთვის  
ძუძუს ვინ მოსჭრის დედასა?! —  
შემოუძახეს ქისტებმა  
ერთხმად, ძლიერად, ჰეჰითა: —  
შენ და შენს სტუმარს, ორივეს  
ერთად გადგისვრით ბეჰითა.  
თემს რაც სწადიან, მას იზამს  
თავის თემობის წესითა.  
მთელის ქისტეთის ამომგდე  
სტუმრად რადა გყავ სახლშია?  
ზვიადაურის სახელი  
ბავშმაც კი იცის მთაშია.  
ეს იყო მუდამ, ჰკვათხელო.  
ჩვენის გაულეტის ცდაშია,  
მგლურად რო გვეტევებოდა.  
რო გვიჭდებოდა გზაშია.

ჯოყოლა ცოტას შეფიქრდა,  
პირს სინანული წაესო,

თითქოს ნატყორცი ისარი  
ზედ გულის კოვზზე დაესო.

— თვით ამან მოკლა შენი ძმა  
არყიანებში თოფითა.  
ჩვენ ვიცნობთ მაგის სახესა,  
გადალესულსა ცოფითა.  
„გახლავართ ზვიადური!“ —  
ჩამოგვეკიოდა გორითა;  
სულ კარგად ვიცით, ცხადადა,  
თვალს ვადევნებდით შორითა.  
აავსო ფშავ-ხევსურეთი  
აქით წასხმულის ძროხითა.  
უკან გაუდგა ლაშქარსა  
ფეხმარდი, ლეგის ჩოხითა.  
თავს რად იმურტლავ, ბეჩავო,  
გაუმადარის ღორითა?  
გული როგორ არ გერევა  
შაგასთან ჯდომა-ყოფნითა?!

— ეგ მართალია, იქნება...  
რა უნდა მითხრათ მაგითა,  
მითც ვერ მიაბამთ ჩემს გულსა  
თქვენს. გულისთქმასთან ძაფითა.  
დღეს სტუმარია ეგ ჩემი,  
თუნდ ზღვა ემართოს სისხლისა,  
მითაც მე ვერ ვუღალატებ,  
ვფიცავ ღმერთს, ქმნილი იმისა.  
მე გთხოვ გაუშვა, მუსაო,  
ნუ სტანჯავ უდიერადა,  
როცა გასცდება ჩემს ოჯახს,  
იქ მოეპყარით ავადა.  
ვის გაუყიდავ სტუმარი?  
ქი! ტყოს სად თქმულა ამბადა?  
რა დავაშავე ისეთი,  
რომ მომიხედით კარადა?  
თვის რჯული დაგვიწყებიათ,  
მიტომ იქცევით მცდარადა;  
ჩემს ოჯახს პასუხს რით აძლევთ?

სახლში ხართ, განა შარადა!  
ვაი თქვენ, ქისტის შვილებო,  
მომდგარნო ჩემს კარს ჯარადა!  
უიარაღოს აწვალვებთ,  
გული რასა ჰგრძნობს თავადა?

მ უ ს ა (ჯოჯოლას)

შენაც ამასთან შაგონავთ,  
თემის პირს რომ სტეხ, თავხედო!  
ჩვეხის ნარჩევს დარღვევა  
შენ როგორ უნდა გაპბედო?  
აჰყუფდი ქოთაკივითა,  
აბდა-უბდაობ შტერადა;  
ამ გიაურის გულისთვის  
ძმებსაც ეპყრობი მტერადა.  
არ იცი, რომ შენი საქმეც  
დღეიდან წავა ცერადა?!

ჯოჯოლას (მუსას)

რაო? ქოთაკო?! შენ ამბობ?  
ახლა ძალდაც გამხადე?! —  
იძრო ხანჯარი, მუსასა  
გულში უმარჯვა ვადამდე.  
— უყურე თვით ძალს, უყურე,  
გამითამამდა სადამდე!  
ჩემის კაცობის დამქცევნო,  
ლანძღვასაც მემართლებითა?  
აღლახსა ვფიცავ, გაგმუსრავთ,  
მანამ ამკათავთ ხმლებითა,  
გრისხავდესთ ცა-ქვეყნის მადლი,  
უსამართლობას ჰშვრებითა!

— რა ქმნა უღმერთომ, რა ქმნაო,  
გაგიჟდა, ჰქევაზე მცდარია... —  
ჯოჯოლას თავზე დაეცა  
მთელი ქისტების ჯარია,  
ხელი შეუკრეს... არ მისცეს  
ნება, ეხმარა ხმალია...

ხელ-ფეხშეკრული დერეფანს  
დააგდეს, როგორც მკვდარია,  
წყველა ხალხისა ქექაა,  
ნაფურთხი — წვიმის ცვარია.  
წამოიყვანეს დაჭრილი,  
ზვიადაურიც სტანია.  
რას ამბობს ზვიადაური?  
სახე რადა აქვს მტკნარია?  
ბოლმა მიტომ ჰკლავს ვაჟკაცსა,  
რომ ხელთ არა აქვს ხმალია:  
„ჩამიგდეთ ხელში, ძაღლებო,  
კარგი დაგიდგათ დარია“.  
ამას ამბობდა დინჯადა,  
სხვად არას მოუბარია.  
მიჰყავდათ სასაფლაოზე,  
სადაც ქისტების მკვდარია,  
უნდა თავის მკვდარს შესწირონ,  
რომ იქ უზიდოს წყალია,  
მსახურად ჰყავდეს, მორჩილად,  
და გაუბანდოს ჭლანია...

## VI

სოფლისა გაღმა გორია,  
დამწვარი, ქვიშიანია.  
ბევრი წევს იქა ვაჟკაცი,  
გულ-ლომი, ჯიშინია.  
ძირს მისდგამს ბექი მღუმარე,  
ნალვარი, თიხიანია.  
ხმალ-ხანჯრის, თოფის მხმარეთი  
არა სძგერს გული მაგარო;  
იმათ სჭამს მიწა უენო,  
სასტიკი, გაუმაძლარი;  
მასში ეშლება ყველასა  
ადამიანის იერი...  
ვერ გვიხსნის სიკვდილის ბჯღალით

ძალა, ვერც სიტყვა ცბიერი.  
ბუნების ცოდვა ესაა,  
მუდამ საწყინო ჩემია:  
ავსა და კარგსა ყველას ჰკლავს,  
არავინ გადურჩენია.  
ყველა მგზავრთათვის ინტჰმევა,  
როცა ილუპეის გემია!..

მზე ჯერ არ ამოსულიყო,  
ნამს ჯერ ბალახზე ეძინა,  
არ დაებერა ნიავსა,  
დაბლა არ ჩამოეფინა,  
ურცხვი კაცი და ქალი  
ქალაზე შამოეფინა.  
მოჰყავდა ზვიადაური  
ხელშეკონილი გროვასა,  
ყველას უხარის მის მოკვლა,  
ან ვინ დაიწყებს გლოვასა?!  
სიკვდილი ყველას გვაშინებს,  
სხვას თუ ჰკვლენ, ცქერა გვწადიან;  
კაცნი ვერ ჰგრძნობენ ბევრჯელა,  
როგორ დიდს ცოდვას სჩადიან.  
რამდენი ავსული ვიცი,  
წარბშაუ! რელად დადიან;  
თავის მტანჯველის შემუსრვა  
ან კი ვის არა სწადიან?!

## VII

აი საფლავიც ქისტისა,  
ხალხი მოერთყა გარსაო,  
მოლა მოჰყვება ლოცვასა,  
იხსენებს თავის მკვდარსაო:  
„ნუ იტანჯები, დარლაო,  
ნუ შეიწუხებ თავსაო,  
მოვსდები შენნი მოძმენი  
შენის სამარის კარსაო,

მსხვერპლსაცა გწირავთ, იხარე,  
არ გაქმევთ მტრისა ჯავრსაო“.  
— ძალდ იყოს თქვენის მკედრისადა! —  
ვაუკაცი იღებს ხმასაო,  
ბეწვს იშლის ბრახმორეული,  
როგორაც ვეფხვი — თმასაო  
საკირის ცეცხლი ედება  
სამსხვერპლოს გულის-თქმასაო.  
რა მოსდრეკს წარბ-დაღრუბლილსა,  
ქედ-ჩაქანგებულს მთასაო!  
აქცევენ ზვიდაურსა,  
ყელში აბჯენენ ხმალსაო:  
„დარლასამც შეეწირები“,  
ყველა დასძახის მასაო.  
„ძალდ იყოს თქვენის მკედრისადა!“—...  
უპასუხებდა ხალხსაო.  
არ იდრიკება ვაუკაცი;  
არ შეისრიდა წარბსაო.  
გაოცდენ ქისტის შვილები,  
ხალხი დგებოდა ყალყსაო.  
„ლამის რომ არ შეეწიროს,  
ერთი უყურეთ ძალღსაო!“<sup>1</sup>  
ჰყვირიან, თანაც ნელ-ნელა  
ყელში ურჭობენ ხმალსაო.  
„ძალდ იყოს“, ყელში ამბობდა,  
მანამ მოსკრიდენ თავსაო!  
„უცქირეთ. ერთი უცქირეთ,  
არ ახამხამებს თვალსაო!“  
სიცოცხლე ჰქრება, სისხლი დის. —  
ზვიადაური კვდებოდა,  
გული ვერ მოჰკლა მტრის ხელმა,  
გული გულადვე რჩებოდა.

---

<sup>1</sup> სისხლის აღება, მკვლელობისათვის მოკვლა, ყველა მთიელებსა აქვს წესად. მაგრამ სასაფლაოზე და ამგვარად „შეწირვა“ მაჰმადიან მთიელების ადათია. ქრისტიანი მთიელები ამას ერიდებიან. თუ, ვისაც სწირავენ და საფლაოზე ჰკლავენ არ შედრკა, მკედრისათვის „შეწირულად“ არ ჩითვლება.



და ამ სურათის მნახველი  
ერთი დიაცი ბნდებოდა,  
ცრემლებს ჰმალავდა ლამაზი,  
ხალხზე უკანა დგებოდა.  
მიშველებასა ჰლანობდა:  
„ნუ ჰკლავთ!“ ეძახის გულიო.  
ფიქრობდა ბრაზმორეული:  
ნეტავი მომცა ცულიო.  
ნეტავი ნიბას მაძლევდეს  
დედაკაცობის რჯულიო,  
რომ ეგ ვაცოცხლო, სხვას ყველას  
გავაფრთხობინო სულიო.  
ნეტავი იმას, ვინაცა  
მაგის მკლავზედა წებებოდა,  
ვისიცა მკერდი, აწ კრულია.  
მაგის გულ-მკერდსა სწავლებოდა,  
ნეტავი იმას ოდესმე  
ქმრის ტრფობა გაუცვდებოდა?!  
ქისტები გაწყურენ, იტკიცეს:  
ვერ აუსრულდათ წადილი,  
ვერ გაუკეთეს თავის მკვდარს  
მის შესაფერი სადილი.  
დაკლულმა დაჰკლა მათ გული  
და გაუცრუა ქადილი.  
შეურაცხყოფილთ უნდოდათ  
ერთად გაეძროთ ხანჯრები  
და გაეკეთათ მკვდრის გვამზე  
სისხლით ნაღები ფანჯრები.  
მაგრამ ვერ ჰბედვენ, სცხვენნიანთ:  
„ცოდვია!“ — ყველა ჰფიქრობდა.  
ხალხის გული და გონება  
სასინანულოდ მიჰქროდა.  
სთქვეს, როცა სახლში გაბრუნდენ,  
თავ-თავეჭვე ჩამოდიოდენ:  
ხომ მაგას არ მოუვლავდით  
მტრებს, აეს რომ არ სჩადიოდენ?  
კარგი ვაჟკაცი ყოფილა,

ყველა ალღახსა ჰფიცავდა,  
იმიტომ ვეფხვებრ გვებრძოდა,  
თავის მიწა-წყალს იცავდა.  
მაგრამ მტერს მტრულად მოექმე,  
თვითონ უფალმა ბრძანაო,  
ის სჯობს, რაც მალე ვეცდებით,  
გულში ჩავუტრქოთ დანაო.

წავიდნენ. ზვიადაური  
ზეზე გაწირეს ტალად.  
თუნდა ძაღლებმა ათრიონ,  
ფრინველთა ჭიჭნონ ზიარად;  
არ შეეწირა, ეგდოსო,  
ეგეც ეყოფა ზიანად.  
ამას იძახდენ ქისტები  
თავმოწონებით, ხმანად.  
ამ სმასვე იმეორებდენ  
ბნელი ხევეები მთიანად.  
ჩამოდგა საღამოს უამი,  
მთილამ მზის სხივი ჩამოხდა,  
სიბნელე მოიპარება,  
სინათლეს სული ამოჰხდა.  
დადგნენ, სულ დადგნენ მზის სხივნი,  
აღარ ელავდა ქვიშაო:  
აღარსადა სჩანს, გამჭრალა  
თეთრი თმა შავის მთისაო;  
ნადვლით ნაქარგა, ნაქსოვი  
სახე იმ სალის კლდისაო.  
რო მუღამ მგლოვიარეა,  
ცრემლი ანკარა სდისაო.  
სიკედელსა გლოვა უხედნა,  
მკედარ ძმას — ტორილი დისაო,  
ტყესა — ხარ-ირმის ნაფრენო,  
ზოგ დროს — ყმუილი მგლისაო,  
ვაკეცისა — ომში სიკედელსა,  
ხელში — ნატეხი ხმლისაო,  
ომს — ლხინი გამარჯვენსულთა  
და დამარცხება მტრისაო.

ზვიადაურსა გლოვობდა  
შფოთვა და ბორგენა წყლისაო,  
ნიავად ჩამონადენი  
ოხვრა მაღალის მთისაო.  
ცრემლი ნისლების ჯარისა  
ნაბრძანებია ღვთისაო.  
და წყაროს პირზე ღიაცი, —  
ტურფა ლამაზი, — ქისტისა,  
შუბლზე და მკერდზე წყალს ისხამს,  
ღრო და ღრო გული მისდისა.  
ბევრი იტირა ჩუმადა,  
თუმცა ღრო და ღრო ჰკრთებოდა;  
ზვიადაურის სიკვდილი  
თვალეზში ელანდებოდა.  
სტიროდა, მაგრამ ტირილი  
არ იყო, ეხათრებოდა:  
ერთ მხრივ ხათრი აქვს თეძისა,  
მეორით — ღმერთი აშინებთ;  
ქისტეთის მტრისა მოზარეს,  
თავს რისხვას გადმოადინებთ.  
ეს ფიქრი გონებისაა,  
გული თავისას შვრებოდა,  
კაცის კაცურად სიკვდილი  
გულიდან არა ჰქრებოდა.  
ქალის გულს იგი სურათი  
შიგ გაეყარა ისრადა,  
იმან დაადვა ლამაზსა  
დაკლულის გლოვა კისრადა.  
სიბნელეს უცდის, მივიდეს,  
ღამით იტიროს მკვდარიო;  
იმას აღარა ჰფიქრობდა,  
ჯოყოლა როგორ არიო.  
ვის ცოლი ვის ქმარსა სტირის?  
რას სჩადის ჰკვაზე მცდარიო?!  
იქნება ჰკლავენ ჯოყოლას,  
სახლსაც შაუხსნეს კარიო!  
წამოდგა, იხედებოდა

როგორც დამფრთხალი ნადირი,  
ხედნებ-ხედნებით ამოვლო  
ხევის კლდიანი ნაპირი;  
წყვდიადში საზარლად ისმის  
წყალთ ანაძრახი საყვირი.  
ამოვლო კრძალვით საფლავთან,  
მკედარსა მუხლ-მოყრით დაეყრდნო,  
ქვითინებს გულამოსკვნითა,  
ცრემლსა სივი ქვა დაედნო.  
აიხსნა დანა, მიჰმართა  
ზვიადაურსა იმითა,  
ააჰრა ნიშნად, სახსოვრად  
სამი ბალახი პირითა,  
ჩიქილის ტოტში შეხვია  
ბროლის თითებით თლილოა...  
ეს რა ხმა ესმის, დგანდგარი?  
ყურებს გაუდის ყივილი...  
საფლავებიდამ მოესმის  
მკედარების წყრომა და ჩივილი!  
თითქოს ბალღებიც ატირდენ,  
გაუდისთ მწარედ წივილი!  
საერთო წყრომის ხმა ისმის.  
საერთო გულის ტკივილი:  
„რას შერება უნამუსოვო“,  
გამწარებულნი ჩიოდენ, —  
„მაღალი ღმერთი გრისხავდეს!“  
სამართ შემოჰკიოდენ.  
აჩქარებული ღრუბლები  
ცის პირზე გადმოაღიოდენ.  
გაიქცა, მირბის, იხედავს, —  
მკედარნი მისდევენ, სწორია  
„შინით სად გაგვეღვიწები,  
აჰით თუ გაგვეშორია?!“  
ხმა ისმის დანადევნები,  
მასვე იძახის გორია,  
გარშემო დაყუდებული  
განა ერთი და ორია.

„უნამუსოვო“! მისძახდენ  
ტან დაწკეპილნი დეკანი,  
ბალახნი, ქვანი, ქვიშანი,  
იმ არე-მარეს მდებარნი.  
აგერ, საფლავით ამოდგა  
მისი მკვდარი ძმა ებარი,  
თავის ტოლებში უსწორო.  
ქისტეთს განთქმული მხედარი.  
თან მიჰკიოდა თავის და,  
სიტყვა პირს მოსდის მჰყვარნი:  
„ვაჰ, დაო, დაო, რა მიყავ?  
რისხვა რად დამეც მედგარი?  
მეორეს საფლავში ჩამდევე,  
ერთს სამარეში მდებარი!  
მაგიტ მიმტყიცებ ღობასა,  
შენი ქალობა ეგ არი?!“  
წილიჯზე მოსუნსულეზდა  
სასაფლაოსკე მყეფარი.

## VIII

— სად მიხვალ, სადა, წყეულო,  
საითკე მიეჩქარები?!  
ვინ გაქმევს კაის ყმის ლეშსა?  
ძაღლო, დავიდგა თვალები!  
შენს საჯიჯგანადაც გამხდარა  
ზვიადაურის ძვალები?! —  
სთქვა ეს აღაზამ და ქვებსა  
ესროდა ხშირა-ხშირადა.  
მირბის და მისდევს შმაგადა  
კლდიანის ხევის პირადა.  
ხმა ისევ ესმის მკვდრებისა,  
მას ბანს აძლევენ მთანიცა,  
სამღურავს ეუბნებიან  
აღაზას გიშრის თმანიცა.  
მოუახლოვდა თავის სახლს,

სინათლე მოსჩანს იქითა;  
უნდა იძახოს: „მიშველეთ“,  
ხმა მიაწვდინოს შიგითა.  
მაგრამ ვერ ამბობს ვერაფერს,  
ოფლი წყლად მოსდის შუბლზედა.  
მივიდა სულშეხუთული  
და გადაიქცა ზღუბლზედა.  
კერის პირს იჭდა ჭოყოლა,  
მუხლი გადევლო მუხლზედა.  
„ვაჰმეო“ — ეს კი იძახა,  
სიტყვა გაუშრა ენაზე.  
ქმარმა მოჰხვია ცოლს ხელი  
და მიითრია კერაზე.

— რა დაგემართა, დიაცო? —

ჩაეკ-თხება მშფოთარე, —  
სხვა სადარდელი მაკლია,  
ახლა შენ მექმნა მოზარე?!  
რა დაგემართა, რა არი?  
მითხარ, ვახსენი ბაგეო!  
ხომ არეინ მოიწადინა  
გადაეგორე მკლავზეო?  
მითხარ, არ გაუქმევი იმის ჯაერს,  
ვანანებ ემავ წამზეო.  
ჩემის სამუხის შემბლაღავს  
მალე მოვიყვან ჰკევაზეო,  
როგორც ვანანე მუხსასა  
მიხდომა სხვისა კარზეო. —  
პასუხს ელოდა ცოლისგან,  
დასჩერებოდა თავზეო,  
და თახაც ხანჯარს ჰბლუჯავდა,  
ხელი ეკიდა ტარზეო.  
ქალი ვერაფერს ამბობდა,  
გაჰმტყნარებოდა სახეო.  
თავს დასტრიალებს ჭოყოლა,  
ელის, რას ეტყვის ცოლია.  
შუაღაშის დროს აღაზამ  
თან-თან მოიცა გონია.

უთხრა ჯოყოლას — „რას ამბობ?  
თავი რად დაიღონია?  
რად მოიკონებ იმასა,  
რაიც არ მოსაგონია?  
სულ ტყუილია... კაცისა  
არსად მინახავს ჰაჰანი,  
ვინ გამიბედავს მაგასა,  
რად მინდა ლეჩაქ-კაბანი?!  
სასათლაოდამ დავბრუნდი,  
შენს ცხენს ვეძებდი ხევებში,  
ცხენის მაგივრად ბედკრული  
შივ გეგერიე დევებში.  
დამიხვდა შავ-ნაბღიანი,  
უზარმაზარის ტანისა:  
ჯერაც თვალებში მიელავს  
სიმყრალე იმის კანისა;  
დიდ-ყურა, კბილებ-ლაჯუნა,  
უმსგავსო, ფერად შავისა;  
ხელები გამომიწვავდა,  
დიდი ხელები თავისა,  
მთის ოდნად სჩანდა მის თავზე  
მოშავფრო ქული ტყავისა.  
თან მითხრა: ჩემთან წამოდი,  
ჩემთან იცხოვრე ქალაო,  
ბევრი მაქვს ოქრო და ვერცხლი,  
არაფერს დაგიმალაო.  
მე გამოვიქეცე, შევშინდი,  
დევიც მომდევდა ღრიალით;  
მთელი ქვეყანა იძვროდა  
იმის ფეხებქვეშ გრიალით;  
მზარავდა ეს ხმაც, მთა-ბარიც  
წაღმა-უკუღმა ტრიალით,  
ძლივს მოვადწიე და გამცნე  
ჩემი ვაება ხრიალით“.

ჯოყოლა ეტყვის: — დევს გარდა  
სხვა რამ საქმეა კიდევა,  
ჩემს ჰკვას არ სჯერა ნათქვამი,

ჩემი ფიქრები ირევა.  
ნამტირალევი რადა ხარ?  
ლაწვებზე ცრემლი გდენია;  
ჩქარა სოქევი, სწორედ მითხარი,  
თორემ ვერ მომითმენია!  
სადარდო, საგულისხმო რამ  
გრძნობა გულს გადაგფრენია.  
ჩემს თვალებს ვერ დაემალვის  
იმ გრძნობის ნაკვალევია;  
არ შაიძლება არ დაჩნდეს  
ნასვამი, დანალევია!..

— რა დაგიმალო, ჯოჯოლავე,  
ან რად შემრისხავ თქმისადა?—  
ეტყოდა ცოლი და ნაზი  
თრთოლა მიეცა ხმისადა: —  
ცრემლები შემიწირია  
იმ შენის მეგობრისადა.  
ძლიერ შემბრალდა ბეჩავი,  
რომ უცხოეთში კედებოდა,  
არც ნათესავი, არც მოძმე,  
რომ ვისმე შეჰბრალებოდა!  
მაგრამ, როს ჰკლავდენ ხანჯრითა,  
ოდნავაც არა ჰკრთებოდა.  
იქნებ შენც გცოდე, ღმერთსაცა,  
მაგრამ ვიტირე, რა ვქნაო!..

— მაგისტვის როგორ შეგრისხავ?  
ტყუილს სჯობს სიმართლის თქმაო.  
იტირე?! მაღლი გიქნია.  
მე რა გამგე ვარ მაგისა?  
ღიაცს მუღამაც უხდება  
გლოვა ვაჟკაცის კარგისა.

## IX

მეორეს დილას აღაზამ  
ძროხა გარეკა მთისაკე,



ჩამოდრიდენ ფრინველები,  
იზიდებოდენ მკვდრისაკე;  
აღაზაც მიიპარება  
სასაფლაოს თავს კლდისაკე,  
იქილამ აფრთხობს ყორნებსა.  
სვავეთა მხარ-მოფარფაშეთა.  
ორბებსა გაუმადღრებსა.  
მკვდრის ლეშზე მოყაშყაშეთა:  
ხელს ამუშავებს და კმაღავს  
თვალებს, მზებრ მოკაშკაშეთა.  
კლდიდამ გადისვრის კენჭებსა  
და თან წინდას ქსოვს ვითომა,  
ოსტატობს, ხალხმა ვერ შესძლოს  
იმის ფიქრების მიხდომა.

## X

ბისოს მოვიდა ამბავი,  
ვით ნაქუხარი მეხადა:  
„მოუკლავთ ზვიადაური,  
ცით ჩამოსული სვეტადა,  
ფშავ-ხევსურეთის ფარ-ხმალი,  
გამოსადეგი მეტადა!“  
შავის ამბისა გამგონეთ  
ზარი გამართეს დედათა.  
ბისოს ტიროდა ბებერი,  
მოსთქვამს, ქვეთინებს მწარედა:  
„ბედკრული რად ვარ ცოცხალი?  
მეც მიწას მიმბარეთა;  
მკლავნი მაჩვენეთ შვილისა,  
მოიტათ, ჩამბარეთა!  
ჩემის შვილისა მარჯვენით  
გულს მიწა მომაყარეთა;  
ვაჰმე, რადა ვარ ცოცხალი?  
რისთვის-ლა ვსთელავ არეთა?!  
მკვდარნო, რად არ მეც აღრევე

თქვენთან არ დამიბარეთა?  
როგორ ვიგონო თავის ძე  
ურჯულოს არე-მარეთა?!“

ვაუკაცო გაიგეს ამბავი,  
გასაგონარი ჭირითა,  
ერთმანეთს გადაეძრახნენ  
ბოლმით შემკულის პირითა:  
„რად გიკვირთ, როცა ჩვენს მფარველს  
ცხარის ცრემლითა ვსტირითა?!“  
გამოიტანეს შუბები  
ღუმით ნაპოხის ცხვირითა,  
ფარ-ხმალით მოკაზმულები  
ჯარს ამზადებენ დილითა.  
ეს ხომ ახალი არ არის,  
სისხლმა იდინოს მილითა.  
იძახის აპარეკაი:  
„საგძალი გინდათ კვირისა!“  
„ქუღზე კაც უნდა წავიდეს!“ —  
ბაბურაული ჰყვირისა.  
აღელვებულთა ბორგენაა,  
ხმა არ გეგონოსთ სტვირისა!

## X I

— კარში გამოდი, ჯოყოლავ,  
წყნარად ნუ სწევხარ კერასა,  
რამდენი ხალხი მოერტყა  
იმ ჩვენის მთების წვერასა!  
ჩვენთან მოდიან სტუმრადა,  
ჩვენ გვიპირობენ წვევასა.  
შეგვანანებენ დედათა  
შვილთა აკვნების რწევასა.  
საქონელს ერეკებიან,  
რეულობაა როგორი?!  
აავსო ჯარმა, შეჰხედე,  
ჯარეგის თავი, სამ-გორი,

დამთხვალთა მენახირეთა  
 კლდეები მოსდევს ნაგორი.  
 წადი, უშველე თავისებს,  
 მტრის დასახვედრად მირბიან,  
 შენც ისე წადი, ჯოყოლავ,  
 როგორაც სხვანი მიდიან.  
 — გავყვე?! რას ამბობ, ჭკვა-თხელო?  
 არ გამივლევენ ახლოსა!  
 მარტოკამ უნდა ვიომო,  
 მთელმა ჯარეგამ მნახოსა;  
 ვინ ერთგულია, ვინ არა,  
 ქვეყანამ დაინახოსა.  
 ქისტებს ორგული ვგონივარ,  
 გამდგარი თავის რჯულზედა,  
 ჰფიქრობენ, ვითომ ჯოყოლამ  
 თავი გაჰყიდა ფულზედა,  
 ქისტეთის მოღალატე ვარ,  
 ხელადებული სულზედა;  
 მოაქვთ და ცოცხალს მადებენ  
 საფლავის ქვასა გულზედა.  
 ამას ამბობდა ჯოყოლა,  
 თან აბჯარს ისხამს ტანზედა:  
 წელზე შაიბა ფრანგული,  
 თოფი გადიგდო მხარზედა,  
 ქისტს არ მაულის ჯიშადა  
 მუზარადის დგმა თავზედა.  
 მარტოკა მიდის ცალს მხარეს,  
 თავდადებული ცდაზედა,  
 მტრის დასახვედრად სხვანია  
 შამოფინენ მთაზედა.

## XII

ჩამოდის ხევსურთა ჯარი  
 დროშა მოჰქონდა წინასა;  
 მიჰმართეს სასაფლაოსა,  
 მღუმარეს ქისტთა ბინასა:

მოძებნონ თავისი მკვდარი,  
 მოკრიბონ გმირის ძეალები,  
 ზვიადაურის მტანჯველთა  
 ძირში მოსთხარონ თვალები.  
 დაუხვდათ ქისტის ჯარიცა,  
 ხევ-ხევის პირას მალული;  
 შამოესროლეს თოფები,  
 მაყრები შემოსალტული;  
 გზას არ უთშობენ ხევსურთა  
 ბიჭები ამოსხარტული.  
 ორივე მხრიდამ თოფებსა  
 ზედ დაკიჟინით ისვრიან,  
 ორსავე საქმე აწუხებს,  
 ორნივე მედგრად იბრძვიან.  
 ბლომად დალია ტყვიამა  
 სისხლი, — მოძოვა ქუჩია,  
 მაინც არ გატყდენ ქისტები,  
 სდგანან ვით ციხე-ბურჯია.  
 ბაბურაულმა ხევსურთა  
 ხმალ-და-ხმალ ჩასვლა ურჩია.  
 მივიდა საქმე ხმალზედა,  
 ფარმა გზა მისცა საკაფი,  
 საძვეარი აქეთ ხევსურთა  
 ძვირი განძი და ალაფი.  
 ფარო, ნუ ჰმტყუენობ გორდასა,  
 შენა ხარ მაგის ჯალაფი;  
 თაქვე მორბინალთ ხევსურთა  
 წინ კლდე დაუხვდათ წარაფი.  
 კლდიდამ გადუხტა უეცრად  
 ქიტი ხმალ-მოღერებითა,  
 აკვირვებს ქისტის ლაშქარსა  
 მტრის ჯარის მოგერებითა.  
 ზოგს მოტყუებდა ეგონა,  
 ამბობდენ მოჩვენებითა:  
 — ეგ ვინ უხვდება ხევსურთა?  
 ჩვენი მხარეა, ვინ არი?  
 — ეგ უნდა ჯოყოლა იყოს,

სწორედ, ნამდვილად ის არი! —  
სთქვა ერთმა, სხვანიც დასთანხმდენ,  
გაოცებულნი უცქერენ.  
როგორ არ უფთხის გროვასა,  
თუმცა ხმალ-ხანჯრებს უღერენ.  
მოჰკლეს კიდეცა, იქცევა,  
მკერდს ხანჯრის წვერით უწერენ.  
ქისტო გაუხარდათ დიალაც, —  
„მოჰკლან, თუ მოჰკლეს — ახია!  
ეხლაც მასხარად აგვიგდო,  
წინად ხომ ბევრჯელ აგვრია,  
სოფლისა გადრა ინდომა,  
ჩვენ კი ტალახში გაგვრია.  
მარტოკა მტრის ჯარს დაუხვდა,  
სწორედ დავლათით დაგვრია“.

ხევსურთ ჯოყოლა გასწირეს  
მკედარი, კლდის თავსა, კეტამზე.  
თითონ დაესხნენ ქისტებსა,  
ჩამოეფინნენ ფერდაზე.  
გახდა ხმალ-ხანჯრის ტრიალი,  
დაკრული მიდის მკერდამდე;  
ფარ-ხმალის ჩხერა, წკრიალი  
ცას ადიოდა ღმერთამდე.  
გაიქცა ქისტის ლაშქარი,  
კოშკებს მიჰმართა გრიალით,  
უკან მისდევენ ხევსურნი,  
თაუზე ჩაჩქნების პრიალით;  
მოკრიბეს სასაფლაოზე  
ზვიადას ძვლები ტრიალით;  
ზოგი სად ეგდო, ზოგი სად,  
ფრინველთ ნაჯიჯგნი ფრიალით.  
მოკრიბეს ძვლები ხურჯინში  
და გამობრუნდნენ შინათვე,  
ასრულეს გულის წადილი,  
დანაპირები წინათვე.  
გამოირეკეს ცხეარ-ძროხა,  
გადმოაეღიეს მთანია;

ამოიყარეს მტრის ჯავრი,  
სადარდო რაღა არია?!  
უცხოეთს მანინც არ დაპრჩათ,  
შინ მოაქვთ თავის მკვდარია,  
ფშავ-ხევსურეთის იმედი,  
ქავ-ციხე, რკინის კარია.  
მოძმენი დაიტირებენ  
თავის მკვდარს თავის წესზედა,  
მიაბარებენ სამარეს  
მამა-პაპათა გვერდზედა:  
ძვირად ღირს დანადინარი  
თავისის ცრემლი მკერდზედა!

### XIII

— უცხოს კაცისა მოზარევ,  
ხევსურთ მოგიკლეს ქმარია.  
წადი, იტირე, აღაზავ,  
სამარეს მიაბარია.

თავს დაჰყრანტალებს ყორანი,  
წვერ-ულვაშს უცრის ქარია.

— შენს მტერსა ისეთი ყოფნა,  
რო ჩემი ყოფნა მწარია!  
აღარვინ მივლის ახლოსა,  
არვინ მიჭირა მხარია.  
იქვე დავმარხე კლდის თავზე,  
საფლავიც გავუთხარია;  
სუყველამ ზურგი მაქცია,  
ყველაყა განზე მდგარია.  
სასაფლაოც კი შემოკრეს,  
რო დამემარხა ცხედარი:  
ჯოყოლამ გვიღალატაო,  
მაგის ადგლი ეგ არი,  
საცა მარტოკა ომობდა,  
ჩვენთვისა ჩირქის მცხებარი,  
თემის პირისა გამტეხი,

ორგული, დაუდეგარი.  
ცეცხლი მწვავს, ძმაო, ცეცხლი მწვავს  
უალო, მოუდებარი;  
გულს მიკლავს, გონებას მირევს  
ფიქრები გაუგებარი!

ცოლი სტიროდა ჯოჯოლას,  
კრემლს ასხურებდა ხშირად,  
არჩვი ყელ-გადაგდებული,  
თმა-ხშირი, მთვარე პირად,  
ეკერებოდა გულ-მკერდზე  
ქმარს მარგალიტის დილადა.

#### XIV

ღამეა ბნელი, დელგმაა,  
ღვანდგარებს არე-მარეო.  
ღმერთო, მოჰხედე ტანჯულთა,  
უშველე, შაიწყალეო!  
კარგი კარგია მაინცა, —  
ბეჩავი შაიყვარეო!  
ტანჯულთა ლოცვა-მუდარა  
გულს ვარდად დაიყარეო!  
თუ არ უშველი, საწყლები  
სულელები მიიბარეო!..  
გეყო მაგდენი მუქარა,  
ღრუბელო, გადიყარეო!  
მდინარე მოჰქუხს, მრისხანებს,  
ზედ ასქდებოდა ლოდებსა,  
დღესაც ისევე ბოროტობს,  
არ იცის, რისთვის ჰგოდებსა.  
არ ეშინიან ტანჯვისა,  
იშან არ იცის სიკვდილი.  
ერთი რამ იცის მხოლოდა:  
კრემლის ღვრა, მაღლა ყვირილი,  
მუდამ ჟამს უცინარობა,  
მარტო ტირილი, ტიჭილი...

ქარი სცემს, დაბლა ხევებით  
 ჩამოკეიწინებს მთებიტა;  
 ქალი სდგას, მდინარეს დასცქერს,  
 კლდეზე, გაშლილის თმებიტა;  
 სხიემიხდილს ვარსკვლავს მაგონებს  
 მკრთალად მთრთოლარის ყბებიტა.  
 არ იღებს ხმასა... შემკრთალი  
 ჰკრთის, რომ დასცქერის მდინარეს;  
 რა საზარლადა ხმაურობს,  
 როგორ საზარლად მდინარებს!  
 ლაშ-დაღრენილი, სასტიკი  
 შავი ხეობა მძვინვარებს,  
 „თავს ნუ იკლავო!“ — აბა, თუ  
 ერთმა ურჩიოს მაინცა.  
 დახუჭა ქალმა თვალები,  
 მსწრაფლად მორევში ჩაიჭცა.  
 — რალად ვიცოცხლო, რილასთვის?—  
 ამას ჰფიქრობდა ქალია. —  
 ქისტეტში ჩეძი ერთგული  
 კენჭიკი კი არსად არია.  
 ორთავ შევეკოდეთ ქისტებსა,  
 მათ შამიჩვენეს ქმარია...  
 მე უფრო დიდი ცოდვა მაქვს,  
 უცხოსთვის ცრემლი ვღვარია...“  
 წაიღო წყალმა ალაზა,  
 ლამსა და ქვიშას შაჰრია.

## XV

იმ კლდის თავს, საცა ჯოყოლა  
 მოჰკლეს ხევსურთა ბრძოლაში,  
 ღამ-ღამ ჰხედავენ სურათსა  
 ზეავისგახ ნაგალს გორაში:  
 კლდის თავს წადგება ჯოყოლა,  
 სასაფლაოსკე იძახებს:  
 „ზვიადაურო, ძმობილო,



რად არ მაჩვენებ შენს სახეს?!“  
სასაფლაოდამ წამოვა  
აჩრდილი ფარ-ხმალიანი,  
გულზე უწყვია დაკრეფით  
მკლავები სამკლავიანი.  
მივა და მიესალმება  
თავის ძმობილსა მდუმარედ,  
იქვე ალაზაც ამოდის  
სახე მოწყენით, მწუხარედ.  
ენტება ცეცხლი მათ გვერდით,  
მკრთალადა ბეუტავს მთაზედა;  
იმათ ჰმასპინძლობს ალაზა,  
ჯიხვის მწვადს უწვავს ალზედა.  
ვაუკაცობისას ამბობენ,  
ერთ-ურთის დანდობისასა,  
სტუმარ-მასპინძლის წესზედა  
ცნობის და და-ძმობისასა.  
როცა მათ ჰხედავს ერთადა  
კაცი, ვერ ძლება ცქერითა;  
მაგრამ გაჩნდება ჯანლი რამ  
კურუმად შავის ფერითა,  
დაეფარება სანახავს  
წერა-მწერელის წერითა.  
ზედ აწევს ჯადოსავითა,  
არ დაიმტვრევა კვერითა,  
ვერც შეულოცავს მლოცავი,  
არც აიხდება ხელითა.  
მხოლოდ მდინარის ხმა ისმის,  
დაბლა მიქანავს ხველითა  
და უფსკრულს დასცქერს პირიმზე  
მოღერებულის ყელითა...

## სისლუს ძეგა

(ამბავი ჩერქეთა ცხოვრებიდან)

### I

ცაზე ჰყვავიან ღრუბელნი,  
მზის სხივებს ჰსვამენ დილითა.  
მთებს აუხსნიათ პირბადე  
შვილებით, შვილი-შვილითა;  
გულგრილად იცქირებიან  
გაუმადლარნი ძილითა;  
ქათიბს უღეჰავს ნიავი  
ბროლ-მინანქარის კბილითა.  
ერთმანერთს გადაპხვევიან  
შალშავ, იონჯა წბილითა.  
უკვდავებასა სთესავენ  
ირგვლივ ყვავილნი პირითა.  
მიყრილ-მოყრილან კლდეები  
პირქუშნი, სახე მწირითა,  
არც დადნენ, არც დაიშალნენ  
დაუღუღარნი კირითა,  
არც ყურს გვიგდებენ თავხედნი,  
თუმც იმათ ქებას ვყვირითა,  
თქვენ რომ გიცქერით, მთა-ქედნო,  
გული რბის ელეთ-მელეთა,  
გიაბზეთ ჩვენი სიგლახე,  
თქვენ კი არ დაიჯერეთა!  
სიმტკიცე ცოტა ჩვენთვისაც  
რატომ არ მოიწველეთა?!  
ნაეურნო სალის კლდისანო,  
უფსკრულში ჩაახველეთა!

ძუძუს რომ მოსწოვთ უსირცხოდ,  
მაშინ მიუბრბით დედასა,  
წახვალთ და ველარცა ჰნახავთ,  
ეგ არი ერთხლის შეტადა.  
დაეკიდებით მინდვრებსა  
ცით ჩამოშვებულ სვეტადა.  
ახარებთ ქალსა და კაცსა  
საამოდ, შესახვერებადა.  
ჩამოუმწყაზრავთ თვალ-პირსა,  
დაგეცემიან კრებადა...  
თან მოაქვთ თიხის კოკები  
კლდის ცრემლის ასაკრებადა.  
თქვენ რომ იცინით ბარადა,  
მთაში გიტირისთ დედები.  
გეძებენ თავის შვილებსა  
მკერდ-უდრეკელი ქედები.  
ამაოდ ჰრჩებათ გულისთქმა,  
უქმადა ცრემლის დენანი.  
თავს დაჭლულუნებსთ ნიავი,  
ვით ბებერ მუხას ქედანი.

## II

მთის ბილიკს მოსდევს მხედარი  
აღვირ-ჩაყრილის ცხენითა,  
აღვიძებს ბალახს მთისასა,  
ხამუშ-ხამუშის სტვენითა,  
ძლიერ დაძლია საფერხე  
მთა-ღელეებზე რბენითა.  
ცხენს დეზს გაუქნევს, დინჯადა,  
გაუტყლაშუნებს მათრახსა;  
შემოდგა მთისა ყელზედა,  
მადლობას სწირავს ალლახსა.  
გასაგრილებლად შუბლისა  
უკან გადიწევს ფაფახსა.

მიდამოს თვალი გადავლო,  
ნახა თავისი სოფელი,  
ლხენით აეესო სულ-გული,  
იქ ელამაზა ყოველი.  
განა მარტოკა კაცთ გვიყვარს  
თავისი მიწა მშობელი?!  
არც მოდის უსახელოდა  
სისხლის დავლაზე მშრომელო,  
სისხლიანი აქვს ხმლის ვადა,  
ეგრევე ხანჯრისა ტარიცა,  
უქმად არ უტარებია  
კრელად ნაქარგი ფარიცა.  
შეუსრულებავ პირნათლად  
მას დანაპირი ვალიცა:  
დაუკიდნია ტახტაზე  
წუხელ ნაშოენი ხელია,  
ჯერ მას თავისი ბიჭობა  
არვისთვის გაუმხელია.  
უნდა საჩუქრად მიიღოს  
ხმალი, ფული და ცხენია.  
რაცა ჰქმნა—სასახელოა,  
ოდნავაც არა რცხვენია.

### III

აგერ სასახლე და ციხე  
დიდის ჩერკეზთა მთავრისა:  
იტყვიან ასლან-ბეგადა,  
მოქმედად ბევრის ავისა.  
ყველაზე მტრულად მერჩოლი,  
არვისთან მქონი ზავისა.  
გულამღვრეული მუდამ-ყამ,  
სახითა ფერად შავისა.  
იტყვიან, ვითომ ასლანმა  
გასცა სამშობლო თავისა.  
ბევრის ცხვარ-ძროხის პატრონი,

უმეტეს ცხენის ჯოგისა,  
მარჯვედ ფარ-ხმალის მომხმარე,  
მარჯვედ მგდებელი თოკისა.

უკვდავება აკლია,  
იმას მიეწვდებით როდისა?!

რად არი გაუმადლარი  
ნეტავ ბუნება ზოგისა?!

განაგებს ჩერქეზთ სამთაეროს,  
ყველა ძრწის იმის შიშითა,  
ბევრი აიკლო სახლ-კარით,  
ბევრი ატირა ვიშითა.

ერთი ქიჩირბე არ ჰმონებს,  
გათქმული ვეფხვის ჯიშითა.  
მისი ბოღმა ჰკლავს ასლანსა,  
ჯავრი იყაროს ვისითა?!

ბევრჯელ ეცადა შაეპურო,  
სღია მრავალის ბიჭითა.

არ იქნა, ხელად ვერ იგდო,  
გაუსხლტა ერთის ბიჭითა.  
მრავალს ავალებს მის მოკვლას,  
ქრთამი აღუთქვა ფიციითა;  
თავის მკვლელებს ჰხოცს ქიჩირბე,  
გაურბის ლურჯის კვიციითა.

დადის და ყველას არიგებს  
სიტყვით ძმურით და მტკიცითა:  
„რად ჰმონებთ ასლანს, ჩერქეზნო,  
ულელს რად იღვამთ კისრადა,  
სხვისა ნაყმევი, ნალახი  
გამოადგება ვის რადა?!

უბატონობა რით არ სჯობს,  
ნეტავ, ბატონის ყოლასა?

რით არ სჯობია რაინდი  
ღამის საღალღობ ცოლასა?

ომში მოკლული ვაჟკაცი —  
მეჩეთში მყვირალს მოლასა?“

წელან რომ ვნახეთ მხედარი,  
ეგ არი მისი მკვლელია,

უნდა მიაღწევას ასლანსა  
ვითომ ქიჩირის ზელია.  
უნაგრის ტახტას ეკიდა  
გმირის მარჯვენა ცხელია.  
ის როდი იცის, მთა-ველი  
ამაოდ დაუთელია.  
დემურს ის მკედარი ჰგონია,  
ქიჩირი ისევ მთელია.  
რკინა არ კვდება მოწამლვით,  
კბილს რად ილაღავს გველია?!

#### IV

დღე ილულავდა თვალეზსა,  
ცივმა დაჰბერა ნიავმა.  
სამგლოვიარო ჩაიცივა  
მთამ ბრწყინვალემა, მზიანმა,  
ვერც დააბერა, ვერც მოჰკლა  
დიდმა დარდმა და ზიანმა,  
აკურთხა უკვდავებითა  
განგების ძალმა ჰკვიანმა.  
ქორ-შეყარდენთა ბუდემა,  
ჩერქეზთ ქვეყანამ მთიანმა  
ბევრი გაზარდა ვაჟკაცი  
თავის წყლულების საპოხლად,  
თავისა სადიდებელად,  
მტრისა გულ-მკერდის საპოხლად.  
ნეტავ ვინ დასძრავს ბაგესა  
არწივთა ბუდის საგმობლად?!

სახლში მივიდა მხედარი,  
ცხენ-და-ცხენ მიდგა კარზედა.  
არც პირი დაუბანია,  
არც ულოცნია წყალზედა.  
დადრიჯა ცხენი სადავით,  
უხმობს შინ მყოფებს გარეთა:  
„გამოჩნდი, ვინ ხარ სახლშია,

ცხენ-კაცი ჩაიბარეთა!“  
მხედარი თავმოწონებულს  
ჰგავს მთას შემომხდარს მთვარესა,  
უნდა აცნობოს ქვეყანას,  
სად იყო, რომელ მხარესა, —  
რომ მოაქვს ქიჩირის ხელი,  
დაფასებული ძვირადა.  
ამიერიდან მის საქმე  
ექნებათ გასაკვირადა  
ჩერქეზეთს დიდთ და მცირეთა, —  
პატივისცემის გვირგვინი  
ედგმის მის სახლის დირეთა.

ქალი გამოდგა ქოხიდან,  
შუქი გამოჰყვა პირითა.  
ქალი ვამსგავსე ამ დროსა  
ნამს, ვარდზე მბრწყინავს დილითა.  
თუ შურთხი არი ლამაზი,  
მსტვინავი მაღალ მთაზედა?  
ან თუ შავარდნის წიწილა,  
მწოლარე დედის ფრთაზედა?  
ან თუ ვარსკვლავთა კრებული  
უხვ-სხივიანი ცაზედა?  
ან თუ ალმასი ფრანგული,  
დაღირებული მკლავზედა?  
ან თუ ზღვა არი მშფოთარე.  
აყვირებული ზღვაზედა?!  
იქნება სამოთხე იყოს,  
ქვეყნად მოსული ციდანა?  
— ვაჟკაცის გულის ჰირია,  
გადამგდებელი ჰკვიდანა.

ცხენს ჩამოართმევს, ვერ ჰბედაეს  
ჯერ ამოღებას ხმისასა,  
მოკრძალებით დგას ყვავილი,  
ხათრს ინახავდა ქმრისასა.  
ცხენი რა ნახა ნაოფლი  
და დატანჯული მეტადა,  
აძრახდა ნაწყენის ხმითა

ცით ჩამოსული სვეტადა:  
 „ან ცხენს რაღა ჰყლაფ, ან თავსა  
 რად იარები უკლოდა?  
 შენი რა ჰმართებს ქიჩირს..  
 რად ეკიდები უღვთოდა?  
 შენს მეტმა არავინ სდია,  
 ფიქრი დაურჩათ უგზოდა:  
 ქიჩირის ხელის მოტანა  
 შენს მეტს არავის უნდოდა?!“  
 — დიაცთ ჰკვა ენაზე გაკრავთ,  
 ფიქრი თმებშია წასული. —  
 ამ დროს მოვიდა მეზობლის  
 ბიჭი პირ-გადამახული.  
 — რა ჰქენო? — ჰკითხა— მოხვედი  
 ნასახელარის თავითა?  
 — რა გქენ და მოვკალ,— როგორა?  
 ხელში ჩაიგდე საითა?  
 — იქით, რომ სახლში ჩაეუხტი  
 ღამით მძინარას ბანითა.  
 გამიგო, მაგრამ დავასწარ,  
 ყელი გამოვჰქერ დანითა.  
 შეგდებე მის სახლის კერა  
 მისავე სისხლის ღვართა.  
 აჩხავლდა სახლში ბებერი,  
 მე კი გადმოვხტი კართა;  
 ცხენს დავაფრინდი, წამოვედ,  
 ვცემე მათრახის ტართა.  
 მოჰქროდა ჩემი მიმინო,  
 ფეხებს იბანდა ქართა.  
 იქნება ტერელოელნი  
 უკან მომდევდენ ჯართა.  
 რას გაიგებდენ ბეჩაენი,  
 საით მოვქროდი ღამითა?  
 მოვჰქერ მარჯვენა, თან მომაქვს,  
 ნათქვამს ვამოწმებ ამითა, —  
 და სისხლიანი მარჯვენა  
 უჩვენა სახე-მცინარმა.



ქალი უკუდგა, შეაკრთო  
სისხლმა, მარჯვენას მჩინარმა,  
ხელებს იფარებს თვალებზე,  
არ ნახოს ნათელ-მფინარმა.  
— ჰა, ყოჩაღ! — ბიჭი იძახის,  
თან ხელსა ჰსინჯავს თვალითა, —  
დავლა გიშოვნავ ძვირფასი,  
ნასახლარო გვარითა.  
— ახ, კაცნო, — ქალი: — რანი ხართ,  
როგორის გულის მქონენი?  
სულ სისხლის, სულ ვაჟკაცობის,  
სულ სხვის დამცრობის მდომელნი.  
თქვენ ჰსინჯავთ, გული მიღებდა,  
თვალთ ელევთან ღონენი.  
— მაშ არ მიქნია კარგადა?  
აბა, უყურე სულელსა:  
ჭიჩირს კი ცოტა მოუკლავ,  
ცოტასა სჭრიდა ხელებსა?  
რამდენს შენფერას აღენდა  
თვალთაგან ცხარე ცრემლებსა?  
აწლა თითონაც იგემოს  
გემო ნალესის ხმალისა:  
თუ სხვაზე ძალა კარგია,  
ჰა, ესეც სიტკბო ძალისა.  
მის სახლიდანაც შეესმას  
უფალს ტირილი ქალისა.  
დე, იხსენიონ წყევლითა  
ღობზე დემურის მკლავისა.  
ვისც ავი დაუთესია,  
მომკალი არი ავისა.  
სწორს სხვის საწყაოს ირიდებს,  
ყალბი კი მოსწონ თავისა.  
მიწუნებ ჭიჩირის მოკვლას,  
შე უდავლათოს გვარისა?!  
— რისათვის მომეწონება  
უგვანი ქცევა კაცისა?  
აქამდის ყველა აქებდით,

ყველას აგყავდათ ცამდისა:  
„ლაშქარს ქიჩირი ერთია  
და ჩვენ ათასნი სწორადა,  
ქიჩირის ხმლითა ნაცემი  
გაიკვეთება ორადა.  
რაზეც ქიჩირი გაივლის,  
მტრის თაეებია გორადა,  
სხვა არვინა ჰყავ ჩერქეზეთს  
ქიჩირთან ასაწონადა“.  
ახლა ყველანი აუტყდით  
ასლანის ჩაგონებითა,  
გადამტერეთ ძალადა. —  
სთქვა ქალმა დაღონებითა.  
— შენ არა იცი, უჰკო ხარ,  
არც ცისა, არცა ქვეყნისა.  
— არ მინდა, თვალებს მიშინებს,  
ნახვა ქიჩირის ხელისა.  
ვაჟაკსვე ჰშვენის ეჭიროს  
ხელი მოკლულის მტერისა.  
— ეგ კარგი. ასლანსაც ჰკითხე,  
მარჯვენას როგორ ელისა!  
დემურს შინ მიაქვ მარჯვენა,  
ჰკიდებს აბჯართან ერთადა,  
სადაც ფარ-ხმალი, დამბაჩა  
ეკიდნენ გვერდის-გვერდადა.

## V

ბნელმა დაჰფარა ქვეყანა,  
დრომ მოატანა ძილისა.  
ვინ იცის, ტკბილად ვის სძინავ,  
ვინ იცის, ვინა ტირისა?  
ვის ლოყა ვის ლოყას ეკვრის,  
ვის სუნთქვა უყვარს პირისა?  
მშვიდობა სუფევს სოფლადა,  
მამალიც არსად ჰყივისა.

დემურსაც სძინავ, ცოლს არა,  
მის გული რასღაც ჩივისა.  
ქმარს გამოუძვრა ნაბდიდან,  
რაა წადილი იმისა?  
პრაქი აანთო, ჰსურს ნახოს  
მოპრილი ხელი გმირისა.  
მიდის ცახცახით, უცქერის:  
ყურებში ხმა რამ უწივის,  
თითქოს ხმა ესმის ნაცნობი,  
სამართ ვინმე უკივის.  
გული ჰბგერს გაჩქარებითა,  
ვითომც კვერს სცემდენ გრდემლზედა.  
ყურს უგდებს გულის ჩქროლასა,  
თან იხედება გვერდზედა!  
დემურსა სძინავ ტკბილად  
ნაბად-წარხურვილს მკერდზედა!  
ქალი უცქერის და ჰკრთება,  
სხივი ეკარგვის ყბებისა:  
„ვაჰმე, რას ჰხედავთ, თვალებო,  
ბეჭედი დედი-ჩემისა!  
მისი სახელიც სრულადა,  
ნიშანიც ოქრომჭედლისა!  
ესეც აბედით დამწვარი,  
ჩვენ რომ სიყრმის დროს ვცელქობდით,  
ვინ უფრო გავძლებთ სიმწვავეს,  
მამაცობაზე ვდგებოდით.  
გრძელ და დიდს სთვლისა ღამესა  
ცეცხლა-პირასა ვსხდებოდით.  
ვაჰმე შენ, ძმაო აღხასტავ?!  
ცამც დამქცევია თავზედა“.  
ერთი ხელითა ხელს იპყრობს,  
მეორეს ივლებს თმაზედა.  
„დღე გაგიმწარდეს, დემურო,  
ძმა მომიკალი რაზედა?!  
შავად მენახოს, ქმარაო,  
შენი ვარსკვლავი ცაზედა,  
შენი უმსგავსი მარჯვენა

მტერსამც მიეკრას ქავზედა!“  
ტკბილადა სძინავ დემურსა,  
არ იძვრის ქალის ხმაზედა.  
გულზე მიიკრა ძმის ხელი  
და გამოვარდა კარზედა.

მირბის შმაგივით სოფელში  
და მიქვითინებს მწარედა.  
მირბის, იქ მირბის, ტერელოს,  
ძმა უნდა ნახოს მკედარია.  
ქიჩირის სახლში იკითხოს,  
იქ უნდა მოხდეს ზარია.  
მკედარ ძმას დის ცრემლი უხდება,  
ბანს მოსცემს მთა და ბარია...  
კოლხს ქვითინი არა მწამს:—  
უბრალო ნიავ-ღვარია;  
მალეღვე გამოიღარებს,  
რაკი დაპბერავს ქარია.  
დემური კოლხსა კითხულობს,  
ღიაცი არსად არია.  
აღარსად მარჯვენა მოჩანს  
იმისი ნადავლარია.

## VI

ორშაბათ დილა გათენდა  
თავის რჯულით და წესითა.  
იციინის მთა-ბარს ბუნება,  
ღამის ნატანჯი კენესითა.  
მთაზე შაჯარდა ნისლეგი  
გზა-გზა ცრემლების თესვითა.  
ვინ ზრუნავს ქიჩირის სახლ წინ  
პირ-ნადველ-გადაღესითა:  
„ეს ვინ დამასხა თავს ლაფი?“ —  
არწივი ამბობს ყუფითა. —  
„ვინ შემარცხვინა თავხედმა  
სირცხვილით მეტის-მეტითა?“

სახლში მომიკლეს სტუმარი,  
როგორღა აედგე მკედრეთითა?  
ჩემს გონებულა სხვა მოჰკლეს,  
ვიცი, ეს ვისიც ბრალია.  
თუ ვერ ვიყარო მტრის ჯავრი,  
წელზე რად მარტყავ ხმალია?!”

დილას თარეშით მოსული  
ცხენზედვე ჯდება კვალადა,  
შვილს ორი ბურკვა ხალისა  
დედამ უსაგძლა ძალადა.  
თვალეებს აელვებს ქიჩირი,  
წარბნი ჰქცევიან კვამლადა.  
ფეხს უცემს ლურჯი მერანი,  
ესწრაფვის გასამალადა,  
წაიდა. მჭრელი ფრანგული  
უბრქვეინავს ბუნით ვადამდე...  
ხმალს სცემს, ნაქები ბაზალა  
მიჩნეული აქვს ხატამდე.  
მიხამ სტუმრის მკვლელს არ მოჰკლავს,  
უნდა იაროს სანამდე.  
კითხულობს, იძევს საქმესა,  
უნდა შეიტყოს ამბავი.  
არვინ უჩნდება, გულს უკლავს,  
იმის შემრცხვენის მნახავი.  
მაინც წინ მოდის დიკლოსკე,  
გულში იმედის კრთომითა.  
გული ელევა მხედარსა  
მტერთან შეყრისა ნდომითა.  
შეუდგა მთასა ტყიანსა,  
მიჰყვება ბილიკს ვიწროსა,  
არ დაჰსწმენდია გუნება,  
ჰგავდა დაჭრილს ვეფხვს იმ დროსა.  
ხანდახან გაიხმაურის,  
ცხენს შეუჯავრდის მკვახედა,  
თითქოს ჰსურს ჯავრი გულისა  
ამოიყაროს მაზედა,  
ნახა, რომ ვინმე დიაცი

ქვითინით მოდის გზაზედა.  
წინ შეახეჩა და ჰკითხა:  
— ქალო, ცრემლსა ჰღვრი რაზედა?—  
შუა იჭრება ქიჩირი  
იმის თვალების ფხაზედა.  
— აქ შენ რას დახვალ, რას ეძებ?  
რა დაგიკარგავ მთაზედა?  
— ჯავრი მაწუხებს ვაჟკაცის, —  
თქვა ქალმა მოთქმის ხმაზედა. —  
ხომ იცი, უდარდელადა  
ცრემლი არ დაიდინების.  
ვით კაცი უმიზეზოდა  
სხვისგან არ შაიგინების.  
— რა დარდი? ვინ ხარ, სად მიხვალ?  
მითხარ, ღვთის მადლსა, სწორია.  
— ტერელოსაკე, მხედარო,  
მანძილი კიდევე შორია?  
სადაური ხარ? ნუ მიწყენ,  
რომ სიტყვა გაგისწორია.  
— ტერელოელი დარლა ვარ,  
თუ სადმე გაგიგონია.  
— კარგი მაშ, იქ კაცი მოჰკლეს,  
მართალია თუ ჭორია?  
— ალხასტა? მართალი არი,  
ის ქიჩირბეის ძმობილი,  
კარგი სამტროდ და საძმოდა,  
არსად სიტუდით ცნობილი. —  
ქალმა კვლავ იწყო გოდება,  
რა მოისმინა თხრობილი.  
— ქიჩირის ნაცვლად მოუკლავ  
ვისმე გონება-მჩატესა.  
კაცი ვით ჰკლავდეს, მოსაკლავს  
არ უხედავდეს სახესა?  
ვაჰ, რო ქიჩირმა არ იცის,  
ავს დაუგებდა მახესა.  
თავის ნამუსის შემბლაღავს,  
თავის ოჯახის შემრცხვენელსა!

— მაშ ქიჩირბეი სადღაა,  
 არვის ამბობენ მნახველსა?  
 — ის ოსმალეთში გაიქცა,  
 ასლანის შეშინებული.  
 მოსძულდა იმასაც თავი  
 ყველასგან შეგინებული.  
 შენ აღხასტასი რალა ხარ? —  
 ჰკითხავს კვლავ დაფიქრებული.  
 — მე? და ვარ უკელო, უბედო,  
 შავ-ბნელს დღეს დაბადებული.  
 — დემურის ცოლი ჰყოფილხარ,  
 ჩემთანა ფიც-ვერცხლ ნაქამი.  
 — ძმობა, ყოფნა და სიცოცხლე  
 იმაზემც არი არამი!  
 იმან არ მოჰკლა ჩემი ძმა,  
 განა ეკუთვნის სალამი?!  
 — იმანა? რა ვქნათ, შემცდარა,  
 მოტყუებული ბნელობით,  
 თორემ სხვად არა ეძრაახვის,  
 ვაჟკაცი არი ხელობით.  
 გულში სინათლე ჩაუდგა  
 ჭიჩირს ამ ამბის ცნობითა.  
 რაკი მტრად ის დაიგულა,  
 თითონ გააძღებს მტრობითა.  
 ქალთან კი ამ ღროს იმანა  
 სიტყვა არ დაძრა გამობითა.  
 — მოტყუებულია? შექამოს  
 თითონ ის ტყვიამ მწარემა,  
 ჩააცვას წყევის სუღარა  
 მთელმა ჩერქეზთა მხარემა.  
 ცოლის ძმის მოკვლის ნაცვლადა  
 თავი მოეკლა ბარემა?  
 ქიჩირის ხელის მაგივრად  
 მოაქვს ცოლი-ძმის მარჯვენა,  
 ვითომ მე ვიყავ ასლანი,  
 მომიტანა და მაჩვენა.  
 შენი ლეთის მადლსა, ის მინდა,

გზა მიმასწავლო წესზედა.

— ძალიან კარგი, წამომყე,  
შევდგეთ იქ მაღალ სერზედა,  
გასწავლი ქიჩირის სახლსა,  
მას კოშკი უდგა გვერდზედა. —  
ქალიც დასთანხმდა, მისდევდა,  
ფეხს იბიჯებდა ფეხზედა.

— აგერ, გაჰხედე პირდაპირ,  
ძირს რო ჩამოსდგამს გორიან,  
თეთრად რო მოჩანს — ქიჩირის  
ციხე-ვალაენის ყორია.

მდინარე ტერელოსია  
გაწოლით, როგორც მორია.  
ამ გზას ჩაჰყეები, ძირს ჩახვალ,  
მერე სულ ვაკე, სწორია.  
ღმერთმა ძმის სული გიცხონოს,  
კრემლებიც წაიხოცია.

მეც მეჩქარება, მშვიდობით!  
შენთვის გზა დამილოცია. —  
თქვა რა ეს, აჩქარებდითა  
მხედარმა გზა-გზა გასწია,  
თითზე იკბინა მწარედა,  
ფაფანს წარბებზე დასწია.

მიდის ტყე-ტყე და მიუბნობს:  
— წადი. კაცს ენდე სოფლადა,  
შენს მოსაკლავად ის მოდის,  
ვინც გიცნობს კარგის მყოფლადა.  
ვაი შენ, ფიცის გამტეხო!  
შენებრ არ მოვალ ფარულად,  
მელა არა ვარ, არც ტურა,  
ქათმებს ვეპარო მალულად.

ძლიერა წყრება ქიჩირი,  
დემურის სისხლი სწყურია.  
თავს წამწყმედის წაწყმედა  
მისი წესი და რჯულია.  
ფიქრს დაეწმინდა თვალეები,  
წელან ბუნდი და რთულია,



ვინაც მტერს მტრულად არ დაჰხვდეს,  
მისი სახელი კრულია.

მიდის, გადავლო ხევები,  
სერები ტევრიანები.  
ნამზვლევიანი ღელენი  
თითქოა ქვევრიანები,  
დილაღ, მხოლოდ სისხლითა  
სავსენი, ბევრიანები.  
მთით ჩახდა, მინდორს მოება  
ბალახიანსა, მწვანესა.  
აქ, ამ ადგილას ჩერქეზნი  
არც როს არ სთესენ ყანებსა.  
ყვავილნი მუროიანით  
ნაზად აბზენენ თვალებსა.  
გაუსუქებავ მინდორი  
ჩერქეზთ და რუსთა ძვალებსა.  
ჟინჟვლა დაიწყეს ღრუბელთა,  
ბალახს დაუწყეს ღვიძება,  
მცენარეთ თავი აიღეს,  
უფალს შესწირეს დიდება.  
თუ არა ნამი ციური,  
არ გაელვიძათ იქნება?!

აქ, ამ ადგილას, იტყვიან  
ამბავს, საკვირველს რამესა:  
ვითომ აქ სისხლის ზღვა მდგარა,  
ის შეესუსტოს მთვარესა.  
ზღვა დაეყენა ბრძოლასა  
ჩერქეზთ რუსებთან მწარესა.  
მას აქეთ მუდამ ყვავილნი  
ამკობენ ამა მხარესა.  
ყვავილნი სანთლად ნათობენ,  
გმირთ სულებს გაახარებსა,  
მოხუცი მოწიწებითა  
დასთვლიან გმირთა გვარებსა,  
ყრმან უსმენენ გულს ჟრჟოლით,  
თან ჰბლუჯვენ ხანჯრის ტარებსა.

დაბინდდა. კაცი კაცისგან  
 ძლივს იცნობოდა მაშინა,  
 ჰხედავს, რო ცხენმა შამბიდან  
 ყურები გამოაჩინა.

მაზე მორთული მხედარი  
 ქიჩირს წაუდგა თვალ-წინა.  
 „გამარჯვებო“, უცხომა  
 შემოუძახა ამასა.

გულს ნესტრად მოჰხვდა ესე ხმა  
 ქიჩირსა იმავე წამასა,  
 წინ მიეგება უცნობსა,  
 როგორაც შვილი მამასა.

— კი გაგიმარჯოს, მაგრამა  
 ამას ვისას სთელ ყანასა?  
 ვინ ხარ? სახელი რა გქვიან,  
 რად სჩადი მაგისთანასა?

— მე დემური ვარ.—და გული  
 ამის მთქმელს ასმევს შხამასა.  
 რაღაც ნაცნობი ხმა ესმის,  
 ჰგონობს ცუდსა მოსაზმანავსა.

— შენი სახელიც მითხარი,  
 ბიჭო, ამაყად მყვირალო!

— მე მკვდარი მქვიან, ძმობილო,  
 ჩემის მარჯვენის მზირალო!  
 დიაღაც მკვდარი, მაგრამა  
 ხმალს კი ვიხმარებ კიდევაც;

ეცადე თავის დაცვასა,  
 შენი დღეები ილევაც. —

და ხმალმა ქიჩირისამა  
 დემურის თავზე იელვაც.  
 თავი გაგორდა მიწაზე  
 ზანტად ტუჩების ლებითა,  
 ხმალსა ტანიც კი ჩაეჭრა  
 დაღერებულსა კეფითა;  
 სისხლი ჩამოსდის დემურსა

ტანზე ჰიაფრად, ჩქეფითა,  
ბალახს ჰღებს ცოლის მძებნელი  
გულზე ხელების კრეფითა.  
ცხენი კი გაფთხა, გაიქცა  
პატრონის წყლულის მნახავი,  
გულის ვაების და დარდის  
ჭიხვინით გამომსახავი,  
უცნობს ენაზე მოთქვამი,  
ქიჩირის ხმლისა მძრახავი.

ქიჩირმა თავი აიღო, —  
ხელი არ უნდა მტრისაო.  
პირდაპირ დიკლოს გასწია,  
კარგი მცოდნეა გზისაო,  
გამოათავა მინდორი,  
დიკლოს მოვიდა ღამითა.  
მირბის ასლანის ეზოში  
ხელში დემურის თავითა.  
ასლანის კარების წინა  
თავს არჰობს ხისა ტარითა.  
დაზრუნდა ტერელოსავე  
ამსრულეებელი ვალისა,  
თავსა ჰგრძნობს ბედნიერადა,  
ადარ მდომელი ავისა.  
არავის შიში არა აქვს,  
მინამ ლურჯაი ჰყავისა...

## VIII

იმ ღამეს დარბაზს ასლანი  
სამავენოსვე ჰფიქრობდა,  
დემურის მოუსვლელობას,  
ცოტა არ იყოს, ჰკვირობდა.  
ბოლოს მოიხმო მსახური,  
ჰკითხა სადარდო გულისა,  
ჰკითხა ამბავი წარბ-შეკვრით  
კაცისა დაკარგულისა.

— ამბავი სწორედ შევიტყე,  
 სხვა მოწამენიც არიან:  
 კვირას მოსულა დემური,  
 გაუმარჯვნია ძალიან.  
 მაგრამ ვერ ვნახა, ბატონო,  
 რადგან ჯერ არა სცალიან.

— გაუმარჯვნია? ქიჩირბე  
 მართლა მოუკლავს დემურსა?

— სწორეა, რჯულს ვეფიცებით,  
 თქვენგან ნუ მნახვენ გვემულსა.

— თუ მართალს ამბობ, ამ საათს  
 თავს ჰნახავ პატივემულსა.

ასლანი მუჯით ოქროსა  
 ჯიბიდან აძლევს მონასა.

— რაღა სჯობს, ჩქარა მოვიდეს,  
 ეგრეცხლის და ოქროს შოვნასა!  
 რაც მას აღვეუთქვი, სულ მივეცემ,  
 არ ვულალატებ ხსოვნასა.

— საქმე სხვაფრივა, ბატონო,  
 მიბრძანებთ? გეტყვით წმინდადა.  
 დემურის ცოლსა მის მოკვლა  
 გულს შესწდომია ფინთადა, —  
 ქიჩირბეს ხელი წაუღავ  
 და გაპარულა ბნელაში,  
 დემური დილას წავიდა,  
 ხანს ჰლევს ცოლისა ძევაში,  
 დიაცის ფიქრი წყეულ არს,  
 ეიბ შევა იმის კვლევაში!

— ეგ სხვა საქმეა, მაგრამა  
 ვიჭვობ, თუ შესძლო საცადი.  
 ძნელია, ბრავყო, მის მოკვლა!  
 მრავალ ჰკირს არი ნახადი.

თქვენს მტერსა ისეთი დილა,  
 მაშინ გაიენდა ჰირისა.  
 ზოგი ჩუმადა ვიშ-ვიშებს,  
 ზოგიც ხმამალა ტირისა.  
 „ვინაა დემურის მკვლელი?“  
 ნათესავთ გული ჰყვირისა;  
 სანჯრებსა ჰკბენენ, მრისხანედ  
 ცეცხლს აკვესებენ ჰირისა.  
 არავინ არი გამრკვევი  
 ამ საქმის გასაკვირისა.  
 ასლანსაც გარისხებულსა  
 დანა არ უხსნის კრიჰასა.  
 იცოდა, სრულად ვერ ენდო  
 მ. ტომ წუხანდელს ბიჭასა.  
 ..არის ქიჩირბე იხამდა,  
 ცოდვას ნუ იტყვით სხვისასა!“  
 სახლის მოაჯირს წამდგარი  
 ხელს გადმოსძახებს იმასა.  
 დემურის თავი შეჰხვიეს  
 'ერქეზთა ტილოს ქისასა.  
 ტახის საძებრად წავიდნენ,  
 კვალსაც იძევენ მტრისასა.  
 რას იპოვნინან მშრალაზე  
 ნავალს ნაგეშის მგლისასა?!

გავიდა ცოტა რამ ხანი  
 და გამოირკვა ყოველი,  
 წინა-დღეს გაჯავრებული  
 აღარა ჰბორგავს სოფელი.  
 აღვილად აუგს არ ამბობს  
 კაცი ქიჩირის მგმობელი.  
 „მოსისხლის სისხლი აუღაე“,

ყველა ამისი მთხრობელი.  
„ძალიან კარგად უქნია,  
დედა უცხოხეთ მშობელი!“  
მტყუენის და მართლის სამზღერისა  
საქმეა გამომცნობელი!

## X I

თავის წესს არ ჰშლის ბუნება,  
ღამე დღეს, დღე სცელის ღამეთა,  
მუხლმოკეცილნი სხდებიან  
შავი ნისლები მთა-ველთა;  
მრავალთა წყალთა იდინეს,  
ჩამოუარეს ვაკეთა;  
მრავალმა გამოთხოვების  
აკოცა ღამაზს ბაგეთა.  
ზოგი გაჩნდა და სხვა მოკედა,  
საფლავს მწოლარე ვნახეთა.  
მტრობა, ტრფობა და სიძულე  
ერთუროს უგმობენ სახეთა.  
ის ჰრჩება მხოლოდ ქვეყანას,  
რაც რომ ჩვენგანმა აკეთა.  
ბევრჯელ გაიშრო მთამ ქედი,  
ბევრჯელ მოირთო თოვლითა,  
ბევრჯელაც ვნახე ცერიანი,  
ვით შუბლს მუშაკი ოფლითა.  
წყალი არ მოჰშლის წყლობასა,  
რაც უნდა ბევრი ჰნაყოთა!..  
ასლანის გული სავსეა  
ისევ ქიჩირის ჯაერითა.  
ვერცა რას ფარ-ხმალით გახდა,  
ვედარც რას თავის მსჯაერითა.  
ბოლოს სიფლიდეს მიჰმართა,  
ესლა იხმარა ღონედა.  
გაფხავებული მახვილი  
მოსაქნევია ღონედა.

ენაზე მკრელი არა არს,  
ძველებსაც უთქვამთ სწორედა.  
ვაჰ, კაცნო, ბევრჯელ ბრმანი ხართ,  
ხშირად უღირსთა ჰმონებთა!  
ხშირად ქვას უენ-პიროსა  
ქვეყნის შემქნელად ჰგონებთა!

## XII

კაცი მივიდა ქიჩირთან  
ერთხელ მაცდურად მცინარი,  
თაფლი და შაქარი არი  
მის პირით ამომდინარი.  
ქალარ-შერთული მაჰმადა  
გათქმული არი გონებით.  
არც უსახელოდ შთენილა  
ცხერითა, ძროხით და ქონებით.  
აქებს, აღიდებს ქიჩირსა  
ხატებთან შენაწონებით,  
ჰპოხს გულ-ჩათხრობილ რაინდსა  
გულუხვად სალბო ქონებით.  
მიჰმართა მის გულ-გონებას  
სხვადასხვა რიგის ფონებით.  
სულ ბოლოს იგი უამბობს  
ჰკვიანად, გონებ-გონებით:  
— მართალი არი, ქიჩირო,  
ვერვინ გაშინებს ძალითა,  
ვერვინ დაგიძრა წამწამი  
შემოქნეულის ხმალითა.  
მაგრამ არც კაი დღეში ხარ  
მუდამ საფრთხეში ყოფნითა.  
მუდამ ხმალ-ამოღებული,  
ფეხზე შემდგარის თოფითა.  
თავის შინ ქურდულად დახვალ,  
ქურდულად პურის მკამელი.  
საცა გაივლი, მტრებითა

სავსე გგონია მთა-ველი.  
მშვიდობის მიწა არა გაქვს  
ცოცხალ კაცს ორი მტკაველი.  
— სხვისა მონებას, მაჰმადო,  
ეგრე მირჩვენის ტარება.  
როდი მაშინებს სიცოცხლის  
სიკვდილად გადაცვალება.  
ერთი დღე ყველას მოგველის,  
დღე იყოს, მზეცა ბრწყინავდეს,  
ჩვენ არაფერი გვესმოდეს,  
ცივ სამარეში გვეყინავდეს.  
ნეტავი იმას, ვინაცა  
მკედარი გასწირავს სახელსა.  
და ყველა იმის ხსონასა  
გულს ინთებს, როგორც სანთელსა.  
ცოცხალი ცოცხალსა ეგვანდო  
თავის გუნების პატრონად.  
მოვეკვდები, ერთი დღე მმართებს,  
მიწა მექნება ბატონად.  
— ვინა თქვა მონად იქნები? —  
გაჰხდები პირველ კაცადა.  
რაც რომ ასლანი ფიცულობს,  
ღმერთი აქცია ხატადა.  
ორს ვაჟსვე ხელი დაადვა:  
„ღმერთს შევავედრებ ამათა,  
თუ მე რამ ვავნო ქიჩირსა,  
ოღონდ მოვიდეს ზავითა.  
თუ კიდევ არ დავსაჩუქრო  
საჩუქრით მრავალ-გვარიითა“.  
მერე ამ დროსა: ხმა დადის,  
რომ გაგვამტვეროს, აგვიკლოს,  
მოზღვავებულა ურიცხვი,  
გამოჩენილა ხვარიგლოს.  
ჩერქეზეთს ახლა სჭირია  
ვისაც გული აქვს გმირული,  
თავზედა ქუდი ჰხურია,  
წელზე პრტყავ ხმალი მისრული, —



გასწიროს მკერდისხლიანი  
 მტერი კარებზე მისული.  
 რად უღირს, იცი, ასლანსა.  
 რომ მიუხვიდე ზავითა; —  
 ჩერქეზთ ლაშქარში ერიო  
 თავის ხმლითა და ფართა.  
 — რაც უნდა ის ქმნას, მე მოვალ,  
 ქმნას თავის გულის ნებისა,  
 არც ვისგან საჩუქარს ველი,  
 არც მდომელი ვარ შეებისა.  
 დაძრახვით ნურვინ დამძრახავს,  
 სმენაც არ მიყვარს ქებისა.  
 დიად, წამოვალ, თუნდა თქვან:  
 ქიჩირი რასა შერებისა?!  
 მე კი ჩვენს ჩერქეზთ რჯულზედა  
 სახლში მიუვალ ძმურადა!  
 თუ არ დაირცხენის თითონა,  
 დაე, მომექცეს მტრულადა.  
 არც ეს მექნება სანაღვლოდ,  
 არც თავი დაკარგულადა.  
 საღმრთო წესს როგორ დაარღვევს,  
 ისეც გაფუჭდა სრულადა?!  
 — სულ ტყუილია, ღალატსა  
 ტყუილად ჰფიქრობ, ძმობამა,  
 რა სიხარული აჩვენა  
 აქამდის შენმა მტრობამა?  
 ემ ჩემს ჰალარას დაენდე,  
 შენმა და ჩემმა ცნობამა! —  
 არ შეუტველა მთქმელს ფერი  
 ტყუილის გამოცხობამა...  
 — კარგია, კარგი, მოხუცო,  
 სიტყვას რად ჰხარავებ მრავალსა?  
 თავდაც კარგად გავიგებ  
 თავის თავგადასავალსა.  
 ნვალ ღამ, ან ხვალ-ზევით დილით  
 შინ ვეახლები მთავარსა.  
 ბევრს რად ჰფიცულობ, მის ნახვა

განა ეგრეცა მზარავსა?..  
— როს დაგინახავს თვის კარზე,  
გაუხარდება, იცოდე.  
მოვაო, ვეტყვი... მშვიდობით!  
დროა, რომ გზაზე ვილოდე.  
— მშვიდობით, წადი!.. კარგს ამბობ,  
ცოტას რომ არა ჰფლიდობდე. —  
რა გაისტუმრა მაჰმადა,  
თქვა ეს ქიჩირმა ჩუმადა,  
რაც ლომის ღმინი იქნება,  
ილიმებოდა უმადა.  
გულს დაეკითხა ათასჯერ,  
ფიქრსა ჰშლიდა და აგებდა.  
ბოლოს იფიქრა — წავიდეს,  
თუ კი ქვეყანას არგებდა.  
თვალთ წინ დაუდგნენ მოძმენი,  
ომი ფიცხელი მტერთანა,  
აოხრებული ქვეყანა,  
გასწორებული მტვერთანა.

### XIII

— რისათვის იყო სულელი,  
რაზე საუბრით გირთავდა? —  
მაჰმადას წასვლის შემდგომი..  
დედა ქიჩირსა ჰკითხავდა.  
— ასლანი ზავსა თხოულობს,  
უნდა ვეწვიო, დედილო.  
— რას ამბობ? როგორ ენდობი,  
გონება-გამოშრეტილო!  
ბალღი ხარ, ახლაც მოსტყუედე,  
რომ მგელს ეძლევი პირშია.  
ვინ მისცემს, სად გაგონილა,  
ბიჭო, ბედაურს ვირშია?!  
ზავისა იმან რა იცის,  
გველ-ბაყაყების ბუღემა,

ჩერქეზთა ქვეყნის გამცემმა  
და ჯოჯოხეთის ზღუდელმა?  
რაკი წახვალ და არ იშლი,  
რჩევას არ მისმენ მითაცა,  
მაგ სიბრყველსთან ბარემა  
მოდის და ჰქმენი ისაცა,  
ჯერ კი მე მომკალ და მერე  
იარე, როგორც გენებოს.  
უშენოდ შენსა მშობელსა  
ცოცხალს ნუმც ჰნახვენ ტერელოს.  
— რაც ციხე აქამდის ვაგე,  
ახლა დაეშალო, კარგია?  
სხვას ყველას ეპოებთ, სახელს ვერ,  
თუ ერთხელ დაგვიკარგია.  
დიამც სიცოცხლე დაგვიკარგო,  
ის ჩემთვის მეტი ბარგია.  
არამი არი ჩემზედა,  
მაინც არაში მარგია.  
მტერი რო მოდის, მაშ რა ვქნა,  
შინ დავიშალო, კარგია?  
რას ეგვანება ქიჩირი,  
რომ არ ერიოს ჯარშია?  
სხვა რაც უნდა თქვი, მაგრამა  
ეს რომ არ მოდის ჰკვაშია?!  
სიკვდილი ბევრად სჯობია  
ჩავეარდნას ქვეყნის ყბაშია.  
რა სიცოცხლეა, რომა თქვან  
ჩემი ლაჩრობა მთაშია!  
დიაცებრ მანდილიანი,  
დედავ, გინდივარ რაშია?

#### XIV

ის იყო, ასლანის ეზოს  
დილის მზის სხივი ჰფენოდა,  
ცხენზე მჯდომარე ვაჟაკი  
ეზოში ვინმე ჰშეენოდა.

დამშვიდებულის სახითა,  
თითქოს არც როს რამ სწყენოდა,  
უხმობდა მეგობრულის ხმით,  
ასლანის გასვლას ელოდა.  
ორი მსახური სტუმარსა  
გამოეგება ხმიანად.  
ცხენს ართმენ, მიესალამენ  
ორივე თავაზიანად.  
შინისკენ მიიპატიუეს  
აუჩქარებლად, ჭკვიანად.  
იმათში არაფერს ჰხედავს  
ქიჩირი დამაზიანად.

მაგრამ იქით და აქედან  
გადმოხტეს აბჯრიანები;  
ზოგნი თოფ-შემოყენებით,  
სხვანი ხელ-ხანჯრიანები.  
ხმა როდი გასცა ქიჩირმა,  
სდუნს ვით ქვა, ვითა ლოღია.  
არც წყევლა უთქვამს, არც ლოცვა,  
მან არ ატეხა შფოთია;  
თუმც მკერდში გული უქანავს  
ბოლმა-ნასვამი, ლოთია.

სტაცეს ხელი და შებოქეს,  
ქიჩირი ქვასებრ მდუმარებს:  
ხელსაც არა სძრავს სამტროდა,  
არც ილხენს, არცა მწუხარებს.  
უყურებს, ლობეს იქითა  
ქალი ვინმე ჰღერის მდულარეს.  
ბოლოს გამოჩნდა ასლანიც,  
შავს ღრუბელსა ჰგავ მქუხარეს:  
— მგელო! გაგაბი ხაფანგში,  
არ დაასვენებ კბილებსა?  
რომ ჰკეხდი, — ასლანისასა  
სულ გავწყვეტ შვილი-შვილებსა, —  
ჩემს ჯილავს ემუქრებოდი  
ამოფხვრას ფესვიანადა.  
ვერ ამოგფხვერი?! იგემე,

მიცანი წესიანადა!  
 სხვა ყველა დავემორჩილე:  
 მალლა ცა მეზიანადა.  
 შენ არ მიხრიდი მხოლოდ ქედს,  
 მოგეჭე ხერხიანადა?!  
 აგანთებ, აგაპრიალებ  
 ცამდე თავ-ფეხიანადა!  
 მხოლოდ ეს უთხრა ქიჩირმა:  
 — ერთს გეხვეწები დიდადა, —  
 ნუ გააგონებ ქვეყანას,  
 თავს ნუ აჩვენებ ფლიდადა.  
 ნუ გააგონებ ჩერქეზთა,  
 რომ მომატყუე ზავითა,  
 ნუ წაპრყენი მოძმეთ ბუნებას  
 შხამ-საწამლავეთ ავითა.  
 ეს ჩვეულება მტკაცედ გვაქვს:  
 წმინდად შენახვა კერისა,  
 პირობის დაურღვევლობა,  
 ძმად შინ შენახვა მტერისა.  
 — ეგ რომ წესად გვაქვს, ისაღა  
 სისხლით დაბანა სისხლისა;  
 მტრობისთვის მტრობა უზომო  
 წესია ჩვენის მიწისა.  
 რა ცოდვა არი, რა მადლი,  
 ასლანმა უკეთ იცისა!

## XV

ყველამ გაიგო სოფელში  
 შეპყრობა ქიჩირბებისა!  
 კაცთა, ქალთა და ყმაწვილთა  
 მოდენის იქმნა ღლე ისა.  
 მოქუჩდა ხალხი, მოგროვდა  
 ეზოში ყოველ მხრიდანა,  
 მხოლოდ სვაეები ზარობენ,  
 არ მოგელავენ მთიდანა.

ყველას ის უნდა, იხილოს  
თავზარ-დამცემი მტერისა.  
გმირების მოყვარულია  
თვალი და გული ერისა.

გალაღებული ასლანი  
გულში ტკბილადა მღერისა!

მან ბრძანა, როცა იხილა  
ბრბო, ერთმანეთზე მდგომელი:  
„თქვენ, კაცნო, ყველასაგანა  
თითო კონა ფიჩხს მოველი.  
მოზიდეთ ბევრისგან ბევრი,  
გაეწურთნო ესე ცხოველი,  
მარტო ღვთის ბატონად მცნობი,  
სხვა ყველას წინა მდგომელი!“

მოზიდეს შეშა უზომო,  
ცეცხლიც დაანთეს დიადი;  
შიგ უნდა ჩაწვან ქიჩირი,  
როგორც კვერი და ხმიადი.  
ქიჩირმაც იგრძნო კარგადა  
თვის სატანჯველი ფრიადი.  
მაგრამ ის წარბსაც არა ჰხრის,  
სდგას ვით სალი კლდე ზვიადი.

მიუდგა ქიჩირს ასლანი  
ახლოს თავ-მოწონებული:

— მოგწონს, ქიჩირო, სასჯელი  
ეს ჩემგან მოგონებული?—

ახლა ძლივს სუნთქავს ნებითა  
გულზე დარდ-მოფონებული.

— მომწონს და არც შემაშინებს  
ათასჯერ მეტიც იყოსა.

თუ გავტყდე, ღმერთი მრისხავდეს,  
წყალმა და ღვარმა მრიყოსა.

— არ გეშინიან? სწორედ თქვი,  
მხოლოდ დაგიხსნის მუდარა.

— ძალღებს არას სთხოვს ქიჩირი,  
მოკედეს, მით არა უნდა-რა.

— მაშ თუ არ გზარავს სიკვდილი,

კიდეც იმღერებ, არაო?

— ძალიან კარგად, — ქიჩირი  
ვითომ თავის შინ მჭდარაო.  
მონებს უბრძანე, ჩონგური  
რო მომიტანონ ჩქარაო.

მალე ჩონგურიც მოართვეს,  
ჩამოჭდა, მოიხარაო!

თოკით შეკრული მკლავები  
სახმარად მოიგვარაო.

ჯერ გადაჰხედა გროვასა

ცეცხლის მფრქვეველის თვალებით.

ცეცხლი ცეცხლს დასწავეს, რა უშავს,

გარს შემორტყმული ალებით.

თვით იტანჯება, რომ იწვის,

სხვას კი გაათბობს წელებით.

გაჩაღდა ცეცხლი და ბოლი

შეიკრა როგორც ბარდია,

ცას შავ ღრუბელად გადაეკრა,

თითქოს ტირილი სწადია.

ხალხში ხმას არავეინ იღებს,

ქიჩირს შესცქერენ მტერადა.

ქიჩირმა ლარებს ჩამოჰკრა

და გაიხედა ცერადა.

იქ ნახა ქალი ლამაზი

რომ იღვრებოდა ცრემლადა,

იგივე, ვინაც წელანა

მის შეპყრობის დროს ტიროდა.

ქალის ტირილსა ქიჩირი,

ცოტა არ იყოს ჰკვირობდა,

იცნო და პირმა შესცინა,

დატყვევებულს ვეფხვს იამა.

გამოათხიზლა ყველანი

ჩონგურის სიმთა წყრიალმა.

აჰკრა ხელი და ჩამოჰკრა,

თან ზედ დამღერა ხელადა.

დღესაც ამ ლექსების ცოდნა

ყველა ყრმას ადევს ბეგრადა.

## 1

ფლიდია ესე სოფელი,  
 ფლიდთა საყრელი ხელისა;  
 კარგებსა სჩაგრავს, უმსგავსთ კი  
 კალთას აფარებს, ჰშველისა;  
 მართალი წუთისოფელში  
 შევებს ამოდ ელისა!

## 2

სამშობლოსათვის მამაცი  
 არის მადლი და დიდება.  
 მალე დაპლუპავს ქვეყანას  
 ლაჩართა გადაკიდება.  
 ვინ იყო ქვეყნის ორგული,  
 ვინ ჰშველდა გიაურებსა,  
 გააწყვეტინა ჩერქეზნი,  
 აჰმევედა მგლებს და ტურებსა,  
 დააპრა საკუთარის ხმლით  
 ცურები ჩერქეზთ ფურებსა.  
 იმის ძმებს მტერი ჰმუსრავდა,  
 თვით ჯიბეს იყრის ფულებსა.  
 მიკვირს, რომ ასეთ უმსგავსთა  
 ქვეყანა რადა ჰყურებსა?!

## 3

სულდგმული დღესაც ვსულდგმულებ  
 მამა-პაპათა რჯულითა.  
 ნაგრძნობი ჩემის გულისა  
 არ მიწონია ფულითა.  
 მიყვარს ჩერქეზთა ქვეყანა  
 წმინდა ჩერქეზის გულითა,  
 მიყვარს მთები და ველები  
 გულ-ძკერდით დაქარგულითა;  
 ვინ იცის, ვინა ვცხონდებით  
 და ვინ წაეწყმდებით სულითა!



ბიჭობა ათასნაირი,  
 ათასის სახის მქონეა.  
 ვისაც სიკვდილი აშინებს,  
 ის ბიჭად არა მგონია.  
 თავის გაწირვა აღვილად  
 ვაუკაცთა სულის ღონეა.  
 ვაუკაცთ დაიცვეს ქვეყანა,  
 გამრავლდეს იმათ ჭიშია;  
 ფლიდთა, სულ-მდაბალთ ჭილაგი  
 რომ გასწყდეს, ისა სჯობია.  
 გველის წიწილა გველია,  
 ხოლო ვირისა — ვირია.  
 კუნელზე ყურძენს არ ჰკრეფენ,  
 არცა-რა გასაკვირია.  
 უმსგავსთა, ფლიდთა მომსპობად  
 გახმეს ფოჩი და ძირია.

## XVI

ბაღლები შემოჰხვევიან,  
 შესჩერებიან ქიჩირსა.  
 ასლანის ორი ვაჟიკა  
 გვერდითა დგანან მის პირსა.  
 ცეცხლი კი უფრო გაჩაღდა,  
 ალი ალსა სცემს, ტრიალებს.  
 საზარი სანახავია, —  
 სიკვდილის ბჯღალი ტრიალებს,  
 „აი, ბიჭობაც ეს არი!“ —  
 კვლავ დაიძახა მხედარმა,  
 ილლიას სათითაოდ  
 ბაღლები იკრა მჭეხარმა,  
 არა ამოდ მომთქომმა,  
 არ უსაფუძვლოდ მკვებარმა.

„აი, ბიჭობა, ნახეო!“  
და დაიღუბა ცეცხლშია  
სამის სულდგმულის სახეო.  
ამითი როდი გათავდა  
ამ ცეცხლის ზღვასთან ომია.  
ქალი გამობტა გროვიდან,  
ციდან მოსული მგონია,  
ისიც თან მიჰყვა ქიჩირსა,  
თქვეს: „ეგ დემურის ცოლია!“  
ცოცხალ-მკვდრად დარჩა ასლანი,  
გაშტერებულა ღუნია;  
სულს ჰხუთავს, ბუნებას ჰშხამავს  
ცეცხლში დამწვართა სუნია.

## XVII

მეორე დილას იპოვნეს  
იქვე სხეული ბებრისა;  
საკრეფად წამოსულიყო  
ქიჩირის ძვალთა მტვერისა.  
ეკრიბა კაბის კალთაში  
თუ რამ ცეცხლს ფერფლი რჩენოდა:  
ეძებდა შვილის ნიშანსა,  
ეგებ რამ გამოსჩენოდა.  
რომ ვერაფერი ეპოვა,  
მასაც სიცოცხლე სცხვენოდა.  
დანა დაეცა გულშია  
და სისხლი გადმოსდენოდა.

## XVIII

ასლანზე რაღას იტყვიან,  
სადაა? როგორ რჩებაო?  
— ძალიან ამბავს ამბობენ:  
უნამუსოდა კვდებოა.

კ-რი რამ შეჰხვდა უწამლო,  
მთაზე თოვლივით დნებაო.  
ლოგინად ჩავარდნილია,  
ფეხზე ველარა დგებაო.  
დამბლად დაეცა, ჭკვით შესცდა,  
შუა მოხრილა გრკალადა.  
არც რჩება, აღარცა კვდება,  
ცოცხალი არი ძალადა.  
პურზე, საჭმელზე იძახის,  
როცა მიაართმენ, ასეა:  
„წაიღეთ, შორს გამაცალეთ,  
გველ-ბაყაყებით სავსეა!“  
ვინც საღმით მივა იმასთან,  
ჩერქეზთ მთავარი იგია,  
ბოდიშის ნაცვლად მიუგებს:  
„მე როდი გამიყიდია!“

ათასჯერა წვიმს, სეტყვაა,  
მთებზე ნისლები ჰკიდია,  
ბევრი რამ ხდება ქვეყნადა,  
შიგ ცოდვა-ბრალი დიდია;  
ბუნება წარბსაც არ იხრის,  
მაინც მშვიდი და მშვიდია.

## მეულის მკაპელი

(ძველი ამბავი)

### I

სასტუმროს იყვნენ ხევსურნი,  
ლუდი ეღულა წიქასა,  
ისხდენ ბანზედ და ღრეობდენ,  
თასებით ჰსვამდენ იმასა;  
ზოგნი უკრავდენ ფანდურსა,  
ზედ დაჰმღეროდენ დიდადა,  
მსმენელთა გრძნობას უღებდენ  
საგმირო ამბებს ხიდადა;  
აღზნებით გმირთა სახელებს  
ლექსებში თვლიდენ წმიდადა;  
მონხუცი ჩიბუხებს სწევდენ,  
ბოლი ეხვიათ ნისლადა,  
განმარტავდიან მათ ამბავს,  
შანდობა თქვიან გმირთადა.  
ახლების საწურთნელადა  
იხსენებდიან ქებითა:  
„თქვენ იცით, ამას იქითა  
კაცად ვინც გამასდგებითა!“  
კრებაში ერთი ვინმე სჩანს  
სახემკრთალი და მშვიდია,  
როგორც თაფლს მწერი, ეხვევა  
იმას მცირე და დიდია.  
დაღვრემილს—წელზე ხმალი ჰრტყავ,  
მხარილლივ ფარი ჰკიდია.  
მუხლებს წინ თავშიშველანი

ორნი უსხედან ჩოქითა,  
თასებს აწვდიან, იღებენ  
შავს ლუდსა დიდის გობითა.  
„შასვი, მინდიაე,—ეტყვიან,—  
კაი ლუდია, სვიანი.  
გვითხარი რამე, ღვთის მადლსა,  
ერთი ქართული გზიანი“.

„მთვრალმა რა გითხრათ, კაცებო,  
ჰკუა სასმელმა დაძალა,  
სათქმელი მემრისთვის დარჩეს,  
თუკი სიკვდილმა მაცალა“.  
ასწია კარახანასა,  
გადიწურა და დაცალა.

ტყვეობით დაბრუნებული  
ემეღში ყოფნითა სტკბებოდა,  
როგორაც სხვანი მრავალნი,  
ისიც ლუდითა თვრებოდა.

ამ მინდიაზე ამბობდენ  
დაუჯერებელს ამბებსა:  
მინდია ტყვედა ჰყოლია  
თორმეტ წელს თურმე ქაჯებსა.  
ტყვეობამ ფრიად დაჩაგრა,  
სამშობლოს გარეთ ყოფნამა;  
მიდის დრო, განელო მრავალმა  
აღდგომამა და შობამა,  
მაგრამ მინდიას ტყვეობას  
არ ექნა დასასრულია,  
გული დაუდნო მონებამ,  
ამოსელას ლამობს სულია.  
აგონდებოდა თავისი  
ჩამოთოვლილი მთებია,  
ჩაბნელებული ხევები,  
უსწორმასწორო გზებია,  
მის ბედის მგლოვიარენი  
დედა, მამა და ძმებია,  
თავისი ჰერხო მწირული,  
სამოთხედ მისაღებია;

ეშველათ, ბევრჯელ ხატ-ღმერთსა  
ნხურვალედ შაჰვედრებია.

ბოლოს სთქვა: „თავსა მოვიკლავ,  
ასეთს სიცოცხლეს სჯობია!“  
ქაჯთათვის ცეცხლზე ნადგამი  
სადილად ნახა ქობია,  
იცოდა, გველსა ჰხარშავდენ,  
ინასა სჭამდენ ხშირადა;  
ქაჯნი ქაჯობით იტანდენ  
გველის მიღებას პირადა  
და თავის თავზე იფიქრა,  
რომ ექცეოდა ჰირადა.

აილო ერთი ნაჭერი,  
ზიზღით, ქურდულად შექამა  
და ამ დროს მოწყალეს თვალით  
ტყვეს გადმოჰხედა ზეცამა:  
ახალად სული ჩაედგა,  
ახალი ხორცი აისხა,  
გულის ხედვა და თვალების,  
როგორც ბრმას და ყრუეს, გაეხსნა.  
ესმის ღღეიდან ყოველი,  
რასაც ფრინველნი გალობენ,  
ან მცენარენი, ცხოველნი,  
როდის ილხენენ, წვალობენ.  
რაც კი რამ დაუბადია  
ღფალს სულიერ-უსულო, —  
ყველასაც თურმე ენა აქვს,  
არა ყოფილა ურჯულო.

ამას ჰგრძნობს, უკვირს თითონაც  
ტყვეს თვის ბუნების ცვალება.  
შეიგნო, ჰამა გველისა  
ქაჯთაგან იყო ზმანება.  
სიბრძნე აჩვენეს გველადა,  
რომ ჰზიზღებოდა საჰმელად,  
თუმც „შენც ჰამეო, მინდიაე“,  
არა ზარობდენ სათქმელად.

შეიგნო სიბრძნე ქაჯების  
ამიერიდამ ტყვემაო;  
მას მუსაიფი დაუწყო  
ცამ, დედამიწამ, ტყვემაო.  
მხოლოდ ბოროტმა მის გულში  
ვერ მოიკიდა ფეხია,  
სხვა დანარჩენი ქაჯური  
ყველა ისწავლა ხერხია.  
მას აღარაფრის ეშინის,  
თუნდ თავს დაატყდეს მეხია.  
ქაჯნი ბრაზობენ, რა ჰხედვენ —  
გამეცნიერდა გლეხია.  
აღარ აშინებს ტყვეობა,  
აღარც ხრიკები ქაჯური,  
დღეს თუ ხვალ, იმედიანობს,  
ქაჯებს უჭიროს პანჩური.

მალია ტყვიასავითა,  
გრძნეული, როგორც გველია.  
აღმერთებს, ნუგეშად ჰსახავს  
ფშავ-ხევსურეთი მთელია,  
გვირგვინოსანი თამარი  
სულ მუდამ ამის მთქმელია:  
„ოღოხდ მინდია თან მყვანდეს,  
მასთან მთიელი ერია,  
რაც უნდ ძალიან ეცადოს,  
ვერას დამაკლებს მტერია“.

იცი მტრის დასამარცხები  
და შემმუსკრელი ფანდია;  
თუ დაჭრილს ცოცხალს მიუსწრო.  
ნუ აქვს სიკვდილის დარდია, —  
შუაზე გაჭრილს გაჰკურნავს  
მის უებარი წამალი.  
მით არ მცირდება ომებში,  
მუდამ ჯარი ჰყავ მრავალი;  
შორს არის ამბად წასული  
მისი თავგადასავალი.

როცა კი გაზაფხულდება,  
 გამოიღვიძებს ქვეყანა,  
 სილაღე, სიმხიარულე  
 დასეირნობენ ყველგანა.  
 გაჩნდება ჩირთი, ყვავილნი  
 ეკონებიან მწვახესა, —  
 მინდია გაფაციცებით  
 სულ მიმოივლის მთა-ველსა.  
 ყველა მცენარეს და მღილსა  
 ის ეგებება სალმითა,  
 ბუნებაც „ვაშას“ უძახის  
 მდიდრად მორთულის აღმითა,  
 ყვავილნი ყელგადაგდებით,  
 დახატულები კალმითა,  
 „მინდიას გაუპარჯოსო“, —  
 ერთხმად ასტეხენ ჟიჟინსა,  
 ხეები ფოთლებს არხევენ,  
 ბალახი იწყებს ბიბინსა  
 და მერე სათითაოდა  
 ყველა მოჰყვება ტიტინსა:  
 „მე ვარო ა მ ი ს წამალი“,  
 სხვა გაიძახის — „ი მ ი ს ა“;  
 მინდიაც მოსწყვეტს, თან მიაქვს,  
 ჯერ ზედ ნამი აქვთ დილისა.

თურმე ზნედა სჭირთ ყვავილთა,  
 ოღონდ ეწამლონ სნეულთა,  
 სიციოცხლით გაფუფუნებულს  
 არად აგდებენ სხეულთა;  
 სალხინოდ ჰსახევენ, კაცთ სარგოდ,  
 ძვალ-ხორცთა ჩამორღვეულთა.  
 ყვავილთ ეს ზნე სჭირთ და ხეებს  
 თურმე მოუვათ ტირილი;  
 მარტოკა მინდიას ესმის  
 მათი კვნესა და ჩივილი.  
 ამისგან მისი ცხოვრება



ძალიან დაცარულია:  
მივიდა ხესთან ცულითა,  
სთქვა: „უნდა მოვსჭრა ესაო!“  
შემოჰკრავს ცულსა და ამ დროს  
ხის შამოესმის კენესაო:  
„ნუ მომკლავ, ჩემო მინდიავ,  
ნუ დამიბნელებ მზესაო,  
უიარაღო რომა ვარ,  
მიტომ მიბრეყებ ხესაო?!“ —  
დაუდუნდება მკლავები,  
შტერად შაჰხედნებს ზეცასა.  
სხვა ხეს მიჰმართავს, ის უფრო  
მეტად დაიწყებს კენესასა.  
ხელცარიელი წამოვა,  
ვერ მოიყოლებს შეშასა;  
და რომ ღველფზედა არ გაქრეს  
ცეცხლი, აანთებს თივასა  
ან ჩალას, გამხმარს ჯოყრებსა,  
თან მიაშველებს წივასა;  
თუ სად ხმელს წიწკრებს იპონის,  
არც დაიწუნებს იმასა.  
მინც ღმერთს ჰმადლობს, მაინცა,  
სალამოსა და დილასა.  
სხვებსაც მას ურჩევს: „კაცებო,  
მოდით, ნუ ჰშვრებით ცოდვასა;  
ნუ მასჭრით ხესა, დაჯვრდეთ  
ჯოყრებს, ხმელს წიწკრებს ცოტასა“.  
არავინ უსმენს, არქმევენ  
ამგვარს მის რჩევას ბოდვასა:  
„ღმერთს ჩვენთვის გაუჩენაო  
სარგოდა, მოსახმარადა!“ —  
და დღენაც არავინ ჰზოგავს  
ვერხვ-წიფელს მოსაკლავადა.

### III

როცა ყანის მკას დაიწყებს,  
გიჟია, გადარეული:  
ერთს ფეხს აქ მოსჭრის, ერთს—იქა,  
საგულეჩამოხეული;  
სულ გადასთელავს ყანასა,  
გაპბურდონის, გაათიალებს,  
მინამ ღონე აქვე მკლავშია,  
ციბრუტივითა ტრიალებს;  
და, როცა დაიქანცება,  
გაიშხლართება მიწაზე, —  
რო ჰკითხოთ, ასე რად სჩადის,  
ის გიპასუხებთ იმაზე:  
„რას ამბობთ, კაცო, არ გესმით,  
მიტომ მიწუნებთ ქცევასა.  
ის როდი იცით, თავთავნი  
როგორ მიწყებენ ხვეწნასა;  
უნდა იცოდეთ, ჰხედავდეთ  
თავთვების ყელის წევასა,  
ათი ათასი ყოველ მხრივ  
რომ დაიქუნებეს ერთადა, —  
ხელნამგლიანი როცა ვარ,  
მსახავენ თავის ღმერთადა:  
«არა, მე მომჭერ, მინდიავ,  
ნუ მტოვებ, შენი კენესამე!»  
«არა, მე — სხვა გაიძახის, —  
უფრო მაშინებს ზეცა მე.  
პატარა ნისლიც რომ ვნახო,  
ჩამოვიშლები ტანითა:  
ვაი თუ სეტყვა მოვიდეს,  
ყელი გამომჭრას დანიითა».  
სხვა უფროც ჰყვირის: « ნუ მწირავ,  
იხარე თავის ჯანითა!»  
გამაგიჟებენ ბოჟირით,  
გადავირევი ბრალითა:  
ვცდილობ და ყველას ვერ ვწვდები  
ორის ხელით და თვალითა

და ამ დროს თავადაც ვხდები  
მოსაბრუნები წყალითა.

ყანასა სეტყვა აშინებს, —  
კაცთ უსაზრდოდ დარჩენა,  
თორემ ვით ნამგალს, სეტყვასა  
სით შაუძლიან წახდენა?!.  
კაცთ სარგოდ თავსა ჰზოგავენ  
თავთაენი ოქროსფერანი,  
არ სწადით ოხრად ლპებოდენ,  
ჰკენკდენ ყვავნი და ძერანი.  
პიტომ ჩქარობენ მომკასა,  
ერთად ჟივიან ყველანი,  
ჰსურთ პურად იქცნენ, საჰმელად,  
რომ მითი გაძღნენ მშიერნი, —  
მკვდართ კაცთა შანდობა ეუთხრათ,  
ძალნი ვახსენოთ ციერნი“.

#### IV

ხატობა ჰქონდათ ხევსურთა,  
ლუდის სმა არი, ღრეობა.  
დიდს მლოცავს მოიპატიუებს  
გუდანის-ჯვარის დღეობა.  
ხალხია დაჯარებული,  
ბჭობენ უფროსნი მრავალსა:  
ზოგნი ამბობენ სხვის ამბავს,  
სხვანი—თავგადასავალსა;  
ამბობენ ვაჟკაცობისას,  
თოფისასა და ხმლისასა,  
ჯაჭვის მჭრელს წელზე ვინ ირტყამს,  
ყველა აქებდა იმასა;  
უსმენენ მოწიწებითა,  
თუ ვინ რას იტყვის ცდისასა.  
თანაც გააბეს მსჯელობა  
გველისმჭამელის ცოდნაზე,  
ხის მჭრელის, ბალახთ მთიბელის,  
მათ ჩანადინარს ცოდვაზე.

ჩალხია ეტყვის კრებასა:  
„მიკვირს ეგ თქვენი ფიქრია,  
წინავეც ბევრჯელ გითხარით,  
ეხლაც იმასვე ვიტყვია:  
ენა თუ ჰქონდეს ხე-ქვათა,  
ჩვენც რად არ გაგვიგონია?  
ჩვენს სატყუებლად მინდიას  
სიცრუე მოუგონია.  
ჩვენც მისებრ კაცნი არა ვართ,  
ჩვენც ყურები გვსხავ, მგონია?!  
მე სამალავად არ ვამბობ.  
თითონაც მისდის ყურშია;  
თუ ამას მართალს არ ვამბობ,  
იფიქროს თავის გულშია.  
ვსთქვათ, სიბრაღული კარგია  
ხე-ქვა-ბალახთი, ცხოველთი...  
კაცის კვლა ყველასა სჭარბობს,  
თუნდ მტერი იყოს ყოველთი.  
მაშ აღარც კაცს უნდა ვკლავდეთ,  
გეტყვით, მისმინეთ, მე რასა:  
მტრისას, ხმლით ნაჭერს, მინახავ,  
მინდია სდგამდეს გორასა.  
რად სჩადის ამას, ხომ რჯულიც  
კლვისას არ გვაძლევს ნებასა,  
მაგრამ ვკლავთ იმას, ვინაცა  
ჩვენსა დაარღვევს შვებასა,  
ან მამულს გვართმევს, ან ცოლსა,  
ან გვიშლის რჯულის ცნებასა.  
მაშინ არც ღმერთი გვიცოდვებს  
მტრისად შაქცევას ხელისას,  
ეგრევე, ოლომც ვიცხოვროთ.  
მოქრას წიფლის და თელისას“.  
„არ სტყუის, არა, ჩალხია,  
მინდია ცრუობს სწორედა,  
ათასნაირი ტყუილი  
თვალწინ აგვიგო ყორედა“  
ამბობდენ ხალხში ზოგები

გაუბედავად, დონედა.

„მაგ ფიქრს რომ მიეყვით, შენს მტერსა,  
როგორღა გვეცხოვრებისა?!

ის რად ვიციოდვით, უფლისგან

რაიც არ გვეცოდვებისა?!

თემთ რო გვარიგებს მაგაზე,

ძალიან ცუდად შერებისა.

კარგთაგან იმედი გვაქვის

მუდამ 'შველის და რგებისა

და არა ჩვენის დაღუპვის.

ჩვენის ცხოვრების ვნებისა!..“ —

ეს იყო გამონასკული

აზრი ხევსურთა კრებისა...:

მინდია იქავე იჯდა,

თვალთაგან ცრემლი სდიოდა.

არვინ იცოდა, თუ იმას

გული რისაგან სტკიოდა.

თვალნი მიეპყრნო ერთს მხარეს,

ხალხისა არა ესმოდა;

გამოერკვია ფიქრიდან,

როცა ბერდია ეტყოდა:

„რად არ ყურს გვიგდებ, მინდიავე,

ენეტავ რისათვის სტირია?

ეს არც კი მიკვირს შენგანა,

არც სხვისგან გასაკვირია —

ერთს წამში ცხრაჯერ შესცვალო

„გლოვა-ტირილზე ლხინია“. —

და მთელმა ხევსურთა გუნდმა

მინდიასკე ქნა პირია...

„ჰო და სთქვი, — კვლავ სთხოვს ბერდია, —

გულზე რა ჭირი გჭირია?“

„აგერ იმ ჩიტებს ყურს ვუგდებ, —

თითით უჩვენა ჩიტებზე,

(ორნი ფრთებჩამოშვებულნი

იფნის ქვეშ ისხდენ სიპებზე), —

ერთი მეორეს უამბობს

სიკვდილის ამბავს შვილებზე;

მარცხნით მჯდომარე დედაა,  
მარჯვნისკე—ამბის მთხრობელი.  
თქვენს მტერს, რომ გულმოკლულადა  
შვილებსა ტირის მშობელი!“..

ჩიტებს ეხლალა შესცქერის  
ხევსურთა კრება სრულია.  
ჩიტაგან ერთი იმ დროსა,  
თითქო მოჰსვლოდეს რულია,  
სიპიდან დაბლა დაეცა  
და განუტევა სულია.  
რომელი მოკვდა ორთაგან,  
ამის გაგება — რჯულია!  
ხევსურთ შაჰხედეს ერთმანეთს  
გაოცებულის თვალითა.  
„ნუთუ ასეთი ცოდნაო  
იქნება კაცის ძალითა?“ —  
დარწმუნდენ იმის ცოდნაში,  
საქმე წინ ედვა ყველასა,  
მაგრამ ნაგრძნობსა გულითა  
გონებით ჰშველენ ვერასა:  
ბალახსაც სთიბენ, ნადირს ჰკვლენ,  
შეშით ანთებენ კერასა.  
ქათმის ხორცს რა შეაძულებს,  
თქვენვე მითხარით, მელასა?!  
ვინ ჩამოჯდება ღველფზედა,  
თუ ზედ არ ჰხედავს ძელასა?!.

## V

ბევრჯელ მოუნდათ ლაშქრობა  
ლეკ-სპარსებ-ქისტებ-თურქთანა,  
გამარჯვებულნი მოდიან  
ხევსურეთს ვაენი მუღამა;  
ზღუდე გამაგრდა ქართლისა,  
მტერს შაუკერეს სუღარა.  
ერი თუ მტრის მძლეველია,

მის მეტი არა უნდა რა.  
მანამ მინდია ჰბელადობს,  
ხეესურებს არა უშავთ რა, —  
ველარვინ ჰბედაეს რჩოლასა,  
მყუდროობაა ყველგანა...  
ნეტავი იმას, ვისაც კი  
მადლიერი ჰყავს ქვეყანა.

## VI

ფრიალო კლდის თავს სახლი დგა,  
ცას ებჯინება ბანითა,  
ირგვლივ მთებია დიდრონი,  
აყრილნი სრულის ტანითა,  
გადალესილნი თოვლითა.  
მოულალავნი ჯანითა.  
ერთხელ თუ ჰნახე ამგვარად,  
სულ გინდა ჰსინჯო თვალითა.  
იმაზე ლამაზებია.  
როცა ჰღელავენ მწვეანითა.  
თუნდ მზე დაადგესთ გულმკერდზე,  
ზეავი სდიოდესთ ჰეჭითა.  
ახველდებიან ხეებნი,  
ვით ავადმყოფნი ჰღეჭითა:  
მაინც სიტურფე იმათი  
ნაკურთხი არის ზეცითა.  
ბევრჯელ დაჰბრუნავს თავზედა  
გრილი ნიავეი კვნესითა.  
ზაფხულში შავი ღრუბლები  
სანთლებს უნთებენ კვესითა.  
იქ ხომ ხვნით არავეინა ჰხნავს,  
არც ვინ რას სთესავს თესითა,  
მარტო ჯიხვები დადიან  
კლდეებზე რქების ლესითა.  
და სალნი კლდენი, პირქუშნი,  
უფსკრულს ჩასულნი ფესვითა,

არც რო სულზედა ფიქრობენ,  
 არც სუქდებიან ლეშითა,  
 უსალმო-უალერსონი,  
 გამომზირალნი ბრეშითა.  
 სახლზე კოშკია მიდგმული,  
 შემპურვილია ბოლითა,  
 დღემუდამ შაძრწუნებული  
 ჯაზეირების სროლითა.  
 რა დაასვენებს საბრალოს,  
 მინამღე ირგვლივ მტრებია,  
 მინამღე შურისძიება  
 კაცის ტომს გულში სდებია,  
 ნასროლი ტყვია მტრისაგან  
 მკერდზე მრავალი სცხებია!  
 სახლიდან ისმის ჯავრობა,  
 ხმა კამათობის, წყრომისა;  
 ბევრნიც არავენ არიან, —  
 საუბრის კილო ორისა.  
 ღველფზედა ცეცხლი ანთია,  
 გაჩაღებული შეშითა,  
 იქით მხარეზე დიაცი  
 მოჩანს ბალღების გვერდითა,  
 აქეთ მარტოკა ხევსური  
 ბევრს რასმე მოსთქვამს ხენეშითა.

### ქ მ ა რ ი

„ის დღე გაშავდეს, რა დღესაც,  
 შენ მე დაგისვი ცოლადა!  
 მინამღე კაცი არ მიჩნდა  
 მიწაზე თავის ტოლადა;  
 სრულ შენგან გავხდი, წყეულო,  
 უგერგილოდ და ყროლადა.  
 რა ვარ? განაღა კაცი ვარ,  
 ღირსი, ცის ქვეშე ვილოდე?!  
 იმადვე ყოფნის, რაც ვიყავ,  
 ნეტავ წამალი ვიცოდე!..  
 ფუქია ჩემი სიცოცხლე,



დღეს მჯობ შავის კლდის ლოდია,  
თქვენგან მჭირს ჭირი უწამლო,  
უფალს თქვენგანა ვცოდია.  
შვილებიც ჭირად გამიხდა,  
შამაცვლევინეს ფიქრია,  
დაკარგულს სულს და ხორცზედა  
ენლა დღედადამ ვტირია“.

### ცოლი

„მე რად მამბრალეზ თავის ბრალს,  
შინ როს მოგივედ ძალითა?  
გზად არ მიტევედი მიმავალს,  
მავსებდი ცოდვა-ბრალითა:  
«მზიავ, ძალიან მიყვარხარ»,  
კრემლებს აბნევედი თვალითა  
და ჩემს ძმათ ჩემის გულისად  
შინ უხდებოდი ხმალითა.  
წინაზე ტკბილი შაქარი  
ენლა გემწარა რისადა?  
ან შეილთა ყოლას რად ჰგლოვობ,  
მდურვას რად იტყვი ღვთისადა?|  
თავისი ცოლი და შვილი  
ვის გადაუგდავ სხვისადა?  
ჩვენ რადა გვსახავ მიზეზად  
შენის გუნების ცვლისადა?“

### ქმარი

„იმიტომ, უჭკო დიაცო,  
რომ სწუწუნებდი, სჩიოდი:  
«სიცოვე ბალღებს მიღევსო», —  
შვილმამკვდარივით ჰკიოდი.  
«ბერდიას რამდენ შეშა აქვ,  
როგორს ცეცხლს ანთებს, ჰნახოდი»,  
ცხოვრების მაგალითადა  
ბრიყვები დამისახოდი.  
გულზე მოსაყვანს ქართულსა  
ჩემს გასაგონად ამბობდი,

გეწადა კაი ცხოვრება,  
მოწამლულს ქადას აცხოზდი.

და მეც დღესხვალებითა,  
ცოტ-ცოტად, ნელობითა  
დავიწყე თავის რწმენასთან  
მოქცევა მელობითა:  
დღეს მოვკერ ერთი ჰანდარი,  
თუმც მემუდარა ბევრია:  
«რად სჩადი მაგას, მინდიავ,  
ვითომ არ იყავ მტერია?!»  
ხვალ ორი მოვკერ და ასე  
გული ჩავიდევ ქვისაო,  
რომ სულ აღარა მეგრძნო რა,  
ძალაც ვითხოვე ღვთისაო.

შენ ჟიხვის ხორცსა ჰნატროზდი,  
თუ ვის მოკლული გსმენია,  
რამდენჯერ ჩემი გულმკერდი  
ამ ჩივილს გაუხენია:  
«ყმაწვილნ უხორცოდ დაზრდილნი  
რა ვაუკაცობას იზამენ?  
არსად არ გამიგონია  
ასრე გაზდილი სხვისა მენ».  
ახ, რატომ ამის თქმამდინა  
არ დაგეყარა მიწა შენ!..  
მეც მივეყე, ვხოცე ნადირი,  
გასუქ-გალაღეთ ლეშითა,  
თავის ბალღებით ჰხარობდი,  
მე დავრჩი თავისტეხითა.  
სჯობდა კი ასე გახდომას  
გავთაულიყავ მენითა;  
დაკარგულს ვეღარ მოვხელავ  
ვერა რომელის ხერხითა“.

### ცოლო

„ან შენ რა გიჟირს ისეთი,  
თავს რად იტკივებ ძალადა;  
შეშის ჰრას, ნადირთ ხოცვასა  
სხვან რად არ სთვლიან ბრალადა?“

## ქ მ ა რ ი

„არ იცი, არა, ჭკვათხელო,  
ყბედო, ზეზერე მგრძნობარეც,  
თავისა სასიამოვნოდ  
წუთისოფლისა მცნობარეც!  
არა ღირს იმად, ვიგლოვო  
თვისი ცოდნა და ძალია,  
რომ ჩემთან ერთიც მათგანი,  
ბრიყვო, აღარსად არია?!  
არ უღირს, მკვდარმა იცოდეს  
თავის სიკვდილი — მკვდარია,  
იგლოვოს თავისი თავი,  
თვის ყოფნა შესაზარია?  
სხვა ყოფნა, ამაზე მწარე,  
მიპოვნე შესადარია!

ამგვარი მკვდარი დღეს მე ვარ,  
სხვა მკვდრებს რა უჭირთ მკვდრობითა,—  
არიან მოსვენებულნი,  
არაფერს გრძნობენ გრძნობითა.  
რითილა ვარგო ქვეყანას,  
დავცარიელდი ცოდნითა;  
ყვავილნი არას მეტყვიან,  
აღარც ცნობა მაქვს იმათი;  
განა მეტილა იქნება  
კაცმა თავს უგდოს ხიფათი?  
აღარა მესმის ფრინველთი,  
აღარა მესმის ყანისა,  
აღარ მსმენია მას შემდეგ  
ტკბილი სალამი მწვანისა.  
ეს არაფერი, სხვაფრივაც  
აღარ ვვარგივარ არადა,  
გინდა აქ ვეგდო მთაშია,  
გინდა ჩავიდე ბარადა,  
ჩემფერას უკეთურებსა  
არვინ იყიდის ჩალადა.

ვეღარას ვარგებ ქვეყანას  
მტრის მამგერებელს ჭარშია,

მიტომ, რომ წინანდებული  
ცნება აღარ მაქვს თავშია.  
რატომ მალედვე არ გაქრა  
ჩემი ვარსკვლავი ცაშია!

დღესნამდღე მტრები შინაით  
ვერა ძვრებოდენ კარშია  
შიშით და, ეს რომ გაიგონ,  
მოვლენ, მიწა-მტვრად გვაქცევენ,  
ჩვენ სახლებს, ციხე-კოშკებსა  
ნაოხრად გადააქცევენ.  
ცოცხალი ამას ვერ ვნახავ,  
თქვენი დღეც გათაულია,  
თქვენგან დავკარგე გონება,  
წმინდა გავყიდე რჯულია...  
ახლა ქვეყანაც დავღუპო,  
თქვენ პირში გედგასთ სულია...  
ან მე რად მინდა სიცოცხლე,  
ან თქვენ გაცოცხლოთ რაღადა,  
თუ მთელი ჩემი არსება  
აღარ იქნება საღადა?!  
ან აქ რა პირით ვიცოცხლო?  
თავს რით ვიმართლებ ღმერთთანა?  
ყველასთან შარცხვენილი ვარ —  
ცოცხლებთანა და მკვდრებთანა.  
რისთვისღა მინდა აბჯარი,  
რისათვის მინდა ხმალია,  
თუ კი ჩემს მტრისად დაკრულსა  
აღარ ექნება ძალია?!  
ამ მიწის ამონაცენი  
ჩემი სესხი და ვალია,  
როგორღა ან პური ვჭამო,  
როგორ დავლიო წყალია?!“.

ადგა და გულხელდაკრეფით  
გამოეფარა გარეთა,  
მთათ რომ შაჰხედა მაღალთა,  
დაიქვითინა მწარედა.

მთანი ჩამოშრენ, პირთავექვე  
 ქოთით შოდინ ღვარები,  
 ხევებში ზეავი შათხელდა  
 ვეშაპის მინაგვარები.  
 აჩქამდა ბუერაზედა  
 ანკარა წვიმის ცვარები,  
 ველებზე ბზინვენ ყვაეილნი —  
 თამარ დედოფლის თვალები.  
 კლდის პირზე მოსულს პირიმზეს  
 გულმკერდში ვენაცვალე!..  
 მთაზე უენებლად გადმოხდენ  
 პირიქითული მგზავრები.  
 მთის კალთებს ჰშევენის ცხვარ-ძროხა,  
 როგორც ლამაზ ქალს ხალები;  
 გაცოცხლებულა მთა-ბარი  
 ზამთრისგან დანაწვალე.  
 ჭეყნად ბევრია ბეჩავი,  
 ბევრია შესაწყალე,  
 ერთი რო ვნახოთ, სხვას ბევრსა  
 ვერ ჰხედვენ ჩვენი თვალები!

სოფლებში ხმაურობაა,  
 ძახილძუხილი დიდია:  
 „გააგებინეთ, სად არი  
 გველის მკამელი მინდია,  
 ქისტების მოდის ლაშქარი,  
 არღუნს ჩატეხეს ხიდია,  
 დახვედრა მტრისა, ვაჟებო,  
 ეხლა ჩვენზედა ჰკილია!“

დიდი მზადება შეექნათ,  
 ხალხი ზღვასავით ღელავდა,  
 საით მხარესაც გაჰხედავ,  
 თოფი და ხმალი ელავდა.  
 კარგა ხანია ხევსურნი  
 მტრის რაზმებს აღარ სცელავდენ,  
 მათ აოხრებულს ბანაკსა

უწყალოდ აღარ სთელავდენ.  
ომისკე დამშეულები  
ძლიეს მოელიან დილასა,  
ყელას ისა აქეს გულშია—  
ბელადს ვინ მოჰკლავს წინასა,  
თავსა და მარჯვენას მასკრია,  
შინ მოვა სახელიანი,  
საკარგყმოდ თასი მიერთმის  
ხატობას სანთლებიანი.  
გვარიც დარჩება იმისი  
სამუდმოდ საქებიანი.  
ციხე-კოშკებში შადიან  
ღიაციხე ბალღებიანი;  
მზად შაუნახეს ქმარ-შვილთა  
გუდები საგძღღებიანი.

### VIII

ბინდდება. ბნელი ხეცები  
იმურებიან შავადა,  
თვალს ისე ეჩვენებიან,  
თითქო გამხდარან ავადა.  
მთები მალღები, კლღეღები,  
ლაღი არაღვი თავადა —  
მოწყენიღია სუყვეღა,  
ეხღდავ, ჩუმაღა ტირიან.  
მხოლოდ თამამად შიკრიკნი  
სოფლითი-სოფღად ყვირიან:  
„ვინაც ხვალ ლაშქარს დააკღღეს,  
ამოვარღღებამც ძირიან!“  
გარეთ აღარსად ცეცხღი ჩანს,  
არ ისმის სტვენა წყემსისა,  
კარში აღარა დასტოვეს  
ღანაფასეღი ნემსისა.  
სოფღად მიღაღღენ ყვეღანი,  
კოშკ-ციხეღები ჰფარავენ,

ცხვარ-ძროხას, საგანძურებსა  
ფარულს ალაგას კმალავენ.

ცოტა რამ მკრთალი ნათელი  
ხახმატს ხატშია ჩნდებოდა,  
სანთლები ენთო ყორეზე,  
ალი იფნებსა ჰხედებოდა.  
ხან ცისკრად გამოაშუქის,  
ხან კი მინელდის, ჰქრებოდა,  
სულმაბრძოლ სნეულსა ჰგავდა,  
ტანჯვა-ვაებით კვდებოდა.  
სხვა იქ კაცის ძე არა ჩანს,  
ორნი ჰყუდიან ველზედა,  
ერთს სისხლიანი ხანჯარი  
უპყრავ, სისხლი აქვს ხელზედა;  
მათ წინ დაკლული კურატი  
წამოწოლილა გვერდზედა.

ბ ე რ დ ი ა (ხევისბერი)

„წყალობა მოგცეს, მინდიავე,  
იმ გულზედა და წესზედა,  
რა ფიქრითაცა სწირავედე,  
იმედოვნებდე ღმერთზედა;  
ნუმც მოგეშლება სახელი,  
მინამ ხმალი გრტყავ წელზედა!  
იმედო ხევსურეთისავე,  
მწყალობელიმც გყავ ჯვარია!  
მუდამამც გამარჯვებული  
მიგყავ და მოგყავ ჯარია!  
მგონია, მეათე დაჰკალ  
წელსა, გასწყვიტე ძროხები,  
რას ეხვეწები მაგდენსა,  
რა გაქვის შანაცოდები?  
ერთი წესია, ორიცა,  
შენ ხვეწნა მეტისმეტია.  
ნურასამც ვაწყენ ამით ღმერთს,  
რაც ეხლა დავიყბედი!“

## მ ი ნ დ ი ა

„ყვეარი ხარი კიდეე მყავ,  
სამი თუ ოთხი ფურები,  
იმათაც აუსახელებ,  
ოლომც მამირჩეს წყლულები“.

## ბ ე რ დ ი ა

„რა წყლული, კაცო, შენ წყლულო  
ჩვენ არვის გაგვიგონია,  
შენ წყლულიანებს სხვებს არჩენ  
ათასობითა, მგონია“.

## მ ი ნ დ ი ა

„სხვა რამ საქმეა, ბერდიავე,  
ადვილ ვერ ვიტყვი იმასა;  
თავის მარცხს კაცნი ვერ ვიტყვით,  
ჩქარა ვიუბნებთ სხვისასა.  
ფულის პატრონნი, თუ იცი,  
ყველგან გაჰხსნიან ქისასა?  
ხვალ, ხვალე-ზეგავ გაიგებთ,  
მაცნე რო მოვა მთისასა“.

## ბ ე რ დ ი ა

„შენა ხარ ჩვენი იმედი,  
ხევსურთ დავლათიე შენთან-ა.  
ჩვენა გეწამ, შენაც ხომ იცი,  
რომ ჰლაპარაკობ ღმერთთანა!  
ხატიც გამმარჯვედ დაგყვების,  
კარგად იციან ყველგანა.  
ნუმც მოგეშლება დავლათი  
წმინდის გიორგის ძალითა,  
ნუმც გაგვიმეტებს უფალი,  
არ გიმფარველოს კალთითა“..  
აილო თასი ხელშია  
და კვლავ დაიწყებს ბერდია:  
„სადიდებულო გიორგის



და სამწყალობლო შენია!..  
შენ მეშველიმც-ა, რაც უფალს  
ხატები გაუჩენია,  
შენი მერჩოლი, ცოცხალი  
ერთიც ნუ დაურჩენია!  
ხვალ თუ ხვალე-ზეგ უცილოდ  
ომი გვექნება მტერთანა,  
მანამ ცოცხალი გვეყვებიარ,  
რას გახდებიან ჩვენთანა?!“

ეს რომ სთქვა, მლოცავს თვლები  
აეესო ცხელის ცრემლითა,  
„არ შამნიშნოსო“, მობრუნდა  
და მოიწმინდა ხელითა.  
დაემხო საჯარის წინა,  
როგორც მოკრილი ცელითა  
ჯოყარი რამა, თუ ფიჩხი,  
შასაკონავე წნელითა.  
ლოცულობს თვალცრემლიანი,  
აზრი არ ისმის ლოცვისა.  
ასე მხურვალედ მლოცველი  
ვერ ნახა ვერა როდისა  
წინად ბერდიამ, — ეს უკვირს:  
უფრო ტანჯვაა გლოვისა,  
ვიდრე გულდაწყნარებული  
წყალობის გამოთხოვისა.  
ცრემლი სდის, ჩუმი ქვითინი  
აბჯრის ჟღერაში ერევა,  
ლოცულობს, დაჩოქილია,  
ხანიც მრავალი ელევა.  
„უსმინე, ხახმატის ჯვარო! —  
თვითაც უმატებს იგია —  
ნუ გაუქარწყლებ ვედრებას,  
კეთილზე დაარიგია“.

შუალამისას დაიწყო  
 დელგმა, მოჰხეთქა ღვარები,  
 გატეხეს, თუ სად ლოდების  
 ხევებში იყო კარები  
 და სწორედ არ მიუტანეს  
 ბარს მთისა დანაბარები.  
 ხშირად დაედვა ბალახთა  
 ღრუბელთა ცრემლის ცვარები,  
 გაჰქრა და აღარცა ბეუტავს  
 ხახმატს ლოდებზე სანთლები.  
 აღარსად ხევისბერი სჩანს,  
 აღარც მლოცავი მტირალი,  
 მარჯო საჯარის ყორეა  
 მრისხანედ გამოშვირალი  
 და კლდეებს არღვევს არაგვი  
 გაბეზრებული, მყვირალი.

## X

დილაზე ფრთადაკეცილთა,  
 წამტირალეთა ღამითა,  
 მთებზე ეძინა ნისლებსა  
 შიტკლით შაკრულის თავითა,  
 ზოგჯერ რო გაგვახარებენ  
 შაცოცხლებელის ცვართა,  
 სხვა დროს ბედს გვაწყევინებენ  
 ჩანადინარის ავითა.  
 დაბლა ქალა და ხევები,  
 ვუშინ სავსენი ზვავითა,  
 დღეს სიცოცხლითა ხარობენ,  
 გაბადრულნია მწევანითა,  
 და კოშკი დაფიქრებული  
 ხეობას დაჰმზერს მაღლითა.  
 კოშკში მოსჩანან ქალები,

როგორც ყვავილნი მთისანი;  
სძლევენ მტერს, თუ ვერ, ხევსურნი,—  
მათ სასაუბრო ის არი.  
სათოფურებით ჩაჰმზერენ  
მოუსვენარად ჰალასა  
და ახვეწებენ თავის ჯარს  
ღეთისა და ხატის ძალასა.  
აქით კარგად სჩანს მიდამო:  
მთა-მთისყელები ყოველი,  
ვერ დაემალვის კაცის თვალს  
მწერი, ვერც ერთი ცხოველი.  
ზოგები სხედან ფიცარზე,  
ჰბჰობენ, თან ჰქსოვენ წინდასა,  
ისინიც სამშობლოსადა  
ლოცვას ამბობენ წმინდასა.

ს ა ნ დ უ ა (ღელააკი)

„მზიავ, გულშამოყრითა ხარ  
შენ უფრო სხვებზე მეტადა;  
ქმარას თუ ჰნანობ, თვალშურთხო,  
ვერ ჰქშერობ მოსაკვლელადა,  
არა გცოდნია, რო ომსა  
ის ჰსახავს თავის ბედადა  
და მინდიანის მამკლავი  
ჯერ არ გაუზღავ ღედასა!  
მაშ მე რაღა ვქნა? ჩემები  
ბევრნი წავიდენ ლაშქარსა:  
ჩემ კაცი, ძმანი სამნივე  
არ მაჰკლებიან ამქარ'ა.  
შენს ქმარს ხომ ვერვინ აჯობნებს,  
ძველებურს იზამს ნაქნარსა,  
როგორაც ბევრჯელ უწინა,  
ეხლაც მტერს მისცემს ზიანსა:  
ვისაც მაუკლავს, ის მაჰკლავს  
ხარსა-ირემსა რქიანსა!“

„ვაჰმე, რო ველარ იბიკოს! —  
 ისეთს სიზმრებსა ჰხედავდა:  
 მთელს ერთს წელს სნეულსა ჰგვანდა,  
 თავის ხორცთ კბილით ჰკენეტავდა.  
 «ცოლ-შვილთ გაგულეტო», — იძახდის  
 თუმც რადღაც არა ჰხედავდა.  
 ხატ-ღმერთს მიეყრდნო, შასწირა,  
 თუ სად რა გვეყვანდა საქონი,  
 მოვიდის, პურიც არ ჰამის,  
 ვაპატიჟოდი რამდონი.  
 მარტოკაც ბევრჯელა ვნახე,  
 ჩუმად, ბალღივით ტიროდის:  
 «დავკარგე ძვირი საუნჯე», —  
 თავისთვის ამას იტყოდის.  
 სულ ბანზე იჯდის ღამითა,  
 აშტერდებოდა ცასაო,  
 მოსულს და წასულს, არავის  
 აღარა სცემდა ხმასაო;  
 აღარც სტუმარი უნდოდის,  
 ჩვენ ხომ არა და აღარა,  
 ამ ცოტა ხანში თმა-წვერი  
 დარდმა თუ გაუქალარა?!  
 ბევრჯელ ქურდულად ბნელაში  
 დაუყუროდი ჩუმადა,  
 მაგრამ მის მარტოდ ყოფნასა  
 მე ვერ შაუვედ გულადა.  
 რომ თავს და ხალხსა ტიროდის,  
 ის კი შავიგენ სრულადა:  
 «ველარას ვარგებ ქვეყანას», —  
 ტიროდა დაფარულადა.  
 ცოლ-შვილთ კი, უფრო ბოლო დროს,  
 გვეკიდებოდა მტრულადა“.

ს ა ნ დ უ ა

„ჩვენ ეგ არ გავვიგონია,  
 პირველად მესმის შენგანა:

მე ისევ მინდია მგონავ,  
შასადარები მზესთანა.  
მაგას, ათასი იუბნო,  
არ დაგიჯერებს ქვეყანა.  
მიკვირს, ეგ შენთან ნათქვამი  
რად არ იუბნა სხვებთანა?  
ვითომ რას ცოდნას გლოვობდა,  
რომელს ცოდნაზე ჩიოდა?  
ან თქვენ—რის დამნაშავეთგან  
გული იმრიგად სტკიოდა,  
რო ცოლ-შვილთ დასალევადა  
ხმლისკე ხელ მიუდიოდა?!“

### მ ზ ი ა

«ისიო» იმას ამბობდა,  
ემათ მზემ, არ ვსთქვა მრუდია,—  
(ხელი დაადო შვილებსა,  
ორივე მის გვერდზე ჰყუდია),  
«რომ თქვენგან ცოდვაში შაველ,  
არსაქნელი ვქენ საქმეო:  
შეშა ვჭერ, ნადირი ვხოცე,  
როგორც უბრალო რამეო;  
ყვავილნი ხმას აღარ მცემენ,  
აღარც ვარსკვლავნი ღამეო.  
უფლისგან მომადლებული  
დიდი ცოდნა და ძალია  
დავკარგე შენის აყოლით,  
წელზე რადლა მრტყავ ხმალია?»—  
და სხვა ამგვარი ათასი  
შამიგმის პირზე ცოფითა  
და ორჯელ-სამჯერ გადურჩი,  
კინალართ მამკლა თოფითა.  
ალბათ ჯერ იმედი ჰქონდა,  
ხატებს ეხვეწა, იზრომა...  
თან ჩვენაც ვებრალეობდით  
და არ დაგვზოცა მიტომა.

## ს ა ნ დ უ ა

„თუ მართალია, რაცა სთქვი,  
შენგან ცოდვაში შავიდა,  
უნდა მოგეჭრას ეგ ენა,  
მალლა დაგკიდონ კავითა,  
ძირს ცეცხლი შემოგიკეთონ,  
დაიწვა იმის ალითა:  
ქვეყნის ცოდვაში ჩამდგარხარ, —  
ჩვენ ხო ვართ იმის ძალითა!“

## მ ზ ი ა

„ჰო, თუ ბრალი მაქვ რაიმე,  
ღირსიც ვიქნები დასჯისა;  
ის ცოდვა რად უნდა იყოს,  
ფიქრი რო მივეც გარჯისა?  
ცოლ-შვილნ თუ უნდან ვაყუაცსა,  
შნოც უნდა ჰქონდეს ხარჯისა.  
ჩვენ საქმე ვიცით, დიაცთა  
რა გაგვეგება აბჯრისა...  
ეს თითონ უნდა ეფიქრა,  
კაცი იმისთვინ კაცია:  
ერთს თუ სხვისათვის არ უვნავ  
და არა გაუტაცია,  
ბრალი რად უნდა დაედვას  
ალალს, არმქნელსა ცოდვისა?  
ცოდვა ერთისა სხვამა ზლოს,  
მადლად სად თქმულა, როდისა?  
რალაც ცუდს გრძნობდა მაინცა,  
იმითა სწუხდა ბეჩავი,  
ჩვენზედ იყრიდა ბოლოს ჯავრს,  
საქმის წინადვე მხედავი.  
წუხელაც ცუდ სიზმარ ვნახე,  
რა-რა იქნების, ნეტავი?!“

## ს ა ნ დ უ ა

„რა ჰნახე, მზიავ, მიამბე,  
იქნება ახდეს კარგადა  
და არ გაგვხადოს უფალმა  
დასალევ-დასაკარგადა!“

## მ ზ ი ა

„ცული რამ ვნახე, სანდუავ,  
საზარო, გულის მგმირავი,  
სულ-ხორცის ამაშფოთები,  
გონების ამაზრზინავი:  
მოვარდნილიყო ღვარები,  
როგორც დევები მქშინავი,  
თან მაარღვევდენ მთა-ბარსა,  
იდგა დგანდგარი, ღრიალი,  
ცა-ხმელთა დაქცევას ჰგვანდა,  
ისეთი ისმის გრიალი.

მთებსა სტყდებოდა წვერები,  
დაბლა ხევებში წვებოდენ;  
მთებთან ერთადა კლდეებიც  
თოფებივითა ტყვებოდენ.  
ცა ისეთი ჩნდა, ვით კუპრი,  
შავად ჰღელავდა, შხიოდა,  
კუპრს აწვიმებდა მიწასა,  
ცხელი წვეთები სცვიოდა,  
ღვარები ისევ საზარლად,  
შეუპოვარად დიოდა,  
«გვიშველეთ, ვიღუპებითო», —  
ათასგნით ხალხი ჰკიოდა.

მართლაც, ვუყურებ, რო მოაქვს  
წყალს ხალხი, ფარი, ხმალია,  
ათასგან ციხე ირღვევა,  
ქავ-ციხეებთან სახლია;  
ამოდენს საბრალლობას  
მარტო მოზარე აკლია.

ჩვენ ვითომ არა გვიჭირდა,  
ვითომ უვნებლად ვიყვენით,

ბოლოსა ვნახე, სახლ-კარით  
რომ ჩვენაც გავირიყენით.  
მოასქდა ღვარი ზენაით,  
ლიბო მაპგლიჯა ციხესა  
და შეურია ისიცა  
დაბლა არაგვის რიყესა.  
სახლიც წაიღო ჭერხოთურ,  
გაგვიყოლია ჩვენაცა,  
მინდა ვიძახო — «მიშველეთ»,  
ველარ ვაგებდი ენასა.  
ბაღებს კი გულში ვიკრავდი,  
ხატ-ღმერთსა ვსთხოვდი შველასა.  
თან გამოსვლასა ვცდილობდი,  
ვეგანებოდი კიდესა;  
ბაღებს ვაფარებ პირებზე  
შავის მანდილის რიდესა.  
და რამდენჯერაც მიეჭარდი  
ნაპირს, იმდენჯერ მქისია,  
კაცების სახე წინ დამხვდა  
შაეები, როგორც ფისია.  
ხელი მკრეს, წყალშივ ჩამაგდეს,  
თან გადმომძახეს ისია:  
«სად მოხვალ? წადი, წყალს გაჰყევი,  
ბძანება არის ღვთისია!»

და ამ დროს ვნახე, ჩვენს წინა  
წყალს მიაქვს ჩვენი კაცია,  
შამომიბრუნდა და მითხრა  
(ტბილი ხმა ჰქონდა, ნაზია):  
«გთხოვ მაპატიო, მზიაო.  
რაც გლანძღე, გაგაბრაზია;  
რასაცა ჰხედავ ჩემს თავზე,  
ღირსი ვარ, სწორედ ახია,  
ბაღები არ დამიჩაგრო,  
გთხოვ, კარგად შამინახია!»  
მტერს, რომ მე წუხელ ვიტანჯე,  
მე რო სიზმარი ვნახია!..“



ს ა ნ დ უ ა

„მაშ ვერ გამოხვედ, წაგილოთ?“

მ ზ ი ა

„ვერა... წაგვილო, სანდუაე,  
დედა-შვილები ყველანი“...

ს ა ნ დ უ ა

„ავი ნურაიმც მოგივათ,  
ღმერთმა გამყოფნესთ მთელანი!“

ს ა ე რ თ ო ხ მ ა ქ ა ლ ე ბ ი ს

„მოდინ, მოდის ლაშქარი,  
ღმერთო, დასწერე ჯვარია!..  
მზიავ, წამოდეგ გაჰხედე,  
აგერა შენი ქმარია,  
დროშიონთ მასდევს მხარდამხარ  
ამომავალი მთვარია“.

ე რ თ ი დ ე დ ა კ ა ც ი

„აგერა ჩენი ვაჟები,  
დედა ენაცვლოსთ მხრებშია...  
ვაჰმე, რა ლამაზებია,  
ვინ ჰნახავს იმათ მკვდრებშია!..  
ღმერთიმც ნუ მახილებინებს  
მაგ ამბავს თავის ღღეშია!“

მ ე ო რ ე დ ე დ ა კ ა ც ი

„გაჰხედე, ჩემ უნცრუაი  
იშეებს მისდევს გვერდშია.  
რა მშვენიერები მიდიან,  
დედა ენაცვლოსთ მკერდშია!..“

გ ა ს ა თ ხ ო ვ ა რ ი ქ ა ლ ი

„დამც ენაცვლება თოთიას,  
ვერ-როგორ ვარჩევ ხალხშია.  
ენახე... ძლივ სადამ ვიცანი  
მიხვრა-მოხვრაზედ, ტანშია.“

ლაგმის პირს უქამს ულაცი,  
დაძაგრულია მკლავშია“.

### მეორე ქალი

„ჩვენ უშიშაიცი მარჯვეს ჰყავ,  
როგორ აგელებს ლურჯასა!..  
საქმე რო ხმალზე მიდგება,  
არც ეგ დაიწყებს კუნკვასა.  
მაშინამც მაყურებინა,  
ფარს რო დაუწყებს ბლუჯვასა!“

### პირველი ქალი

„მე ვერ ვნახავდი ჩემს ძმასა,  
გამიძნელებდა სუნთქვასა:  
პირს სხვაკნისაკე ვიზამდი,  
თვალთ დავუწყებდი ხუჭვასა“.

### მეორე ქალი

„მე არა! ძმისა სიკეთე,  
კარგი ყოფნა და სახელი  
ისრე კი მინდა, ზეჭუავ,  
როგორც ბნელაში სანთელი,  
დამაშვრალს, მომშიებულსა  
მოსვენება და საკმელი.  
კარგია, ძმისა სიკეთე  
რო არს ყველაის სათქმელი“.

### პირველი ქალი

„ეგ ვის არ უნდა, შვენაო,  
ვინ არი ისე ჰკვათხელი?  
მაგრამ და თვალდამწვარია  
ძმის გასაპირში მნახველი“.

### მეორე ქალი

„უმისოდ სახელს ვინ მისცემს,  
თუ კი არა ქნა საქნელი?!“

## ს ა ე რ თ ო ხ მ ა

„ღმერთო, უშველე! ხატებო,  
თქვენ უწინამძღვრეთ მხედართა,  
ეგრევე უვნებლად გვაჩვენენ,  
როგორაც ეხლა ვხედავთა“.

ბევრისა გული ღელავდა  
ათასნაირის შიშითა...

ნურც ვის კი გაუკვირდება,  
კაცთ ეს მოგვიდის ჯიშითა,  
საშიშ დროს საყვარელს საგანს  
რო ვიგონებდეთ შიშითა!..

## X I

შამწყრივდა მთაზე ლაშქარი,  
დიდს ვაკეზედა გროვდება.  
თოფ-იარაღის ბჟყურიალი  
მზის სინათლესთან სწორდება.  
ცხენთ ტერფით ჩამონაგლეჯი  
თაკველე ლოდები გორდება.  
აქვე შეაქნათ თათბირი  
მტრის დასახვედრელს წესზედა:  
ვაკეს ადგილზე ჩავიდენ,  
თუ მიეგებნენ სერზედა.  
ყველანი ფეხზედა დგანან,  
ხელები უღევთ ხმლებზედა.  
თვალეები ყველამ მინდიას  
მიაპყრო, პასუხს ელოდდენ,  
ის რომ არაფერს ეტყოდა,  
ხევსურნი ერთხმად ეტყოდენ:

## ლ ა შ ქ ა რ ი

„მუდამ შენს რჩევას ვრჩეობდით,  
არც რამ ზარალი მოგვესვლია;  
როგორ მოვიქცეთ, გვირჩიე,  
შენი პასუხი მოკლია?!“.

## მ ინ დ ი ა

„მე ვერას გირჩევთ, ხევსურნო,  
აღარ ვვარგვივარ მრჩევლადა;  
ჩს სხვა დრო იყო, სხვა ჭკუა,  
ესლა კი ჩემი ნარჩევი  
გამოგადგებათ ძნელადა.  
აწონ-დაწონეთ, ჯარი ხართ,  
ფიქრი შექარით მთელადა!  
მე მარტო უნდა ვიომო,  
მიტომ გამოვედ ველადა;  
ან როდის საუკუნოდა  
მე ხალხმა გამაბელადა?!“

## ლ ა შ ქ ა რ ი

„ღმერთი გაუწყრესთ და ხატი,  
ვინც რომ შენს რჩევას იქითა  
ფეხი გადადგას საომრად,  
თუნდ თავში სცემონ მჭილითა,  
მოკვდეს და პირი აევსოს  
ცივის სამარის თიხითა!“

## მ ინ დ ი ა

„ქარგია... რა ვქნა, არ მწაღდა  
გავრეულიყავ რჩევაში.  
გეტყვით, რადგანაც ჩამქსოვეთ  
ამდენს ფიცში და წყევლაში.  
სხვას ვერას გირჩევთ: დავუხვდეთ  
ქისტებს მოწამლულს ხევაში“.

უსიამოვნო ჩურჩული  
მორთეს ერთურთში მხედრებმა;  
დარდი დაჰბადა ადგილმა  
ქისტების დასახვედრელმა.  
მაინც რას იზმენ?.. ვერაფერს,  
რაკი სთქვეს, დაიფიცესა.  
უარს ვერ იტყვის ლაშქარი,  
უნდა იქითკე ვლიდესა,  
საცა მინდიათ უჩვენა

ადგილი საომარია,  
თუნდ ერთმაც აღარ იცოცხლოს,  
ყველაც იქ დარჩეს მკვდარია.  
აღარა ეთქმისთ, წავიდნენ,  
ღროშა ამართეს წინათა,  
მსუბუქად მიაბიჯებენ,  
შავარდნებს ჰგვანან მფრინავთა,  
თან გადიყოლეს მზის სხივი  
შუბისა წვერთა მბრკვეინავთა.

### XIII

ორი დღე არის მთას იქით  
ომია, დიდი ვაება:  
მეტად სასტიკი ბრძოლაა,  
ვეფხვები ლომებს შაება  
და სისხლის თოკი მთიდამა  
დაბლა ქალამდე გაება.  
ორსვე ერთგვარად არ ჰნახავს,  
ერთს გაუმარჯვებს ღეთაება.  
ხუთსა თუ ექვსსა ხეესურსა,  
შამურვილებსა სახითა,  
კაცი მოჰქონდათ ხელდახელ  
შაკრული კაბალახითა.  
პირაქათ გადმოიყვანეს,  
დაბლა დაავდეს ვაკეზე  
და სამღურავეთ მიჰმართეს  
ჯაერმოსულებმა ბაგეზე.

### ხ ე ვ ს უ რ ნ ი ე რ თ ა დ

„კაცო, რად იკლავ ძალად თავს,  
ძალად სიკვდილი გწადიან?  
შიგნით რომ იწეე მტრის ჯარში,  
სომ ხედავ, რასაც სჩადიან?!  
დღემდე ჩვენ ვთელეთ ეგენი,

ახლა ეგენი დადიან  
ჩვენზე, და იქნებ, მინდიავ,  
ჩვენც მოვაგვაროთ სხვა რამე,  
ვეცდებით, ბინდმაც ხო გვისწრო,  
რო გავისარჩნეთ ამლამე“.

ეს სთქვეს და იმწამს გაბრუნდენ,  
გაიქცნენ, როგორც ქურდები,  
ამოღებული ხმლები აქვთ,  
ხელში უპყრიათ შუბები.

ძნელია, თუკი ვიფიქრებთ,  
სიკვდილ-სიცოცხლის წუთები,  
რა ქნან? რო შარცხვენ, ძნელია,  
ტანზე ჩაეცმისთ ჯუბები.

თავს დაეხურვისთ მანდილი  
და მოეხდებათ ქუდები,  
თუკი არ გაირჯებიან,  
როგორც ლაჩრები, ცუდები.

ტყვე კბილებს აღრქენს და ცდილობს,  
უნდა გაიხსნას ხელები,  
დიდხანსა წვალობს, გორაობს,  
ვარმისგან განაცხელები.  
ძმებთან სწადიან სიკვდილი,  
აღარ რჩებიან მთელები,  
უჭირსთ და აღარსადა ჰყავ  
ლაშქარი მისაშველები.

ლამეც გახშირდა კარგადა,  
ტყვემ აისრულა წადილი,—  
ორივე ხელი გაიხსნა,  
ფეხზე წამოდგა დადლილი  
და ამ დროს ნახა სოფლებში  
ცეცხლები, — ცუდი ნიშანი;  
გაიგო, რაც მომხდარიყო,  
აღარ უნდოდა მისანი.

გაშრა, გაფითრდა, ცრემლი კი  
არ მოსდგომოდა თვალებში,  
სულ გულში ჩაგუბებულა  
და გაბნეულა მკლავებში...

ქულს იხდის... სიტყვა ველარ სთქვა,  
ხმლის ტარს შაეხო ცერითა,  
ამოიწვავდა ქარქაშით,  
გულს მიიბჯინა წვერითა.  
მკერდიდან სისხლი, ვით წყარო,  
გადმოუვიდა ჩქერითა.  
მთვარემაც გადმოაშუქა  
საჯიხვეების სერითა  
და დააშტერდა თავისმკელელს  
მოზარე ქალის ფერითა...

ნიავიც მიდ-მოდიოდა  
უდარდოდ, ნელის მღერითა...  
ფრთა გაჰკრის წვერსა ხმლისასა  
ამოღერებულს ენითა,  
შადებილს კიაფერადა  
კაცის გულმკერდის წვენითა  
და გათამაშდის მწვანეზე  
ლაღად, მოლხენით, სტვენითა.

[1901 წ.]

## კალღისა სიმეკაურის

(ვუძღვნი ილია ჭავჭავაძეს)

### I

ხიმეკაურის ჰერხოსა  
ცეცხლი ედება ჯავრისა:  
ნეტავი არ გააგონა  
აბჯრის უღრიალი ჯარისა,  
ხმა მოტანილი ლაშქრობის  
გადამავალის ქარისა.  
ლაქანს წევს ვინმე ხევსური  
ხიმეკაურის გვარისა.  
წინ უდგა ტაბლა ხონჩითა  
პიტალო ნაღველ-ძმარისა.  
არ უნდა ნახოს მზის სხივი,  
აღარც სინათლე მთვარისა.  
ჩამოიყარნენ ღრუბელნი,  
მიწას დაეცნენ შავადა,  
სნეულებს ჰგვანან ისინიც,  
თითქოს დახდილან ავადა.  
ოხვრენ და შფოთვენ გულშია  
უჩუმრად, თავისთავადა.  
ჯავრი შიგით-ა, გარეთ კი  
არ დაჩენილა მწვავადა.  
აღარც ნამი სდით, არც ჰეჰა,  
აღარსად ელვა იმათი,  
რამ დაადუმათ, არ ვიცეი,  
რამ გაუტეხათ ყისმათი?!



## II

ხევსურთ ვაჟები აჩქროლდენ,  
დგას ლიქოკს ძახილ-ძუხილი.  
რა ამბავია, ნეტარა,  
რაზე შეაქნათ წუხილი?!  
რა ხმამ ასტეხა, ნეტავი,  
ასეთი ქება-ქუხილი?!  
გულში აქვს ყველას ჩამდგარი  
სალუდე ქვების დუღილი.  
— ბარით მოსვლიათ ბარათი,  
ერეკლეს მონაწერია:  
„ჩამოდით, ხევსურთ ვაჟებო,  
ხმლის ქნევა თქვენი ჯერია.  
ქალაქის მიდამოები  
ურჯულოს დაუქერია“.  
ეს იყო მარტო მიზეზი,  
ამ სიტყვის მოსვლით ღელავდენ.  
ზოგნი პლესავდენ ფრანგულებს,  
სხვანი შუბებსა სწვერავდენ.  
მხცოვანნი ხავსიანები  
ჯაჭვის პერანგებს ჰკერავდენ,  
თან კაზმულს ვეფხვის უღვაშით  
ნაკეკნს ლოყებსა ჰბერავდენ.  
დიაცთ წინ ედგათ ტაგნები,  
ბაკებში ფურებს სწველავდენ...

## III

განა სულ მუდამ თოვლია,  
პირმოღუშული ზამთარი?—  
თქვენც გენახვებათ ბუნება  
ყოოდეს მკედრეთით ამდგარი,  
ისევა ჰფქვავდეს წისქვილი  
წყალს მოკლებული, დამდგარი,  
გათქვირებული ტაიჭი, —

ერთს დროს ძვალ-ტყავად გამხდარი  
და კაცი, დაბლა მცოცველი,  
გუშინ გერგეტზე შამდგარი  
და ბევრჯელ კაი სიზმარი —  
მეტად უმსგავსოდ ამხდარი,  
თვალეები თეთრის ქალისა  
სანთლად კაცთ გულში ჩამდგარი,—  
უსხივო-უსინათლონი,  
როგორიც ცვილი დამდნარი  
და ვეფხვი შეუპოვარი —  
თავის მძლავრ ტოტზე მამკვდარი.

მოჰშორდა ჯანლი ქვეყანას,  
მზის სხივს მიერგო ნავარდი,  
რა აეხადა გულიდან  
ზედ დახურვილი ნაბადი.  
მთას ჰბოჰავს მაგრა ბჯალაღითა  
ბარით ნასროლი ქამანდი.  
ვერცხლის სალტებით მორთული  
ხირიმ-მაყრები ელავდა,  
ერთურთს ხმალ-ხანჯრებს უსინჯვენ,  
მხედართა გული ღელავდა.  
მოგროვილიყო ლაშქარი,  
ლიქოკის ჭალას სთელავდა.  
ულაყებს თავი აედოთ,  
ირგვლივ ავლებდენ თვალებსა;  
აწუხებსთ, ველარ ითმენენ  
მუხლში მოგროვილს ძალებსა,  
ჩაპზომვენ მკვიდრის ტოტებით  
კლდიანს არაგვის ჭალებსა,  
დახარჯვა თავის ძალ-ღონის  
იმათაც გაახარებსა.  
ცხენიც მოიკლებს, მხედარი  
რა მანძილს გაატარებსა.  
წესია: გამოჰფხიზლდებათ  
მეორეს დილას მთვრალებსა.  
უყურეთ მანდილაკეცილთ  
ბანებზე ხევსურთ ქალებსა:

ჩამოსცქერიან ლაშქარსა,  
რო მიწას ციდან ვარსკვლავნი.  
ჩამოდის ისრის წვიმადა  
სხიენი, თვალთ გამონაგზავნი,  
ხევსურთა ლაშქრის თავზედა,  
ლოცვა-კურთხევად მისადა.  
„ღმერთო, შენ გაუმარჯვეო!“  
ხმა საზარალო მტრისადა.  
„მომგვარე ნასახელარი!“  
ვინა ლოცულობს ვისადა?!

#### IV

„სადა ხარ, სადა, ძალლიკავ?  
გამოიხედე გარეთა!

ხალხმა დილასავ-დილიან  
თავ ერთად მოვიყარეთა.  
ქუდზედა კაცი მივდივართ,  
შინ რასა ჰგმინავ მწარედა?“ —  
უძახდა ხალხი ძალლიკას,  
მიმდგარი ჰერხოს კარზედა.

„მე ვერ წამოვალ, — ხმა ესმისთ, —  
ასე უთხარით ბატონსა,  
ძალლიკას გული მკვდარია,  
ჩავარდნილია საგონსა;  
ჯანითაც დაუძლურდაო,  
ვერა სცილდება საწოლსა.  
სხეას ვის რას არგებს, თავისას  
ველარ ჰპატრონობს სადგომსა“.

„აქ არ გაგწირავთ, ძმობამა  
ტყუილად ჰხმარობ ხრიკებსა.  
შენ რო შენთვის ჰბჰობ, ზოგიცა  
ჰკითხე ამ ხევსურთ ბიჭებსა,  
ათასნი სხვანი დასთელვენ  
აქ ჩვენსა დანაბიჭებსა.  
ტყუილად ხანს გვაღეინებ,

შენც ტყუილადა სცდებია.  
განა არ ვიცით, რაცა გწყინს,  
რადაც უკანა სდგებია?  
რა შენი საკადრისია,  
რო ბაღლურადა სწყრებია?!“

„რას ასტეხილხართ, კაცებო,  
აღარ მწადიან ომია,  
რაც უნდ ჯარიმა წამართვათ,  
არა ვარ წინამდგომია.  
ქალის მახდილი დამხურეთ,  
თუნდა ჩამაგდეთ წყალშია,  
აღარ მწადიან, გაიგეთ,  
აღარ, გარევა ჯარშია.  
მე ხომ ხმალს ველარ მოვიქნევ, —  
ქარად მადგება მკლავშია“.

„რას სჩმახავ? — თოხრეს ხევსურთა: —  
შენ უნდა გვედგე თავშია.  
უშენოდ მისვლა ბატონთან  
რას ეგვანება ანკია?“

თავს იქნევს მაინც ძაღლიკა,  
უარს აცხადებს მტკიცედა,  
არ ესმის თხოვნა ხევსურთი,  
სდგას მოუდრეკელ ციხედა.

წავიდენ შეურაცხყოფით,  
მწყრაღად შესჩივლეს ლაშქარსა:  
„ვერ შევესმინეთ ვერაი,  
განზე გაუდგა ამქარსა.  
ვიცოთ, რაადაც უარობს, —  
ძაღლიკა გლოვობს აბჯარსა“.

მეორე წყება წამოვა,  
წინ გამოუძღვათ ბერდია.  
გამოვლეს ლიქოკის წყალი,  
ამოვლეს ცოტა ფერდია.  
უმშვენებს წელსა დაშნაი,  
ფარს დაუფარავ გვერდია,  
თვალს გტაცებს ყაწიმებისა  
სიტურფე მეტისმეტია,

დახავსულ-დაჯანგებული  
იმის მორგევივით ქედია,  
სხვეებს რაკი აკლდა შვენება! —  
წელანაც დავიყბედია.

„არას ჰგავ, ბიბოს სულის მზემ,  
შენი უარზე დადგომა,  
ერთის ხმალის გულისად  
ჩვენი და ქვეყნის წახლომა.  
აჰა, ჩემ ხმალი შაიბი,  
შენის ფრანგულის ჯიშისა.  
აჰისას რითა სჯობია  
ფხა და სიმკვიდრე იმისა.  
ნუ მოგვტებ მხარსა, თუ კი გწამ  
მადლი დღევანდელ დილისა“. --  
ეს იყო ბერდიას თხოვნა,  
ბაბურაულის შვილისა. --  
„მითამ სრულ არა გქონია,  
ან გაგტეხია ომშია.  
თავისივე ფიქრი იწამლე,  
კაცო, ჩაუარდი გონშია“.

„დიდი ხანია ძაღლიკას  
გონი აქე სრული, საღია:  
რო არ მეწყინოს საწყენი,  
ხომ არ გგონივართ ბაღლია?  
თუკი ლაშქარში ვუნდოდი.  
რად გამამართვა ხმალია?!  
გულს რად მიფუჭებს, ისეთი  
ან რა დაადგა ძალია?  
როგორ იკადრა, ანკია,  
გლებხის ნარტყამი მახვილი?  
უმისოდ მისაშველებლად  
სწადიან ჩვენი ძახილი.  
უიარაღო რას ვარგებ,  
ამას რად არა ფიქრობდა?  
ჩემთვის წელზევით ხმლის შახსნას  
მეფე როგორა კადრობდა?  
განა არ იცი? — მე ხმალი

სახ-კარს და ცოლ-შვილს მერჩივნა,  
იცი კარგადა, ბერდიავ,  
გული როგორაც მეტყივნა“.

„იმისი სამაგიერო  
ვითომ სხვა მოგცა კარგია?  
ერეკლე წელზე შაიბამს  
ხმალსა, თუ არა ვარგია?!  
ეგ შენი ფიქრი და წყრომა  
ტყუილუბრალო ბარგია!“..

უარი უთხრა მაინცა  
გაჯავრებულმა მხედარმა...  
გაწყრომა საიქიოდამ  
როგორ დაუგმოს დედამა?!  
ამ ბერდიას თხოვნასა  
ჩამოეშველნენ დედანი.  
ერთი მათგანი სხვებს სკარბობს,  
ღუღუნებს როგორც ქედანი:

„დიაც ხო არ ხარ, ძაღლიკავ.  
რამდენსა გთხოვენ მხედარნი.  
ქუდი რად გხურავ თავზედა,  
წელზე რადა გრტყავ ხმალია.  
თუკი საბუჩეს იჯდები,  
ვით მწერელჩვილი ქალია?!  
დადედლებული მამალი  
საელდო სანახავია!“

ცოლმაც შაუგმო, კმარამა,  
ქმარს სიტყვა უთხრა ავია:  
„რად გინდა ხმალი, ხმარების  
თუკი არა გაქვ თავია?  
სიკეთე ხმლისა რას გიშველს,  
თუ გულ არ გიძე მწვავია?  
რადას აუბნებ ქვეყანას,  
სრულ ბიჭობაზე სჩხავია?!“

ადეღვდა ძაღლიკას გული,  
გამოუცხადა ზავია.  
ცხენსა ჰკითხულობს თავისას...  
მოჰგვარეს ნიავე-ქარია...

თავს დაიხურა ჩაჩქანი,  
ტანთ რა ჩაიცვა რვალია.  
ჩამოიკიდა წელზედა  
რაღაც ნადურდნი ხმალია,  
სპილოსტრიანი ხანჯარი.  
ასპინძას ნაშოვარია.  
თან უთხრა ხევსურთ: „ხევსურნო.  
სადა თქვენ, მეც იქ მკედარია!“

## V

ადიდებულა არაგვი,  
ადიდებულა მტკვარია.  
მთაში ნაწვიმი რას იზამს?  
თავქვე წამოვა ღვარია...  
სასიამოვნო ამინდი,  
სასიამოვნო დარია.  
დამდგარა დიდუბეშია  
ფშაველ-ხევსურის ჯარია.  
შეატყობინეს ბატონსა  
ამბავი გასახარია.  
არ გავლო ხანმა, იღება  
დიდის სასახლის კარია.  
გამოჩნდა ლომი ქართლისა,  
ზზე-მთვარის მინაგვარია.  
ჯარმა სალაში მიართვა,  
მჭეხრად ჰყვირიან ამასა:  
„ჩვენს ბატონს გაუმარჯოსო,  
მთისა და ბარის მამასა!“  
ჯარსა, შეფრფინეთ შემცქირალს,  
პასუხი ესმის ლომისა:  
„თქვენც გაგიმარჯოსთ, ხალისი  
ნუმც დაგელევათ ომისა!  
რა გამიმარჯვებს, თუ თქვენი  
არ შემწევს ძალი, მკლავია?  
გწადიანთ — გამემარჯვება,

გინდათ — შემხვდება ავია.  
იქვენი გაგიმარჯოსთ; ჯერ თქვენა,  
ის გამარჯვება ჩემია...  
გ.მში მსხდომთ ბედი მწარეა,  
თუ არა ვარგობს გემია!“  
„ვეცდებით, არ გავალალოთ  
ჩვენს თავზე ჩვენი მტერია!“ —  
გულმტკიცედ ამბობს ლაშქარი,  
მთიდან მოსული ერია.  
წინ დგას ხევსური ბერდია,  
ხელთ დროშა დაუქერია.

## VI

ჩვეულებად აქვს ერეკლეს  
გასინჯვა მხედართ ხმლებისა.  
მცნობია იარაღისა,  
სიტყვა მეტია ქებისა,  
მჭრელსა და ფხაშეუშლელსა,  
გამმრავლებელსა მკვდრებისა...  
ხიმიკაური თავსა ჰხრის.  
ხალხზე უკანა დგებისა.  
მოვიდა ჯერი... ერეკლეს  
პირზე მზე ეფინებისა.  
„აბა, ძალლიკავ, შენ ხმალიც  
ენახო, როგორა ჰყურობო.  
იქნება ჟანგს შეაჭამე,  
დღესაც ისევა სწუნობო.  
თუ ესეც ისე იხმარე,  
როგორც წინანდელს ჰხმარობდი,  
ასპინძას, როგორც მე გნახე,  
თათრის თავებზე ჰხარობდი.  
ვფიქრობ, რო შაგიყვარდება.  
გაგიბრწყინდება სახეო.  
რად მაგრე დაჰლონებულხარ,  
პირი რად დაიჩმახეო?!“ —



თითონ უტაცა ხმლის ვადა,  
ამოსაღებად მოსწია  
ჭარქაშიდანა... უყურებს —  
ძის ხმალი რკინა როდია —  
ხის ხმალი წამოუღია,  
ერთი უყურეთ მხედარსა!  
ვადა ხმლის, პირი ხისა აქვს  
და იმით ომსა ჰბედავსა!  
ძალლიკა თავის სარგოსა  
ძალიან შორსა ჰხედავსა...

ერეკლემ შუბლი შაიკრა,  
სიტყვაც არ უთხრა ერთია...  
ბოლოს კი ღიმილი მოსდის...  
ხიმიკაურის ბედია!  
მაშინვე მხლებლებს უბრძანა,  
არ დაახანა ხანია:  
„წადით, აქ ჩამოიტანეთ  
ხიმიკაურის ხმალია“. —  
წთელს ლაშქარს მეფეზე ჰრჩება  
და ბრიყვს ხევსურზე თვალთა.


მაღე მოართვეს და ისიც  
ძალლიკას აძლევს ხელშია:  
ძალლიკავ, მაინც იძალღე,  
წაიღე, გერტყას... შენია.  
ეინაც წელზეით შემოგხსნას,  
ის ღმერთს ნუმც დაურჩენია!“

ჰკოცნის ხევსური ერეკლეს  
ხელზე, მუხლებზე ეხვევა,  
არ იცის, სიხარულისგან  
რა ჩოქს და სალამს ეწევა.  
ბოლოს თვის ხმალსაც აკოცა,  
როგორაც შეიღმა დედასა,  
მერე მიიკრა გულზედა,  
ეაღერსება მეტადა...  
ერთი უბრალო ხის ხმალი  
გამოდგა იმის ბედადა!  
აღარ ეყოფა ძალლიკას  
მტრის ჯარი შესახვერებადა.

მთას იქით გადის თოფები,  
 კვამლი ედება მიწასა.  
 აწითებს სისხლი ნადენი  
 დაბლა ხეობის ქვიშასა.  
 ცალმხრივ ქართველნი იბრძვიან,  
 მეორეს მხარეს — თათრები.  
 აღარა ჰზოგვენ ერთმანეთს,  
 ან რა აქეთ დასახათრები!  
 მივიდა ჯარი ერთურთში.  
 ელავს, წკრიალებს აბჯრები,  
 აღის და დადის ორგნითვე  
 სისხლში ნალები ხანჯრები.  
 აქებენ ვისმე მეომარს,  
 იმის ხმალსა და გარჯასა.  
 მეტისმეტს შეუპოვრობას  
 და მოუღალავს მაჯასა:  
 როგორც ანწლოლოიანსა,  
 თათრის ჯარს ისე ჰკაფავსა.  
 ჰხედავს ბატონი მტერზედა  
 იმის ტევებას ვეფხურსა.  
 კიდევაც დაასაჩუქრებს  
 ყმას თავდადებულს, ერთგულსა.  
 თან ამბობს: „მართლაც ცოდვაა  
 შეუნდობელი, დიდია,  
 მაგისტვის ხმლის ჩამორთმევა,  
 რომელიც წელზე ჰკიდია“.  
 ამბობენ: თოფიც აჩუქა,  
 დაოქროილი წვერამდე.  
 სხვადასხვა საჩუქრებითა  
 იგი აავსო ყელამდე.  
 „ვინ იყო? სადაურია,  
 რომელი მიწა-წყალისა?“  
 „ძალლიკა იყო, ძალლიკა,  
 ხიმიკაურის გვარისა“.



# ბ ა ჩ ა ნ ა



## თ ა ლ ლ ა უ რ ა

### I

ის იყო მთვარე ჰქრებოდა,  
გორის პირს ეფარებოდა;  
ჯარად გაშლილი სხივები  
ქალის თმათ ეფერებოდა;  
აღმაცრად გამოსხლეტილი  
მთის წვერებს ეფინებოდა,  
თითქოს მისხლეტას ვერ ჰთმობსო,  
აკვდებოდ-ეკონებოდა.  
აგერა მთვარეც ჩავიდა,  
ცა ჰდილობს ვარსკვლავიანი;  
სადმე დაბურულ ადგილსა  
ბუფი გაჰკივის ხმიანი.  
ისაც დაჩუმდა... მიწყნარდა  
მთის ყურე ნადირ, მგლიანი;  
ნაზ გაზაფხულის მაშვენნი  
ბუჩქში მიყუჩდენ იანი;  
თითქოს იორიც შეჩერდა,  
უმისოდ ისე ხმიანი.  
მიწყნარდა კოშკიც მაღალი,  
გორ რო ჩამოჰდგამს ტყიანი.

კოშკს იჭდა ქალი მწყაზარი,  
 როგორც ცისკარი დილისა;  
 თავს ივარცხნიდა ლამაზი,  
 თუმცა დრო იყო ძილისა.  
 გრძელნი თმანი ბროლის ყელსა  
 დაჰხვეოდენ ნისლებურა;  
 მელნის ტბანი უნათებდენ,  
 პირი უშუქს მთვარებურა.  
 ქალმა თავი დაივარცხნა,  
 ჩამოიკაპნა თმანია;  
 მიუჯდა ისაც კერასა,  
 მიიხვნა ფარტენანია.  
 უთხრა: „ჩემო დედამთილო,  
 არ ვიცი რაა ესაო;  
 გული რაღაცას მიქადის  
 დილით აქამდე დღესაო“.  
 — შენ დამასწარ, თორემ აღრ,<sup>1</sup>  
 მეც უნდ მეტქო ქალილამა;<sup>1</sup>  
 რაც თაღლაურა წაეიდა,  
 სულ ცუდად ვარ დედილამა.<sup>2</sup>  
 გულმა სულ ცეცხლში ჩამაგდო,  
 სულ რასღაც მეუბნებო;  
 მეორ-მესამე დღე მიდის,  
 სიზმრები მეჩვენებო;  
 ვაჰმე! თუ შენ რამე გვენოს  
 მინდორთ გაზრდილო, ველთაო.<sup>3</sup>  
 ღმერთო! მშვიდობით მომგვარე  
 ის ჩემი დედისერთაო.  
 რა ძნელი რაიმა ვნახე,  
 ღმერთო, დამწერე ჯვარია.  
 არ დამსვა ცალიერაი,

<sup>1</sup> „ქალილამ“ — შენს ქალობას ვფიცავო.

<sup>2</sup> „დედილამა“ — შენს დედაშვილობას ვფიცავო.

<sup>3</sup> „მინდორთ გაზრდილო, ველთაო“ — მინდორში და ველზე გაზრდილოო.

არ მომიჯარო კარია:  
მითომ სამ წვიმა მოვიდა,  
დაიწყო დიდი ავდარი,  
ყას ცეცხლი ეკიდებოდა,  
მიწას გაჰქონდა ზანზარი.  
თან სეტყვა წამოუშინა,  
გარეგვნა მთა და ბარია,  
ჩრდილებში დასკდა ზვაეები,  
ჩვენს კოშკს მოადგა ღვარია.  
მე, შენ და თაღლაურაი  
სანამ მოჰგლეჯდა ლიბოსა,  
ჩავსხედით კიდობანშია,  
გვერდიც ჩამოსკდა ციხესა!  
ღვარმა წაგვიხვნა სამნივა,  
იქით და აქეთ ვილოდით,  
„გვიშველეთ, თქვენი ჭირიმე“,  
გამომეღვიძა, ვტიროდი.

### III

ლაყვარდი ციაგს მიბნელდა,  
შორს ისმის ივრის შხივილი,  
რძალ-დედაპთილის ტარებსა  
კოშკში გაუდის წივილი.  
მრავალან გადაიხარენ,  
ირმის ნაფრენნი<sup>1</sup> დაჰჩნდენა,  
შვიდნი სულთუხის ტარანი  
ივრის ხეობას გახდენა.  
ათასნი გუნდნი ვარსკვლავნი  
ცრემლად სტირიაან ცაზედა,  
გაუშვად მალლა სასხდომი,  
ჩამოშვებულან წყალზედა;  
თაღლაურაის ციხესა  
ჭირი აღგება კარზედა.

<sup>1</sup> „ირმის ნაფრენნი“ — თვალუჩინარი ვარსკვლავთ წყება, რომელიც ნათლის ზოლად მიეტყობა ცაზე.

#### IV

ნუ ჰდიდობ, თალღაურაო,  
 ვაჟო, ნუ მოგწონს თავია,  
 ჰჯობია, თარეშს დაეხსნა,  
 ლეკთ დაანებო თავია.  
 ფშავში გაქებენ ქალები,  
 ვაჟაკსა, ედემს გაზრდილსა,  
 მარტო ცხვარ-ძროხას სად დაჰტევე  
 ლეკეთით გადმორეკილსა?  
 ნუ გინდა იმათ ტყვეები,  
 დედათ ნუ ამგლოვიარებ,  
 თოფი ლეკებმაც იციან,  
 საპირისწამლე რქისაო;  
 გადმოსვლა ჭიუხებშია,  
 ხმარება ხანჯრებისაო.

#### V

„თალღაურაი ცხვარშია“,  
 უთქვამისთ დალისტანშია,  
 ცოლ-დედან დაუწირიან  
 ღმრთის ანაბარას სახლშია.  
 შეყრილან ლეკის შვილები,  
 გადმოუვლიათ მთანია,  
 სულ არჩეულნი ვაჟაკნი,  
 სულ არჩეულნი ვაჟნია!

#### პ ი რ ვ ე ლ ი მ გ ზ ა ვ რ ი

ნელა იარეთ, ნუ ჰჩქარობთ,  
 ერთ-ერთს აყოლეთ ფეხები,  
 თორემ სოფელი გაიგებს,  
 აყუფდებიან ძაღლები.  
 წყნარ-წყნარა... ნუ გეჩქარიანთ,  
 თქვენ ჩემი გაიგონეთო,  
 ციხეს და იმის საღებსა,  
 ამ წამში ჩაგაბარებთო.

## მეორე მგზავრი

მიეჯარდით... სისხლი აღუღდა,  
სმა მესმის ძახილისაო,  
ყურში ჩამძახის ძმა მკედლარი:  
„სისხლი აიღე ძმისაო“.  
მეც ვიცი ჯავრის ამოყრა,  
სამშობლოს დამღონებელო,  
არა გიშავს რა, მანდ იყავ,  
ბევრაის მომწელებელო!  
თუ შენ არა ხარ, ვისაცა  
მურთუზის გაძევეს ვალია,  
ეს ხომ აქა გყავს სახლშია,  
ეთერის მსგავსი ქალია.  
კოშკს შემოგინგრევე ლიბოსა,  
მგლებმა იომუვლონ მტვერზედა,  
მანდ ყორანს გამოგიგზავნი,  
ამბავს მოგიტანს წამზედა:  
„ფშეშეშით გამაერჩივე,  
ცეცხლზე გისხამენ წყალსაო,  
სახლ-ქარს გიბუგვენ, ცოლს გართმენ,  
იმას ახდევენ ვალსაო“.  
ვერეინ მოჭამა სოფელი,  
ფართო და მრავალგვარია,  
ჰხამდა, რომ ძმობა ჰყვაოდეს,  
ლაღატი რადლა არია?  
მთებ სატირელზე ჩამოსხდნენ,  
გამოიგლოვეს უამია,  
დათხოვდნენ წერილნი ვარსკვლავნი,  
ცამაც დაჰყარა ნამია;  
თალღაურაის ციხესა  
ქარზედ მიადგა ქარია.

## პირველი მგზავრი

ქარი გამიღე, მამიდავ,  
მოგივედ გულის სტუმარი...

დ ე დ ა მ თ ი ლ ი (რძალს)

კარგა ხანია გავლილი,  
მითომ დაწოლის დრო არი?

რ ძ ა ლ ი — ყ ა მ ა რ ი

მითომ მინდოდა, თამარო,  
ეს ტარი კიდევ ჩამერთო,  
ნეტავი რასმე მეტყოდი,  
ეგებ როგორმე გავერთო.  
გულს ჯავრი, ნისლი გონებას,  
თავზედ გენია დამენთო,  
ფიქრის მორევეში ჩავევარდი,  
ეს არის ღონე წამერთო.

დ ე დ ა მ თ ი ლ ი

კაცმა დრო უნდა იცოდეს  
წოლა-ჯდომისა, ძილისა,  
სულთუხის ტარან გადავიდეს...  
აგერ, მამალიც ჰყივისა!

ყ ა მ ა რ ი

დაე იყიელოს, იყიელოს,  
წესი ასრულდეს ღამისი,  
ეგები გადაიყაროს  
ჩემიც სიბნელე უამისი.  
ცისკარო, ამოანათე,  
უკუნი გამითენია...  
მე კი შამომწვდა რაღაცა...  
შენ კი ვერ გაიგონია?  
ხომ არ მოვიდნენ თულები,  
ნეტა რამ იშირდგნიალა?  
ყრუვად შემომწვდა ძახილი...  
კარებიც შეაჟრიალა...

ხ მ ა გ ა რ ე თ გ ა ნ

კარი გამიღე, მამიდავ,  
მოგიველ გულის სტუმარი,



იქნება ველარ გიცვნია  
მძლევერად მოსული ხუმარი?

დ ე დ ა მ თ ი ლ ი

რძალო, არ მოიტყუილე.  
იძახის... ყური დაუგდე,  
არავინ შემოგვივარდეს,  
კარს ხომ ურდული წაუგდე?  
ვაჰმე, როგორ შამაძრწუნა  
დიღმა შიშიანობამა!  
თუნდ არ იყოს, მეღანდება,  
შენმა ბედიანობამა.  
აბა, რა დასაჯეროა?  
ამ ღროს ხუმარა კი არა...  
ან ჩვენი ტყვედ წასხმა უნდათ...  
ან ქაჯმა ჩამოგვიარა.  
რაკი მზე ჩაეფარება,  
რაკი შამოჰკრავს ბინდ-ბანდი,  
შინ ჰზის, თუ გარეთ დავალის,  
კაცს სრულ თან დაჰდევს ხიფათი.  
შენ თულებს ამბობ... არ იცი  
რომე ესეთას ღამ-ღუმთა,  
სხვადაც სიფრთხილე უნდარის,  
კაცსა ამფერა ხევ-ხუვთა...  
განა ტყუილად ამბობენ,  
განა უბრალო ჭორია?  
ხომ გაგიგონავე მაინცა,  
ემან, რომ დიდი გორია.  
ძირტკბილა, ბრაწ-ბალახითა,  
შართული კლდე რო არია.  
მანდ თურმე მოჯალაფეთი,  
ადრითვე საბუღარია.  
ღამე გამოვლენ გარეთა,  
კლდის პირს ცეცხლს დააქეხებენ...  
არ გაუშვებენ გამვლელსა,  
უთუოდ აიზრახებენ.  
ან წყალს მიჰკემენ მდინარსა,

ქვიშაში დააღუკებენ,  
ან საყვავ-ყორნედ გაჰხდიან,  
კლდეზე სადმ გადააგდებენ.  
ღვეებიც აიშლებიან,  
მზე რაკი დაბრძანდებაო,  
გზა-გზის პირთ ეხეტებიან,  
სანამ არ გათენდებაო.  
შენ გაგონილი გექნება,  
პირქუშსა, დაღონებულსა,<sup>1</sup>  
ღვეი რომ აჰღვენებიყო,  
ცხვარშით მონავლებულსა.  
ჯერ დაეძახნა სახელი...  
იმას ეფიქრნა: „ვინ არი?“  
სუყველამ იცის პირქუში  
როგორი ვაუკაცი არი.  
ამ ღროს ასეთას ადგილსა,  
კარგი რა უნდა ჰცოდნიყო?  
შაენაბდიანის სახითა  
კაცი რამ დაჰღვენებიყო  
მოჰგონებოდა მაშინვე  
და შიშის ელდა სცემოდა,  
ფიცხავ მიეცა სადავე...  
საფურხეც კარგი ჰყოლოდა  
ხე-ქვათაც ენა აიდგეს,  
ღვეს ხმას აძღვედნენ მთანია,  
მოჰძახდა: „შენი შვილი ვარ,  
ნუ მწირავ, წამიყვანია“.  
თვითონ კი გამოეხვეწა,  
იმ ღღეს შინ მოსვლით იამა,  
ღეროს რა კარგი მოუვა,  
ფესვი შეჭამოს კიამა?!  
შენსა მტერსა და მოავეს,  
რაც იმასა ჰხვდა წილადა:

---

<sup>1</sup> „დაღონებულსა“ — ამ სიტყვას დიაცები მთაში „ბეჩაეის“ სინონიმად ჰხმარობენ.

კუტი, დიდ კბილა, ყურდიდი  
წყლის თავზედ ეშვა შვილადა!

ხ მ ა გ ა რ ე დ ა მ

ამას მესაძედ ვიძახი,  
რა დაგემართა, რა არი?  
თუ შენ დაჰმძულდი, უთხარი,  
კარებს გააღებს ყამარი.

თ ა მ ა რ ი

— დაგმართახოს და დაგწყევლოს  
ცხრამ წმინდამ გიორგიმას! —  
ცეცხლი მინელდა. ფურცელი  
დააჰკნო იის ძირმას.

ველარა ჰთქვა-რა, გაჩუმდა  
ზებერი, მრავალწლიანი,  
ახალს ცვილივით გაყვითლდა  
ქალი, პირსინათლიანი.  
ღრუბლები ამობოჟირდა,  
შეუად მოიქცა საშყარო,  
მოხუცმა წაიდუღუნა:  
„გვიშველე, ლაშარის ჯვაროს  
ეშმაკიაა თუ კაცი,  
ვინც არის ჩვენი მზვერველი,  
შენის სახელის ჰირიმე,  
შენ იყავ ჩვენი მფარველი“.  
(ხმაჟალა) ვინა ხარ? რას დაეთრევი  
ასეთს შავ შუალამეთა?  
თუ ქრისტიანი სული ხარ,  
რას დაჰყიალებ გარეთა!

ხ მ ა გ ა რ ე თ გ ა ნ

სტუმარი, მასპინძელობა  
ძველის-ძველიდან იციან.  
მერე ხუმარას, მგონია,  
შენთვის ძმისწულად იტყვიან.

თ ა მ ა რ ი

ჰჯობავ ლიშანი მიძახო,  
დაეხსნა ლაპარაკებსა,

გავიგო მართლა, ვინა ხარ,  
მოვალ, გავიღებ კარებსა.

### ხ მ ა გ ა რ ე თ გ ა ნ

ხმალი მაქვს დაზარნიშული,  
თაღლაურაისეული,  
ემანდ, კერის პირს რო მომცა  
პირბასრი ლეკისეული.

### თ ა მ ა რ ი

— კინაღართ ჩემი სულ-ხორცი  
დამბადებელმა წაჰწყმიდა!  
რაც მოხუცებაში შედის,  
გისულელდება მამიდა.  
ჩქარა შამოდი, რო გნახო,  
დავპტებ შეხისა ცქერიითა. —  
ლეღეს<sup>1</sup> ატირდა თამარი...  
შორს, შორს იორი ჰმღერიდა...  
მოდის და მოდის ღრუბელი,  
იწვის ფშაველების სახლები.  
შუქს ჰკარგვენ... იხოშებიან  
ციური ჰია-ცეცხლები.  
ცამ პირი მოიმარაგა.  
პირ-თავექვე მხრები დაჰხარა,  
ცვრად დაიბერტყა ღრუბელი...  
ღვარმა ხევ-ხუვი დაჰღარა  
ნადირნი იჩქმალებიან,  
ჯიხვი კლდეს შეეფარება,  
ისეთი უკუნეთია,  
თვალი არ გაიჩხვერება.  
ღრო და ღრო ისმის რახ-რახი,  
დარბის, იცინის მაცილი.  
მგზავრს გზას გაურკვევს სადამე  
ქალის ეთერის სიცილი.<sup>2</sup>

<sup>1</sup> „ლეღე“ — ადგილი არაგვის მარცხენა მხარეზედ, სადაც ფშაველები თამარ ღვთაძეს ჰლოცულობენ.

<sup>2</sup> „ქალის ეთერის სიცილი“ — დაეღვება.

წვიმა, ელვა და ქუხილი..  
ყურსა ჰკრის მავნე ჩქამია...  
ვაჰმე, რა ცუდი დრო არის,  
ვაჰმე, რა ძნელი უამია!

## VI

მინდვრით დაიძრა ფრინველი,  
არწივი, მთების შვილია,  
საფშაოდ გამოემართა,  
თალაის ნიავე-წვრილია.<sup>1</sup>  
ველარ გაიძლო, სურვილმა  
გამოიტაცა მთისამა,  
ჩქარ-ჩქარა ნახვის წყურვილმა  
იმ თავის მიწა-წყლისამა  
აღმოსავლეთით მავალმა  
დასავლეთისკე დაჰმართა,  
ილტოურაი<sup>2</sup> შორს დარჩა,  
იორზე შამომართა.  
ქალაზედ დაქსასულიყო,  
მდინარეს მოჰმატებოდა,  
მოჰქონდა ქვა და ნათოსი,  
ქოთობდა, იდორბლებოდა.  
არ ალოდინა, დეზი ჰკრა,  
სადაც ჰხედა, გამოაცურა,  
შამოაელიენა ქალანი...  
შინისკე გამოაშურა.  
ჯერ კი არ ამოსულიყო  
მზე გორის იქით ჰცხრებოდა,  
ბარად ჩაყრილი ღრუბელი  
მთას წასვლად აიყრებოდა.  
დაეყვ-მოეყვათ თავები,  
მთა-გორებს მოელაშქარა,

<sup>1</sup> „ნიავე-წვრილი“ — თალაურას ცხენი.

<sup>2</sup> „ილტოურა“ — მდინარე კახეთში, ახმეტის ახლო ალაზნის ერთვის.

პირდაბანილთა ცა-მყართა  
თმებ უკან გადაეყარა.<sup>1</sup>  
წვიმას, ბუნების სახსარსა,  
ყველა გაეხარებინა:  
ჩირთი, ყვავილი, ბალახი,  
სასწვრით შეესწორებინა.  
მაჟალო, პანტა, ტყემალი,  
დაბლა ებურა ჭალასა,  
მალლა ემოსათ ყვავილი,  
მიწას აბერტყდნენ ლალასა  
ღმერთმანი, საღმე პნახაკლით  
ლერწამსა, მინდვრის ჩალასა!  
გორ-გური, მათში ხევ-ხუვი,  
ხშირი ტყით შაპყრობილიყო,  
ქუჩი ბექს, ია ხევხუვსა,  
ჩირთი მთას მიწურვილიყო!  
გუგულის კაბა ჰყვავოდა,  
დილა გონს ჩავარდნილიყო,  
საჩრდილო წამში ჰტურავდა,  
პირმზითი შებერტყილიყო.  
გაცრეცილს სილამაზესა  
ჰშვენოდა სიხარულია!  
საცოლე მთაში მიჰყვანდა,  
ბუნებას, — გაზაფხულია.  
მთა-ბარს სულ გადაჰწვდომიყო  
დედუფლის კაბა-საცვალი,  
ფერადი დიბა, ატლასი,  
ია, ენძელა მრავალი!  
ფურისულასა ჰშვენოდენ  
საცმელნი დარაისანი,  
გაზაფხულს გამოჰყოლოდენ  
მაყრები ზღვის პირისანი!  
ბევრი დაუწვავ ამათში  
სიყვარულს დედუფლისასა,  
მიჰყავსთ და ველარა პნახვენ,

<sup>1</sup> „თმებ უკან გადაეყარა“ — გაედარა, ნისლი და ღრუბელი მოეშორა.

ვაი გულს ერთგულისასა!  
პირში ვერ ეუბნებთან  
თავის გულისა ვარამსა,  
ლექსებში ჰკაფიაობენ  
დარდსა, გულისა მპარავსა.  
„წვიმავ, დაჰწვიმე, დაჰწვიმე“,  
წიპრია არის ლხინშია:  
„მოდის, რომ გნახო თვალითა, —  
არ მოვკვდე მოლოდინშია“.  
ხევი აევსო ათასსა  
უცნაურს ჩიტის ენასა:  
გალობას, მღერას, ჰიკჰიკსა  
ლალს და მწუხარე სტვენასა.  
შაშვი თავეისთვის დამჯდარა,  
ტკბილს საგალობელს ჰგალობდა,  
მოესხა შავი ნაბადი,  
კოჭებს კი არ უფარობდა.  
გალობით ასწავალამა  
ღმერთი აღიდა წინ-წინა,  
ითმინა თალაურამა,  
მერე კი დაიდილინა:

1

„თოვლი დაუდნავ სიცხესა,  
გული დარდს შეუჭერებავ,  
მართლა გხედავთა, თუ არა,  
მთებო, ვერ დამიჯერებავ.  
შორსა ვარ, გული აქ არის,  
მივნატრი თქვენსა მნახველსა,  
თუ დაგინახეთ თვალითა,  
დიდება უფლის სახელსა.  
რო დაგინახავთ, ვაჟკაცსა  
ბალღურად გამიხარდება,  
სიცივე იყოს, დამცხება,  
აღმართი — გამივაკდება“.

## 2

„რასა ჰგავს ადამიანი  
 სიცოცხლის ფერობაშია?  
 ვერ ძლება წუთისოფელი,  
 ვაჟკაცის მტერობაშია.  
 ბევრიც ვაეობდეს, ჰლალობდეს,  
 დიდხანს არ უნდა ლოდინი,  
 დღეს არის გორის მდრეკელი,  
 ხვალ უგავ მიწის ლოგინი.  
 მიწაა ჩვენი ერთგული  
 და ჩვენი დიდი მტერიცა,  
 იმასვე ესაყვარლება  
 პატარუნელა მწერიცა“.

## 3

„შენაც მიყვარხარ, იორო,  
 შენ ვერ-რა შეგედარება,  
 ჰმდინარებ... იდენ მუღამა...  
 რა ცხენი დაგვღალეა?!  
 ხმლით ვერას გამოგრჩებიან,  
 ტყვია არ მოგეკარება.  
 აჰდიდდე, შენი ღრიალი  
 დევთა ხმას შეედარება!  
 შენი დაკვლევა მაშინა  
 როსტომსაც შეეზარება,  
 ახრჩობდენ—მაინც კარგი ხარ,  
 მადლი არ დაგეცარება.  
 დაჰწმდები—ისევ მადლი ხარ...  
 სულიერთ გაეხარება!  
 დამსუდროს შენმა დგრიალმა  
 და კალთამც დამეფარება,  
 ჩემი სიკვდილის შემდეგა,  
 ლეშიმც შენ მოგებარება“.

## 4

„არ მინდა ჩემი უსულო  
 გვამი მიწაში ლპებოდეს,



სისხლ-ხორცი, თმა-წვერ-ულვაში,  
 ერთურთში აირეოდეს.  
 მოვიდეს წითელი გველი,<sup>1</sup>  
 ჩემს გულში ებუღებოდეს,  
 ჩემი მოსისხლე ღუშმანი  
 ჩემის სისხლ-ხორცით ჰძლებოდეს!  
 რა გაძღეს, თავი აიღოს,  
 ხმამალა გაიცინოსა,  
 გადახტ-გადმოხტეს, დამკვლიოს,  
 ჩემს გულზედ დაიძინოსა.  
 მე მინდა გადავყვებოდე  
 ჩქერთა მდინართა წყალთასა,  
 წამიღონ, ეთელებოდენ,  
 ძ-რთა მთათა და ბართასა.  
 სანამ ვარ, ვიარებოდე,  
 ვაწყდე გვერდთ ჯებირ-ქვათასა,  
 ჩამოვიშალო, ჩამოვწყდე,  
 გავხდე საქმელად თევზთასა“.

5

„ნეტავი, ნატრა-ცხადა მქნა,  
 სურვილო, აქცხადდებოდი,  
 მუდამც ვაჟკაცად მამყოფა,  
 ნეტამც არ დავბერდებოდი.  
 მანამ ვარ, ასე მამყოფა,  
 ამავე ჯანზედ და გულზედა,  
 და თუნდა უადრეც მოგკვდე,  
 ღმრთისაგან განგებულზედა,  
 მიყვარს ვაჟკაცის სიკვდილი,  
 ჯერ რომ არ იყო დროული,  
 სუყველას დაენანება  
 უდროვოდ გამორჩეული.  
 მთელი ქვეყანა იგლოვებს,  
 მტრებიც კი შაიბრალევენ,

<sup>1</sup> „წითელი გველი“ — მიცვალებულებს ხალხის ფიქრით წითელი გველი ჰქვამს. იგივეა „მეკატური“, ანუ შხამიანი. არ ვიცი, ეს „ვასილისკო“ ხომ არ უნდა იყოს.

მაგრამ ბერ-კაცის სიკვდილზედ  
მრავალსაც გაიცინებენ.  
რატომ არ უნდა მიყვარდეს,  
როცა ვაჟკაცი კვდებაო?  
დიღხანს ნამალი ცრემლები  
იმ წამში გამოჰჩნდებაო“.

6

„ანუ აიქამც მოვეკვდები,  
სადაც მინდა და მწადიან,  
სანგრად რომ ჰყრია ხევეები,  
მთები ზეცისკე აღიან.  
სადაც გამზარდა დედამა  
და ძუძუ უწოვებია.  
სადაც ცხერის ფარა მყოლია,  
ჯოგები მიძოვებია“.

7

„ნეტავი ცოტახანს მომკლა,  
ღღე შემიცვალა ღამედა,  
ვნახო, რას იზამ მაშინა,  
შენს პირზე შემომახედა.  
ჩვენს ან გაცნობას რა ერქვა,  
ან სიყვარული რა იყო?  
მე ჩემთვის დავრჩი, შენ შენთვის,  
პეპელა ქარმა წაიღო!¹  
მართალი უთქვამთ ჰკვიანთა,  
ფიცხლავ ენაზედ მოძივა:  
„ჭრელსა ნუ ჩაჰდევ პეპელას, —  
გაგიფრინდება, წაგივა,  
არც ხორცი გამოგადგება,  
არც ტყავი ფასად გაგივა“.

---

¹ აქ თადღაურა წაწალს ჰგულისხმობს, რომელიც უწინ ჰყვარებია.

ნამი ჰწვიმს, ღვრები ჰყვირიან,  
 მდინარე აბეზარობდა,  
 გაღმა, წყლის პირის ნაშეზედ  
 წანწყარა ჩაგოგმანობდა.  
 გუგული „გუგუს“ გაძახდა,  
 გალობა არ უგვარობდა,  
 წინ ედვა ვაკე-ხეობა,  
 ამწვანებული, სწორია,  
 შორს სადმე, ერთი ბეწოდა  
 ჰჩანდა არტნისა გორია.  
 უთხრა, რომ ჩქარა, ლურჯაო,  
 არხალს ხარ, განა არტანსა,  
 რა ფეხებს მიალაწუნებ,  
 როგორც ბებერი არგანსა!  
 ვერა ჰხედავა, ოხერო,  
 ცეცხლი ეღება სახლ-კარსა?  
 უცქერდა: იმის სოფელში  
 სახლებს სულ ბოლო ჰდიოდა,  
 ყმაწვილი ქალი და ვაჟი  
 იქ აღარავენ ჰდიოდა.  
 ბერხუნდი კაც-დედაკაცი  
 ეყარა იქ და ჰჩიოდა,  
 პატარა ბავშვი დედასა  
 ეძახდა, ძუძუ ჰშიოდა.  
 ყველა ხელგამომავალი,  
 დიდოებს თან წაეყვანათ,  
 მოხუცებულს და ჩვილებზედ  
 ჯავრი არ ამოეყარათ;  
 იმისი სახლი და კარი  
 ყვავ-ყორნებს ჩამოეშალა;  
 თვითონ კი გაქცეულიყვნენ,  
 მუქარა შამოეთვალათ.  
 არ ვიცი, რა რა იფიქრა,  
 მწარედ კი გაიღიმაო,  
 შორითვე ეცნო დედასა,

ჩამოეგება წინაო.  
მხურვალედ გადაეხვია,  
ჰკოცნის ხაქოლა პირითა,  
ეტყვის: ბევრჯოლამც მომიხვალ  
შვილო, მშვიდობით იქითა...  
შენმა საგონმა დამღივა  
და შენზედ ფიქრობამაო,  
შენმა მშვიდობით მოსვლამა,  
შენმა დაბერებამაო.  
ძილი არ მაქვს ძილის ფერი,  
მოსვენება ლოგინშია,  
თვალეზი ჩამოვაწყალე  
შარად შენს მოლოდინშია.  
ველარა ჰტყვა რა, გაჩუმდა.  
მოუმატა ტირილსაო,  
ჰკლავდა ცალკე საგონები,  
რძლისა, მერე შვილისაო;  
მერე ოხერ-ტიალადა  
რჩომა თავის თავისაო.

#### თ ა ლ ლ ა უ რ ა

რად მიზარებდი, მოდიო,  
აბა რცხათვის გინდოდი?  
თუ იტირებდი, მცოდნიყო,  
მე აქ არ წამოვიდოდი.  
დედავ, რაზედ დამაღონებ,  
ცრემლს რაზედ ჰღვრი მდულარესა,  
მე რაც უნდა მომივიდეს,  
შენ ნუ განახავ მტირალესა.

#### დ ე ღ ა

ძმისწული რომ მოუყვდეს  
მამიდასა...

#### თ ა ლ ლ ა უ რ ა

მომხდარს რა მალეა-ღა უნდა,  
კარგად ვიცი და ვიციოდი,

მე იმავე წუთში გავიგე,  
სანამ შენ რასმე იტყოდი.  
ხუმარას უღალატნია,  
ლეკები მოუყვანია,  
იმათ დაუწვავ სახლკარი,  
ყამარი წაუყვანია!  
მტერი რო მომკლავს, წესია,  
ჯავრს ჯავრი ებედებაო,  
ნეტავი ის კი ნუ მომკლავს,  
ვისგანც არ მომგონდებაო.  
ის ლეკთა მიმდღევი არის,  
იმათ ქალს აეკიდაო,  
დაჰკარგა თავის სამშობლო,  
მათ სჯულზე გადავიდაო.  
შუბლზე ჯავრისა შვილებმა,  
ნისლებმა გადაუარეს,  
თამარიც ველარას ამბობს,  
„სკაპ-სკუპით“ ჩამოიარეს.  
ბევრი ჭირის გადამყრელი,  
გული აღარ ეგულება,  
სამი ოთხს ცეცხლში ჩაეარდა,  
ენა არ ემორჩილება.  
ბელურა „ქივ-ჰავს“ იძახდა,  
მერცხალი — „ბებერ-ცხონდისა“,  
ბოდახვეველი ქალთამზე,  
ჭირის-საწყენად მოდისა.

#### თ ა ლ ა უ რ ა

დედილას, ქალთამზიანო,  
შვილით გაიხარებია,  
დედა-ჩემი, სანამ მოვალ,  
შენთვის ჩამიბარებია.  
მაგათას წადი, გენაცვლე,  
იქ მელოდე, მშვენიერო,  
შენ კიდეე ზომე მთა-კუნდი,  
ლურჯავ, გზების მეცნიერო.

## VIII

გული ჰღელავდა, ჰძგერავდა...  
ჩუმად ქვეყანა ბრუნავდა,  
მნათობი სხივსა ჰსწურავდა,  
გორის პირს ამოჰცურავდა,  
აპრილი მხიარულობდა,  
კაი ამინდი დარობდა,  
კვალზე მიჰდევდა ჰაბუკი,  
მონადირეთა ჰგვარობდა.  
დაიქცა ირმისა ჯოგი,  
ვეფხვი გაუდგა კვალზედა,  
იარეს ფეხ-აკრეფითა,  
ჩაცვივდეს ივრის წყალზედა.  
კვალი არც გამოლმა დარჩა,  
ალარც წყლის გაღმა გავიდა,  
იმან მაშინვე შეიტყო,  
აღმე, წყალ-და-წყალ წავიდა.  
დიდხახს არ დაუგვიანდა,  
მალე გაიღწო გზანია,  
ტურფად ჰყვაოდენ გზის პირნი,  
მწვანე ჰცემოდა თვალთა.  
მზე მთებზე შამომჯდარიყო  
ამოეშალნეს მხარნია;  
თხილის ძირებში მოსულა  
სვინტრი და სასუტელაო,  
ზარმაცად თვალათ აბეუტებს,  
ლაშქარა კაბაჰრელაო;  
ჰჰყვივის და ტყის წვერთ ევლება.  
ნიბლია კარგუნსელაო.  
პატარა, ნაზი ფოთლები  
ბუდიდამ გამომძვრალანა,  
მხედარს ეხუშმაშეებიან,  
ტოტებზე ჩამომსხდარანა.  
ღღე ღამედ ეჩვენებოდა  
და დედის ნაცვლად ბუნება,  
საგონი აუბოჟირდა,

გადაერია ბუნება!  
პოქვა: „ნუ მაშინებ, სიკვდილო,  
შორით ნუ მიჩენ ბჭალეებსა,  
ვინ შემინახავს დედასა,  
ვინ დაუხუჟავს თვალებსა;  
ან მტრებთან როგორ ვიგონებ  
ყამარის უბე-კავებსა?  
არ ვიცი, ღმერთმა დაჰწყევლოს,  
რისგან ვარ მონავსულია,  
მიპარვით დახოცვის ნებას,  
არ მომცემს ჩემი გულია,  
მოკვედები, მიწა ვერ შემეჭამს,  
აგერ ყორნები მზასარის.  
ძნელი ეს არის: ოხერი  
კვდომა როდის და სად არის;  
ეჰ, რაც იქნება, იქნება,  
ლურჯავ, შეჰბიჯე გზებია,  
სწორებში გამორჩევასა  
ისევ სიკვდილი ჰჭობია.  
დავრჩები—კარგი იქნება,  
მოკვედე—რა დიდი საქმია?  
ამ ბაითალმანს მიწასა  
ცოტანი დაუქამია?  
გაღმაით იამ უძახა:  
„მხედარო, გვალე, გვალეო!  
ტყვეები გელოდებიან,  
წადი, უშველე მალეო!“

## IX

ივრისავ სიახლოვესა  
ვაკეს, ჯავლევის მთასაო,  
ძველ მოამბენი იტყვიან  
თაღლაურაის ცდასაო.  
იქ ველარ ჰდიან ბალახნი,  
ვერც ქუჩნი იზმენ ზრდასაო,  
იქ ნათარეშალ ლეკებსა,

ცხენ-ხეთქით გადაჰწევიყო,  
იმის უეცრად მისვლითა,  
ლეკებს თავსზარი ჰკემიყო.  
გაუარ, გამოუარა,  
დაურბინ, მოურბინაო,  
ხმლები არ ახმარებინა:  
თოფები დაუგრილაო.  
ხუმარას მოჰჭრა კისერი,  
მურთუხსაც მიუწვდინაო,  
ჯაბანმა გულხადარამა,  
გაქცევას მოუხშირაო.  
ზოგი კლდეს ეფარებოდა,  
ზოგი მთასა და გორასა;  
სხვა უგზო-უკვლოდ დამფრთხალა,  
მიურბის ვეფხვის რჩოლასა;  
ერთაი კარგი ჰჯობია,  
ათის ცუდისა ყოლასა.  
ვინც არ დაექცა, დახოცა,  
ჯავრი არ შეანარჩუნა,  
ყამარიც გულში ჩაიკრა,  
ტყვეებიც გამოაბრუნა.  
უთხრა: „ჩვენ ნელ-ნელა ვივლით,  
თქვენ დაიქცენით წინაო.  
შეატყობინეთ, რომ ყველა  
მშვიდობით მოვდით შინაო“.

## X

თაღლაურა და ყამარი  
ჩაბრძახებასა მზისასა.  
ჰალაზედ ჩამოდიოდენ  
საარტნოდ იერის გზისასა.  
წინ ლეკი შემოეყარა.  
ხანში შესული ბებერი.

თ ა ღ ლ ა უ რ ა

შენაც იქ იყავ, რჯულ-ძაღლო,  
რომ მოგაშორო კისერი?!



## ლ ე კ ი

თუ კი შამკადრებ მოხუცსა,  
რა ძლიერ გაგიჟირდება?  
გამიშვა, — ბევრი შეგაქვებს,  
სახელი დაგიღირდება.  
წავალ და ყველგან ვიუბნებ,  
თუნდა არ მოვხვდეთ გზობასა,  
მე ბევრჯელ შევთხოვ უფალსა  
შენთვის მშვიდობით ყოფნასა.

## თ ა ლ ლ ა უ რ ა

სანამ არ მოგკლავ, ნუ მოჰკვდე,  
მოხუცებული დროული,  
დღეითგე პირობა მომე,  
არ იყო ფშავის წვეული.  
ეხლა შენც მშვიდობით წადი  
და მენაც გამარჯვებითა.—  
თვითონ პირთაქვე დაბრუხდა,  
გამოისტუმრა შეებითა!  
გველმა მოწამლა რაინდი:  
შხამი მიჰყიდა ვერცხლადა,  
ლეკმა გასწივა თავშალმე,  
კელობით ხურა-ხურადა.  
ცხრა-ათჯერ გადააბიჯა,  
თავბრუხვით იპარებოდა,  
რომ ნახა თალლაურაი,  
უკან არ იხედებოდა.  
თოფის კვესს ხელი გადმოჰკრა,  
უნახა პირის წამალი.  
ზურგსა ჰკრა, გულში გაჰვარდა,  
მუხლი მოეჭრა მავალი.  
გაშრა და დაღონდ-მოღონდა,  
ჯერ გამოქცევას ჰლამობდა,  
რომ ჰნახა მძიმედ დაჭრილი,  
ჩამოვარდნილი წვალობდა.  
იწვედა, ვერა ჰდგებოდა,  
თუმცა ძალიან ჰცდილობდა,—

მაშინ კი გული მოეცა,  
მარჯვენაც უნდა ციცასა;  
გამოქცეული მიჰვარდა...  
ქალი ქვას დაჰწვდა კლდისასა,  
თავში ჰკრა, დაბლა დაამხო,  
ტვინი ურიევა მიწასა.  
მემრე დაჰკრილთან მიჰვარდა  
წიოკით, თმების წეწვითა,  
ნატყვიარს ხელს აფარებდა,  
სახეს უღობობდა ცრემლითა...  
ჰტიროდა გამწარებული...  
მის ცრემლი იორს ეწყვოდა;  
ჩიქილით ხევეა დაუწყო,  
გულამოსკენილი ეტყოდა:  
„შაგიხვევ, ეგებ არ მოგკლა.  
მოგიელის შენი ყამარი“.

#### თ ა ლ ლ ა უ რ ა

ეჰ, დედაკაცო!.. საწყალო!..  
სული წაეიდა მთავარი.  
წადი, დამეხსენ, ნუ ჰტირი,  
მე კარგად დამეძინება,  
ჩქარა დედა-ჩემს მიუღი,  
კიოთ მიგველოდინება.  
ეწუხვარ, რომ დღეის შემდეგა  
თვალთ ველარა განახო,  
აბა, შენ იცი, დედასა  
როგორაც შემინახო.  
თორემ რა ვუთხრა მერცხალთა?  
დრო-ჟამნი დაჰდგებიანო,  
რაც უნდა ბევრი ვაბრუნო,  
მაინც გაჰფრინდებიანო!  
გაჰფრინდე, წადი, დაგლოცაჲ  
ღმერთმა გაგაბედნიეროს,  
უფრო კარგი ყოფნა მოგცას,  
უფრო გაგამშვენიეროს.  
ტირილით ველარას მარგებ,

საბრალოს მიწის ტყვესაო,  
მომიგონოდი ოლომცა,  
შენსა და ჩემსა მზესაო.  
რაც უნდა ბევრი ვიუბნო,  
მე მაიხც უბედური ვარ,  
ისევ და ისევ შენს გამო,  
სიკვდილის უნებური ვარ.  
შენთან მეწადა სიციოცხლე,  
შენთავე მსურდა სიკვდილი...

### ყ ა მ ა რ ი

„ღმერთმა ნუ მიჰცას შენს ცოლსა  
სხვასთან გვირგვინის წადილი,  
როგორც აქ, ისე ცაშია,  
ერთადა გვქონდეს ადგილი“.  
უთხრა და თაღლაურასა  
მისწვდა, ასწვდა ხანჯარი,  
გულში დაიკა, დააკვდა,  
როგორც ლითონი შემდნარი.  
ლურჯო ფოლადის ხანჯარო,  
ცივი ხარ ყინულივითა!..  
მკვდართ მზეთაც გადაირბინეს  
მთის წვერნი ღიმილივითა.

### XI

ტყვეებმა სიხარულითა  
ერთ-ერთი ფეხით წაიღეს,  
და დილას მგლოვიარეთა,  
ეხლა სიმღერა დაიწყეს.  
თაღლაურაის საქებად,  
ლექსი გამოჰტქვეს გზაშია,  
და ისევ დღისით, სიძლერით,  
არტანს მივიდენ სახლშია.  
ჯერ თამარს გამოეცხადნენ,  
სევდები გაუნიავეს,

ეს მზეც ჩავიდა. დაღამდა,  
მაგრამ რად დაიგვიანეს?  
დედა ელოდა, ვახშობას  
ძილისა პირიც ჰყვებოდა,  
მოუთმენლობა დაეტყო  
თამარს, არვინა ჰჩნდებოდა.  
რათა ხანია ჩავიდა  
ვარსკვლავი შუადამისი,  
იჭდა და ცხარედ ჰტიროდა  
თამარი შესაბრალისი.  
დედა ვერ დააშოშმანა  
დობილის სუსუობამა,  
სულ შეშლილსავით გახადა  
შიშმა და ლოდინობამა.  
ხან მოეჩქროვის ფეხის ხმა,  
ხან და ხან ძახილსავითა,  
აბასტად გარეთ გავარდის,  
მუხლ-მარჯვე ყმაწვილსავითა.  
დაავლ-მოავლის თვალები,  
ფეხის ხმას დაიყურებდა.  
ერთი თუ ჰოტი იძახდის,  
ან ბუვი დაიკივლებდა,  
ან დაჰბერნებდა ნიავი,  
ოდოდა აზრახდებოდა  
და მოდარებულს ცაზედა  
ვარსკვლავი გათხოვდებოდა.  
ზედ კიდევ ძაღლები აჰტყდენ,  
გააბეს მადლა ყუვილი,  
ამას კი ველარ გაუძლო,  
თამარმ გაჰტეხა ღუმელი:  
„როგორ სხვა რიგად ჰყუვიან,  
ყური დაუგდე მყეფრებსა,  
აქისას ჩამოავლივეს,  
ვინლაც მიჰყავის მგებრებსა.  
ძაღლი ხომ ფიცხლავ გაიგებს,  
წყალნიც რომ იმღერიათ,  
როცა ჩვენ ვტირობ ბეჩავნი,

მაგათ კი უხარიანო?!  
ვის-რა არა ჰყავს მომგონე,  
არ უხსენებენ სახელსა,  
ვაჰმე! ვინ რა-რა მოჰშალეს  
მზესა და წუთი სოფელსა!“  
თავი იტირე, თამარო,  
და თაღლაურა შენია,  
იქნება ისაც მიჰყვანდეს  
და იმის მომალხენია,  
იჯექ და მოელოდინე,  
მითომ ხატში გითევნია,  
იმედის გადაწყვეტასა  
მოლოდინივ გირჩევნია.

1884 წ.

## საურობე

### I

დილაა შემოდგომისა,  
ნისლი ჰწევს ალაზანზედა...  
მთების წვერებზე—ღრუბლები,  
ისე თუ მაღლა ცაზედა.  
ჩუმად ჰწვიმს, ნისლი ჰბოჟირობს,  
მიეთ-მოეთობს წამზედა.  
ვაკეა. მასზედ უღრანი  
ხშირი ტყე ღიკ-ბარდიანი,  
კრიკინა, უსურვაზითა  
გამბული, ბურვილიანი;  
ქარი მიმუვლის, ეხვევა,  
ატირებს სურვილიანი.  
მიღის და არა ჰთავედება  
ქალა თვალ-გადუწვდენელი.  
ხშირი ტყე, ბალახ-კაკახის  
გულუხვად აღმომცენელი;  
მიყვარს შევნება იმისი,  
სიამის გამომცემელი.  
მარტუას, გულით ვნებულსა,  
რა მმართვეს ქალაქებისა?  
მალ-მალე მომაგონდება  
სახე იმ ალაგებისა,  
სადაც ჰდის ჯოგი ირმისა,  
და ბოლიქები შვლებისა,  
სადაც მრავალი კანდარი  
შემკული ლამაზობითა,

წელთ ბატონეს მიაბობს,  
გრძელ-გრძელსა ათასობითა.  
ძირს ჰხტება, ჰყვივის ხოხობი,  
მიმოჰქრის თამაშობითა!  
მეტქმევა: „ასე ვეება  
ქალა ვინ გააშენაო?  
ან გულის სატყვევნელადა  
ასე რამ დააშენაო?  
ნეტამც დაღალულ-ტანჯული  
მუღამ იქ დამასვენაო!“

## II

ამ ტყეს ბილიკი მიაჩნავს,  
უვეეს ველსა და ახოსა;  
მთელს ქალას ისე გაივლის,  
პირზედ არ აიხადოსა,  
რომ თვალი არვინ შეასწროს,  
არავინ დაინახოსა!  
ისევა ჰეინელავს, ნამებსა  
დაშლა, წკაპ-წკუპი გაუდის,  
ეს გზა სამგზავრო არაა,  
შარა სხვა მხარეს ჩაუდის.  
ამაზედ უფრო წყემსებსა  
ცხვარი და ძროხა დაუდის,  
ეხლა კი კვალი არ აჩნავს  
ამაზედ მოარულისა,  
ლაფი და ჰყაპი დიდია,  
არ არის სიარულისა.  
უეცრად ჩქამი გაისმა  
ჩიტების ყრიამულისა.  
ოლონდაც კაცი გამოჰჩნდა,  
მასთან სხვა ცხენიანაცა,  
ხმა-ჰკვასა ჰკრეფენ ორნივე  
ვაჟიც და კაბიანაცა,  
დგომა-სვენებით მოდიან,  
მოსაუბრობენ თანაცა.

## დ ა რ ო (ცოლი)

რა ცუდი დილა გათენდა,  
რა თინთი იქმნა მწყვედელი,  
თითქოს წვიმა და ავდარი  
ჩვენთვის შემოწყველი,  
ამ მგზავრობის დროს ოხერი  
ისე გვყავს გამოსეული.  
გუშინ რა კარგი დღე იყო,  
კაშკაშა სამოთხებურა,  
მთელი კახეთი ცხადად ჰჩნდა,  
იქიდან გამოხედულა.  
ვინ იფიქრებდა სადღეოდ,  
რომ ახლა ასე ეგულა?  
წვიმასაც არა უშავდა,  
ჯანლი რომ არ ეხვიოსა,  
ადვილი არის, ამ დროსა  
რომ გეზიც აგვერიოსა  
და კაცი მოულოდნელად  
ხიფათში გაეხვიოსა.  
კაცმას რა იცის, სად საფრთხე,  
სად აუდგება ხიფათი?  
მერე ეს ჭალა ლეკებსა  
აქვსთ, როგორც თავის ზინათი,  
იქნება ზედაც წავადგეთ,  
რა გაიგება იმათი?

## ი ლ ა ლ ო (ქმარი)

რამდენიც უნდა იწვიმოს,  
ღრუბლებმაც იბოჟიროსა,  
თუნდ ყოველ ქვა-ხის ადგილი  
სულ მტერმა დაიჭიროსა,  
მაინც მშვიდობით გაგიყვან  
საჩვენოს სანაპიროსა.  
ნუ გეშინიან, გენაცვა,  
არა იქნება უღვრთოდა,



წამოსვლა, ჩემო სიცოცხლე,  
ეხლავ გვერჩინა უთვოდა;  
სულ ხომ იქ არ ვისხდებოდით?  
მისვლას წამოსვლაც უნდოდა.

#### დ ა რ ო

წამოსვლაც, წამოსვლას ჰქვიან,  
აჰხირდი მეტის-მეტადა;  
მამამ რამდენი გეხვეწნა,  
რა იყო გასამეტადა,  
ერთი ღლე მისთვის, ან ჩვენთვის  
სიცოცხლის შესახებრებადა?  
განა სულ ჰწვიმდა, რა ვიცი,  
ერთხელ ხომ გადაიყრიდა  
და მაშინ...

#### ი ლ ა ლ ო

...იცი, ნემს-კავი  
ხომ არეინ ჩამოგიკიდა,  
თორემ ეგ ბაგე უერთოდ  
ზაგას არ წამოისვრიდა!

#### დ ა რ ო

თუნდც მაგრეც იყოს, არ ჰტყუვი,  
ეთქვათ, აღარც ეჭვი ჰქირია,  
ახლა ის მითხარ, რას იზამ,  
რომ დაგეხედეს ლეკის მზირია?

#### ი ლ ა ლ ო

რასა? და — შეხს თავს ვაჩუქებ,  
მე ჩემთვის წავალ გმირია  
ემანდ, რომ ჩარგვალეზულხარ,  
თმები რომ გაგიშლიაო,  
შენის გულისთვის მოვკვდები  
მაშ, თუ არ დაგიშლიაო?  
წავალ და ჩავეკონები,  
სხვაც ბევრი ჰყვავის იაო.

## დ ა რ ო

ილო, რა ტუბილადა ჰჩქამობს  
კილო მაგ შენის ხმისია!  
მე შენთვის მოვეკვდე, ისა სჯობს,  
არ იყოს შენის თქმისია,  
განა თუ მქვიან სიცოცხლე,  
და ცოლი კარგის ქმრისია?  
ძნელია, ღამე ტყეშია  
რა გზა არ გაიგებოდეს.  
რა ყინვა-ზრობით ცივზედა  
მთაზედ არ გაიძლებოდეს...  
და დიდს, უძირო ზღვაზედა  
ხიდი არ გაიდებოდეს.  
ძნელია, განთიადზედა  
ცა წშინდა ცვარსა ჰკრიდესა  
და მგლოვიარე ყვავილ ა  
ნამი ველარა ჰზრდიდესა,  
ვარამი გულ-ღვიძლს უწეწდეს,  
ღარდი თვალებსა ჰთხრიდესა;  
მზემ გადმოჰხედოს... და სევდის  
მას ცრემლი გადმოჰცვივდესა!

## ი ლ ა ლ ო

ეჰ, დედაკაცო, ნუ მოჰყე...  
რა დროს ეგენი არია?

## დ ა რ ო

მაშ, რომ ლეკები დაგიხვდენ,  
აჰტეხონ სისხლის ღვარია,  
ვერაფელს გაჰხდე, დაჰმარცხდე...  
ის როგორი-ღა არია?  
თუ დედა აღარ გაჯავრებს,  
იმას დაადგეს ნათელი,  
მამას ხომ ერთი შენ ჰყევხარ  
მარტო თვალების ამხელი;  
შენითაც ბნელაში ღარჩეს,  
ხელში გაუქრეს სანთელი?!

თუ იმას ამბობ, რომ ჩემთვის  
იტყვიან იმისობასა;  
აბა, ამაზედ რა ითქმის  
ეხლა შენს გამარჯვებასა,  
მოდის, გაჰწირე ცოცხალი  
ვინმე მკვდრის იმედობასა. —  
არა ჰხუმრობდა, და როცა  
ქალი ამეებს ჰგოდებდა, —  
ვაუკაცი წელში ახრილი,  
დინჯ-დინჯად მიაბოტებდა;  
ჰსხამდა და ხამუშ-ხამუშად  
ქარი ტყეს მოაქოთებდა.

#### და რ ო

სადარო პირი არ უჩანს,  
განა ვერ ჰხედავ, ჰქვიანო?  
ამისთანაში მგზავრობას  
განა მგზავრობა ჰქვიანო?  
დაბრუნდი, მერე წავიდეთ,  
ნუ მიხვალ, აღამიანო!

#### ი ლ ა ლ ო

ქალო, რას ჩამომჰიკვიებ,  
რას ფიქრებს წაუღიხარო!  
გადუტყორცნიხარ შორს სადმე,  
შავს ზღვაში ჩაუგდისხარო.  
ამოდი, შენი ჰირიმე,  
დაღონებული ნუ ხარო.  
დღეა, აქ ლამეს რა უნდა?  
ან ლანდს სევე-ყორნებიანსა?  
ან ტყეს ვაუევალს, უღრანსა,  
ან მთას თოვლ-ყინულიანსა,  
და იქ დარჩომილს ჩემს ტურფას  
წალკოტს ვარდ ბულბულიანსა?  
სანამდე მყევხარ, სულ დღე მაქვს,  
ასი მზე მიდგა ცაშია,  
ორი იმდენი დობილი,

მთვარე მინათებს გზაშია,  
მისხავ და მისხავ ვარსკვლავი  
ხშირი ცის კამარაშია.  
ღმერთი მალლა, დიაცო,  
დაბლა—მთანი და გორანი;  
აღვიმსთო მისდა—ძირს დარჩეს  
ქნახო სვავი და ყორანი.  
ზღვაზედ სავალად გემი მაქვს  
და მდინარეზედ—ბორანი.  
მომყე, გენაცვა, აქა-იქ,  
ნუ ჰწოწიალებ ფიქრითა,  
ნუ მარაგდება თვალები  
შენი ლანდების გიშრითა.  
თავი დავლუპო, ან შენა —  
წამოგიყვანე იმითა?  
ბალი მაქვს იგეთ-აგეთი,  
გარს ზღუდე—ხუროს ნაგები,  
ქვა-ქვიშად—თვალ-მარგალიტი,  
აქვს ლალ-ბივრიტის თალები;  
უჩემოდ ვერვის მიართვეს  
იმის ბჭის კარის საღები.

### III

ცოტა ხანს აყრა დაიწყო,  
იტყოდი, „გაიდარებსა“.  
ჯანლი დაჰწყდა და ფარებად  
ქალაზედ ყოველ მხარესა,  
აპყვა და მალლა მოექცა,  
ცასა და მთების თავებსა.  
მოჰსქდა და ისევ დაუშვა.  
ცა კი გმინავდა, ჰმუჭრობდა,  
ჩამოშხუოდა ღვარები,  
რა რომელს გამოუსწრობდა  
ქალაზედ ნისლის ხროები,  
ერთი სხვას შემოუძლოდა;

თეთრ ბუწუწივით ირთხმოდა,  
ძვრებოდა, მაღლა ჰხრჩოლავდა,  
ტყე საუბრობდა ტურფადა,  
თავით ძირამდე თრთოლავდა;  
მანანას ხშირად იბერტყდა,  
როდესაც შემოჰქროლავდა;  
ჰალა თან-და-თან გახშირდა,  
ბარდები ბარდებზედაო.  
ხე ჯაგთან გელარძნილიზედა,  
კორუმი კორუმზედაო,  
ისეა გადახელანჯული  
გამბული ერთ-ურთზედაო,  
რომ ადღზე ვერ-რას გაარჩევ,  
გზიდამ რომ გაიხედაო.  
ილალოს გულში თავისა  
და ღმრთის იმედი დიდია.  
ქალიც გულზეა მოსული  
კაი ქმრის გადამკიდია;  
ის არის ამის სიცოცხლის  
სიმაგრე, გზა და ხიდია.  
მიდის ვაჟი და მიჰყვება  
ქალი, სამოთხის ყვაველი,  
ისე, როგორაც გაზაფხულს  
ფოთოლჩირთი და მწვანელი.  
ილა ბევრს ჰფიქრობს და ცოტას  
იტყვის, არ უყვარს ჩხაველი.  
უვარაუდოდ არც ეხლა  
დაჰრჩა, რაც გამოდგებოდა,  
ამ მგზავრობიდამ, მის ფიქრით,  
საფრთხე არ წარმოჰდგებოდა;  
განგება-შემთხვევეთა თუ  
რამე არ ამოჰტყვრებოდა.  
მიზეზად ესენი ითქვას,  
თუ ხსნა დავუწყოთ იმითა,  
რომ შარას მარტო მთხოვარა  
დაჰყვება ფხროკი გუდითა,  
და არა მელა დღისითა,

თავის ფამფალა კუდითა, —  
ილალო მაინც ჩაეფლო  
თავის სჯა-ვარაუდითა.  
როგორც ნაპირას დამფრთხალი  
კალმახი მოჰხედეს ტუმბოსა,  
იქ ორაგული დაუხედეს,  
ეცეს და გადაყლურწოსა, —  
სწორედ იმგვარად მოუხვდა  
მაშინ ჩვენს ბეჩავს ილოსა.  
ამ გეზზედ ექვსიოდ ლეკი  
ერთ ხის ქვეშ მიხნუშტულადა,  
ჰსხდენ ისე ნაბად-მოსხმულნი,  
თავისთვის მეცხვარულადა,  
თითქო გამვლელის ვისიმე  
ეჰვიც არ ჰქონდათ სრულადა.  
ჩვენი ილალო ფხიზლადა  
იყო ხომ თავის გულადა,  
მაგრამ ვერც იმან ჰნანნა... და  
წაადგა ბერყაბულადა!  
თვალში ჩუჩუნი დაიწყეს,  
უცქერს, თუ ვინებიო,  
სწრაფად ადვენ და მოდიან...  
იცნო, რაც კაცებიო.  
შეჰდგა, აქ უფრო ვიწროა,  
ირგვლივ სულ ბარდებიო.  
ქალს ელდა ეცა, მაშინვე  
გაფითრდა, დარჩა შტერადა,  
მერე ცხენილამ გადმოხტა,  
ნაბადიც ვაჰკრა ხელადა.  
აენტო, როგორც არწივი  
საკბილოს შესაჰმელადა,  
თავის განწირვა ტურფაა,  
ძნელია დასაწერადა.  
ცხენი მიაბა, ქმრის გვერდით  
დადგომას დააპირებდა,  
ილალომ თოფი გადაჰცა,  
ერთ ადგილს დაადგინებდა;  
დასამშვიდებელს ეტყოდა,

იმედით დაათრებდა.  
თვითონ წინ გადაეყუდა,  
დაპდგა კრინტ-გაულბელი,  
ჯერ ბელადია და მერე  
ყველა იმისი მხლებელი,  
რაცა ჰწადიანთ, ცხადია,  
არ არის გაუგებელი.  
მაშინ სუყველა ისინი  
იყვენ ასეთი აზრითა:  
„ფეხებში ჩაგვივარდება,  
სანამდე რასმე ვეტყვითა“.  
მაგრამ, რომ არავინ მიდის  
მათთან ჩოქით და რიღითა,  
ეწყინათ, „თავსზარი დავცეთ“,  
პთქვეს, „ტყუილად-ლა ვიციღითა,  
შემოუწყვილეს ხმა-მალა,  
მოჰყვენ რაღაცა ლულულდსა!  
ილალომ ჰკითხა: „რად ჰყვირით,  
ან რატომ იღენთ აღმულსა?“  
ინახებებიან ლეკები,  
ვერა ჰხვდებიან ქართულსა.  
„რა გნებავთ?“ გაუმეორა  
ილომ თათრულის ენითა;  
უპასუხებენ, „ძმობილო,  
დავშევრით ფუჰად ღენითა,  
უნდა ბატკნები წაგვესხა  
ჯურჯისტანს გადმოფრენითა.  
დღესნამდე ვერ-ვინ ვიშოვნეთ,  
ეხლა შენ შემოგვეყარე,  
მოულოდნელად მოგვიხვეილ  
კინალამ გამოგვეპარე.  
ნულარ გვაყოვნებ, საჩქაროდ  
აბჯარი გადმოგვიყარე,  
შუა ჩაგვიღეგ, წავიღეთ,  
ქალიც თან წამოიყვანე“.

ი ლ ა ლ ო

მარტო ეგ... გარდა მაგისა?  
სხვა კი აღარ-რა გნებავსთა?

ბ ე ლ ა დ ი

ვიციტ, კარგი ხარ, მაგრამ ჩვენ  
ტრაბანს არ დაგიხედავთა,  
ჯერ ტკბილად გირჩევთ და მერე  
ძალასაც გაგიბედავთა;  
ჰნახავ, ურჩობა, თუ მაშინ  
არ დაგრჩეს სანანურადა.

ი ლ ა ლ ო

ეგრე ტრაბანს და მუქრობას,  
ლეკებო, გიჟმაჟურადა  
არა ჰჯობია, დაიწყეთ  
და მოჰრჩეთ ვაჟკაცურადა?  
სიცოცხლე ღმრთის მოცემული  
და ცოლი მშობლის მიერა,  
იმიტომ მახლავნ, რომ ვინაც  
ძალდი შემხვდება მშიერა,  
ერთიც მას მივცე და სხვასაც  
ის ექრმოს ჩემმაგიერა?  
აბა დაიწყეთ და ვნახოთ  
ვინ გახვალთ შუღლის ბოლოსა.

ბ ე ლ ა დ ი

ჩქარა დაგვნებდი, თორემა  
აგკუწავთ, როგორც ღოლოსა! —  
უჰყივლა ლეკმა ხმლის მოწვდით,  
და სხვებმაც დაჰცეს კიჟინა,  
მაგრამ ქართველის ფრანგულმაც  
მაშინვე ამოისტვინა!  
ასე ჰდგან ტოკვით შებმის წინ,  
როგორც ვეფხვები ბწკალზედა,  
სხვები კი სეირს უცდიან,  
ჩუმად ჰყუდიან განზედა.



ბელადმა კიდევ დაჰჰყიელა,  
კიდევ დაპთხოვა მუქარა,  
მაგრამ არც დათმობა არის,  
არც ზენარობა, მუდარა,  
სირცხვილ-ნამუსზედ ჰწადიან  
ვაუკაცს ჩაიცვას სუდარა.  
უკან მიჰდგა და წარმოჰტქვა  
ლეკმა, „შეჰხედეთ ძალსაო,  
რაზედა ჰკარგავს სიცოცხლეს,  
რაზედა ჰლუპავს თავსაო?!“

### ი ლ ა ლ ო

ძალდი მე კი არ, თქვენა ხართ,  
რომ ტყვილად მტაცებთ გზასაო,  
თორემ მე ჩემთვის მივდივარ,  
არავის ვერჩი სხვასაო.  
რა არის გასაკვირველი  
მე ვიდგე ვაუობაზედა? —  
კაცი მოკვდება ცოლზედა,  
მამულზედ საკუთარზედა,  
მაგრამ რომ ვინმე თქვენგანი  
მოჰკვდეს ამ ხელობაზედა,  
მაშინ რა ითქმის იმისა  
სულსა და კაცობაზედა!  
თქვენ იმედი გაქვსთ სიმრავლის,  
არ ექვობთ ჯობნებაზედა,  
მაგრამ ეგ ღმერთზედ ჰკილია  
და იმის განგებაზედა.  
თქვენ ხომ ჰყოფილხართ ვაუები,  
მაგრამ არც მე ვარ ბეჩავი,  
თუ თქვენ ხმლები გაქვსთ და გიჭრისთ,  
არც მე მბავს გაულესავი,  
თუ თოფებს იტყვით, არც მე მაქვს,  
გაურთავ-გაუხედავი.  
თქვენ თავის რჯულზე ჰლოცულობთ,  
მე კიდევ ჩვენებურადა;  
ვინ იცის ბედი რომლისა

იყვირებს ხარებულადა?  
ან ვისი შავებს ჩაიცვამს,  
იტირებს ქალებურადა?  
ვთქვათ: ვერ მოვშველდით მე და თქვენ,  
გაგვიხდა საჩხუბარადა,  
მე დავრჩი, ჩემთან თქვენც ვინმე  
ყვაე-ყორანთ საწიწკნელადა,  
სხვები წახვედით, არა ვპოტყვათ  
„რა მიგაქვსთ სასახელოდა?“  
მკვდრისათვის მკვდარი... და მერე  
რა გრჩებათ გასამრჯელოდა?  
არ ჰკობს დავშორდეთ ერთ-ერთსა  
უბოროტ-შეუმთხვეველოდა?  
თორემ, ხომ ჰხედავთ, თქვენთან მეც  
ხმალი მაქვს ამოღებული,  
ეს იმას ამბობს, რომ როცა  
მტერი მყავს თავ-დაცემული, —  
მაშინ მეც სასიკვდილოდა  
თავი მაქვს გადადებული“.  
თვალსა და ყურსა ურჯულო  
ყველა მას შეაჩერებდა,  
რსეთის რიხით ამბობდა,  
თვალთ ცეცხლს გააკვესებდა,  
რომ თავზედ შეუზავთავად  
არავის შეახედებდა.  
მიჰხვდენ, რომ კარგი არ იყო  
იმასთან გამოხუმრება,  
მაგრამ არც ისე მშვიდობით  
ჰწაღდათ მათ გამოსტუმრება,  
და ერთხელ კიდევ ბელადი  
სიტყვაში შეაჩიბრება:  
„აუა, ძმობილო, უბნობა  
გაეუშვათ ტკბილის სიტყვითა,  
მართლმორწმუნეებს არ ჰნათვლვენ  
საქრისტიანო წირვითა,  
და არც მგელს ჰკვებვენ, როგორც ცხენს  
ნამ-უცემელა თივითა,

მგლის ფასი ქურჭზედ და ვაჭრის  
იმის ლარზედა ჰწერია;  
ვერ მოპრიგდებით, თუ ზოგში  
შენაც არ დაუჯერია.  
თვალი მგელს ცხვარზედ, და ვაჭარს  
ფულეზედ დაუქერია.  
საგანგებო პირს ოსტატი  
ხანჯრისას აწრთობს ქონშია,  
და თეთრიც მიეც მენავეს,  
თუ ვერ გახვიდე ფონშია“.

ი ლ ა ლ ო

რა ცხენიც გნებავსთ, ნუ მკითხავთ,  
თქვენ აარჩივეთ ჯოგშია.

ბ ე ლ ა დ ი

ორივეს ქება არ უნდა,  
არც ერთს არ დავიწუნებთა;  
ოლომც ნაბიჯით იარონ,  
განაკი გავაქენებთა?  
შინამდე, თორემ მერე კი  
დიდხანს არ გავაჩერებთა,  
გავართომთ ხელს და თუ ამით  
შრომის ფასს დავაყენებთა,  
მაშინ იმ მოვაკრესაც დიდს  
მადლობას მოვახსენებთა.  
ამ სიშორიდამ რომ არეინ  
გაჰსარჯო სიარულითა,  
ეხლავ გირჩევენავ დაჰბრუნდე  
გულითა მხიარულითა.  
ვიცი, რომ სავსეები გაქვს  
ქილა-ქოთნები ფულითა;  
ის სამოთხესაც კარს უღებს,  
იქ კი ტყუილად ობდება,  
რად გინდა? მოუხმარებელს  
ემმაკი დაჰპატრონდება;  
გაჰხსენ და გადმოგვითვალე,

გული ნუ დაგიღონდება.  
ორივეს სახსრად ჩვენ ორმოცს  
თუმანსაც შეგჭერდებითა,  
თუ ყაბული გაქვს, გაგიშვებთ  
და წადი გამარჯვებითა;  
წასვლით კი მარტო უნ წახვალ,  
ქალს აქ გაუშვებ იმითა,  
რომ შენის წასვლა-მოსვლისა  
ჩვენ არაფერი ვიციოთა;  
და რომ არ გაგვთქვამ, მასზედაც  
უნდა შეგვეკვრა ფიციოთა.  
ჩვენ კიდევ თავდებად ღმერთსა  
და წვერს დიდ მაჰმადისასა  
მოგცემთ, რომ, როგორც გმობასა  
არ ვიქთ მათ სიღიღისასა,  
ისე ცუდ სათქვამ-საქმნელსა  
მაგ შენის ყვავილისასა.

#### ი ლ ა ლ ო

მეც გეფიცებით იესოს,  
ძეს ზეციური ღმრთისასა,  
რომ არც ვაფწირავ ქალს აქა,  
არც აღმანს მოგცემთ მისასა,  
და რომ დამთანხმდეთ ამისას  
წყაყანას დედ-მამისასა, —  
მაშინ კი უარს არ გეტყვით,  
რომ არსად წაგივიდეთა,—  
ქალი, რა მშობლებს მივგვარო,  
მე აქვე მოგივიდეთა,  
და არც იმაზედ, რომ ჩემგან  
სიტყვა არ გაგივიდესთა.  
თითქო უწინვე ამ პასუხს  
ელოდენ ქართველისგანა,  
ბედენად არ შეიცვალენ, —  
მტრები ამ სიტყვებისგანა...  
და „სარა ვქმნათო?“ პასუხს რო  
ელოდენ ერთ-ურთისგანა, —

მეშვიდე ლეკიც გამოჰჩნდა  
 ამ დროს მეორე მხრიდამა;  
 მოვიდა, ერთ-ურთს რაღაცა  
 ჰკითხეს, იუბნეს დიდხანა.  
 მერე მოსული მობრუნდა  
 და უთხრა: „გურჯო, იციო,  
 რომ ცული ვინმე გვეგონო  
 და არა კაი ბიჭიო, —  
 მაშინ არც დაგენდობოდით,  
 არც გეწამდა შენი ფიციო.  
 მაშინ მაგ შენის გიჟობით  
 ვერ მოგვრჩებოდი იაფად,  
 დღეს ღამედ გადაგიქცევდით  
 და წვიმას — სისხლის ფიალად.  
 მაგრამ, რომ გითქვამს, იმისა  
 გამო არ მოგიძულებთა,  
 რადგან დაბრუნვას გეპირდები,  
 ერთს ჩვენაც აგისრულებთა,  
 წადი... და სხვაზედ რაზედმეც  
 არ-რაზედ გაიძულებთა,  
 მხოლოდ ის წელან ნათქვამი  
 გაიმეორე ფიციოთა,  
 შიგ მოსვლის ვადაც დაგვიდეც  
 კარგად დღის ანგარიშიოთა,  
 და მერე აღარც გაბრუნებთ,  
 გაქწიე შენის გვრიტიოთა“.  
 ილალომ სიამოვნებით  
 მაშინვე დაუჭერაო,  
 შეჰფიცნა ხვალე მოსვლაზედ,  
 პირჯვარი დაიწერაო,  
 ენდნენ, გაუშვეს, წავიდა,  
 აღარ-ვინ გააჩერაო.

#### IV

ჩვენი მგზავრები მიდიან,  
 არსად არ შეუცდიათა,

კარგა ხანს ერთმანერთისთვის  
ხმაც კი არ გაუციათა.  
რა მოხდა? საით მიდიან?  
თითქო ვერ გაუგიათა.  
ეს ქალსა, თორემ ვაჟკაცმა  
ნიაღამ ყველა იცოდა,  
ფიცი და სიტყვა მისგანა  
თავის განწირვას ითხოვდა.  
პთქვა და გადაჰქრა... იმაზედ  
ეხლა როდილა ჰფიქრობდა.  
ჯვარი ზოგ ივერიელსა  
სულ სხვანაირად ჰხიბლავდა,  
ის იმისათვის ჰკვდებოდა,  
მისთვის სიცოცხლეს ჰწირავდა.  
ამიტომ შავბედლობისა  
ზღვა იმას ვერა ჰძირავდა;  
რამდენსაც მიმოაწყვეტდა  
და ჩანთქმას დაუპირებდა,  
იმდენჯერ ჯვარით გულზედა  
ნაპირსვე გამოჰცურებდა.  
ან ფიცის საწინაღმდეგოს  
ილოს რა მოაფიქრებდა  
ცხადად, როდესაც სიზმრადაც,  
არავის აპატივებდა?!  
იქნებ პთქვათ: „ანა ჰდარდობდა,  
ან რისმე მომდურავ იყო?“  
— არა, პირიქით ისეთი  
მშვიდი და მხიარულ იყო,  
თითქო ამას წინ ტოლებში  
ზეიმ-ნადიმზედ ჰმჯდარიყო.  
მას გულის სიღრმეს ჰმნადისას  
იმოდნად გაუდიდებდა,  
რომ არა ქვეყნიურ ღვაწლის  
სიამეს აგრძნობიებდა.  
ცას ეკუთვნოდა სულ-ხორციით,  
ფიქრს აღარ აცოდვილებდა,  
მაგრამ სურვილი საუბრის

დიდი ჰქონდა... და ეწადა,  
 რომ სრულ დაეფქვა სათქმელი,  
 სადაც კი რაშე ებადა,  
 და ქალსაც უჩუმობისა  
 პირბადე ჩამოეხადა.

უთხრა: „რალაზედ ჰწუხდები,  
 ესაც ხომ გამოებრუნდითო,  
 ვინც გაშინებდენ დილასა,  
 იმთაც გადაეურჩითო;  
 მაშ რად არ მეტყვი, რადა ხარ  
 ჩამოშვებულის ტუჩითო?  
 მომესაუბრე, გეთაყვა,  
 ზოიხსენ სევდის რიდეო,  
 რა დაგიშავე, გეხაცვა,  
 ღვალი რად ამარიდეო?“

— განა მოერჩები ვარამსა  
 ჩე, შენი გადამკიდეო?  
 — რა წავახდინე მითომა,  
 ავი რა გადაგკიდეო?  
 — თუ არა წაახდინე რა,  
 არცა-რა გაარიდეო,  
 — თუ ვერ გაიგე, გიამბობ,  
 ჩემო სიცოცხლის კიბეო!  
 — თავი სიზმარში მგონია.  
 კაცო, რა ჰქმენი, რა იყო?  
 — ისა, რომ მტერი დაგვიხვდა,  
 ჩვენთვის სიკვდილი მზად იყო,  
 მაგრამ ღმერთს მადლი, გადაერჩით,  
 ალბათ განწირვა არ იყო.  
 — საკვირველია, ღმერთმანი,  
 როგორღა დავეხწივენით?  
 — ხომ ჰნახე, მე და ის ძალღი  
 ერთიხელ ავიხირენით,  
 ბეწვი გაგვიწყდა, გულ-და-გულ  
 სანამღე წავიკიდენით.  
 ღმერთმა უშველოს, ამ დროსა  
 მუსა არ წამოგვადგაო!

ბევრჯელ დავუხვდი გომზედა,  
 გაუუმასპინძლდი კარგაო.  
 ნიციო. „რას ერჩით მაგ კაცსა?“  
 ეუბნა, უქადაგაო,  
 და ბოლოს შენაც შეიტყვე,  
 ღვაწლი არ დამეკირგაო.  
 — რას შევესწარი! გენაცვა,  
 დაიცა, ისაც მითხარი,  
 რა საჭიროება იყო,  
 რად დაიწერე პირჯვარი?  
 — რომ შენს მეტს არვის ვეტყვოდი,  
 ვიყავ იმისი მფიცარი.  
 — რასა?  
 — რომ მავან ადგილას  
 ეს და ეს კაცებიო,  
 განა არ იცი, ყველაყას  
 თავისთვის ეშინიაო.  
 — მაშ, აქეთ რაღად მოვდივართ?  
 მე ეს ვერ გამიგიაო.  
 — მუსამ ის მ-თხრა: „დაბრუნდით,  
 გზაზედ სხვა ლეკებიო“. —  
 მაშინ კი ისევ გაცოცხლდა,  
 ქალს შევება შეემჩნიაო.  
 ილალომ უთხრა: „დაბრუნვის  
 ბიზნად გასაწამები  
 არ უნდა იყოს ვისთანმე,  
 სხვა უნდა ითქვას რამები“. —  
 ქალიც მიუხვდა მაშინვე,  
 რაზედაც დაარიგებდა;  
 აღარცა ჰწვიმდა, გადგლო,  
 ქალა თვალს აახილებდა,  
 ტყე ცრემლეობდა, მიზეზს კი  
 მისას არ გაამხილებდა.  
 ფრინველი ჟივილ-ხივილით  
 ხეებზედ დაფრიალებდა,  
 შემკრთალი ციყვი თრითინით  
 ცოდვა-ბრალს ატრიალებდა.



დასალამოხნდა. ნადირი  
სხეც ადგა, ხეტილებდა,  
ტურა აჩხავლდა და მგლისა  
ჯოგი, რა იღრიალებდა, —  
ის ტყე მთლად თითქო იძრვოდა,  
ქალა სულ ბირდგნიალებდა.  
ნელისხან ხარმა ირმებმაც  
აქა-იქ გამოჰგმინესა,  
სურვილის გაგიყებულსა  
ფურების მომლოდინესა  
ხარს არც დგომა აქვს, არც წოლა  
უწიშარს სალოგინესა.  
ღომ გულ-ხარბად იყურა  
ღა არეული გუგუნნი.  
ღმუვილი ტურა-მგლებისა  
ღა ხარ-ირმების ბუხუნნი, —  
აჰლელდა, რალაც-ნაირად  
გულმა დაუწყო ჩუჩუნნი.  
— შენ, ჩემო თვალის სინათლეც,  
ქალს უთხრა, შეიძლებაო  
ამ ტურა-მგლების მღერაზედ  
იცოდე შეშინებაო?  
— ხან მეშინიან, ხან არა,  
ჩემი რა გაიგებაო,  
ეხლა კი ფიქრი არა მაქვს,  
ილო არ მომიკვდებაო.  
— მაშ რომ მოგცვიდენ, მაზედ-ლა  
რას იტყვი კარგუნელსაო?  
— ჭა, რაებს ამბობ, რა მიშავს,  
განა ვარ მარტოკელაო?  
— აცა, რომ მარტოდ გაგწირო,  
და თვითონ ხელ-და-ხელაო  
ციყვივით ხეზედ ავეარდე,  
აღარ ვჩნდე მუშტის ტოლაო?  
— მაშინ გურგენი იქნები,<sup>1</sup>

<sup>1</sup> „გურგენი“ — სასაცილო გმირი ფირდოუსის „ბეჟანიანისა“.

განა ილალო შენაო. —  
შთვარემაც გადმოაშუქა,  
მთა-ბარი დაამშვენაო,  
ქარს მოეტაცნა ღრუბელი  
მიჰქონდა სხვაკნისკენაო.

### ი ლ ა ლ ო

მაშ მარტო აქით შინამდე  
წახვიდე, არ იქნებაო?  
მე ირმებს დავედევნები,  
თუ ჰქვაში მოგიხდებო.

### დ ა რ ო

იპ, დილანდელი არ იყოს,  
ნუ იცი ახირებო,  
თორემ აქედამ მეც მივალ...  
ახლო ვართ, სოფლის პირშია.

### ი ლ ა ლ ო

შენი ჰირიმე, ლამაზო,  
არა გცოდნია შიშია,  
მაგრამ თავს არ დაგანებებ,  
უნდა მოგდივო ბიჭშია.  
შენი ვარ, შენთან ვიქნები  
ლხინსა და გასაჰირშია;  
ბევრჯელ მომიკლავ ირემი,  
ამოვთხეფილვარ სისხლშია,  
ეხლა კი აღარას ვერჩი  
ლამაზს შეილს ტყე-ველისასა,  
ფეხ-ფაქიზს, თვალმარდ, ყურცქვიტსა,  
პატრონს რქა-ბოჯოლისასა;  
მწყურთან დიდხანს ვისმენდე  
ჩქროსა მე მაგის ხმისასა.  
ვის რას უშავებს? მთელს წელსა  
მწირივით დაეხეტება,  
მხოლოდ ერთ-ორ დღეს ლილარი  
ფურისა მოეფეთება.

შექუნავს და ეძებს შემოლილი,  
 ხეს და ქვას შეახეთქება,  
 საჭიროც იყოს, ამ დროსა  
 თავს არვის შეაბრალებსა,  
 სატრფოს ძებნაში მოკვდება,  
 თავს იმას ანაცვალბებსა;  
 არც რას თავს დაემდურება,  
 არც რას სხვას დააბრალებსა.  
 მე ეს პირუტყვი მირჩვენავ  
 ბევრს და უამრავს მეტყველსა,  
 რამდენს გიჩვენებ იმათში  
 ირემზედ შეუგნებელსა,  
 აჯამსა, ავის და კარგის  
 შუა მძღვარ-დაუდებელსა,  
 სიყმე-სიბერის მატლივით  
 მძორში კაცობის მძებნელსა.<sup>1</sup>  
 ირემებმა პირი აიკრეს,  
 მგლის ჯოგი ისევ იბრძოდა  
 და იმათ ხმაში რალაცა  
 სიკვდილის ზარი ისმოდა.  
 ილალო აღშფოთებული  
 თავისთვის ასე იტყოდა:  
 „ღმერთმა დაჰწყველოს მგლის თავი  
 და მისი დასაბამიო,  
 სულ სისხლის წყურვილს გამოჰთქვამს  
 მისი თვალი და ჩქამიო,  
 არ ჰღირსებია უბედურს  
 სიკეთის ერთი წამიო.  
 ერთხელ პაპასა ვკითხევი  
 ეშმაკის შესახებაო:  
 „ვინ შეჰქმნა! მართლა არსებობს?  
 მწადიან მის გაგებაო“.  
 მანამდე მიპასუხებდა,  
 ზოგი რა მკითხა, ზოგი რა,  
 და ბოლოს ხელმისაწვდომი

<sup>1</sup> „მძორში კაცობის მძებნელი“ — გარყვნილი, ზნეობით დაცემული.

სიტყვებით მომინადირა;  
 მკითხა, ავის და ცუდის მეტს  
 რას იქს და ჰფიქრობს მგელიო?  
 — არც-რას... — ვის გაჩენილია?  
 — ღმრთისა, ვით ცა და ხმელიო.  
 აღარ-რა ვკითხე, გავიგე,  
 სახე კი ჩარჩა ხსოვნასა,  
 მტრებსა და მგლებსაჲც უფალი  
 ერთს მოაბამდა გოგრასა,  
 რომ ერთის ხმლის შემოკვერითა  
 ვერ გავიგებდი მოჭრასა.  
 რა ცოტანი ვართ, ვაჰ, დედას!  
 მტერი ურიცხვი გვხვევია,  
 ჯერ კი მივკაფავთ ლელოსა,  
 უკან არ დაგვიხვეია.  
 არ გაგვიქვრია სანთელი,  
 კერა არ შეგვიხვევია!  
 ღმერთო! ბატონი გვიცოცხლე,  
 ერეკლე დაუღალავი,  
 ვინა ჰთქვას მისი გმირობა  
 სიკეთე დაუთვალავი,  
 ვისაც ეტაკა, არ დარჩა  
 გაუტეხ-დაუძალავი.  
 მოუკვდეს ილო ბატონსა,  
 მაგ ქვეყნისათვის მაშერალსა;  
 მაგრამ ვინ მიჰცა შნობა  
 ზოგიერთს, სვინდის გამჭრალსა,  
 სიკეთის ნაცვლად შვილები  
 მოკვლას ვუპირობთ საწყაღსა!  
 ჯერ სულ რანი ვართ... და ისაც  
 გავრბივართ აქა-იქითა,  
 როსნამდე ასე ვიქნებით,  
 როსნამდე ასე მივდივით?  
 როდემდე მხოლოდ ბატონმა  
 გვინახოს ერეჯიბითა!<sup>1</sup>

<sup>1</sup> „ერეჯიბი“ — თოფი ხირიმი. ქართულ თოფს სხვა სახელებიც ჰქონდა, მაგალითად: ერეჯიბი, სტამბოლი, ისტამბოლი, ხარა, აჰარა, სიათა, მაჟარი, მაშა.

და ბედი ჩვენის ქვეყნისა  
ატაროს უბე-ჯიბითა?—  
შემდეგ ამ საუბარისა  
არ გაუვლია დიდხანსა,  
რომ ძილპირის დროს ილალო  
სიმამრთან უჯდა ვახშამსა.  
ჰქამდა და არხეინადა  
დააყოლებდა მაჰარსა,  
არ აჩქარებდა სათქმელად  
თავის დაბრუნვის ამბავსა.  
მერე კი, როცა სიმამრმა  
უთხრა, „დალივე, სიძეო,  
აკი გირჩივე, ვერ იელი,  
დაბრუნდი, არა გიძეო“, --  
მიუგო, „შენ ხომ მიშალე,  
მე კი მაინცა ვსინჯეო,  
როცა გამწუწა, შემნანდა,  
რატო არ იქვე ვიჯეო,  
დაბოლოს უწადინოდა  
უკანვე გადმოვბიჯეო“.  
ამით მოისპო დაბრუნვის  
მიზეზზედ გამომძეველობა.  
ძისი სიძაძრი ქართულად  
ხალბათად იყო, მსმელობდა;  
ილალოს ბევრი არ უსვამს,  
არც ჰამით ბევრსა ჰქმელობდა,  
დიდხანს არ გაგრძელებულა  
მალე გათავდა სერობა.

## V

რა აუმატეს სუფრასა,  
აღარც რა ალოდინესა,  
ილოს და მის ცოლს ოთახი  
საკუთრად მიუჩინესა.

საჩქაროდ მილაგ-მოლაგდენ,  
დაწვენ და დაიძინესა.  
სულ მოკლე ხანში ილოს მეტს  
ყველას ეძინა ტკბილადა,  
ის კი ბუმბულის ლოგინზედ  
ჰწუხდა, არ იწვა რბილადა,  
კარგა ხანს ასე მწოლარე  
მერე წამოჰდგა ფრთხილადა.  
რაფზედ სანთელი იწვოდა,  
ქალზედ სინათლის მფინარე,  
დამმარებულის გულითა  
ჩუმად ცრემლების მდინარე.  
რა ტურფა ჰჩანდა ამ დროსა  
ქალი მის შუქზედ მძინარე!  
ისეთი ლამაზი იყო,  
ისეთი გასაკვირველი,  
ისეთი მადლი ეხვია,  
ისეთი გამოუთქმელი,  
რომ ილო გაოცებული  
იყო იმისი მხილველი  
ილომ უცქირა, უცქირა,  
ჰთქვა, „რა ბედნიერად ჰძინავსო,  
ვინ იცის ეხლა ფიქრითა  
სად არის, სადა ჰფრინავსო,  
ხვალედა, როცა შეიტყობს  
ნეტავი რაღას იქამსო“.  
მერე ხატისკე მიბრუნდა,  
ფიქრით ცად აწეულიყო,  
შემლალადები საფრთხილამ  
იმგვარად დახწეულიყო,  
რომ უნებურად კაცისა  
სისხლში არ გარეულიყო.  
ლოცვამ გაუჭრა, გულიდამ  
სევდები გადაუყარა,  
ქალს დაეხარა და ნელა  
პირილამ კოცნა მოჰპარა.

გამოიყვანა შავ ცხენი,  
ლაგამი შემოუყარა,  
აისხა იარაღები,  
შეჯდა და გამოიპარა.

## VI

უმეცრად გავჩნდი ბუნების  
კალთაში გამოხვეული,  
წამოვიზარდე, გავიცან  
დედა, სიტურფე ფრქვეული,  
და დღესაც ნატვრით შევცქერი  
ქაღარა გამორეული!  
თორემ რა მე და რა შენა?  
ქვეყნად ვითა-ერთს უვლია!  
რამდენს უთელავ მთა-ბარი,  
ავი და კარგი უცდია,  
ხან სიხარულით უმღერნავ,  
ხან ცხარე ცრემლი უღვრია,  
და ბოლოს თავი დადლილსა  
მიწის ქვეშ ამოუღვია!  
ბევრი დამშვრალა თავისთვის,  
სარჩოს ძეგნაში გამწყდარა;  
სხვას თავი დაპვიწყებია,  
სიმართლის მძევლად დამდგარა,  
ხალხის ჭირის და ლხინისა  
მეოხ-მოზარედ გამხდარა.  
როცა პირველი ჭონსა და  
ფუფუნებაში ჩამდრძალა, —  
ამ დროს სიცოცხლე მეორის  
ჯვარზედ, ან ძელზედ მომრჩალა.  
ესაც მომკვდარა, ისაცა...  
მხოლოდ სახელი დამრჩალა!  
ავ-კარგისათვის რომ ბოლოს  
გარჩევა არ იპოება, —  
მის გამო ბევრმა საწუთროს

უწოდა ამოება.  
მაგრამ დღეს-ხვალოებითა  
დიდიე გამოვა დროება,  
ამ დროებასთან სიცოცხლეც  
ჯერ დიდხანს ირონიებსა.  
წინა კაცთ ღვაწლი შემდგომთა  
სიცოცხლეს უადვილებსა,  
და კაციც ამაგს კაცისას  
ფასსა ჰღებს, არ იცილებსა!  
დიდება მათ და ნათელი  
იმათ სულ-საიქიოსა,  
ვინებიც ჩვენის გულისთვის  
ჰწირავენდენ სააქაოსა.  
ვაშა და ხსოვნა-დიდება,  
იმასაც გაუმარჯოსა,  
ჰეშმარიტების გულისთვის  
ან შემდგომ გაისარჯოსა,  
და „უკვდავება“! ამ გზაზედ  
უკეთუ დაიხარჯოსა.  
ახ, რა კარგია მსოფლიო,  
რა საუცხოვოდ მორთული,  
და ტურფა სფერო ქვეყნისა  
იმაში გამონასკვეული!  
და რა უცვლელი წესი აქვს  
მის კერძოს შემოსაზღვრული!  
ვინ მიჰხვდეს ნეტა ღვთაების  
შემოქმედობის უნარსა?  
ვინ მიჰცეს ფასი სიცოცხლეს  
ზოგათათვის ფუჭს და უხმარსა,  
და ან ჰქვა კაცსა მცირე ხნის  
წუთისოფელის სტუმარსა.  
ახ, რა ბრმანი ვართ და ყრუენი,  
რა ჰია-მატლებრ მთუვენნი,  
რა სულ ერთ-ურთის საწეწად  
მშიერ მგელთაებრ მღმუვენნი  
და რა უძღებნი ავითა,  
მოშურენნი და მტყუანნი!



სიციცხლე ნადიმია და  
ჩვენ იქა ვსხედვართ საზმოღა,  
ამ ღმრთის სუფრაზედ ვის რა გერაჯის  
ერთ-ურთის საკამათოდა?  
კმარა, ნუ ვდრტვინავთ, ჩვენთვისაც,  
სხვისთვისაც სათავაზოდა.  
ნუ გძინავს, გონების თვალი  
მყოფადში გადავისროლოთ  
და ვსტქვათ, „სად მივალთ, რა ერარ:  
სიციცხლე გადავიშოროთ?  
არა ჰჯობია ერთ-ურთსა  
სიამით გავაძლებით,  
სანამ წამს ვეყვნეთ და ისაც  
სიმწარით დავალევიოთ?  
ახ, რა პატარა მატლია  
კაცი ამ ბუნებაშია,  
და მაინც რამოდენია  
ზოგ-ზოგი თავის ჰკვაშია!  
მთებს შეახედო, არ გაგკვლევს,  
იცინის გუნებაშია,  
თითქო ის იყოს სხვა არ-რა  
ამოდენს ქვეყანაშია!  
ეს კიდევ არც-რა, ჩემთვისა  
უფრო ის საკვირველია,  
რომ ზოგს მოყვასის შევრდომის  
ცნებაც ვერ მოუნელია.  
თავი კი ისე უზომოდ  
მოაქვს, რასაკვირველია,  
თითქოს სულ-გული შემომქმედს  
იმისთვის გაუმხელია!  
რა ითქმის ნეტა, არ ვიცი  
იმის თვალის და ყურისა,  
ვისაც რომ ინჩიც არა აქვს  
ერთ-ურთის სამსახურისა,  
თავი კი მაღლა უჭერავ  
ციური მოციქულისა!  
ვაი რა ვუთხრა მისთანას

ტუტუს და მატრაკვეცასა,  
ვინაც რომ მოყვარს ვერ იცნობს,  
თავის ძმასა და დედასა,  
და თავს კი „დიდად“ უყურებს,  
ეპოტინება ზეცასა!  
რა ვუთხრა კიდე იმგვარსა  
სულელს და ბატის ტვინასა,  
ვინც სივრცის საზღვარს ვერ ჰპოვებს,  
სხვასაც ბევრს იმისთანასა;  
ჰბჰობს კი და გვამცნებს ღმრთის ნების  
საკვირველს გამოცანასა!  
ვაი მის თავსა, მის პირით  
მითომ უფალი ჰლაღადებს,  
როცა მის სახელისთვისა  
ხალხთა გამუსრვას ჰქადაგებს!<sup>1</sup>

## VII

მე ჩემსას ვამბობ... და ილამ  
რა ჰქმნა, რომ გამოიპარა!  
ცხენზედ ჰზის, იმ გზას მიჰყვება,  
რაც გუშინ გამოიარა.  
მთვარე ჰდგას... სასწორ-მრავალმაც  
შუა ცა გადაიარა,  
ისევ ის ჩქამი მგლის ჯოგის,  
ისევ ის ბორგენა ხარისა,  
ტყის მეტი კერძო რა ჩანდა  
გალმა-გამოლმა მხარისა.<sup>2</sup>  
მოაწყდა ზვაეი ილალოს  
ფიქრების ნაორღვენისა,  
ვის შეუძლიან მოთხრობა  
მათის ან ნაასალისა?  
დიახ, მთელი გზა ილალო

<sup>1</sup> „ღმრთის სახელის გულისთვის“ მუჰამედმა კურანში იქადაგა საღმრთო ომი.

<sup>2</sup> „გალმა-გამოლმა მხარისა“ კახეთი: ალაზნის ორივე მხარე.

სულ ფიქრში დაინთქმებოდა,  
უმეტეს კაცის მკვლელობა  
საგონად გაუხდებოდა,  
და ბოლოს შესახებ მისა  
თავს ასე გაუტყდებოდა,  
რომ მოკლვა ურჯულოსიცა  
არავის შეენდობოდა.  
მაგრამ, რა ირგვლივ მტრის ურდო  
მოჰგონდა შემოხვეული,  
და მისგან თავის სამშობლო  
ათასჯერ მიმონგრეული,  
მაშინ კი ცეცხლი მოედვა,  
იტყოდა გადარეული:  
„ღმერთო, ნუ გაწყენ და რითმე  
თუ კი ჩემსი გავიყვანდიო,  
და ჩვენს მტრებს სათითოოდა  
სულ ყელებს დავლადრავდიო,  
მაშინ საეშმაკ-ქაჯოდა  
სულსაც არ დავზოგავდიო“.  
მაგრამ ვერა-რა გრძნობასა  
გული ვერ დააძლევინა,  
„იქნებ გიშვებენ?“ ამ სჯამა  
მას უკან დაახევინა,  
და დანაბოლოს ლეკებზედ  
თავისთვის ეს ათქმევინა:  
„თუ მაინც აღარ იზლიან  
და მიპირობენ ჩათქმასო,  
მაშინ კი უნდა ვკითხო  
მეც თავის მაჯა-აბჯარსო“.  
მისულა... აუსრულებლავ  
კიდევაც დაპირებული,  
გათენებულაც... ჩიტებსა  
ლხინი აქვსთ განშირებული.  
ლეკებსაც ნამაზი უქმნავსთ,  
ლამაზად დაწკეპილანო,  
სულ ტურტა იარაღითა  
საომრად დამზადულანო.

ჰჩანს, მოლოდინში არიან,  
მგლებივით დაჰკეპტილანო.  
რა მიმავალი შეჰნიშნეს,  
ჰსინჯავენ მუშტრის თვალითა...  
იცნეს, ის არის, სხვა არვინ,  
მარტოკა, თავის ძალითა,  
ფარ-ხმალი, წელში დამბაჩა,  
აქვს თოფი სპილოს ძვალთა,  
დაუახლოვდა იმათა,  
ესაც მტკიცედა ჰსინჯავდა.  
„კაცებო, აბა, აჰდეგით?  
ან რას მიპირობთ?“ ჰკითხავდა,  
ელოდა პასუხს: ღუშმანი  
რა რიგად გაიკითხავდა.  
„ბიკოს! შენა ხარ, მოჰსულხარ?  
ყოჩალ, რომ გამოჰცხადდიო,  
ავდეგით, გელოდებოდით,  
ალარც შენ დაჰგვიანდიო,  
ვიცოდით, მოგვიხვიდოდი,  
ფულებსაც მოგვიტანდიო“.  
— რომ არ-რა მომეტანოსრა  
ამ ჩემის თავის გარდაო,  
იმაზედ რალას მიპირობთ,  
შემატყობინეთ კარგაო.  
— მაშინ თუ ნებით ინებებ,  
ტკბილად წაგიყვანთ ყმადაო...  
და თუ შეჰდგები ძალზედა,  
წაგსვლია ყოფნის ვადაო,  
გიაურების სისხლისა  
მგლებივითა გვაქვს მადაო.  
— მაშ დიდიციეთ, რომ მართლა  
ეგა გაქვსთ განზრახულია?  
— ერთი უყურეთ, რას ამბობს  
ეს ღორის დაგდებულია.  
ანლა ამასაც უფიცე  
თავის ღმერთი და სჯულია!  
თუ არა გჭერავეს, გიჩვენებთ,

რაც არის ჩვენი ადამი,  
 აბჯარიც მოგვეც, მანამ არ  
 წაგვირთმევია ძალათი.—  
 როდილა არის ხუმრობა:  
 ქართველს თავს ადგას ჯალათი!  
 ისაცა ჰხედავს და ეტყვის:  
 -- არ მოველ იმადათ,  
 რომ თქვენთვის თავი დამეკრა,  
 გამოგყოლოდით ყმადაო.  
 რაც გნებაეთ, იმას მაგრე ვერც  
 იშოვნით იაფადაო,  
 მაგრამ არ მჭერავს ჯერ კიდევ,  
 რასაც თქვენ მეუბნებითა,  
 რა დაგიშაეთ? რა გაენეთ?  
 ნეტა რას გვემართლებითა,  
 რომ გვაწიოკებთ და გვესხმით,  
 მგლებივით გვეტანებითა?  
 კაცნო, ჩვენც თქვენი ძმები ვართ,  
 განსხვავებულნი სჯულითა,  
 და როცა გვხოცაეთ და გვცარცვაეთ  
 მტრობით აღსაესე გულითა,—  
 ჩვენ თავის კერაზედ ვსხედვართ  
 თავის ღვინით და პურითა,  
 სჯულიან-უსჯულოსთანა,  
 ძმურად ვცხოვრობთ და ვფრთხილობთა,  
 მაინც არავინ გვასვენებთ,  
 სულ ჩვენს ვნებასა ჰცდილობთა.  
 კაცებო! მოდი, დაჰდეგით,  
 საქმეს ნუ გადაბევრებთა,  
 კაცის მკვლელობა-ცოდვაში  
 ერთ-ურთს ნუ ჩაეაყენებთა.

### ლ ე კ ე ბ ი

არა, ქოფაკო, სოროში  
 ჩვენ მელს არ გავაჩერებთა,  
 თუ არ გამოვა, გამოვთხრით,  
 შავს დღესაც დაეაყენებთა.

## ი ლ ა ლ ო

მელის ტყავი ჰჯობს ნიადამ  
ტყეში ლანძილის კრეფასა!

## ლ ე კ ე ბ ი

— მაგასაც ამბობ? დაგვაცა,  
მაშ კი გიტირებთ დედასა,  
ჰნახავ, თუ ვერ გადაგიჩნხთ  
შუაზედ თავის კეფასა! —  
და ერთ წამს თავი ყველამა  
გაიკრა იარაღებსა. —

ღმერთმანი, პატრონ-აბჯარი  
ერთმანეთს უღალატებსა.  
ილალო წარბ-შეუხრელად  
შაეჭცა ავარელებსა:

— თუ სიკვდილი არადა გიჩნსთ  
თქვენ საით-სადაველებსა,  
ჩვენ რაღა გულგასახეთქად  
გვექნება აქაველებსა?  
მე არ მეწადა, მაგრამ თქვენ  
მაინც არ დამეხსენითა.

თუ ვაყები ხართ, იყვენით  
ცოტა ხანს სმენა-თმენითა,  
მინდა, რომ გითხრათ კიდევა,  
მერე, რაც გინდათ, ჰქმენითა.

რაც პირი გვქონდა, აქამდე  
არავინ გადავედითა,

არც გაგთქვით, ჩემმა საქმემა  
თქვენი არ გააბედითა,

ეს იმით, რომ ერთის მხრითა  
თქვენც კარგად მოიქეციითა.

მაგრამ მეც იარაღი მაქვს,

ხეს მაინც ავიფარებდი

და თოფს იღუმლივ გკრავდით თუ

ცხადლივ ვერ მოვიხმარებდი.

და რა ეს? სხვა და სხვას რასმეც

განა ვერ მოვიგვარებდი?

მაგრამ მე ერთიც არა ვქმენ...  
 თქვენ კი დამრიშხნეთ ისევა,  
 ტყვეობა-სიკვდილის ხმაზედ  
 ღვთაებაც გადაირევა.  
 ვგრძნობ, ჩვენი შეყრა ღლეისი  
 ღმრთის რისხვად გადაიქცევა,  
 მაგრამ რა რიგად მოვშველდეთ?—  
 აი ეს არის ძნელია:  
 თქვენ გამტევები არა ხართ,  
 მე კიდე—წამომსვლელია,  
 ნიადაგ ჩვენში სამართლის  
 ხმალია გადამჭრელია.  
 ახლა როგორა? ერთისთვის  
 შვიდნი ნიადამ ძალია,  
 შემირცხვეს შვიდნი ერთზედა,  
 მერე ხმლის სამართალია! —  
 ლეკებსაც ჰქვაში დაუჯდათ,  
 ერთ-ურთ დაუცეს თვალია,  
 ჰთქვეს: „სათითაოდ გამოვალთ.  
 არა-ვინა ვართ ქალია“.  
 ილომაც უთხრა: „ვინც მოჰკედეს,  
 თქვენ გედვასთ ცოდვა-ბრალია“.  
 ჩვენი და ერთიც სხვა დარჩენ...  
 სხვებმა დაუგდეს განია.

## VIII

არ გინახნიათ, როდესაც  
 ქარი დაიწყებს ქროლასა?..  
 ბალახს და შტოებს ხეთას კლდეც  
 თითქო დაუწყებს ყოლასა,  
 აირევიან ერთ-ურთში,  
 ტურფად შეიქმნენ თრთოლასა,  
 იგივე სახე დაჰყვება  
 საგულდაგულო ბრძოლასა.  
 მშულლარხი შიგით... და სხვანი

იქით ჰყუდიან გარესა...  
ესენი არცა-რა, და სხვებსა  
გულს რაღაც შემოჰყარესა.  
კლდე ჩუმად არის, ვინ ჰხედავს  
წყაროს, შიგ მოჩანჩქარესა?  
მხოლოდ ეს ომი არ არის  
უერთოდ გასათავები,  
ერთ-ურთის შესაჰმელადა  
გადაუდვით თავები.  
უმეცრის მტრობამ არ იცის  
მსწავლულის კილო-კავები,  
და ყველათ მარტო ორთათვის  
მიუბჯენიათ თვალები;  
გაუთამაშეს ერთურთსა,  
დაისაბლუქეს ფარები.  
ხელში შიშველა ხმლებითა,  
რა ერთ-ურთს დაეგანნენა,  
ქვანიცა უსინათლონი  
სამზერლად დაემზადენა.  
ჰღირანცა თვალის საჰრელად, —  
კარგები შეიყარენა,  
ურჯულოს ქართველის გაჰრობა  
ერთის შემოკრით უნდა რა;  
დასჰყვილა თავის ენაზედ,  
რაღაცას დაემუჰარა,  
ჩამოაცვითა ფრანგული...  
ილალომ ფარი უფარა.  
ფარის რგოლები დაუჰკრა,  
ხმალმა მხარზედაც უწია,  
აღარა ხანი გავიდა,  
ქართველმაც ჩამოუჰქნია.  
გალოებს მოჰხვდა... და ლეკმა  
ფეხები ამოიჰქნია!  
ილალო წელში გაჰწორდა,  
არ გაჩუჩვილა მეტადა,  
ჰყუდია, როგორც ჰვიტყირი,  
ამოყვანილი სვეტადა.



„მოდითო“, თითქოს ამბობდეს,  
„შხად ვარ თქვენს დასაფეთადა“.  
ახლა მეორე მოიჭრა,  
ხმლებმა დაიწყეს პრიალი,  
ილალო არის მშვიდადა...  
ლეკსა აქვს გულის ფრიალი.  
რა ჰქმნას? ვერ დაუმაგრებავ,  
გაჰფიცხებია ტიალი!  
ჰცემს, რომ არ იქმნა, ხმალს წვერი  
ვერსაით შეაყოფინა, —  
წვერწალმე ფარზედ-ლა დაჰცა,  
წყრთაზედ შიგ გააგდებინა.  
ილალომც ხელი გაუშვა,  
ფარი ხმალს წააღებინა,  
მერე თვითონაც შემოჰკრა,  
თავიც იქ დაადებინა.  
ორ-ორი კაცის სიკვდილმა  
მტერს ცეცხლი მოადებინა,  
ისე, რომ ბრაზმა მესამეს  
ალარა გააგებინა.  
ამლათზედ გაჰჩნდა და ხმალი  
შამოუგირგლა ილასა,  
ის მიჰდრკა... აჰცდა მახვილი  
და გამოეელო მიწასა.  
გურჯმაც გაუსვა და თავი  
წააჰკრა, როგორც დიფჩასა,  
კიდევაც უნდა არაყი  
წითელი დილის სიფთასა!  
მაშინ სხვა ლეკის შვილები  
სულ ცოფმა აიყოლია,  
დაიძვრეს დამბაჩაები,  
გამოიძაბა ბოლია.  
ბოლმა ხმა, ხმამა ლეკები  
ერთ წამს იქ მოიყოლია,  
და ხმალ-ხანჯლებით მებრძოლი  
ერთ-ურთში აიძღვეალაო!  
წამლისა ბოლი ნისლივით

მიწაზედ გაიშალაო,  
და ასპარეზიც რაინდთა  
თვალისთვის დაიშალაო.  
კვამლი ავიდა, გავიგოთ,  
დაიცათ ცოტა-ხანაო,  
ვინ დაპრჩა მთელი, სიკვდილმა  
ან იქ ვინ წაიყვანაო?  
ეჰა! იქ ჰყრია სულუველა,  
ილალოც თანა ჰტანაო!  
ცალკე ჰწევს მარტოდ, გულ-აღმა,  
ხმალი დაუდგავ გვერდითა,  
სატევარი და დამბაჩა  
არ აუხსნია წელითა.  
რალაც მწუხარე სიმშვიდე  
სახეზე გადაჰფენია,  
რომ ჰნახო, იტყვი; „ვაჟკაცო,  
შენი ჰირიმე, შენია,  
უფალო, გამოადვიძე,  
მშვიდობით ააყენია“.  
და სხვებსაც იმის გვერდითა,  
სისხლი რომ გადაჰდენია,  
დაჰკვლიო, იტყვი: „ესენიც  
სწორედ სიტურფის ძენია,  
თეთრ-ფეროვანნი, აყრილნი,  
როგორც ალვისა ხენია“.  
ამოგვენესს გული... და ფიქრი  
წაგიღებს რამოდენია!

## I X

დრო იყო სადილობისა,  
მზე დაჰდგომოდათ თავზედა,  
თითქო არ იძვრის აღარვინ,  
გაჩუმებულან ძალზედა.  
მაგრამ აგერა ტყიდამა  
უეცრად თოფის ხმაზედა,

ორი ვილაცა სიფრთხილით  
წამოჰჩნდა ნაომარზედა,  
ხელში შიშველა თოფებით  
გასასროლელად მზაზედა.  
რა დაინახეს თვის წინა  
დანოცილ-დასხეპილები,  
სისხლის ონჩორში ართული  
უბედო, ცოდვი-შვილები,  
ერთი იქ შეჰდგა, და სხვამ კი  
ჩამოუარა იმათა.  
„სრულ დახოცილან“, წარმოჰტყვა,  
„ზოგი გაუჭრავ ჭიმადა“.  
მერე ილოსთან მივიდა,  
სინჯვა დაუწყო ფრთხილადა.  
ეს ხომ ილოა. ახ, ნეტამც  
გვევლო პატარა წინადა.  
მუშტი ჩაიკრა გულს მაგრად  
და თავი გაიქნიაო,  
სხვაც იმავ წამში იქ გაჰჩნდა,  
ამბობს, „რა დაჰმართენიაო?  
ალალი იყოს ის ძუძუ,  
რაც ამას უწოენიაო,  
მარტომ რომ შვიდნი დახოცეს,  
უთქვამსთ: „არს საკვირველიო“.  
ერთი კი, ბევრთა მოკლული;  
საბრალო, სატირელიო,  
თორემ, დაიცა, გავსინჯოთ,  
იქნე ცოცხალი არიო.  
ორი ჰჭირს: ერთი ნახმლევი,  
სხვა კიდევ ნატყვიარიო.  
სულს ითქვამს... ალბათ საწყალი  
გულ-შემოყრილი არიო“.  
წყალი მოჰზიდეს მუჭითა  
გუბიდამ ამოღებული,  
ილალო გონად მოვიდა  
ცოტახან დასუსტებული.  
იცნობს და ეტყვის იმათა

წყნარი და გაოცებული:  
„ამ უკანასკნელს დღეშია  
აქ საით მომაგენითო?“  
მათ ჯერ წყლულები შეუკრეს  
ტანსაცმლის ნაკუწებითო,  
მიუსხდენ, თავით კალთაზედ  
მიირქვეს მზრუნველობითო  
და მერე უთხრეს: „ამ დილით  
ნადირობ წამოვედითო,  
თელიან კორუმს ვუვლიდით  
ირმების გუმანზედაო,  
როცა თოფის ხმა მოვიდა,  
ორ-სამი ერთ-ურთზედაო,  
„რაღაც საქმეა“, ვიფიქრეთ...  
მოვედით ქუხილზედაო“.

#### ი ლ ა ლ ო

მადლობა ღმერთსა დალოცვილს,  
რომ თქვენს ხელშია ვკედებია,  
ძმების ცრემლსა და მათ ხელით  
სამარეს ველირსებია.  
მოკვდე — ცოცხალივ ვიქნები.  
მკვდრებში არ გავითვლებია. —  
იმათ ნუგეში დაუწყეს,  
ჰკოცნიან ძმურად, ტკბილადა.  
„არაო“, ილალომ უთხრა:  
„ომი დამიჯდა ძვირად;  
ვგრძნობ, ნათელი მზე ჩემთვის დღეს  
ჩასული არის გრილადა“.  
იმათ ისევაც ნუგეში...  
ილალო ეტყვის: „არაო.  
რა ვუყვათ, რომა სიკვდილი  
დამიდგა მხარ-და-მხარაო,  
თქვენ თუ ცოცხლები დამრჩებით,  
ჩემთვის ისაცა კმარაო.  
თქვენი ჰირიმე, უთხარით  
ჩემებს თუ ვინმე მყავისა,

აქ, ჩვენს სოფელში, თუ სხვაგან...  
სულ საქართველო არისა;  
ოღონდ ამ გულზედ სამშობლოს  
მიწა და ქვიშა მეყაროს,  
თქვენ არ მოუკვდეთ, ილალოს  
გულზედ არ შემოეყაროს!<sup>1</sup>  
ერთს კი გთხოვთ, ძმებო, გენაცვათ,  
ეგები დამავალთო,  
უზიარები არ მომკლათ,  
მოძღვარი მოიყვანოთო,  
და ეგ ბრმა ძმები ჩვენები,  
სამარეს მიაბაროთო;  
თოფ-იარაღიც თავისი  
ყველას თან ჩააყოლოთო“.  
იმათ წაყვანა უნდოდათ,  
საკაცის გაკეთებაო,  
მაგრამ ვერ დაიყოლივეს,  
ილალო არა შეებაო:  
„ორნი ხართ, დაიხოცებით...  
მე ჩემი გადამხდებაო.  
ცხენია, ერთი შაჭექით...  
წაგიღებსთ ნიავევითა“.  
და მაშინ ერთი იქ დარჩა,  
ძმას ჩაპქქერს მზის სხივევითა.  
მეორემ პირზედ აყოცა  
მოწყვეტილს იმედივითა,  
ცხენზედ შეჭდა და გაპწია...  
წავიდა შიკრიკივითა...

## X

ერთ კვირის უკან შარაზედ  
მგზავრებმა შემდეგ სალმისა,  
დაიწყეს სორბოითლობა  
აქა-იქური ამბისა.

---

<sup>1</sup> „გულზედ არ შემოეყაროს“ — არ დაენადელოს.

— თუ ძმა ხარ,—ერთმა სხვას ჰკითხა:—  
ხომ არა შეგიტყვიანო,  
ცხონებულ ილოსათვის მღვდელს,  
მართლა ვერ მოუსწრიაო?  
— რა გაუგია, მოძღვარი  
მაშინვე ცხენზედ შემჯდარა,  
ჩქარა წასულა, მაგრამა  
ბედი სხვარიგად მომხდარა;  
იმის მისვლამდი საბრალო  
უზიარები მომკვდარა.  
— ახ, რად მოაკლო ღმერთმა ის  
უკანასკნელი ნუგეში.  
— ისა გგონია, რომ მაგით  
ჩაეარდა ცოდვის გუბეში?  
არა, არ დაიკარგება,  
არის ღვთაების უბეში.  
ცა მაღალია... და ღმერთი  
იქიდამ ჩამოგვეცქერისა,  
ის არის შეუცთომელი,  
მპყრობელი ყველაფერისა,  
იცი, რომ ავის მოქმედი  
არ იყო არაფერისა.  
განა ურჯულოთ დახოცვა  
ცოდვაში ჩაუვარდება?  
და დალოცვილ ღმერთს მითომა  
კიდევ არ გაუხარდება,  
თუ მაგათ სახსენებელი-  
ერთიან ამოვარდება?  
თორემ სულ საანდერძოა  
საქმე იმ ცხონებულისა,  
რჯულზედ და კაცობაზედა,  
როგორც თავდადებულისა.  
— დაუმარხნიათ ჭერამ-ღა-  
ნეტა სულკურთხეულიო?  
— განა არ იცი, ხალხიცა  
არ არის უმადურიო.  
ერთიან თავს დაჰცემიან,

იქით შინ წაუღიათო,  
და ამ დღეებში ბეჩავი  
კიდევაც მიუღიათო.  
— ღმერთო, რა გული ექნება  
მის მამას საცოდავსაო,  
საწუთროს გაწბილებულსა,  
ილალოს დამკარგავსაო.  
— გული და ბედი ეგეთი  
მხოლოდ ჩვენს დამწყევვარსაო,  
ცოდვა-ბრალს ხალხი დაეწვა  
უფრო კი დაროსასაო.  
— ნუ მეტყვი... არაფერი მწამს  
ქვრივების სიმწუხარისა,  
ბევრი მინახავს ღრუბელი,  
გადაყოლილი ქარისა.  
— ვინ.იცის. მაგრამ ყველაყა  
განა ერთ-ფერი არისა?  
ეგები ღმერთმა ნუგეში  
მიპცეს, უცხონოს ქმარიცა.  
— ამინო!—სხვამ დააყოლა,  
გამოისახეს ჭვარიცა!

## XI

რა ექნათ, თუ ვინმე ჰტიროდა  
კახეთი ისევ იქ იყო.  
მთათა სიმაგრეც იქავე,  
ერთ მხარეს შემადლულიყო  
და მისი თეთრი საყვავე  
ზეცაში შემალულიყო.  
აქეთ იგივე ტრიალი  
მინდვრები დაძაბულიყვნენ,  
და ზედ კახეთის სოფლები  
საამოდ დახატულიყვნენ.  
შუაზედ კიდე სადენი  
ალაზანს, დინჯ ზანზარასა,

ექმნა და მიიკლავნოდა,  
მოჰტყვამდა წარა-მარასა.  
გველვე შაპივით უვლიდა  
ტყიანს და მინდვრიანებსა,  
შორს სოფლებს, ახლოს ტყეებსა,  
ლერწმოვან, ჩალიანებსა.  
დარბაისელი მნათობი  
მზე ძველებრ აღ-ჩადიოდა,  
და გულით უხვი კახეთი  
ხშირი რთვლებითა ჰხვიოდა,  
მღერა და შვება — ლხინს იქდა...  
ღვინო წყალივით ჰდიოდა.

## XII

„მერე დარიკომ რაღა ჰქნას  
ყვავილმა გლოვიარემა?“  
იქნებ იკითხოს მის ამბის  
გაცნობის მნდომიარემა.  
„კი გაიყოლა ძაძები  
ღღეს სევდის მოზიარემა.  
აკი სილაღე და სევდა  
ამოხსნილია ღოლითა?  
ღღეს რომ იწვოდეს ცეცხლითა,  
იფარებოდეს ბოლითა,  
ხვალ ისე დაჰწვიმს... და მდელი  
შეიმოსება მოლითა?“  
—მდელი ჰო, მაგრამ ხმელ ხესა  
ბევრჯელაც დაასველებსა,  
მაგრამ ის იგრევე ხმელი ჰდგას,  
ვეღარა გაანედლებსა.  
ნუ მოჰკვდეს ერთხელ, თორემ გულს  
ვეღარ-რა გაამთელებსა!  
მზემ რომ ჩავიდა, ნათელიც  
ღღისი თან გაიყოლია,  
ორ-სამ წლის შემდეგ ილალომ



მამაც იქ გაიყოლია.  
დარო იქ დარჩა ქმრეულთასს...  
ის ვერ-ვინ აიყოლია.  
ჩვენ ვიტყვით, მამაკაცები:  
„ქალებს რა შეუძლიაო?“  
მაგრამ ოჯახი სიკვდილმდე  
დაროს არ მოუშლიაო,  
რაც უფრო უკეთესადა  
საქმე არ მოუწყვიაო.  
პატარა გოგო-ბიჭების  
სწავლებაც დაუწყვიაო,  
და ერთი ობოლი ბალდი  
შვილადაც გაუზრდიაო,  
უქორწინებავ და თავის  
მემკვიდრედ გაუზრდიაო.  
მერე რა გულმოდგენითა  
მიჰდევს ღმრთის მსახურებასა,  
და რა საზეო კრძალვითა  
ლოცვას და მარხულობასა!  
თანც მამა-შვილის საფლავზედ  
თლილი დაუწყვავ ლოდები,  
ვინ იცის, რამდენჯელ უთქომს  
მათზედ მხურვალე ლოცვები!  
ვინ იცის, რამდენს ღამესა  
დარდით არ უძინიაო?  
ვინ იცის, მწარე გულითა  
რამდენჯერ უტირნიაო?  
დღეს ხომა მისი საფლავი  
არის მამა-შვილთ გვერდითა,  
საყდრის ეზოში, საესავეს  
ქრისტე-მაცხოვრის ფეხთითა,  
და, რაც მიცვლილა, დროებაც  
დიდი გასულა მასქითა.  
მაგრამ იმ სოფლის მცხოვრებნი  
არ ივიწყებენ დაროსა,  
აახსენებენ, როგორც ხატს  
სალოცავს, სამუდაროსა,

გიამბობენცა მასზედ ბევრს  
საკვირველს, სამწუხაროსა.  
იტყვიან, „აღდგომა ღამეს  
სანამ ვინ წამოჰდგებო,  
ეხლაც ილალოს საფლავზედ  
სანთელი აენთებო,  
სპეტაკ ტანსაცმლით მოსილი  
დარიკო გამოჰჩნდებო.  
ხელში წითელი კვერცხითა  
მეტანიასა შვრებო.  
„ქრისტე აღჰდგაო“, ულოცავს,  
თან კვერცხსაც შეუგორებსო,  
ქვევიდამ: „ჰეშმარიტადა!  
ილალო გააგონებსო“.

### XIII

ჩვენ, ქართლოსიანთ შიგა-შიგ  
მთა-ბარად, სოფელ-სოფლადა,  
ბევრი გვყოლია გმირები,  
მოავის დასამხოზლადა.  
თუმც მათიანე, წერილი  
არ გვაქვს მათს შესამკობლადა,  
მაგრამ იმათი სახელი  
ხალხის ხსოვნაში შთენილა,  
და მათ სურათი ბევრს ლექსს და  
ამბებში გამოჩენილა.  
ხშირად, რა შარა გზაზედა  
ურემი გაჰქიჰინდება, —  
მოაგონდება მეურმეს,  
კოფოზედ აღიღინდება.  
ან უსინათლო აშუღი  
თარზე ჩამოჰკრავს სიმებსა,  
და გამოიწვევს ბნელიდამ  
განსვენებულთა ჩრდილებსა.  
გლეხი შინ, მწყემსი გარესა

მხარში ცეცხლს დააგუგუნებს.  
და ვახშმათ უკან იმათზე  
ფანდურზედ დააღულუნებს,  
ილალოს ნაომრისთვისაც  
მის ველი დაურქმევიათ,  
და ზედ ტკეცილი საურმე  
შარა გზა გაულევიათ.  
დაჩარდახულის ურმებით  
დღესაცა ჰნახავთ თავადა,  
რა მიდიოდეს ქვეყანა  
ჯვარობას სალოცავადა, —  
ამ ადგილს შეისვენებენ,  
ხარ-კამეჩს უღლებს აპხსნიან,  
ჩეროში გადახდებიან,  
მწვანეზედ სუფრას გაჰშლიან.  
იპყრობენ ხელში ჭიქასა,  
კულას და აზარფეშასა,  
და ალტაცებით გადაჰკვრენ  
ილალოს შესანდობარსა!  
საუზმის უკან გარმონი  
და ნეშტვი აწკრიალდება,  
თან დიპლიპიტო დაჰყვება,  
დაირა აერიალდება,  
და ზედ ყმაწვილი ქალ-ვაჟი,  
ქარივით დაჰტრიალდება.

**მესამე ტომში შესული პოემები იბეჭდება შემდეგი  
გამოცემების მიხედვით**

რაფიელ ერისთავი — ლექსები და პოემები. თბ., „ნაკადული“, 1974 წ.

ილია ჭავჭავაძე — თხზულებანი ორ ტომად, ტ. I, თბ., „საბჭოთა საქართველო“, 1977 წ.

აკაკი წერეთელი — თხზულებანი, თბ., „საბჭოთა საქართველო“, 1980 წ.  
(„მსოფლიო ლიტერატურის ბიბლიოთეკა“).

ვაჟა-ფშაველა — თხზულებანი ათ ტომად, ტ. III, IV, თბ., „საბჭოთა საქართველო“, 1964 წ.

ბაჩანა — ლექსები. პოემები. თბ., „ფედერაცია“, 1938 წ.

## ს ა რ ჩ ე ვ ი

|  |     |
|--|-----|
| რ ა ფ ი ე ლ ე რ ი ს თ ა ე ი                      |     |
| ასპინძის ომი                                     | 5   |
| ი ლ ი ა ქ ა ვ ქ ა ვ ა ძ ე                        |     |
| აჩრდილი  | 19  |
| ქართლის დედა                                     | 37  |
| რამდენიმე სურათი ანუ ეპიზოდი ყაჩაღის ცხოვრებიდან | 45  |
| მეფე დიმიტრი თავდადებული                         | 63  |
| განდეგილი  | 88  |
| ა კ ა კ ი წ ე რ ე თ ე ლ ი                        |     |
| თორნიკე ერისთავი                                 | 107 |
| ორი ქართველი                                     | 167 |
| ნათელა   | 182 |
| გამზრდელი  | 220 |
| პატარა კახი                                      | 235 |
| ვ ა ე ა - ფ შ ა ვ ე ლ ა                          |     |
| გიგლია   | 317 |
| გოგოთურ და აფშინა                                | 329 |
| ალუდა ქეთელაური                                  | 342 |
| ბახტრიონი  | 359 |
| სტუმარ-მასპინძელი                                | 404 |
| სისხლის ძიება                                    | 436 |
| გველის მკამელი                                   | 470 |
| ძალლიკა ხიმკიკაური                               | 506 |
| ბ ა ჩ ა ნ ა                                      |     |
| თალღაურა   | 517 |
| საფრთხე  | 544 |

ГРУЗИНСКАЯ ПОЭМА

Книга III

(На грузинском языке)

Издательство «Сабчота Сакартвелო»

Тбилиси, Марджანიшвили, 5

1986

რედაქტორი ზ. აბესაძე  
მხატვარი ქ. ყავლაშვილი  
მხატვრული რედაქტორი დ. დუნდუა  
ტექნიკური რედაქტორი ლ. ქელიძე  
კორექტორები: ნ. შვედლიშვილი, დ. ცინცაძე  
გამომწვეები მ. წივწივაძე

სბ. 4397

გადაეცა წარმოებას 24.07.85. ხელმოწერილია დასაბეჭდად 5/III-86 წ. საბეჭდო ქაღალდი № 1. 60×84<sup>1</sup>/<sub>16</sub>. გარნიტური ეენა. ბეჭდვის ხერხი მაღალი. პირობითი ნაბეჭდი თაბახი 34,41. პირ. სალ. გატ. 34.41. სააღრ.-საგამომც. თაბახი 27,11. ტირაჟი 20.000. შეკვ. № 2139.  
ფასი 2 მან. 70 კაპ.

გამომცემლობა „საბჭოთა საქართველო“  
თბილისი, მარჯანიშვილის 5.

საქართველოს სსრ გამომცემლობათა, პოლიგრაფიისა და წიგნით ვაჭრობის საქმეთა სახელმწიფო კომიტეტის თბილისის ი. ჯავახიშვილის სახ. წიგნის ფაბრიკა, მეგობრობის გამზირი № 7.

Тбилисская книжная фабрика им. И. Чавчавадзе Государственного комитета Грузинской ССР по делам издательства, полиграфии и книжной торговли, пр. Дружбы № 7.